

Ф-77



Гюстав Гюобер
БОВАРИ ХОНИМ

I

Биз дарс тайёрлаб ўтирганимиада, эгнига хонаки кийим кийган «янги талаба» билан каттакон партасынан орқалаб олган хизматчини бошлаб директор кириб келди. Баъзи бирларимиз мудраб ўтирадик, лекин шу ондаёқ ҳаммамииз бирдан ўзимиэга келдик ва сапчиб ўрнимиздан турдик.

Директор ўтиринглар, деб ишора қилди, кейин синф раҳбарига муружаат қилиб, босиқ товуш билан:

— Роже жаноблари! Сизга янги талаба олиб келдим. У бешинчи синфда ўқий бошлайди. Бордю у яхши ўқиб, ўзини кўрсатса, уни «катталар» синfigа кўчирамиз, ёш жиҳатдан у ўша ерда бўлиши лозим,— деди.

Янги талаба бурчакда, эшик орқасида тургани учун биз, ўн беш ёшлар чамасидаги, ҳаммамииздан новча қишлоқи болани зўр-базўр кўриб турадик. Унинг сочи қишлоқ руҳонийсиникидек тўгарак қилиб олинган, қаттиқ ийманаётганига қарамай одоб сақлаб туради. Узи унчалик бақувват кўринмаса-да, қора тугма қадалган яшил мовут курткасининг қўлтиқлари сиқиб тургандек туюлар, қўлқопга ўрганимаган қип-қизил қўллари ўмизларидан анчагина чиқиб туради. Упим подтяжкасини қаддан ташқари кўтариб боғлаганидан жигар ранг шимининг почасидан кўк пайноғи шундоққина кўриниб туради. Михланган ботинкаси қўпол, яхши тозаланмаган эди.

Дарсларни сўрай бошлишди. Янги талаба гўё черковда кутба эшитаётгандек нафасини чиқармай қулоқ солар, оёгини чалиштиришга ҳам, тирсагини партага қўйиншга ҳам қўрқарди, соат иккига бориб, қўнғироқ чалинганде эса, синф раҳбари уни чақиришга мажбур бўлди, бўлмаса сафга ҳам турмас эди.

Синфга кира туриб биз доим қўлларимизни дар-

ҳол бўшатгимиз келарди ва одатда фуражкаларни остоидан турибоқ полга ёки курси тагига улоқтирганда, фуражжаларимиз деворга тегиб, кўпроқ чанг тўзиши шарт әди, чанг қанча кўп чиқса, шунча гаштли бўларди.

Янги талаба бизнинг қилиқларимизга ё унча эътибор бермади, ёки бизга қўшилишга журъат этмади, ҳар қалай ибодат тамом бўлганда ҳам у фуражкасини тиззасига қўйиб ўтираверди. Унинг фуражкаси кўринишдан гайри табиий әди, бу — айик терисидан қилинган тумоққа ҳам, соябони унча кенг бўлмаган шляпага ҳам, сувсар телпакка ҳам, юнг қалпоқчага ҳам ўхшаб жетарди, хуллас, у шундай беўхшов бош кийими әдики, унинг олдида овсар одамнинг башараси ҳам иш эшолмасди. Кит мўйловига тортилган бу тухумсимон бош кийимининг остига кўндаланг қилиб учта пилта урилган, устида қизил гардиш, унинг тепасида жимжима гул тикилган қопсимон кўп бурчакли картон кўтарилиб турар, шу картондан ингичка заропук осилиб тушган әди. Фуражка янгигина, соябони ялтиради.

— Туринг,— деди унга ўқитувчи.

У турди, фуражкаси тушиб кетди. Бутун синф хаҳолаб кулиб юборди. У энганиб, фуражкасини ердан олди. Ҳамсояси тирсаги билан туртиб тушириб юборди, яна энганишга тўгри келди.

— Соябон аравангизни ўз ҳолига қўйинг!— деди кесатишга уста ўқитувчи.

Ўқувчиларнинг гулдурос кулгилари бола бечорани довдиратиб қўйди. У фуражкасини қўлида ушлаб туришни ҳам, ерга ташлашни ҳам, бошига кийишни ҳам билмасди, у ўтириди ва уни тиззасига қўйди.

— Туринг,— деди яна унга ўқитувчи,— айтинг-чи, фамилиянигиз нима?

Янги талаба тутилиб, нимадир деб ғудранди.

— Бошқатдан айтинг!

Жавобан синфдаги шовқин ичидан яна ўша ноаниқ ғудраниш әшитилди.

— Қаттиқроқ!— бақирди ўқитувчи,— қаттиқроқ!

Янги талаба ичидан: «Қаттиқроқ бўлса қаттиқроқда» деб ўйлади шекилли, оғзини катта очиб, худди бирорни чақираётгандек, бор кучи билан:

— Шарбовари!— деб юборди.

Шунда чунонам кулги кўтарилдники, шовқин-сурон-

дан қулоқлар қоматга келаёзди, бутун синф хаолаб кулар, ер тепиниб: «Шарбовари! Шарбовари!» — дея такрорларди. Бир оздан кейин шовқин пасайди. Лекин узоқ вақтгача тинмади. Туриб-туриб, парталар орасида — у ер-бу ерда «шайтони зўр» ўқувчилар ҳамон қиқирлаб кулишарди.

Дўқ-пўписалар дўлдек ёғилавергач, аста-секин тартиб тикланди, ўқитувчи янги талабага исм-фамилиясини аниқ қилиб ёзишга ва ҳижжалаб такрорлашга буюрди ва ниҳоят «Шарль Бовари» лиги унга маълум бўлди. Кейин бечора болани минбарнинг ёнгинасидаги «ялқовлар» партасига ўтиб ўтиришга буюрди. Янги талаба бир қадам босди-ю, яна эсанкираб тўхтади.

— Нимани қидиряпсиз? — сўради ўқитувчи.

— Фур... — атрофга аланглаб, қўрқа-писа гапирди у.

Синфда яна қаттиқ кулги кўтарилди.

— Бутун синфга жазо бераман!

Бу Quos ego¹ га ўхшаган даҳшатли хитобдан қайтадан кўтарилиб келаётган шовқин босилди.

— Қўясизларми-йўқми? — яна бир бор дўқ урди қаҳрланган ўқитувчи ва қалпоқчаси тагидаги дастрўмолини олиб, пешанасидаги терини артди, — Сиз бўлсангиз, янги талаба, менга *ridiculus sum*² сўзини дафтaringизга йигирма марта турлаб ёзиб беринг! — деди. Кейин хиёл жаҳлдан тушиб, қўшиб қўйди: — Фурражкангиз топилади! Ҳеч ким ўғирлагани йўқ уни.

Ниҳоят, ҳамма тинчланди. Кўзлар қайтадан дафтарларга тикилди ва қолган икки соат давомида янги талаба гарчи ҳар замон-ҳар замонда чайналиб, перонинг учига тиқиб отилган қофоз унинг юзига урилиб турса ҳамки, одоб сақлаб ўтирарди. У қўли билан юзини артар, лекин ўтиришини ўзгартирмас, ҳатто дафтиридан кўзини узмасди ҳам.

Кечқурун дарс тайёрлаш олдидан у ўқув қуролларини олдига ёйиб қўйди, қунт билан қоғозини чизиқлаб чиқди. Биз унинг дам-бадам луғатга қараб қўйиб, астойдил дарс тайёрлаётганини кўрдик. Сарф-наҳвни у тузуккина биларди, лекин жумлалари ғализорқ чи-

¹ •Ха, сеними!» (лотинча) — Вергилийнинг «Энеида» поэмасининг биринчи қўшиғида денгиз худоси Нептун қутурган шамолга қаратса шундай хитоб қиласди.

² Мен кулгилиман (лотинча).

қарди, синфдан синфга ўтишига сабаб кўпроқ унинг тиришқоқлиги бўлса керак.

Унинг ота-онаси тежамкор одамлар бўлишган, уни мактабга беришга ҳам шошилишмаган, лотин тили асосларидан унга қишлоқ руҳонийси дарс берган.

Унинг отаси, истеъфога чиққан рота фельдшери, жаноб Шарль Дени-Бартолома Бовари бошига 1812 йили аскарликка олиш билан боғлиқ бўлган хунук бир иш тушди. Шу туфайли хизматдан бўшаб кетишга тўғри келди. Лекин ўзининг шахсий фазилатлари туфайли олтмиш минг франкли сепни осонгина қўлга кирита олди, шляпа магазинининг әгаси фельдшернинг ташқи кўринишига учган қизи учун шунча пул берган эди. Олифта, гапдон, шпорларини усталик билан жаранглатадиган, учини жингалак қилиб буриб қўядиган мўйлов ўстирган, бармоқлари тўла узук, кўзга яққол ташланадиган кийимларни яхши кўрадиган фельдшер Бовари азамат йигитлардек кишиларда яхши таассурот қолдира ва ўзини коммивояжерларга хос дадиллик билан эркин тутарди. У уйлангандан кейин икки-уч йил мобайнида сеп авазига келган пулларни аямай сарф қилди: у овқатнинг сарасини ер, кеч уйгонар, қимматбаҳо тамаки чекарди. Худонинг берган куни театрга борар ва қаҳвахоналарга қатнаб тураган эди. Қайнатасидан кўп нарса қолмади, бундан хуноби ошган жаноб Бовари фабрика очди. Бироқ синди, кейин ишларини тўғрилаб олиш мақсадида қишлоққа жўнаб қолди. Лекин қишлоқ ишларига фаҳм-фаросати унча етмади: отлар билан ер ҳайдаш ўрнига уларни миниб ялло қилиб юрди, олма виносини бочкалаб сотиш ўрнига уларни шишалаб ичди, паррандаларнинг сархишини ўзи сўйиб еди. Овга чиққанда киядиган этигини чўчқа ёғи билан мойлади ва кўп ўтмасдан, хўжаликка донр ҳар қанақа режаларни йигиштириб қўйиш керак, деган холосага келди.

Ко ва Пикардия чегарасида жойлашган бир қишлоқдан йилига икки юз франкдан тўлаш шарти билан ферма ҳам эмас, помешчик қўрасига ҳам ўхшамаган бир бинони ижарага олди, кейин табиати тирриқ бўлиб, кечки пушаймонларга тўлиб, худодан нолиб, ҳасадгўй бўлиб қолди. Ўзининг айтишича, ҳамма одамлардан ҳафсаласи пир бўлиб, қирқ беш ёшидаёқ бу дунё ишларидан қўл юниб, «тарки дунё» қилди.

Қачонлардир хотини уни жон-дилидан ортиқ севарди. Хотинининг муҳаббати ортиб борган сайни эрининг ундан кўнгли совиб бораради. Ешлигида хушчақчақ, одамшаванда, ҳаммага аралашиб кетаверадиган аёл қариган сари худди туравериб, айниган вино сингари мижгов, серзарда, ҳеч кимни ёқтирмайдиган одамови бўлиб қолди. Эри қишлоқ қизларининг орқасидан илашиб, ишратхоналарда тентираб, уйга итдай ҳориб-чарчаб, ярим кечаларда маст ҳолда келган кунлари ҳам қанча куйиб-ёнса-да, аввалига сир бой бермади. Кейин унда иззат-нафс уйғонди. Дами ичига тушиб, аламларини қаттиқ ироди тоши остига кўмди ва ўла-ўлгунча шундайлигича қолди. Унинг ҳамиша иши бошидан ошиб ётарди. У адвокатларга, судьяларга қатнарди, векселларнинг муддатларини ёддан билар, муддати ўтганиларни узайтиради. Уйда бўлса дазмол уриш, бишиш-тикиш, кир ювиш каби ишларни бажарар, хизматкорлар ишини кузатар, счёtlар бўйича пул тўларди. Бегам эрни бўлса ҳамиша уйқу босар, уйқу аралаш пўнғиллар, гоҳ-гоҳ хотинига аччиқ-аччиқ гапириш учунгина ўзига келарди, каминъ олдида ўтириб олиб, тамаки чекар ва кулга туфларди.

Бола тугилгач, уни энагага беришга тўғри келди. Кейин болакайнин уйга олиб келишиб, худди валиаҳд шаҳзодани йўлдан уришгандек унинг тарбиясини ҳам буза бошлишди. Онаси унга сучук таомлар берса, отаси яланг оёқ юришга буюарди ва ҳатто ўзинча файласуфлик қилиб, өдам боласи ҳам ҳайвонларга ўхшаб қипяланғоч юрса бўлади, деб хулоса чиқаради. Онасининг интилишларига қарама-қарши у ўз олдига «баҳодирона болалик» деган олий мақсад қўйди ва шу олий мақсадга муносиб ўғил ўстиришга ҳаракат қилди. У ўзинча, болани қанчалик қаттиқ-қўллик билан қаноатли қилиб ўстирсанг, у шунинча соглом бўлади, деб ҳисобларди. У ўғлини совуқ уйда ухлашга, ромни қултумлаб ютишга, диний маросимларни менсимасликка ўргатарди. Лекин табиатан ювош бўлган болага буларнинг ҳеч бири таъсир этмади.

Онаси уни ўзи билан ҳар ёқларга олиб борар, бўёқли китобларнинг суратини кесиб берар, чўпчаклар, қайғу-шодликлар, меҳрибонлик ва ҳасрат билан тўлиб-тошган узундан-узоқ монологлар айтиб берарди. Руҳий таиқоликдан толиққан, иззат-нафси қондирилмаган,

алданган она бутун мұхаббатини болага бахш этмоқчи бүларди. У ўғлиниң катта амалдор бўлишини орзу қилас, чиройли, барваста, ақлли йигит бўлиб темир йўл хизматчиси ёки судья бўлишини кўз олдига келтиради.

У ўғлини ўқишга, ундан ташқари эски фортељянони чалиб туриб, икки-уч романси айтишга ўргатарди. Бироқ Бовари жаноб ўғлиниң ақлий жиҳатдан ўсишига ортиқча аҳамият бермасди. «Булар ҳаммаси беҳуда гаплар!» — дерди у.

Ажабо, ўз фарзандларини давлат мактабига беришга, лавозим ёки савдо ишини сотиб олиб беришга уларниң қурблари етармиди?! «Бахт илмда эмас, кимки олғир бўлса, омад ўшанини!» — дерди жаноб Бовари. Бовари хоним лабларини тишлар, болакай бўлса қишлоқда шаталоқ отиб юргани юрган әди.

Ер ҳайдаш пайтлари далада қарғаларга кесак отиб куни ўтарди унинг. Гоҳ кунлари зовурларда маймунжон терар, қўлида хивич, куркаларни боқарди. Далада пичанларни титкилар, ўрмонда тентирар, ёмғир ёққан пайтларда бўлса, черков йўлагида «чизик» ўйнарди. Улуг айём кунларида черков қўнгироқчисидан рухсат олиб, қўнгироқقا bogланган йўғон арқонга осиларди-да, аргимчоқ учарди, ўзини аллақаерларга учиб кетаётгандек ҳис қилас әди.

Шундай қилиб, бу болакай ёш эман дарахтидек бўй чўзиб кетаверди. Қўллари бақувват, ёноқлари анордек ҳип-қизил әди.

У ўи иккига тўлганда онаси уни ўқишга бериш керак, деб туриб олди. У билан дарс ўтказишни руҳонийдан илтимос қилишди. Лекин бу хилдаги машғулотниң учалик нафи бўлмади, дарс учун ниҳоятда кам вақт ажратиларди, бунинг устига қўшимча дарс бўлмай қоларди. Руҳоний у билан машғулотни попларниң либоси сақланадиган уйчада тикка туриб ўтказарди. Шуни ҳам наридан-бери — чўқинтириш, дағи маросимлари ўртасида ўтказарди. Ёки бўлмаса у диний маросимларга чақирилмагандагина кечки ибодатдан сўнг шогирдига одам юборарди. У талабасини ўз хонасига бошлаб кирап, у ерда иккаласи стол ёнида ўтиришар, шам атрофида бўлса чивиллар ва парвоналар айланишарди. Хона иссиқ, болакай мудрар, сал ўтмай чол ҳам қўлларини қорнига қўйганича оғзини очиб хуррак ота бошларди. Баъзан у бирор бемордан олган назр-

кнёз билан қайта туриб, Шарлнинг далада шұхлик қи-либ юрганини күриб қолса, ёнига чақириб оларди, чорак соат унга насиҳат қиласы, кейин вақтдан фой-даланиб, бирор дараҳт тагига тұғизиб қўйиб, дарслар-ни такрорлашни буюарди. Уларнинг машгулотларига ёмғир ёки бўлмаса ўтган-кетган танишлар халал бери-шарди. Шуни ҳам айтиш керакки, руҳоний ўзининг шогирдидан рози эди ва ҳаттоқи «ўспирии»нинг зеҳни жуда баландлигини айтиб, мақтарди.

Лекин, шу билан қаноатланиши мумкин эмас эди, Бовари хоним ҳамон ўз айтганида қаттиқ туриб олди. Жаноб Бовари хуноб бўларди, тўғриси, бу гаплар ниҳоятда унинг жонига тегиб кетди, охири таслим бўлиб болани ўқитишга розилик берди, шундай қилиб ота-оналар болани биринчи причастиени¹ қабул қилгунча, яъни яна бир йил кутишга қарор қилишди.

Орадан ярим йил ўтди, келаси йил эса ниҳоят, Шарл-ни Руан колледжига беришди. Октябрь охирида, муқад-дас Роман хотирасига багишлиланган кунга тўғри келган ярмарканинг энг қизиган пайтида жаноб Бовари ўзи ўглини у ерга олиб борди.

Энди ичимииздан ҳеч ким Шарлнинг ҳаётини ҳақидағи бирор нарсаны хотирлай олмайди. Шуни айтиш керакки, Шарль вазмин бола эди, танаффус вақтларида ўйнар, ўз вақтида дарсини тайёрлар, дарсга яхши қулоқ солар, ётоқхонада яхши ухлар, ошхонада овқатни ҳам паққос тушираси эди. Унга Гантри кўчасидаги те-мир-терсак дўконининг хўжайини ҳомийлик қиласар, ҳар ойда бир марта, якшанба кунлари дўконни бекит-гандан кейин Шарлни ўқув юртидан олиб кетар, айла-ниб кемаларни томоша қил, деб соҳил бўйига юборарди. Соат еттида бўлса, худди кечки овқат маҳалига қайтариб олиб келиб қўярди. Ҳар пайшанба Шарль ўқишидан кейин онасига қизил сиёҳ билан узундан-узоқ хат ёзарди, уни учта елим қоғоз билан ёпиши-тарди. Кейин ўзининг тарих дарсидан ёзганларини кү-риб чиқар ёки дарс тайёрлайдиган хонада ҳар ерда ётадиган, титиги чиқиб кетган «Анажарсис»² тўплами-

¹ Причастие — христиан динига мансуб болаларни ўнуч ёшга кирганда черковга олиб бориб чўқинтиришади. Уша кунга багишлиб, бош-оёқ янги кийим тиктиришади.

² «Еш Анажарсиснинг Греция бўйлаб саёҳати» — бу француз археологи аббат Ж. Бартеломеининг (1716—1795) романы. Романда

ни ўқишга тутинарди. Танаффус вақтларида илгари қишлоқда яшаган мактаб қоровули билан суҳбатлашарди.

Ўзининг тиришқоқлиги туфайли у бошқалардан қолишмасди, бир куни ҳатто табииётдан аъло баҳо олди. У бизнинг колледжда фақатгина уч йил ўқиди, кейин ота-оналари олиб кетишид, улар Шарлни врачликка ўқитишни исташарди ва бакалавр¹ имтиҳонларини мустақил тайёрлай олишига ишонишарди.

Шарль учун онаси О'де Робек кўчасида истиқомат қилувчи бир бўёқчи танишининг уйидан, бешинчи қаватдаги битта хонани ижарага олди, ўғлининг обиовқати ҳақида ҳам бўёқчи билан келишиб олди, битта стол, иккита стул толтирди, уйидан олча дараҳтидан қилинган эски каравотини олдириб келтирди ва болагинаси совқотиб қолмаслиги учун чўян печкача ва ўтин сотиб олди. Битмас-туганмас ўгит-насиҳатлар ва айниқса, энди унга қараб турадиган одам бўлмаган вактда ўзига эҳтиёт бўлишини тайинлаб, онаси бир ҳафтадан кейин уйига қайтиб кетди.

Шарль, ўтиладиган фанларнинг программаси билан танишиб чиққач, ҳанг-манг бўлиб қолди: анатомия, патология курси, физиология, фармацевтика курси, кимё, тагин ботаника! Булар етмагандек, клиникалар, терапия, буларнинг устига яна гигиена ҳамда тиббиёт асослари! У бу сўзларнинг маъносига тушунмас, улар Шарль учун ичи қоп-қоронғи бўлган фан ибодатхонасининг дарвозасидек кўринарди.

У ҳеч нарса тушунмас, қанчалик диққат билан қулоқ солмасин, маъносини англай олмас эди. Шунга қарамай, у машғулотни давом эттирди. Муқовали дафтарлар сотиб олди, лекцияларга мунтазам қатнади, клиникадаги машғулотнинг бирортасини канда қилмади. У икки кўзи боғлиқ, нима қилаётганини ўзи билмай, қозиқ атрофида ихтиёrsиз айланяётган отга ўхшаб, ўзининг кундалик вазифасини бажаарди.

Ўғлини ортиқча сарф-харажатлардан озод қилиш учун онаси ҳар ҳафта унга почта аравакаши орқали бир бўлак қовурилган бузоқ гўшти юборар эди. Бу,

қадимги Грециянинг турмуши ва жамоат ҳаётидан ҳикоя қилинди. XIX асрда мактаб болаларига ахлоқ ўргатадиган китоб эди.

¹ Бакалавр — энг кичик илмий даражаси.

Шарлнинг оёқлари совуқдан тараша бўлиб касалхонадан қайтиб келганда ейдиган бирдан-бир таоми эди. Нонуштадан сўнг лекцияга югуар, ўликхонага, касалхонага борар, ундан кейин яна шаҳарнинг бир чеккасидаги ўз хонасига қайтарди. Кечқурун хўжайниннида тўяр-тўймас овқатланиб, ўз хонасига кирав ва лангиллаб ёнаётган печкага яқинроқ ўтириб, дарс тайёрлашга тушарди, унинг нам кийимларидан буг чиқарди.

Оромбахш ёз оқшомларида, ҳали куннинг тафти кетмаган кўчалар бўшаб қолган, оқсоч қизлар дарвозалар олдида бекиммачоқ ўйнайдиган пайтларида Шарль деразани очиб, унинг рахига тиралиб ўтиради. Унинг тагида — кўприк остида, қирғоқ панжаралари ёнидан, ҳали сариқ, ҳали гунафша ранг, ҳали ҳаво рангда оқиб турган дарё Руаннинг бу чеккасини кичкина, кўримсиз Венецияга ўхшатарди. Ишчилар чўққайиб ўтириб, унда қўлларини ювишарди. Ойна туйнукларидан гўдайиб чиқиб турган ходачаларда калава иплар қуритиларди. Рўбаруда, томлар тепасида шафақ нуридан яллиғланиб соф, бепоён осмон кўринарди. Шаҳар атрофи жуда ажойиб бўлса керак шу топда! Қора қайинзорлар соя-салқин бўлса керак! Шарль қишилогининг қадрдон ҳидлари билан нафас олиш учун бурун катакларини керади, бироқ у ҳид бу ерга етиб келмасди!

У озиб кетди, бўйи чўзилди, кўзларида мャюслик ифодаси пайдо бўлди, шу туфайли унинг юзи анча чиройли кўринарди.

Аста-секин бебош бўла бошлади. Белгиланган режаларини бузди, булар ҳаммаси ўзидан-ўзи вужудга кела бошлади. Бир кун у клиникага бормади, эртасига лекцияни қолдирди, кейин бекорчиликнинг мазасига тушуниб, дарсларга умуман қатнашмай қўя қолди.

У қовоқхонанинг кунда-шундаси, доминонинг ишқибози бўлиб қолди. Бутун оқшом шундай ерларда ўтириш, қора шашқол билан қора мармар столчани тиқиллатиши ўзича унинг мустақиллигининг ифодасидек туюлди. У гўёки дунёга янгидан келди, хуфя лаззатларни биринчи марта татиб кўрди. Қовоқхонанинг эшик тутқичини ушлаган замониёқроҳатдан бадани жимилашиб кетарди. Авваллари ўзини тийиб юрган тилаклар энди унда қанот қоқди. У улфатлари ичидан ёддан билган қўшиқларини айтадиган, беранже ашуналаридан

завқлакадиган бўлди, пунш¹ пиширишики ўргаиди ва ниҳоят ишқ-муҳаббатининг маъносига тушунди.

Бундай «яхши» тайёрланиш туфайли у имтиҳонлардан йиқилиб шарманда бўлди ва даволовчи номини ололмади. Ўша куни кечқурун уни уйда кутмоқда эдилар. Унинг ҳаётидаги қувончли воқсанни нишонлаш учун тўплангандилар.

Шарль уйига пиёда жўнади ва қишлоққа кираверишда тўхтаб онасини чақиртирди, ҳаммасини унга гапириб берди. Онаси уни кечирди, йиқилишини имтиҳон олувчиларнингadolatsizligidandan деб билди. Ҳаммасини ўзи тўғрилашга ваъда берди, Шарлнинг руҳи енгил тортди. Жаноб Бовари ҳақиқатни фақат беш йилдан кейин билди. Бу вақтга келиб, ҳақ гап анча эскиди ва жаноб Бовари муросага келди қўйди. У аввалиари ҳам ўз арзандасининг «зеҳни пўстак» эканлигини хаёлига ҳам келтирмасди.

Шундай қилиб, Шарль янгидан иш бошлади. Энди ҳеч нарсага алаҳсимасдан имтиҳонга тайёрланди, программада нимаики бўлса, ҳаммасини ёддан ўрганди. Олган баҳолари ҳам тузуккина эди. Нақадар баҳтли эди бу она учун! Уйда шу воқеага бағишлаб зиёфат берилди.

Энди у ўз билганларини қаерда тадбиқ эта олади? Тостда! У ерда биттагина врач бор, у ҳам бўлса қариб қолган эди. Бовари хоним анчадан бери унинг вафотини кутарди, бечора чол нариги дунёга жўнамасданоқ Шарль чолнинг издоши сифатида уйининг рўпарасига кўчиб келди.

Бироқ ўғилни ўстирип, уни врачликка ўқитиш, Тостда у учун иш топиш, булар ҳали етарли эмас, уни уйланитириш лозим эди. Бовари хоним унга қайлиқ топди. Бу, Дъепп суд ижроисининг бева қолган хотини, қирқ бешларга кирган ва лекин йилига бир минг икки юз ливр даромади бор аёл эди.

Дюбюк хоним хунук, қоқсуяк, юзига баҳордаги куртаклардан ҳам кўп ҳуснбузар тошиб кетган, шунга қарамай, унга талабгорлар бор эди. Бовари хоним ўз ниятига етиш учун улардан қутулиши керак эди. У шундай уддабуронлик билан иш битирди, ҳатто ма-

¹ Пунш — шакар ва мева шарбатиник қайнатиб тайёрланадиган спиртлик ичимлик.

ҳаллий руҳенийлар ёними олган бир колбасачининг йўлини тўсиб, келинни илиб кетди.

Шарль: «Уйланиш менга фойда бўлади, ўзимга хон, ўзимга бек бўламан, эркин нафас оламан, топган-тутганимга ўзим эга бўламан!» деб ўйлаган эди. Лекин хотин унинг бошига чиқиб олди. Ҳатто унга одамлар олдида қандай гапириш кераклигини ўргатар, жума кунлари рўза туттирас, фақат ўзининг дири билан кийинишга мажбур қилас, вақтида пул тўламаган bemорларни ўз ҳолига қўймаслик керак, деб тайинларди. У Шарлга келган мактубларни очиб ўқиб, унинг босган қадамини пойлар, кабинетида аёлларни қабул қилса, эшик тирқишидан қулоқ солиб туради.

Эрталаблари шоколад емаса, кўнгли ўрнига туши мас, эридан тўхтовсиз меҳрибончилик талаб қиласди. У уззукун нолир, ҳали асаблари бўшашганидан, ҳали кўкраги оғриганидан, аҳвол-руҳияси ёмонлигидан шикоят қиласди. Оёқ товуши унинг ғазабини қўзгар, эри олдидан сал нари кетса, ёлғизликдан ғиншир, қайтиб киргудек бўлса шу заҳоти: «Ҳа, ўлишимни томоша қилиш учун қайдинг-да», — деб пўнгилларди. Кечқурун Шарль ишдан келган вақтларда у узун, ориқ қўлларини чойшаб тагидан чиқариб, унинг бўйнига ташлар ва уни каравотга, ёнига ўтқазар: мени эсади чиқариб юбординг, бошқасини севасан, баҳтсиз бўлишимни одамлар бекорга олдиндан айтмаган эдилар, деб ҳасрат қила бошларди. Бу иш шу билан тугардики, тузалиб кетиши учун у қанақадир шарбат ва кўпроқ муҳаббат талаб қиласди.

II

Кунлардан бир кун кечаси соат ўн бирларда уларни худди пиллапоянинг олдига келиб тўхтаган от дупури уйғотиб юборди. Хизматчи аёл томдаги дарчани очиб, пастда — кўчада турган одам билан гаплаша бошлиди. У докторга келган экан, хат келтирибди. Настаэи совуқдан титраб, қалтираб зинадан пастга тушди, калитни бураб, эшик лўқидонини бирин-кетин суриб қўйди. Келган одам отдан сакраб тушди-ю хизматчи аёлга әргашиб, тўгри ётоқхонага кирди... Кул ранг, попукли жун шапкаси ичидан латтага ўралган хатни ол-

ди ва таъзим билан Шарлга узатди, у ёстиқча ёнбошлаганича мактубни ўқишига киришди. Настази каравот тепасида шам ушлаб турарди. Хоним эса хижолатдан девор томонга ўгирилиб олди.

Кўк сўргич билан ёпиштирилиб муҳрланган бу мактуб жаноб Боварига ёзилган бўлиб, зудлик билан Берто фермасига етиб келишини, оёғи синиб қолган одамга ёрдам беришини ундан қаттиқ илтимос қилган эдилар. Агар Лонгвиль ва сер-Виктор орқали кетилса, Тост билан Бертонинг ораси роса олти миль келарди. Тун қоронги эди. Кичик Бовари хоним йўлда эри фалокатга йўлиқишидан хавотирланганини айтди. Шунинг учун хат олиб келган отбоқар ҳозироқ кетади, Шарль бўлса уч соатдан сўнг, ой чиқиши билан йўлга чиқади, маънай бола унга пешвоз чиқиб, ферманинг йўлини кўрсатди ва дарвозани очади, деган қарорга келишди.

Соат эрталаб тўртларда Шарль плашига қаттиқ ёқ уралиб, Берто томон йўл олди. У ҳамон ширин уйқу оғушида, отнинг оҳиста йўргалаши эса уни аллаларди. От тўсатдан четига тоголча экиб ташланган зовурлар ёқасида тўхтаганида (одатда ҳайдаладиган ерлар атрофига шундай зовурлар қазилади) Шарль уйғониб кетдида, бир дақиқадан сўнг, дарҳол синган оёқни эслади, синиш ҳақида унга маълум бўлган ҳамма ҳолатларни бирма-бир хотирасидан ўтказарди. Ёмғир тўхтади, тонг ота бошлади, олма дарахтларининг қуруқ шохларида қушлар жимгина қўниб ўтиришар, совуқ тонг шамоли уларнинг патларини тўздиради. Қаерга ҳараманг, ҳамма ёқ теп-текис дала ва узоқда бадқовоқ осмон билан тулашиб кетган улкан кул ранг бўшлиқда фермалар атрофига тўқ гунафша доғ бўлиб яккам-дуккам дарахтларнинг учи кўринарди, холос. Шарль аҳён-аҳёнда кўзини очар, кейин унинг мияси чарчаб, янгидан уйқу босарди-да, шу заҳоти уни қандайдир ғалати ҳушсизлик қамраб оларди, бу чоқ яқингинадаги таассуротлар, хотиралар билан аралашиб кетарди, ўзи иккига бўлиниб қолгандек туюларди: бир вақтнинг ўзида у ҳам студент, ҳам уйланган йигит, ҳозиргина хотинининг қўйнида ётганию, ҳов бир вақтлардагидек жарроҳ бўлимидан ўтиб кетаётгандек туюлиб кетарди. У припаркалар¹нинг қайнок исини шудрингнинг ўткир

¹ Оғриқча қиётиб қўйиладиган дори-дармон.

ҳидидан ажратолмас, унинг қулогига бир вақтнинг ўзида ҳамма bemорларнинг каравоти устидаги симда сиргаладиган парда ҳалқаларининг жиринглаши ва ухлаб ётган хотинининг нафаси әшитилади... Васонвилдан ўта туриб Шарль ариқ бўйидаги ўт устида ўтирган болани кўрди.

— Сиз доктормисиз? — сўради бола.

«Ха» жавобини олгандан сўнг бола ёғоч кавушини қўлига олиб, пилдираганича Шарлнинг олдига тушиб кетди.

Шарль йўл-йўлакай ўзининг йўл бошқарувчиси билан гаплашиб шуларни билиб олди: жаноб Руо бу ердаги маҳаллий фермерларнинг энг бадавлатларидан бири экан. Кечакида кечқурун уни крещениега¹ таклиф қилган қўшнисиникидан қайта туриб, оёғини синдириб қўйибди. Унинг хотини бундан икки йил муқаддам вафот ётган, у билан ҳозир битта-ю битта қизи бирга тураркан ва рўзгор ишларида ўша қизи отасига ёрдам бераркан.

Филдирак излари чуқурлашди. Мана, Бертога ҳам келишди. Бола гов тирқишидан лип этиб кириб, бир дақиқагина кўздан гойиб бўлди. Лекин тезда дарвозани очиб, яна ҳовлиниң бир чеккасида кўринди. От майса ўт устидан юриб кетди. Шарль юзига шоҳ келиб урилмаслиги учун энгашди. Пойлоқчи итлар ўз катаклари олдида занжирларини тортиб қаттиқ ҳуришди. Шарль ҳовлига киргандан оти ҳуркиб кетди.

Ферма ўзининг саранжом-саришталиги билан кўзга яққол ташланарди. Отхонанинг очиқ дарвозаларидан йирик юккаш отлар кўриниб турар, улар янги охурларга солинган пичанларни аста курсиллатиб чайнашарди. Ҳовли атрофи бўйлаб солинган қурилишлар олдида гўнг уйилиб ётар, ундан буг чиқар, гўнг устида юрган куркалар, товуқлар орасида Ко² паррандачиларининг кўрки ва ифтихори бўлмиш беш-олтита товуслар ҳам нималарнидир чўқилашарди. Қўтон узундан-узоқ, ғалла омбори баланд қилиб солинган, деворлари кафтдек теп-текис. Бостирманинг тагида иккита катта арава ва тўртта сўқа, михларда қамчилар, хомутлар, әгар-жабдуқлар илиғлиқ, кўк жун териликлар-

¹ Христианларнинг бут ювиш байрами.

² Ко — Нормандиянинг шимолидаги кенг ясси тог.

нинг усти янчилган пичакларнинг чанги билан қопланған. Иккі томонга бир хил қилиб дараҳт үтқазилған ҳовли тобора нишаблашиб борарди, ҳовуз бўйида гозлар гагалашиб кезишарди.

Жаноб Боварини кутиб олиш учун ҳовли эшиги олдидза уч қатор қўш этак жун кўйлак кийган ёшгина аёл пайдо бўлди ва Шарлни ўт ёқилган иссиқ ошхонага бошлаб кирди. Олов устидаги катта-кичик чўян қозонларда хизматкорлар учун нонушта пишмоқда. Мўрили печка атрофига қуритиш учун ҳўл кийимлар осиб ташланган. Хокандоз, оташкурак ва печка ўтхонасининг оғзи катта-катта, барчаси жило берилган пўлатдек ярқирайди. Токча тўла идиш-оёқ, буларда ўчоқдаги аланганинг шуъласи ва тонг қуёшининг ойнадан тушиб турган дастлабки нури аксланиб порлайди.

Шарль иккинчи қаватга — беморнинг олдига чиқди. У ўрин-кўрпа қилиб ётар ва қора терга ботганди, кечаси кийиб ётадиган қалпоқчасини улоқтириб ташлабди. Бу элликларга борган кичкина, тўлагина, рангпар, кўк кўз, тепакал, қулогида исирғаси бор одам эди. Унинг каравоти ёнидаги стулда катта графинда ароқ, бемор ўзини дадилроқ тутиш учун ароқдан ичиб турарди. Врачни кўриши билан супургидай мулойим бўлиб, сўкинишдан тўхтади — бундан олдин у бетўхтов сўкинмоқда эди, энди аста-аста инграй бошлади.

Унинг оёғи енгилгина синган, аҳволи оғир эмас экан, Шарль бунчалигини хаёлига ҳам келтирмаган эди. Бундай ҳолларда ўзининг ўқитувчилари ўзларини қандай тутишларини кўз олдига келтириб, ҳар хил ҳазиллар, жарроҳларга хос, ярага малҳам бўладиган ширин сўзлар билан беморнинг руҳини кўтара бошлади. Омборхонадан тахтакач олиб келишди. Шарль тахтакачдан биттасини танлаб олди, уни ўртасидан ажратиб, шишанинг синиқ парчаси билан қиртишлади; бу вакт хизматчи аёл bogлаш учун чойшабин бўлак-бўлак қилиб йиртди, мадемуазель Эмма бўлса қуент билан ёстиқча тикди. У анчагача ил-игна турадиган қутичани тополмади, отасининг жаҳли чиқди. Лекин у отасига ҳеч нарса демади. Шошганидан у ҳадеб ҳали у бармогига, ҳали бу бармогига игна санчиб оларди ва бармогини оғзига олиб бориб, қонни сўриб ташларди. Унинг тирноқларининг оқлиги Шарлни ҳайратга солди. Учи ингичкалашиб борган бу ялтироқ тирноқларга Дъепп

фил суюгидан¹ яхшироқ жило берилган ва бодомсимоқ қилиб қирқилган эди. Лекин қўли хунук, унчалик оқ деб бўлмас, бўғимлари қовкираган, бунинг устига букилувчан ерларида товланувчи чизиқлар йўқ, ҳаддан ташқари узун эди. Бироқ унинг кўзлари чинакам чиройли: кишриклари туфайли қора кўринган қуралай кўзлар, одамга тик ва қанақадир самимий жасорат билан боқарди.

Оёқча тахтача боғлаб бўлишгандан сўнг жаноб Руо докторга йўлга чиқишдан олдин «тамадди» қилиб кетишини илтимос қилди.

Шарль залга тушди. Бу ерда, устига төғ әчкилари нинг сурати тикилган чит чодир билан тўсилган катта каравотнинг оёқ томонига столча суриб қўйилган, унинг устида икки кишилик емак асбоблари ва иккита кумуш қадаҷча бор эди. Деразанинг рўбарўсидаги шкафдан гулсафсар ва янги ювилган чойшабларнинг иси гуркираб турарди. Бурчак-бурчакда буғдой солинган қоплар тироғлик, чамаси, улар учта тош пиллапоя билан тушладиган ён томондаги омборга сифмаган бўлса керак. Захлигидан ҳар ер-ҳар ердан кўк бўёқлари кўчиб кетган девордаги михда уйнинг биттаю битта безаги — кўмир билан чизилган Минерванинг бош сурати олтин рамкада осиғлиқ турарди. Унинг тагига эса готик ҳарфлари билан: «Меҳрибон дадажонимга» деб ёзиб қўйилган эди.

Аввал гап бемор ҳақида кетди, кейин об-ҳаво, қишининг совуқ келгани, далаларда кечалари бўрилар изғиб юрганлигидан гаплашишди. Мадемуазель Руо, қишлоқда яшаш мароқли әмаслигидан, айниқса, ҳозир ҳамма рўзгор ишларининг оғирлиги унинг бўйнига тушганидан зорланди. Зал совуққина эди, қизнинг эти жунжиди, шундан унинг лўппи лаблари сал очилар, у гапдан тўхташи билан лабини тишлабтишлаб қўярди.

Унинг бўйни қайтарма оқ ёқасидан чиқиб турарди. Бош суюги тузилишига монанд билинар-билинмас юқорилашган, тўғри очилган фарқининг ингичка чизири унинг соchlарини иккита тим қора бандога ажратиб ту-

¹ Франциянинг шимоли-гарб қисмida жойлашган Дъепп шаҳри фил тиши, ёғоч за шоҳдан ниҳоятда нафис маҳсулотлар шилаб чиқарадиган токарлик корхоналари билан машҳур эди.

рардики, ундан фақат қулогининг учкинаси кўриниб турарди, холос. Шуни ҳам айтиш керакки, икки бандонинг ҳар қайсиси қандайдир бир бутундек, соchlари шунчалик текис тараб қўйилганди, чаккаларида эса жингалак-жингалак бўлиб осилиб турар, орқасида эса катта турмак ҳосил қиласиди, бундай турмакни қишлоқ врачи ҳали умрида кўрмаган эди. Қизнинг ёноқлари қизил. Корсажининг икки тугмаси орасига худди эркакларнидек тошбақа косасидан ясалган кўзойнак тиқиб қўйилганди.

Шарль жўнаш олдидан унинг отаси билан хайрлашиб, залга қайтганида, қиз дераза олдида туриб, боғдаги шамол йиқитган ловия тирговичларига тикиларди.

— Бирор нарса эсингиздан чиқдими? — унга ўгирилиб сўради қиз.

— Ҳа, кечирасиз, қамчиним эсимдан чиқибди, — жавоб берди Шарль.

У каравот, эшик орқаси, стул тагларини қидира бошлади. Қамчин буғдой солинган қоплар орқасида, девор тагида ётган экан. Уни мадемуазель Эмма кўриб қолди. У қоплар орқасига энгашди. Шарль ҳурмат юзасидан қамчинни ундан олдин ўзи олмоқчи бўлди, иккиси бир вақтда энгашди ва бехосдан, Шарлнинг кўкраги унинг олдида энгашиб турган қизнинг белига тегиб кетди. Қиз қаддини ростлади, қип-қизариб кетиб, Шарлга қиё боқиб туриб, қамчинни узатди.

Шарль, гарчи уч кундан кейин келишга ваъда қилгән бўлса-да, эртасига яна Бертоға жўнади, кейин ҳафтада икки мартадан мунтазам равишда келадиган бўлди, ундан ташқари баъзан тасодифан келиб қоладиган ҳам бўлди, бундай вақтларда у боши огиб, билмай келиб қолганини айтарди.

Ваҳоланки, ҳамма иш жойида эди.

Даволаниш врачлик маҳоратининг барча қоидалари бўйича давом этарди. Қирқ олти кундан кейин Руо ота ҳеч кимнинг ёрдамисиз ўз хонасида юра бошлади ва шундан кейин жаноб Боварини жуда ҳам қобилиятли врач, деб мақтай бошладилар. Руо отанинг фикрича, битта Иветода эмас, Руаннинг энг яхши врачлари ҳам уни шунчалик тез даволай олмасдилар.

Шарль бўлса, нимага ҳадеб Бертоға боргиси кела-вериши ҳақида бирор марта ўзига ўзи савол бермади. Башарти, у шу тўғрида мулоҳаза қилиб кўрганда, бал-

ки ўзининг жонкуярлигини тасодифнинг жиддийлиги ёки бўлмаса яхши ҳақ тўлашларидан умидворлиги билан изоҳланган бўларди. Бироқ, ҳақиқатан ҳам шу сабаблар уни фермага судармиди? Фермага қатнаш, унинг зерикарли ҳаётини тўлдирган бошқа вазифалар ичидаги учун бахтли тасодифлардан эмасми? Шу кунларда у эрта уйғонар, отини чоптирас, бутун йўл бўйп уни қамчилар, фермага яқинлашганда отдан сакраб тушарди-да, оёғини ўтга артиб, қўлига қора қўл-қоп кийиб оларди. Унга ҳовлига кириб бориш, елкаси билан дарвозани итариб очиш, девор тепасида хўрзанинг қичқиргани, хизматкорлар югуришиб унга пешвоз чиққанлари, ҳамма-ҳаммаси хуш ёқарди. Отхона ҳам, бостирмалар ҳам ёқарди. Руо отанинг сўрашиб туриб, қўлларини сиқиб «Менинг нажоткорим!» — деб қўйинши ҳам ёқарди унга; ошхонанинг топ-тоза поли устида мадемуазель Эмманинг чарм туфлиси тагига бойлаб олган ёғоч тагчармнинг тақиллаши ҳам унга ёқарди. Баланд туфлида унинг бўйи ҳам баландроқ кўринарди. У Шарлнинг олдига тушиб бораркан ёғоч тагчарм ердан узилиб туфлисининг тагига «так» этиб уриларди.

У ҳар гал Шарлни зинанинг биринчи поясигача кузатар, агар отини келтирмаган бўлсалар, Эмма кетмай турарди. Улар аввал хайрлашиб олишгани учун бу ерда бир оғиз ҳам сўзлашишмасди. Қаттиқ шамол унинг борлигини қучиб олар, гарданидаги итоатсиз жингалак соchlарини ҳилпиллатар, худди байроққа ўхшаб сонлари устида ҳилпираётган фартугининг боричлари билан ўйнашарди.

Ҳаволар исиб, дараҳтларнинг пўстлоги ҳўл бўлиб кетган, томлардан сув томчилаб турган кунларнинг бирида Эмма оstonада бир оз турди. Кейин уйга кириб, соябонини олиб чиқди-да, уни очди. Зангори шойи соябондан қуёш нури сизгиб ўтиб, унинг оппоқ юзларида ўйнади. Соябон тагида туриб, Эмма бу илиқ навозишдан жилмаярди. Таранг тортилган шойига тушаётган томчиларнинг шитири эшитиларди.

Шарль Бертоға эндигина серқатнов бўлиб қолган дастлабки вақтларда кичик Бовари хоним ҳар гал беморнинг соглигини сўраб турарди ва ҳаттоки, киримчиқим дафтаридан битта тоза саҳифа ҳам очганди. Унинг қизи борлигини билиб қолганидан сўнг шошиб

суринтиришга киришди. Маълум бўлдики, мадемуазель Руо урсуликкалар¹ монастирида ўқиган ва ажойиб тарбия кўрган қиз экан. Яъни, у рақсга тушаркан, жуғрофияни биларкан, расм солиш, кашта тикиш ва фортельяно чалишин ҳам биларкан. Йўқ, у ҳаддидан ошляпти!

«Шунинг учун унинг кетаётганда оғзи қулогига етиб юрган экан-да» деб хулоса чиқарди Бовари хоним. «Шунинг учун ёмғирда қолищдан ҳам қўрқмай, жилетка кияркан-да! Вой бу хотин-эй!.. Вой бу хотин-эй!..»

Бовари хоним энди уни ич-ичидан ёмон кўриб қолди. Авваллари у эрини кесатиб әрмак қилди. Шарль бунинг маъносига тушунмади, кейин хотини гап орасида гўёки бехосдан, бир хил бир хил гап ташлаб қўядиган бўлди, жанжалдан қўрқиб Шарль ўзини эшитмаганга солди, бўлмади, охири бориб жанжал чиқа бошлади. Модомики, жаноби Руо тузалиб кетган бўлса, шу вақтгача ҳақини нега тўлашмайди?.. Нега ў Бертога ҳали ҳам қатнайди? Ҳа, у ерда битта жонони бор, у яхши кашта тикади, тиллари бурро, доно қиз. У шунақаларни яхши кўради, унга шаҳар ойимқизлари ёқади-да!

— Руонинг қизи қанақа қилиб ойимқиз бўларкан? — фифони фалакка чиқарди Бовари хонимнинг. — Ойимқиз бўп бўпти! Буваси чўпон бўлган, қанақадир қариндошлари аллаким билан уришиб қолиб, ёқалашмоқчи ҳам бўлиб, судга тушишига сал қолган экан! Намуна керилмаса! Якшанба кунлари ибодатга шойи кўйлакда борармиш, қаранг-а, графиня! Чол шўрликка қийин, уни хонавайрон қилади, тагин ҳам унинг ишини худо ўнглаб, бултур шолғомдан кўп ҳосил олди, бўлмаса боқимондани тўлашга ҳам қурби етмаган бўларди.

Бу гаплар Шарлнинг кўнглига урди ва у Бертога бормай қўя қолди. Узоқ кўз ёшларису, ўпичлардан сўнг Элоиза қаттиқ ҳаяжон ичидаги Шарлнинг қўлига дуолар тўпламини бериб, ортиқ у ёққа бормасликка қасам ичирди. Шундай қилиб, у таслим бўлди, лекин увдаги дадил интилиш ўзининг қулларча ҳатти-ҳаржатига қарши исён кўтарди ва ўзини соддадиллик би-

¹ Урсуликка — монахларнинг ташкилоти (ташкилот унинг ҳомийси муқаддас Урсула номи билан аталган). Бу ерда қизлар католик-художўйлик рухида тарбияланган.

лан алдаб, Эмманни кўришнинг ман қилиниши уни севишга ҳуқуқ беради, деган холосага келди. Бунинг устига бева хотин қоқ суяқ, тиши сўйлоқ, қишин-ёзин кап-калта қора шол рўмол ўраб юрар, унинг учи кураклари орасида осилиб юрарди; қоқ суяқ баданини ғиллофга ўхшаган кўйлаги яшириб туарди, кўйлак шу қадар калта эдики, унинг тагидан кул ранг пайпоги, каттакон ботинкасининг или билан чиллак қилиб борланган тўпиги кўриниб туарди.

Ҳар замон-ҳар замонда Шарлникига онаси келиб туарди, орадан бир неча кун ўтгач, у келинининг нограсига ўйнай бошлади ва улар иккаласи бир бўлиб, худди қўш эговдек уни эговлай бошлашди. Насиҳат ва танбехлар билан унинг миясини ачита бошлашди: «Кўп овқат ейиш бефойда! Ким келса қадаҳ тутиш шартми? Ҳа, у қайсарлигидан жун кўйлак кийишни истамайди!»

Бироқ, кўклам бошида, Дюбюк беваси ўз мол-дунёсини ишониб, бериб қўйган Энгувиль нотариуси конторасида сақланган бор нақд пулларни олиб бадар қочди. Тўғри, Элоизада кемага сарф қилган олти минг франк пулдан ташқари Сен-Франсуа кўчасида битта уй ҳам бор, бироқ, шуни ҳам айтиш керакки, унинг ҳаммани оғзига тушиб довруги кетган, мисли кўрилмаган бойлигининг, баъзи бир мебель ва латта-путталарни мустасно қилганда, бу оиласа ҳеч қанча нафи ҳам тегмади. Бу ишни тубдан текшириб ойдинлаштиришга тўғри келди. Дъеппдаги ҳовли неча мартадан гаровга қўйилган экан, нотариусда ундан қанча пул қолган, бу ҳам ёлгиз худонинг ўзига маълум; кемадан келадиган фойда минг экюдан ортмас экан, хулласи калом, мана бу мулоийим хоним ҳаммани боплаб алдаган экан-да!.. Катта Бовари ғазабдан стулни тош полга уриб синдириди ва хотинига: «Мана бу эгаридан тўқими қиммат қирчангига дучор қилиб ўғлимни ҳалак қилдинг!» — деб ўшиқирди. Улар Тостга жўнашди. Ҳамма гап очилди. Катта шовқин-сурон кўтарилди. Элоиза ҳўнг-ҳўнг йиглаб, эрининг бўйнига осилди, ёнини олишини сўраб ёлворди. Шарль хотинининг ёнини ола бошлаган эди, отонаси хафа бўлишиб жўнаб қолишиди.

Бироқ, қақшатқич зарба берилган эди! Бир ҳафтадан кейин Элоиза ҳовлига кир ёйгани чиқди ва бирдан оғзидан қон келди, эртасига Шарль дераза пардасини

тушириш учун орқасини ўгирувди ҳамки, у: «Эй, худойим-эй!» — деди-ю, оғир бир нафас олиб ҳушидан кетди. Унинг жони узилган эди. Қизиқ!

Дағи маросимидан Шарль тўғри уйига қайтди. Пастда ҳеч ким йўқ эди, у иккинчи қаватга чиқди, ётоқхонага кирди ва каравотнинг оёқ томонида осилиб турган хотинининг кўйлагини кўриб, ёзув столига тирсагини тираганича қайгули хаёлларга берилди, шу ўтирганча кечгача ўтирди. Ҳарқалай, ўша хотин уни севарди-ку.

III

Кунлардан бир кун эрталаб оёғи битиб кетган Руо ота, Шарлга хизмат ҳақини олиб келди, танга пулда етмиш беш франк пул ва яна қўшимча битта курка товуқ келтирди. У Шарль бошига мусибат тушганини биларди, шунинг учун уни қўлидан келганча юпата бошлади.

— Ахир бу мусибат менинг ҳам бошимдан ўтган! — дерди у Шарлнинг елкасига қоқиб. — Мен ҳам бу газини татиб кўрганман! Хотиним бечора вафот этганда, танҳо ўзим далага чиқиб кетардим: бирорта дарахтнинг тагига бориб кўкрагингни захга бериб ётасан, ҳўнграб-ҳўнграб йиғлайсан, худога нола қиласан, дарахтда осиғлиқ кўрсичқон¹га, қорни тўла ғуж-ғуж қурт, ўлик кўрсичқонга ҳавасинг келади. Ҳозир бошқалар хотинчаларини бағрига босиб, маза қилиб ётганини ўйласанг, қорнинг тарс ёрилиб кетай дейди, алам қилгандан жонинг борича ёғоч билан ерни дўшпослайсан, мен шунчалик эс-ҳушимни йўқотиб қўйгандимки, ўшанда томоғимдан ион ушоқ ҳам ўтмай қолганди, ишонасизми, битта қаҳвахона деган сўзининг ўзидан бутун ичак-чавогим ағдарилиб кетай дерди. Шундай қилиб, тонг отди, кеч бўлди, кун ортидан кун ўтди, қиши кетиб, баҳор келди, қарабсизки, ёз ўтиб, куз ҳам келибди, аста-аста умр ўтиб кетаверар экан. Вуни сизга қандай тушунтирсам экан, кетган кетаверар экан-у, юраклардан ҳасрати, доги кетмас экан, доги! Ахир бу тақ-

¹ Францияда овчиларнинг бир одати бор: улар ўлдирилган кўрсичқонни дарахтга осиб қўйишади.

дирнинг буюргани — шундай бўлгандан кейин муйиб-ёнаверишининг, бирор ўлгани учун ўзингга ўлим тиласи ниг нима ҳожати бор! Ғамни орқангизга ташланг, жаноб Бовари, ҳаммаси ўтиб кетади! Бизникига боринг, биласизми, қизим тез-тез сизни йўқлайди, бизни эсидан чиқариб юборди, деб қўяди. Мана, баҳор ҳам яқин, сиз билан қўриқёнада қуён овлаймиз. Булар дардингизни унуттиради.

Шарль унинг маслаҳатларига кирди. У Бертега борди. У ерда ҳамма нарса худди аввалгидек, яъни бундан беш ой муқаддем қандай бўлса, шундай, фақат ноклар гуллаган, Руо ота бўлса согайиб кетибди ва фермада юриб унинг ҳаётига бир қадар жон киргизган эди.

— Модомики, докторнинг бошига шунчалик баҳтсизлик тушган экан, у билан жуда ҳушёр бўлиб муомала қилиш керак,— деб Руо ота, ҳатто шляпасини ҳам ҳовлида ечмаслигини сўради, у билан худди bemor билан гаплашгандек паст овозда гаплашди, ҳаттоки, Шарлга алоҳида енгилроқ таомлар, масалан; крем, пиширилган нок тайёрламабсизлар, деб газабланган ҳам бўлди. У ҳар хил воқеалардан гапириб ўтирди, бир жойда Шарль бехосдан хаҳолаб кулиб юборди ҳам, лекин хотини эсига тушиб, шу заҳоти ҳувогини солиб олди. Кофе ичаётгандага у хотини ҳақида ўйламади ҳам.

У ёлғизликка ўрганган сари хотини тўғрисида кам ўйлайдиган бўлди. Кўп ўтмай у ўзи учун янгилик бўлган эркинликнинг гашти туфайли ёлғизликни таомом унутди.

Энди у истаган вақтида ионушта қилар, овқатланар, ҳеч кимга ҳисоб бермай, хоҳлаган ерига борар, хоҳлаганда қайтиб келар, чарчаган вақтларида каравотда бемалол оёқ-қўлини чўзиб ёта оларди. Хуллас, у ўзини ардоқлар, парвариш қилар, таъзия билдирувчиларга миннатдорчилик билдиради. Хотинининг вафоти ишда ҳам фойда берди: бир ойгача «бечора йигит, унга жуда ҳам оғир» деган гаплар ҳеч кимнинг оғзида тушмади, номи тарқалди, мижозлари кўпайди ва ниҳоят, у истаган вақтида Руоникига бора оладиган бўлди. У нимадандир умидвор, вақти ниҳоятда чорг эди. Ойна олдида туриб, у чекка соқолларини тараган вақтларида, назарида борган сари чиройли бўлиб кетаётганга ўхшарди.

Кунлардан бир кун у фермага соат учларда келди, ҳамма далада эди; у ошхонага кирди, лекин дарча ғашлари берк эди, шунинг учун у ерда Эмма борлигини аввал у пайқамай қолди. Қуёшнинг девор тирқишиларидан тушиб турган шуъласи узун, ингичка чизиқлар ҳосил қилиб ерга тушиб турар, ошхона анжомларининг қирраларида жимжима қилас, шипда лишиллаб турарди. Стол устида, кир стаканинг атрофида пашшалар ўрмалашар, кейин вижиллаб сидр¹нинг юқи қолган стакан тагига чўкишар эди. Мўрининг туйнугидан тушиб турган ёруғда қурум бахмал бўлиб товланар, совуб қолган кул ҳаво ранг тусга кирав эди. Эмма печка билан дераза оралиғида ўтириб олиб нимадир тикарди; бошида ҳеч нарса йўқ, очиқ елкаларида тер томчилари йилтилларди.

Қишлоқ одати бўйича, Эмма Шарлга бирор нарса ичишни таклиф қилди. У «йўқ» демоқчи эди, лекин Эмма қистаб қўймади ва ниҳоят кула-кула ўзи ҳам у билан улфатчилик учун бир рюмка ликор ичмоқчи эканини айтди. Шуни деб у шкафдан бир шиша кюрасо ва иккита рюмка олди, улардан биттасига тўлдириб, иккинчисига жиндай қўйди, чўқишириб уни лабларига олиб борди. Рюмка деярли бўш эди, ичиш учун Эмма ўзини орқага ташлаб, бошини осмонга қаратишга мажбур бўлди, лабларини чўччайтириб, бўйини чўзди, оғзи ҳеч нарса сезмаганидан ҳадеб куларди, кейин икки қатор майда тишлари орасидан тилининг учини чиқариб, рюмканинг тагини ялади, кейин у жойига ўтириб ўз ишида давом этди, у оқ ип пайпоқни тўрлаб ямаётган эди; у бошини қуви солганича жимгина ўтирди, Шарль ҳам бир оғиз гапирмасди. Эшикдан кирган шамолдан ердаги майда-майда супуриндилар у ёқдан-бу ёққа суриларди. Шарль шамол уларни қандай ҳайдаганини кузатиб ўтирас, чакка томирларининг уришини эшитар, яна қаердадир ҳовлининг бир чеккасида тухум қўйиб чиқсан товуқнинг қақиллагани қулогига чалинарди. Эмма вақт-вақти билан ловиллаб кетаётган юзига бармоқларини тегизар ва кейин қўлларини совутиш учун уларни катта камин оташкурагининг темир сопига тегизиб қўярди.

¹ Сидр — олма яккоси.

У кунлар исий бошлагандан кейин боши айланишидан ҳасрат қилди, деңгиз суви бунга ёрдам берармикин, деб сўради, кейин монастиръ ҳақида гапириб берди. Шарль ҳам ўз навбатида ўз колледжи ҳақида ҳикоя қилди, шундай қилиб, сұхбат қизиб кетди. Улар Эмманинг хонасига ўтишди, шкафининг пастки ғаладонида ётган эман япроқларидан ясалган гулчамбарларини кўрсатди. Кейин онасининг қабри ҳақида гапирди, ҳатто ҳар бир ойнинг биринчи жума куни унинг қабрига қўйиш учун гул узадиган гулхонани кўрсатди. Лекин боғбон ҳеч балога арзимайди, булар қанақа хизматкорлиги биргина худога аён! Эмма шаҳарда яшашни орзу қиласди; ҳеч бўлмаса қишида, лекин ёз пайтлари кунлар жуда узаяди, қишлоқда бу пайтларда ҳам жуда зерикарли бўлса керак. У нима ҳақида гапирса, товуши ўшанга қараб ўзгарарди: баъзан баланд кўтарилаар, баъзан паст тушар ёки бирдан жуда ҳам бўшашиб чиқар эди, ўзи ҳақида гапирганда овози аста-секин пастлашиб, деярли шивирлашга айланарди, шу билан бирга юзи шодликдан ёришиб кетар ва у ўзининг қуралай кўзларини катта қилиб очар ёки бирдан хаёли узоқларга қочар ва у ярим ёпиқ қовоқлари остида руҳсиз боқарди.

Кечқурун Шарль уйга кетаётганида йўл-йўлакай унинг гапларини бирма-бир хотирасида гавдалантирар, худди қандай айтилган бўлса шундайлигича эслашга уринарди. У Шарль билан таниш бўлмасдан олдин қандай яшаганини бутун вужуди билан яққол тасаввур этиш учун ҳар бир жумланинг магзини чақмоқчи бўлди.. Бироқ хаёлан уни биринчи марта кўрган шаклда ёки ҳозир қандай қолдирган бўлса, шундайлигича кўз олдига келтирарди, холос. Кейин у ўз-ўзига савол берарди: у эрга тегса қанақа бўларкан? Кимга тегаркин? Эҳ-ҳе, Руо ота шунчалик бадавлат, у бўлса... шу қадар гўзалки! Лекин шу чоқ унинг тасаввурида яна Эмманинг сиймоси гавдаланаарди ва қулоқлари остида: «Қани энди сен унга уйлансанг! Сен унга уйлансанг!» деган гап худди бизбизакдек янграб тураверди. Тунда у мижжа қоқмади, томоғи қақради, сув ичгиси келди, ўрнидан туриб, сув ичди-да, деразани очди: осмон юлдузларга тўла, илиқ шабада эсар, қаердадир итлар ҳуарди. У Берто томонга боқди...

Аслини олганда ҳеч қанақа қалтис иш қилаётганим

йўқ-ку, деган қарорга келиб, қулай пайт келиши билан Эммага уйланишни таклиф қилмоқчи бўлди. Лекин ҳар гал тили танглайига ёпишиб қолар эди.

Руо ота қизини узатиш фикридан холи эмасди, қизи унчалик уддабурон чиқмади. Юрагининг бир чеккасида у қизини оқларди ҳам. У ақлли, идрокли; худо қарғаган, бир умр бири икки бўлмайдиган қишлоқ хўжалик ишлари унга муносиб эмас, деб ҳисобларди. Ҳақиқатни олганда, чол йилдан-йилга бой бўлиш ўрнига, иши тобора орқага кетарди, савдо-сотиқ ишларига ниҳоятда моҳир бўлса ҳам, молини бозорга солишини яхши билса ҳамки, зироат ишларига, фермерлик хўжалигини тебратишга ҳеч қанақа майли йўқ эди. У ўзини унча уринтирмас, ўзининг эҳтиёжларига керак бўлган пулни аямас, овқат, иссиқ жой ва уйқу у учун биринчи ўринда туар эди. У кучли сидрни, сели оқиб турган қовурдоқни, кофега коńяқ қўшиб ичишини яхши кўрарди. У ҳамиша ошхонада, ёлғиз ўзи тамадди қиласар, худди театрдагидек, устига овқат қўйилган столчани у келиши билан олдига суриб қўяр эдилар.

Шундай қилиб, Шарль Эмманни кўргандан қип-қизаруб кетишини сезган Руо ота, демакки, тез кунда у Эмманни сўраттиради, деган хулосага келди-ю, ҳаммасини олдиндан ўйлаб қўйди. Шарлни у «калласи ишлайди», деб ҳисобларди. Албатта Руо ота аввал бунақа куёв ҳақида орзу қилмаганди, лекин бошқа томондан қараганда ҳамманинг фикри бўйича, Шарль бенуқсон, тежаб-тергаб иш қиладиган, ҳамма нарсани биладиган йигит; бунақа одам сеп ҳақида ортиқча савдолашиб ҳам ўтирумайди. Бунинг устига Руо отага яқинда ўз еридан йигирма икки акрни сотишга тўғри келди, бунинг устига у гишт терувчи, сарроҷдан қарздор, ундан кейин тагин узум эзадиган машинанинг лўла ўқини тузатиш керак.

«Совчи қўйса, бераман!» — деди ўзига у.

Худди Михаил¹ куни олдидан Шарль Бертога уч кунга меҳмон бўлиб келди. Учинчи кун ҳам аввалги икки кундек ўтди, унинг кетиши ҳадеб орқага сурила верди. Руо ота Шарлни кузатиб чиқди, улар йўл бўй

¹ Михаил куни — 8 ноябрь.

лаб кетишарди, хайрлашиш вақти яқинлашиб келмоқда, энди гап очиш керак эди. Шарль тўсиқнинг охирига етишлари билан гап бошлашга қарор қилганди, тўсиқдан ўтишлари билан:

— Руо жаноблари, мен сизга бир сўа айтишим керак... — деди. Иккиси ҳам тўхташди. Шарль жим бўлиб қолди.

— Айтаверинг, ўғлим! Мен барибир ҳаммасини биламан! — деди Руо астагина кулиб.

— Отажон!.. Отажон!.. — ғудирлади Шарль.

— Мен жуда хурсандман,— давом этди фермер.— Эҳтимол, қизим ҳам, лекин барибир унинг олдидан ўтиш керак. Хўп, бўлмаса, яхши боринг, мен уйга борай. Борди-ю у «хўп» деса, сиз уйга қайтиб кирманг, эшитяпсизми? Ҳар хил гап-сўзлардан эҳтиёт бўлиш керак, ундан ташқари у Эммани ҳаттиқ ҳаяжонга солиши мумкин. Кутиб қолмаслигинги учун мен сизга ишора қиласман: нариги томондаги деразани катта қилиб очаман, сиз деворга чиқсангиз кўрасиз.

Шарль отни дарахтга боғлаб, сўқмоқ йўлга ўтиб турди. Кутди. Орадан ўттиз минут ўтди, кейин соатига қаради, яна ўн тўққиз минут ўтди. Бирдан нимадир тарақлаб деворга урилди — дераза очилди, зарбдан очилгани учун зулфини анчагача дириллаб турди.

Эртасига эрталаб соат тўққизда Шарль фермада эди. Эмма уни кўриб, қип-қизариб кетди, лекин ҳаяжонини яшириш учун кулишга уринди. Руо ота бўлажак куёвини қучоқлади. Ишнинг моддий томонларидан сўз очишиди, лекин бу тўғрида гаплашиш учун ҳам вақт етарли эди, урф-одат бўйича, уларнинг тўйи Шарлнинг азаси тамом бўлгандан кейингина ўтказишни тақозо қиласди, яъни баҳоргача кутиш керак. Қиши кутиш билан ўтди, мадемуазель Руо сеп тайёрлашга киришди. Сепнинг бир қисми Руанда буютирилди, тунги кўйлаклар, чепчикларни¹ Эмманинг ўзи вақтинча бирордан олган модалар журналининг расмларига қараб тика бошлади. Шарль Бертоға келган пайтларида тўйга тайёргарлик ҳақида муҳокама бошланар, қайси хонага стол ясаш керак, неча хил овқат ва қандай газаклар тайёрлаш ҳақида сухбатлашишарди.

¹ Чепчик — аёлларнинг бом ниёми.

Эмма тун ярмида машъаллар ёруғида никоқ бўлишини истарди, лекин бу машмаша Руо отанинг кўнглига ёқмади. Мана, ниҳоят, тўй ҳам бўлди. Қирқ уч киши тўйга келди, зиёфат ўн олти соат давом этди, эрталаб яна бошланди ва яна бир неча кун давомида меҳмонлар қолган-қутганларни еб тамом қилишди.

IV

Тўйга таклиф қилинганлар эрталабданоқ кела бошлаган әдилар: улар коляскаларда, икки ғилдиракли изавошларда, шарабанларда, усти очиқ қадимий кабриолетларда, чарм соябонли усти берк араваларда келишиди, қўшни қишлоқ ёш-яланглари бўлса, шалдироқ аравада қатор тизилишиб олиб, йиқилиб кетмаслик учун тўсиқларга ёпишиб олишган эди — шу қадар қаттиқ чоптиришиб келишарди улар. Бу ердан ўн миль узоқликдаги Годервили, Норманвили, Канидадан ҳам келишиди. Шарль ҳам, Эмма ҳам қариндош-уругларини чақиришган эди, улар шу чоққача оралари бузилиб юрган ёри биродарлари билан ярашиб олишди, аллақачон борди-келдилари узилиб кетган таниш-билишларгача мактуб йўллашди.

Ўқтин-ўқтин кўча томондан қамчининг вазиллагани ёштилар, шунда дарвозалар ланг очилиб, аравалар ҳовлига киради. Отлар гижинглаб худди зинапоя олдига чопиб келишар, улар тўхтамасданоқ жиловидан ушлашар ва арава бўшарди; меҳмонлар араванинг икки томонидан тушишар, тиззаларини уқалашар, керишишар эди. Аёлларнинг бошларида чепчик, устларида олтин соатнинг занжирлари ялтираб турган шаҳар нусха кўйлаклар, елкаларида уни белларига чиллак қилиб борланган елкапўшлар ёки бўлмаса яғринларида тўғнагич билан қадаб қўйилганидан бўйинларини очиқ қолдирган гулдор рўмёллар. Худди ўз оталарига таассуб қилиб кийинган ва чамаси бу янги костюмда ўзларини ўнғайсиз ҳис этаётган, кўплари биринчи марта этик кийган ўсмиғ йигитлар олдида, уларнинг холаваччасими ёки опасими, ҳар қалай, ўн тўрт-ўн олти ёшли дуркунгин: бир қис қип-қизариб, довдираб турар, унинг устиги

биринчи маврид учун тикирилган ва мана бу маросим туфайли узайтирилган оқ кўйлак, соchlари соч мойидан йилтиллайди, оқ қўлқопини кир қилиб қўйишдан қўрқаётгани кўринниб турарди. Отбоқарлар етишмас, шунинг учун оила бошлиқларининг ўзлари енгларини шимариб, отни аравадан чиқаришарди. Улар ўзларининг жамиятда тутган мавқеларига қаттиқ риоя қилган ҳолда кийинишган — бирлари фракда, бошқалари сюртукларда, учинчилари камаулда, яна баъзи бирлари калта курткаларда эдилар. Буларнинг барчаси ҳамма оила аъзоларининг эъзоз ва эҳтиромига сазовор, фақат бирор тантаналии кунлар муносабати билан жовонлардан олинадиган асл матолардан тикилган кишилик кийимлар эди: меҳмонлар узун, ҳилпираган этакли, тик ёқали, кенг халтасимон чўнтакли сюртуклар, гардиши мис ҳошияли фуражка билан кийиладиган қалин мовут курткалар, орқа белига иккита тугма қадалган, бутумалар бир-бирига яқин бўлгани учун худди иккита кўзни эслатиб турадиган, орқа этаги қоқ иккига бўлинган қисқа пиджаклар кийган эдилар. Баъзи бирлари (булар столнинг оёқ томонида ўтирсалар керак) ҳатто байрамларда кийиладиган, яъни қайтарма ёқаси елкагача келиб, орқа белидаги бурмаси ўстидан гулдор камари паст қилиб боғланган блузкаларда келишган эди.

Крахмалланган кўйлак худди совутдек кўкракларида қаппайиб турарди! Эркаклар ҳозиргина соchlарини текислатганлари туфайли қулоқлари диккайиб турарди, улар соқолларини тақир қилиб қиришган, бугун аzonда туриб, гира-шира қоронғиликда соқол қиргандарнинг бурун остилари кўндалангига тимдаланган, ёноқларида бўлса уч франк танга катталигига шилинган излар пайдо бўлган, йўл шамолида юзлар шўралаб кетган, шу туфайли кериккан кенг юзларини худди бирор пушти ранг мармар билан пардоzлагандек кўринарди.

Ферма билан шаҳар идорасининг оралиги ярим миљдан ошиқ бўлмагани учун ҳамма у ёқса пиёда жўнашди ва ибодатхонада никоҳ ўқилгандан сўнг фермага қайтишиди. Кўкатлар орасидаги сўқмоқ йўлдан кетаётган ранго-ранг, лентасимон ҳамда бир бутун кўринган бу тантанавор юриш тезда чўзилиб кетди, кейин одамлар ўзаро суҳбатларга берилишиб, айrim-айrim

гуруҳларга бўлиниб кетиши. Энг олдинда жимжима-кор ленталар билан безалган гижжагини чалиб гижжакчи кетарди, унинг орқасидан келин-куёв, кейин бир тўда бўлишиб қариндошлар, ёри биродарлар, энг орқада ўт-ўланларни юлиб, шўхлик билан тўс-тўполон қилиб бола-чақалар келишарди.

Эмманинг ҳаддан ташқари узун кўйлаги ерга тегар, вақт-вақти билан у тўхтар, этагини кўтарарди-да, қўл-қопли бармоқлари билан этагига ёпишган тиканларни аста-аста олиб ташларди, Шарль унинг қўлини бўшатиб, кутиб туради. Руо ота цилиндрда ва енги бармоғининг учигача тушган қора фракда, Шарлнинг онаси Бовари хонимни қўлтиқлаб келарди. Мана бу тоифадаги одамлардан нафратлашадиган жаноб Бовари бўлса тўйга оддийгина ҳарбийларча тикилган сюртукда кела-верган, ҳозир ёнида кетаётган оппоққина дехқон қизни сийқаси чиққан хушомадгўйлик билан кулдириб келмоқда. Қиз гоҳ қизариб, гоҳ ерга қараб, нима жавоб қилишини билмасди. Меҳмонлар ўз ишларидан гаплашишар, баъзилари бир-бирларига тегажоғлиқ қилишар, яқинлашиб келаётган вақтичоғликдан чеҳралари, димоглари очилиб кетганди. Музикачи эса ҳамон чалгани чалган эди. Яхшилаб қулоқ солинса, унинг нима ҷалаётганини ажратиб бўларди. Гижжакчи олдинроқ кетиб қолганини пайқаса, нафасини ростлаш учун дарҳол тўхтар, торлар қаттиқ чийиллаши учун камончасини канифол билан ишқалар, кейин пардасини гоҳ баланд, гоҳ пастлаштириб, йўлида давом этар, ва шу одангда оёқ ташлар эди. Узоқдан гижжак овозини эшитган қушлар ҳар томонга париллашиб учыб кетишар эди.

Арава қўядиган узун бостирма тагига столлар қўйиб, дастурхон тузашди: пиширилган тўртта биқми гўшти, олтига товуқ гўштидан майда тўғраб қилинган қовурма, димлаб пиширилган бузоқ гўшти, учта қовурдоқ тортилди, столнинг ўртасида бўлса, димлаб пиширилган, атрофига колбасалар терилган ва қўзиқулоқдан гарнир қилинган, чўчқа боласи қўйилди... Столнинг ҳар бурчагига ароқ қуйилган графинлар терилди. Ширии сидрли шишаларнинг қопқоги атрофидан қуюқ кўпиклар чиқиб туради. Қадақлар аллақачон тўлдириб қуйилган эди. Катта-катта лаганлардаги сариқ крем, стол салгина силкинса, дириллаб кетарди. Унинг

текис юзида келин-куёв исм-фамилияларининг бош ҳарфи майда, жимжимали қилиб ёзилган. Ёнгоқ ҳолва ва тортларни Иветодан чақирилган қандолатчи тайёрлаган эди. У бу томонларга биринчи марта чақирилгани учун ўз ҳунарни кўрсатиб, одамларни қойил қолдирмоқчи бўлганди. У ўз қўли билан шундай торт ясадики, меҳмонлар завқланиб унга оғаринлар ўқишиди. Торт бутун бошли бир иншоотни эслатарди. Унинг пастки қисми — кўк картондан пешайвонли, серустун, тўрт бурчакли қаср, қасрнинг зар қогоз юлдузчалар билан безалган токчаларида гипсдан ишланган кичкина-кичкина ҳайкалчалар турар эди. Иккинчи қавати эса минора шаклида ясалган савой пирогидан иборат бўлиб, унинг атрофи шакар сепилган мевалар, магиз, майиз ва апельсин тилимларидан қилинган паст-паст истеҳкомлар билан ўралганди, энг тепасида қоялар ҳалашиб ётар, оралиғида қиёмдан ясалган кўллар, кўлда ёнгоқ пўчогидан ясалган кемачалар ҳўринарди, майсазор ўргасида кичкина Амур¹ шоколаддан ясалган аргимчоқда тебраниб турарди, аргимчоқ устунларининг тепаси юмалоқ шар ўринига ростакам гулгуничалар билан безалганди.

Зиёфат кечгача чўзилди. Ўтиравериб чарчаган меҳмонлар ҳовлига ёки «пўкақ» ўйнаш учун хирмонхонага чиқишиди, яна жойларига қайтиб келишиди. Зиёфат охиринга бориб кўплар хуррак ота бошлади. Лекин қаҳва тортилганда ҳамма жонланиб, ашулалар айтчишиди, кейин эркаклар ўз кучларини синамоқ учун қадоқ тошларни кўтариб қўришиди, чаққонликларини кўрсатишди, аравани ёлкага кутаришга уриниб қўришиди. Улар ўтирган срларида ҳаёсиз латифалар айтшишар, хўсинларини қўчоқлашарди. Меҳмонлар кечга бориб тарқала бошлашиди, лекин отларга ҳаддан ташқари кўп ем едирганларни туфайли улар аравага кирмас, тепинишар, оёқларини кўтариб иргишлашар, чилвирларни узишарди, ёгаларининг бири сўкинса, иккинчиси хахолаб кўлар эди. Тун бўйи ой ёруғида усти берк аравалар кўча ҷангитиб чопишар, зовурларга ағдарилишар, шағал

¹ А м у р — қадимий рим мифологиясининг таърифияча, сёвги худоси. У қўлида камончаси бўлган қаноатли ўғил бола қиёфасида тасвирланган.

уюмлари устида иргишлиб тепаликлардан пастга гилдираб тушишар, аёллар бўлса арава эшигидан бош чиқариб, тизгинни тортишар эди.

Бертода қолганлар туни бўйи ошхонада ичишди. Болалар тахта курсилар тагида ухлаб қолишиди.

Келни отасидан bemаза ҳазиллардан ўзини холи қилишни штимос қилди. Шунга қарамасдан уларнинг қариндошларидан бири, балиқ сотадиган савдогар (у тўёнага ҳам иккита камбала олиб келган эди) қулф тешигидан сув пуркамоқчи бўлиб турганида Руо ота келиб қолди ва унга куёвининг бәобрў одам эканлигини ва мана бу ярамас қилиқлар унга нисбатан одобензлик-еканини тушунтирмоқчи бўлди. Лекин қариндош унинг гапларига тезда тушуна қолмади. У ўзича Руо отанинг димоги шишиб кетипти, деб ўйлади-ю, бурчакда бир тўда бўлиб ўтирган меҳмонларнинг олдига бориб ўтирди, бу меҳмонларга зиёфат вактида тасодифан тузукроқ овқатлар тегмай қолувди, энди улар аразлашиб, уй эгасининг гийбатини қилишар, ошкор бўлмаса ҳамки, унинг хонавайрон бўлишини тилашарди.

Шарлнинг онаси Бовари хоним бутун кун бўйи чурқ этмай ўтирди. Негаки, келиннинг кийим-боши, тўй зиёфати ҳақида у билан бир оғиз ҳам маслаҳатлашмади! У барвакт кетиб қолди. Унинг эри қолди-ю, Сен-Викторга сигарета учун одам юборди ва эрталабгача чекиб, горг¹ ичиб ўтирди. Бу билан умрида бундай ичимликни кўрмаган улфатларнинг ҳурматига сазовор бўлди.

Аския, ҳазилларга нўноқ Шарль тўйида ҳам ўзини кўрсата олмади. Зиёфат бошланиши биланоқ меҳмонлар томонидан унга қаратса айтилган ҳазил, қочириқлар, тагдор гаплар, серқочириқ табриклар, шамаларга ҳам у боллаб жавоб қайтара билмади.

Лекин эртасига эрталаб у бутунлай бошқа одам бўлиб турди. Гўёки худди у иффатини йўқотгандай эди, лекин ёш қайлиқнинг чехрасидан ҳеч нарсани пайқаб бўлмасди. Ҳаттоқи, энг ашаддий фисқи фасодчи кишилар ҳам тилларини тишлаб қолишиди, Эмма уларнинг

¹ Ароқ ёки ромга шакарли қайноқ сув солиб тайёрлангаж ўткир ичимлик.

ёнидан ўтаётганда, гапнинг тагига етиш учун суқланниб тикилиши. Шарль бўлса сир сақлашга уринмасди ҳам. У Эмманн фахр билан хотиним дер, уни «сенсираб» гапирав, ҳар кимдан хотини унга ёқиши-ёқмаслигини сўрар, олдидан бир қадам жилмас, ҳадеб боқча бошлаб чиқаверар ва меҳмонлар узоқдан Шарль унинг белидан қучиб сайр қилгани, унинг дам-бадам_кўрагига энгалиб корсаж тўрини ғижим қилаётганини кўриб туришарди.

Шундан икки кун кейин ёшлиар Тостга жўнаб кетиши. Шарль bemорларни узоқ ташлаб қўя олмасди, шунинг учун у Бертода ортиқ қололмади. Руота уларга ўз аравасини берди ва Васонвилгача кузатиб борди. Шу ерда у қизини охирги марта ўпди, кейин аравадан тушиб, орқасига қайтди. Юз қадамча юргандан кейин у орқасига қаради, кетаётган араванинг гилдирагидан чиқаётган чангни кўриб оғир хўрснди. У ўтмишни, ўз тўйини, хотинининг биринчи ҳомиладорлигини эслади. Хотинини орқасига мингаштириб олиб, оғлоқ даала бўйлаб от чоптириб кетаётган дамларда у ҳам шод-хуррам эди. Бу ахир рождестводан сал илгарироқ эди-да, шунда қор ёққанди. Ўшанда хотини бир қўлы билан эрини қучиб олган, иккичи қўлида саватчаси бор эди. Ко шаҳрининг нафис тўридан тикилган чепчининг узун учлари шамолда ҳиллпраб, учиб келиб оғзини бекитар эди, у орқасига ўгирилиб, хотинининг чепчинининг зар ҳошияси тагидан кўринниб турган, табасумдан ёришган юзини унинг елкасига маҳкам босиб турганини кўрганди. Ҳар замон-ҳар замонда хотини бармоқларини унинг қўйнига тиқиб иситарди. О, қанча йиллар ўтиб кетди ўшандан бери! Ҳозир ўғли ҳаёт бўлса ўттизга кирап эди! Чол яна орқасига ўгирилиб қаради, лекин арава кўздан гойиб бўлган эди. Шунда унинг қалби әгалари кўчиб кетган ҳовлидек бўм-бўш туюлди. Ичкиликнинг ҳовуридан гаранг бўлган бошида ҳаяжонли хотиралар билан қайгули фикрлар алашиб кетди. Бирдан черковга боргиси келди. Бироқ у ерда кўнгли батарроқ бузилиб кетишидан қўрқиб, тўғри уйига кетди.

Жаноб Бовари ва Бовари хоним Тостга соат олтида етиб келиши. Қўни-қўшнилар докторнинг ёш хотинини кўриш учун деразаларга югуриши.

Оқсоқ кампир ўзининг янги ғекаси билан саломла-

шиб, уни қутлади, овқат тайёр бўлмагани учун узр сўради ва ҳозирча уйни кўздан кечиришга таклиф қилди.

V

Ғиштин уй ўзининг олд томони билан кўчага, тўғрироги, йўлга қараган эди. Эшик орқасидағи қозиқда калта ёқали плаш, кичкина юган ва қора чарм фуражка илиғлиқ туар, бурчакда эса устида лой қотиб кетган икки пой ботинка юмалаб ётарди. Унг томондаги эшикдан залга, яъни овқатланадиган ва кечқурунлари кириб ўтириладиган уйга кириларди. Гулдасталар нақши солинган, ҳошияси ўнгиб кетган оч сариқ гулқогоғ яхши ёпиширилмаган бўз астарда титраб туарди. Деразаларда бир-бирининг устига чиқиб турадиган қизил ҳошияли коленкор пардалар осиглиқ, камининг торгина токчасида эса япалоқ абажурли, кумуш суви юритилган иккита шамдон ўртасида Гиппократининг бори щаклида ишланган соат ялтираб турибди. Даҳлизнинг қарама-қарши томонида Шарлининг кабинетига олиб кирадиган эшик бор эди. Эни олти қадамча келадиган бу ҳужрада бир стол, икки курси ва битта кресло туарди. Ҳали саҳифалари кесилмаган бўлса ҳам қўлдан қўлга ўтавериб, титиги чиқиб кетган том-том медицина энциклопедияси арчадан ясалган китоб жавонининг олтида токласини эгаллаб ётарди. Врач қабулига келган беморлар бу ерда ўтириб, ошхонадан чиққан аччиқ тутун билан нафас олардилар, лекин шуниси ҳам борки, уларнинг йўталган овозлари, ўз касаллари ҳақида бир-бирларига қилган ҳасратлари ошхонадан барака эшитилиб туарди. Кабинетнинг орқасида деразалари ҳовлига, отхонага қараган яна бир — деч ким турмайдиган хона бор эди; бу хона энди ҳам ўтинхона, ҳам ертўла, ҳам омборхона ҳизматини ўтар, у ерда темир-терсак, бўш бочкалар, ишдан чиқиб қолған соҳибкорлик асбоблари ва ўз вақтида нимага ишлатилгани номаъляум бўлган жуда кўл қақир-қуқурлар чанг босиб ётарди.

Унча кенг бўлмаса-да, лекин узунчоқ bog ўрик дарахтлари ҳаторларидан кўринмай кетган икки лой девор билан иҳота қилинган бўлиб, тоголча дарахтлари-ғидан ҳосил бўлган тўсиқча бориб тақаларди, ундая кейин бепоён дала бошланарди. Богнинг ўртасида тош

тагкурсида қора минералдан ясалган қуёш соати қад кўтариб туриди; тўртта қуриган наъматак фойдали экинлар жўягини ҳар томондан ўраб турарди. Бонининг этагида, катта қарагай дарахти остида китоб ўқиб турган руҳонийнинг гипсдан ясалган ҳайкали ўрнатирилган ёди.

Эмма иккинчи қаватга кўтарилди. Биринчи хонада ҳеч қанақа жиҳоз йўқ эди, иккинчисида — эр хотин учун ётоқхона ҳисобланган хонанинг тўрида, қизил чодир тагида, қизил ёғочдан ишланган каравот турар, комоднинг устида чиганоқлар билан безатилган қутича диққатни ўзига жалб этар, дераза олдида турган сёкремтер¹ устига оқ атлас лентга билан боғланган оқ гуллар дастаси графига солиб қўйилган. Бу никоҳ гулдастаси, биринчи хотинининг гулдастаси ёди! Эмма унга галати қараб қўйди. Буни Шарль сезди ва гулдастани чердакка олиб чиқиб қўйди, ёш жувон эса унинг нарсаларини кўзи олдида шу ерга қўйишларини кутиб, креслага ўтирди ва картон қутида ётган ўзининг никоҳ гулдастасини ёслади ва ўзинга: «Борди-ю, мен ҳам вафот этсан, менинг никоҳ гулимнинг ҳоли нима кечаркин?» деб савол берди.

Дастлабки кундан бошлабоқ Эмма янгиликлар кирига бошлади. Шамдонининг абажурини олиб ташлади, хоналарга янги гулқоғозлар ёпиширди, зинапояларни янгидан бўяттирди, боғда қуёш соати атрофига сизайкалар қўйдирди ва ҳаттоки, қандай қилиб фонти ва балиқлар билан ҳовуз қурса бўларжин, деб сурʼиатла бошлади. Ниҳоят, хотинининг извошда юриши: лхши тўрганини пайқаган эр фурсат топиб, икки ўғилли шарабан сотиб олди. Унга янги фонуслар қўйилди; баҳиялаб тикилган чармдан янги қанотлар қўйилгани туфайли у тильбюри²дан қолишмасди.

Хуллас, Шарль берубор баҳтидан лаззатланар эди. Биргаликда ѿвқатланиш, хиёбон бўйлаб қилинган кечки сайрлар, хотинининг сочини тўғрилаб қўйиш учун қилиган ҳаракати, тутичичида осилиб турадиган унинг шляпаси ва аввали унга нотаниш бўлган жуда-жуда кўп майдар нарсалар у учун ҳузур-ҳаловатнинг битмас-

¹ Жавонининг бир тури.

² Тильбюри — бир от қўшиладиган икки гилдиракли очиқ арава.

туганмас манбай әди. Эрталаблар Шарль Эмма билан бир ўринда ётар экан, хотинига тикилар, чепчик бурмалари сал-сал бекитиб турган нафис пушти ёноқларидаги туклар қуёш нурида йилтирганини томоша қиласади. Мана бунингдек яқиндан, айниқса, у уйғона туриб, қовоқларини дам очиб, дам юмганида кўзи аввалгидан ҳам каттароқ кўринарди: сояда қора, ёруғда тўқ зангори, чуқуррогида қуюқ, оқига яқинлашган сари ёришиб борувчи бу кўзлар худди бир муңтазам равишда ўрнаштирилган ранглар қатламидан ҳосил бўлгандек туюларди. Шарлиниг кўзи бу гирдобрлар ичига гарқ бўлар, Шарль у ерда кичрайтирилган аксини, фақат елкаснгача, бошидаги ҳарир рўмолију ёқавайрон кўйлагини кўрарди. Шарль ўрнидан туарди. Эмма деразага бориб, унинг орқасидан кузатиб қолар, дераза раҳидаги яронгул солинган иккита тувакча оралиғига тирсагини қўярди, унинг нафис, кенг тун кўйлаги гавдасига ёпишиб туарди. Шарль кўчага чиққандан кейин оёгини тумбага қўйиб, шпорини қадарди. Эмма тепада гул баргиними ёки хасними чайнаб туриб, у билан гаплашарди. Кейин у хасни Шарль томон пулларди, у қуашдек гўр айланиб, ҳавода анча учиб юрар ва ерга тушмасдан эшик олдида қимир этмай турган қари оқ биянинг паҳмоқ ёлига ёпишарди. Шарль отга мингач, Эммага қўл силкиб бўса юборар, Эмма жавобан бошини иргар, деразани бекитар, Шарль жўнаб кетарди.

Шарль лентасимон чангли катта йўлдан, сўқмоқлардан, әгилган шох-шаббалар тагидан, бошоқлар тиззага уриладиган уватлардан кетаркан, елкасини қиздираётган қуёш ҳароратидан ҳузур қиласади. Сабонинг салқин ҳавосидан нафас олар ва борлиги ўтган туннинг масталаст қилувчи хотиралари қучогига гарқ бўларди. Қалби осойишта, ҳирслари қаноатланганидан у шод, ҳазм бўлаётган лаззатли таомнинг киши оғзида мазаси қолганидек, у ҳамон кечаги роҳатларнинг ҳузурини сурарди.

У авваллари ҳеч қачон бахтиёр бўлганми? Е ўша колледждами? Баланд тўрт девор ичидаги қамалиб, ўзидан бой ва қобилиятлироқ тенгдошлари ичидаги гарби бўлиб юрган кезларидами? Унинг қишлоқча талаффузидан кулиб, жийимларини калака қилишган вақтларидами? Еки уларнинг оналари болаларига ширин-

ликлар келтириб, бунга кўз-кўз қилишганидами? Ёки бўлмаса кейинроқ, шифокорликка ўқиб юрган пайтларидами? Чўнтағида бир мириси ҳам бўлмай, ҳар замонда кўнглига ёқсан бир ишчи қизнинг кўнглини олиб, рақсга таклиф қилиш учун музикантга кадрил буюришга ҳам қурби етмаган кезларидами? Кейин ановий бева билан бир йилу икки ой яшади. У ўринга ётганда оёқлари муздан баттар совуқ бўларди. Мана энди умрининг охиригача жонидан ҳам азиз латофатли аёлнинг ҳузурини суради. Бутун дунё унинг учун Эмманинг ҳарир қўйлаги иҳотасида! Шарль ўзини бемеҳрликда айбларди, уни согинарди. У уйга шошиларди, юраги дук-дук уриб, зинадан чопиб чиқарди. Эмма ўз хонасида пардоз қилиб ўтирган бўларди. Шарль оёғининг учидаги аста-секин бориб, унинг елкасидан ўпарди, у чинқиради.

Унинг тарогига, дуррачасига, узукларига тегмасдан туролмасди, ҳали ёноқларидан сўриб, ҳали бармоқларининг учидан то елкасигача энтикиб ўпиб чиқарди, Эмма бўлса ярим эркалик, ярим жаҳл билан худди ёш бола этагингизга ёпишганда қандай итарсангиз, худди шундай ноз билан уни аста итариб қўярди.

Тўйга қадар Эмма уни севаман деб фараз қиласарди. Бироқ энди бу севгидан вужудга келадиган баҳтдан дарак йўқ эди. Шунда Эмма «хато қилдим» деган хулосага келди. Лекин у ҳамон китобларда унга шу қадар ажойиб туолган «ҳузур-ҳаловат», «ҳирс», «завқ-шавқ» деган сўзларнинг асли маъносига тушунишга ҳаракат қиласарди.

VI

Эмма болалик чорида «Поля ва Виргиний»¹ деган романни ўқиган эди ва кейин анчагача бамбук чайла, негр Доминго, Фидель номли кучук ҳақида узоқ хаёл сурган, лекин ҳаммадан кўпроқ кичкинтой, жажжигина укаси билан ширин дўстлиги ҳақида ўйларди, у ахир бу учун черковнинг мезаналаридан ҳам баланд бўлган катта дарахтлардан мева узиб тушар ёки унинг олдига қўлида қуш уясни билан қум устидан яланг оёқ чопиб келарди.

¹ Француз ёзувчиси Ж. Бернарден де Сен Пьернинг (1737—1814) экзотик табиат қучогида икки ёшининг севгисини ҳикоя қилувчи романи.

Эмма ўн уч ёшга тўлганда отаси уни шаҳарга олиб бориб монастирга берди. Улар Сен-Жерве кварталидаги карвон саройга тушишди. Улар мадемуазель де Лавальер¹нинг ҳаётидан парчалар чизилган тарелкаларда таом келтиришди, пичоқнинг учи тегавериб, ажи-бужи бўлиб кетган бу ғалати ёзувлар диний нафосатни, ҳассосликни ҳамда қирол саройининг дабдабаларини кўкларга кўтарарди.

Дастлабки кунларда Эмма монастирда ҳеч зерикмади. У монах аёллар билан яхши яшади, улар Эмманинг кўнглини кўтариш учун ошхонага узун йўлак воситаси билан қўшиладиган кичик бутхонага олиб борардилар. Танаффус вақтларида у унча шўхлик ҳам қилмасди. Катехизис² дарснини енгил ўзлаштирас ва монахлар пешвосининг қийини саволларига ҳар гал у жавоб берарди.

Синфларининг гулхонадек илиқ қучоги, мис бутлик тасбеҳ доналарини ўгириб юрадиган ранглар аёлларининг парвоналиги билан ардоқланган Эмманни, анови, ибодатхонага хос ҳидларидан, муқаддас сув солингам идишларининг совуқлигидан, шамларининг алангасидан анқиб турадиган әлитувчи сирлар аста-секин сеҳрлаб бормоқда эди.

Ибодат маҳалида у дуо ўқиш ўрнига ўз китобидаги атрофи ҳаво ранг нақшлар билан ҳошияланган диний-ахлоқий мазмундаги суратларни томоша қиласди. Суратлардаги хаста қўзиҷоқ ҳам, камоннинг ўткир ўқи санчиб ўтган Исоий Масихнинг қалби ҳам, бутнинг оғирлигидан қадди букилган бечора Исо ҳам унга ёқарди. Кунлардан бир кун у дин йўлида нафсини қурбон қилиш қобилиятини синаш учун кун бўйи овқат ёмасликка уриниб кўрди. У, қанақа назр берсам экан, деб бош қотирди.

Эмма тавба-тазарруга кета туриб, атайлаб ҳар кий гуноҳларини ўйлаб топарди, бундан мақсад: чёрковда — ярим қоронгиликда тиз чўкиб узоқроқ ўтириш, қўлларини қовуштириб, панжарага юзини қўйганча

¹ Ласальер Франсуаза Луиза де (1664—1710) — француз қишлоғи — Людовик XVI нинг маъшуқаси. Қирол уни ташлаб нетганда Лавальер монастирга кирған.

² Катехизис — христиан диний ақидалар савол-жавоб тарзида қисқача баён этилган китоб.

руҳонийнинг шивирлашини эшитиш эди. Айниқса, хутбаларда тез-тез такрорланиб турадиган қайлиқ, эрхотинлик, самовий маҳбуб, абадий никоҳ ақидаларининг образлари негадир унинг кўнглини юмшатарди.

Одатда оқшомлари, ибодатдан олдиң уларга бирор диний-ахлоқий китоблардан: чунончи, оддий кунларда — қисқа қилиб ёзилган тарихи муқаддасдан парчалар ёки аббат Фрейсинун¹нинг сухбатидан, якшашба кунлари бўлса хилма-хиллик учун христианликнинг руҳи²дан айрим жойларини ўқиб беришарди. Бу дунё ва мангуликнинг ҳамма даъватларига акс садо берувчи ўсмантиқ талқинилар куйини у нақадар завқ билан тизнелар эди! Башарти унинг болалиги бирор шаҳарнинг савдо кварталида, дўкон ёнидаги уйда ўтган бўлсайди, уни табнатдан завқланиш ҳисси қамраб олган бўларди, одатда бундай ҳис китоблардан юқарди. Бироқ, у қишлоқни яхши биларди: подаларнинг маъраши, сут маҳсулотлари, сўқалар — буларнинг ҳаммаси унга жуда ҳам қадрдон, таниш эди! У оддий манзараларга ўрганиб кетган, шунинг учун ҳам уни ҳамма фавқулодда нарсалар ўзига тортарди. Денгиз бўлса пўртанили бўлсин, кўкат бўлса албатта харобалар орасидан ўсиб чиқсан бўлсин. Эмма ортиқ даражада тъсирчан эди, уни табнатни тасвирилашдан кўра, туйгуларни изҳор этиш кўпроқ ҳаяжонлантиради. Ҳар бир ҳодисадан фақат ўзицинг талабларига жавоб берадиган ерини ахтарар, руҳий талабини қондира олмайдиган нимаики бўлса, ҳаммасини кераксиз бир нарсадек итқитишлар эди.

Қариган бир чевар қиз ойда бир марта монастирга келиб, бир ҳафта туриб кетарди. У революция давриде хомевайрон бўлган эски дворянлар авлодидан эди. Шурининг утун архиепископнинг ўзи унга ҳомийлик қўйла ва ү. монах аёллар билан ўтириб бирга овқатланар эди, овқатдан кейин то қўл ҳунар дарси бошлангунча булар билан у ёқдан-бу ёқдан гурунглashingib ўтирас эди. Пансионеркалар³ кўпинча дарсдан қочиб унинг олдига югуришарди. У ўтган асрнинг севги ҳақидаги қўшиқлари

¹ Фрейсинун Дени (1765—1841).— Француз вазъгўйи.

² Християнликнинг руҳи — машҳур француз ёзувчиси. Ф. Шатобрианинг католицизмни маҳтовчи китоби (1768—1848).

³ Пансионда ўқийдиган қизлар.

нинг ҳаммасини еддан биларди ва қатим тортиб ўтириб шулардан айтарди. У ҳар хил воқеалардан гапириб берар, янгиликлар келтирас, истаган топшириқни шаҳарда бажариб келар ва ҳамма ерда фартуғининг чўнтағига солиб, ўзи билан олиб юрадиган романларни юқори синф қизларига яширинча берар, танаффус вақтларида ўзи ҳам бутун-бутун бобларни бош кўтармай ўқиб чиқарди. У китобларда фақат ишқ-муҳаббат ҳақида ёзилган бўларди; ўйнашлар, маъшуқалар, жазманч кўп хотинлар, кимсасиз айвонларда ўзидан кетиб қоладиган жувонлар, ҳар бир бекатда ўлдирилган кучерлар ҳақида ёзилган бўларди. Китобнинг ҳар бир саҳифаси ҳолдан тойиб ўлган отлар, қалин ўрмонлар, юрак дард-ҳасратлари, қасамёдлар, кўз ёшлари, ўпичлар, ой ёруғи тушиб турган енгил қайиқчалар, чакалакзорлардаги булбул наволари, шер каби ботир, қўзичоқдек беозор қаҳрамонлар, бекиёс саҳоватли, беками кўст кийинган, кўз дарё-дарё ёшларга тўлиб-тошган бўларди. Ун беш ёшли Эмма ярим йил давомида қўҳна китобларнинг мана шу чанги билан нафас олди. Кейинроҳ Вальтер Скоттнинг асарлари унда ўтмишга қизиқиш уйғотди, унинг дарди фикри далачиларнинг кулбалари, катта меҳмонхоналар, сайёр хонандалар бўлиб қолди. У қадимий қасрларда яшаш, корсаж кийиб ва дераза токчаларига тирсагини тираб, бошини қўлларига қўйиб, миноранинг тепасидан, улар томон қора тулпор чоптириб келаётган, шляпасига оқ укпар таққан рицарларни кўриб турган ўша замон хонимлари каби ҳаёт кечириши истарди. Ўша пайтларда у Мария Стюартга сажда қиласар ва донги кетган бахти қаро аёлларни қаттиқ севарди. Жанна д'Арк, Элоиза, Агнесса-Сорель, гўзал Ферроньера ва Клеменже Изор¹лар барчаси давларнинг тим қора зулматидан унинг кўзлари олдида худди юлдузлар каби намоён бўлардилар ва яна зулмат

¹ Элоиза — XII асрнинг машҳур диний олими ва файласуф Абеллар севиб қолган ва ўзининг фожиали севгиси ҳақида «Мусибатларимнинг тарихи» китобида ҳикоя этилган қиз. Элоиза — баҳтсиз маъшуқалар учун рамзий исм бўлиб қолди. Сорель Агнесса (1422—1450) — француз қироли Карл VII севгилиси. Ферроньера (1515—1547) — француз қироли Францисканинг ляқаби гўзал бўлган маъшуқаси. Изор Клеменже (1450 йилда туғилган) — Бир аср илгари мода бўлган традицион адабий мушоиралари қайтадан тиклаган аёл.

ичида ҳар ер-ҳар ердан кўзга ташланган ва бир-бири билан ҳеч қанақа ўхшашлиги бўлмаган Людовик — Авлиёning эман дарахти тагида ўтириши, Баярдинг ўлими, Людовик XI нинг ваҳшийлиги, Варфоломей тунидаги воқсалар. Беарнец¹ шляпасидаги жига ва шубҳасиз, Людовик XIV ни мақтаб чизилган расмли тарелкалар унинг хотирасида бир умрга сақланиб қолган эди.

Музика дарсида у фақат олтин қанотли фаришталар ҳақида, мадонналар, кўрфазлар, гондола ҳайдовчилар ҳақида ёзилган романсларни куйларди ва бу бамаъни оҳангি тутуруқсиз беозор нарсалар орасидан қалб дунёсининг гайри оддий манзаралари намоён бўларди. Эмманинг дугоналари монастирга янги йилга ҳадя этилган кипсек²лар олиб келишарди. Уларни яшириб қўйиншга тўғри келар эди, лекин бу унча осон эмасди, чунки уларни фақат ётоқхоналарда ўқишарди. Эмма китобнинг ажойиб атлас муқоваларига қўли тегиши билан шеърлар остида кўрсатилган, унга номаълум бўлган ва кўпинча граф ва виконтлардан иборат авторларнинг исмига завқ билан боқарди. Унинг нафасидан нафис хитой қоғоз эгилиб юқорига кўтарила, кейин яна астагина гравюра устига ёпиларди, шунинг ўзиёқ Эмманинг вужудини титратиб юборар эди. Бу нафис қоғоз гоҳ болохонанинг жимжима панжараси орқасида, ёнида ҳамёнча осилган оқ кўйлакли қизни қучиб турган плашли йигитни бекитар, гоҳ похол шляпаси тагидан катта-катта шаҳло кўзлари билан қараб турган тилла ранг гажакли номаълум инглиз ледилариининг суратларини ниқоблар эди. Мана шу леди-

¹ Людовик IX (1226—1270) — лақаби Авлиё — Франциянинг қироли 7 ва 8-салб юришлари иштирокчиси, ўша даврнинг одатига кўра, Париж яқинидаги Бенсение деган ердаги ўз резиденциясидаги эман дарахти тагида ўтириб суд қиласарди. Баярд Пьер дю Терайль — (1473—1524), ўзининг довюраклиги билан мислсиз рицаръ деб донг чиқарган француз саркардаси, жанг майдонида ҳалок бўлган. Людовик XI (1461—1483) — Франция қироли подшоҳлик ҳукими иустаҳомлаш учун феодаллар билан шафқатсиз кураш олиб борган, ўз душманларини омон бермай қирган. Варфоломей туни француз протестантларининг католиклар томонидан 24 августта ўтар кечаси (1572 йил) уриб ўлдирилган, шуада ўлганларнинг сони 30 мингдан ошиб кетган. Беарнец — француз қироли Генрих IV (1589—1610) нинг лақаби.

² Кипсек — асосан суратлардан иборат бўлган жуда широйли қилиб ишланган китоб ёки альбом.

лардан бири бөг бүйлаб гилдираб кетаётган коляскада ёнбошлаб ётарди, коляскага қўшилган отларни оқ тор тўқима шим кийган иккита ёш бола ҳайдаб борар, олдида този ит сакраб-сакраб кетар эди. Бошқа леди юмшоқ, кенг диванда паришонхотир ястланиб ётар ва ёнига очилган мактубни қўйганича қора пардаси андак туширилган очик деразадан ойга боқарди. Юмшоқ кўнгилли қизлар кўз ёшларини дув-дув тўкиб, готик услубида¹ ясалган қафасларнинг чивиқлари орасидан мусичалар билан ўпишишар ёки бошларини сал қийшайтирган ҳолда лабларида табассум билан худди туфлиларининг учидан ҳам ўткир, қайрилма бармоқлари билан дасторгул баргларици узишар эди. У ерда сиз ҳам бор эдингиз, шийпон бостирмаси тагида қўлларида чилим, раққосалар оғушида ҳушлари оғиб ёнбошлаган сultonлар, гайри динлар, турк қиличлари, фаслар² бор, лекин у саҳифаларда сиз сероб ўрин олгансиз, жанинат бурчакларини тасвир этувчи туси ўчган суратлар. Бу суратларда биз хурмо дарахтини ва унинг ёнида арча дарактларини, ўнгда йўлбарс, чапда шер, узоқда татар минораси, олдинги планда қадимий Рим ҳаробалари, парироқда, ерда чўкиб ётган туяларни кўрамиз. Жекини буларнинг икки томони соф ва ажойиб покиза ўрмон билан ўралган, ёғдулари сув сатҳида кул ранг пўлат парчаларга бўлиниб-бўлиниб кетган улкан қуёшнинг тикка нури билан ёритилган, сув сатҳида эса оқицушларнинг сузиг юрицлари тасвир этилган.

Ётоқхона сукунатида, узоқдан аллақандай бульвардан эшитиладиган кечиккан пролетканинг тақа-туқи остида. Эмманинг хаёлидан бетўхтов лишиллаб ўтаётган ер куррасининг мана бу барча манзараларини, қизининг боғгинасида осилиб турган абажур остидағи чироқнинг нури ёритарди.

Онаси вафот этган кунлари у аввал жуда кўп йирлади, кўз ёши тинмади. Марҳуманинг соч толаси учун мотам рамка буюртириди. Отасига ёзган, ҳаётнинг азбизтиробларидан нолишлар тўлиб-тошган мактубида эса ўлганда унинг ҳам онасининг қабрига кўмишларини

¹ Европада ўрта аср охириларидаги бўлган архитектура услуби.

² Баъзи Яқин Шарқ мамлакатларидаги бош кийими — ҳожи дўйни.

ильтижо қилди. Чол, қизини бетоб бўлиб қолди, деб ўйлаб, унинг ёнига жўнади. Эмма юрагининг бир чеккасида, ҳаётнинг барча шодликларини тарк эта олишдек оғир мақсадга, оддий одамларининг қурби етолмайдиган мақсадга эриша олганидан мамиун эди. Хуллае, у Ламартин¹ тўрига илинди ва унга чилторларининг сўнглари, кўлларда оққушларнинг сайраши, тўкилаётган баргларнинг шитирлаши, кўкларга парвоз этувчи ифратли қизлар, ҳодийда янграган мангулик садоси эштилаётгандай туюларди. Булар ҳаммаси тез кунда унинг кўнглига урди, лекин бунга ўзи иқор бўлгиси келмас, бошда одат бўлиб қолгани учун кейин иззатнафси туфайли қайғуришда давом этди, охири бориб, ўзидан-ўзи овуниб қолганини сезиб, жуда ҳайрон қолди. Юрагидаги аламлардан, пешанасидаги ажинлардан асар ҳам қолмади.

Бошидаёқ унинг лаёқатини шунчалик зийраклик билан пайқаган оқ кўнгил монах аёллар, энди чамаси мадемуазель Руо уларнинг таъсиридан чиқиб кетаётганини англаб, қаттиқ ҳайратга тушган эдилар. Улар Эмманинг ибодатни кандай қилмаслигини қаттиқ таъкиб қилар, дунёдан воз кечмоқ ҳақида тез-тез гап очишиб туришар, дуоларни, ўгитларни аямас, жафо ческан авлиёларни ҳурматлаш кераклигини уқтирадар эдилар. Улар шунчалик кўп доно маслаҳатлар: чунончи, нафси қандай қилиб тийиш, руҳин қандай қилиб қутқармоқ кераклиги ҳақидаги насиҳатларни қулогига қуявериб, уни шу аҳволга солишиди, у худди юганидан ҳадеб тортилаверган отек таққа тўхтади-ю, оғзидан югани чиқиб тушиб кетди. У ўзининг шавқ-завққа тўлган бўлиши билан бирга сермулоҳаза қиз эди. Черковда унга ҳамма нарсадан кўра кўп гуллар, музикада романеларнинг байтлари, китобларда ҳис-ҳаяжонлари ёқарди. Сири-асрорини эса у рад этган эди ва ҳаммадан кўп рашига тегадиган нарса, унинг рӯҳий дунёсига вид бўлган ҳамма нарсаларга кўр-кўрона итоат қилиши эди. Отаси келиб уни пансиондан олиб кетганда, ҳеч кимнинг юраги ачишмади. Ҳатто монастиръ нозираси ҳам кейинги пайтларда Эмманинг монах аёлларга унчалик ҳурмат-эҳтиром қилмаслигини сезиб юрганди.

¹ Ламартин Алфонс де (1790—1869) француз шоири, тарихчи ва давлат арбоби.

Уйига келган кунлар у хизматкорларни зир югуртириди, лекин қишлоқ жуда тез кўнглига урди, монастырдан кетганига ачинди. Шарль биринчи марта Бертога келган кезида Эмма турмушдан бутуилай ҳафсаласи пир бўлганлигини, дунёда ҳамма нарсани билиб, татиб кўрганлигидан ҳаётнинг қизиги қолмаганиligiga чукур ишонган эди.

Бироқ ҳар бир янгиликка ташналик таъсириданми ёки Шарль олдида унинг борлигини асабий ҳаяжон қамраб олганиданми, хуллас, шу чоққача унинг тасаввурнида бекиёс гўзал самонинг ёғдусида қанот қоққан жаинат қушлари каби кўринган ажойиб ҳиссиёт ниҳоят учиб келганига бирдан ишонди қўйди. Мана, энди бўлса мана шу оҳиста кечеётган кунлар орзу қилгани ўша бахт-саодатнинг ўзгинаси эканлигига ўзини ишонтира олмасди.

VII

Баъзан хаёлига, бу кунлар унинг ҳаётида никоҳдан кейинги «асал ойи» деб аталадиган энг ширин кунларку, деган фикр келарди. Лекин уларнинг ширинлитини сезиш учун оҳангдор номли ўлкаларга, тўйдан кейин маст-аласт этувчи, фарогат кечириш мумкин бўлган ўлкаларга кетмоқ керак экан-да!

О, қаъы энди, зангори шойи пардали каретага ўтириб, тогнинг тик бағридан кетсанг, кучернинг қўшигини, эчкиларнинг бўйнига осилган қўнғироқларнинг жаранг-журунгини, шаршааларнинг бўғиқ гулдурослари-ю ва бу овозларнинг төғ бағрига урилиб чиқарган акси садосини эшитсанг! Кун ботиш олдида кўрфаз қирғоқларида ўтириб, лимон дарахтларининг муаттар исларидан нафас олсанг, оқшомлари эса меҳмонхоналарнинг айвонида иккаланг танҳо, қўл ушлашиб юлдузларга тикилсанг, истиқбол ҳақида орзулар қилсанг! Эмма, дунёда шундай ерлар борки, -у ерда бахт мавжуради, деб ўйларди, буни у бир ерда яхши кўкариб, иккинчи ерда шунча парвариш қилсанг ҳам яхши умайдиган ўсимликларга таққос қиларди. Ҳозир Швейцариядаги қанақадир бир уйда, балкон панжааларига суюниб туришини нақадар истарди Эмма ёки шотланд коттеджида ўзи паришонлигини яширса, фақат ёнида

эргинаси — устида орқа этаги узун, қора бахмал фрак, оёғида юмшоқ этик, бошида учбурчак шляпа ва енгларидан тўр манжетлари чиқиб турган эргинаси бўлса!

Эҳтимол, Эмма ўзининг руҳий кечинмаларини бирор кимсага айтиш эҳтиёжини сезаётгандир. Бироқ, ҳеч ифодалаб бўлмайдиган, булутлардек ўзгарувчан, шамолдек тез учар ташвишини қандай изҳор қилиб бўлади? Буни ифодалашга сўз ҳам, баҳона ҳам йўқ эди, юраги ҳам дов бермасди.

Шундай бўлса ҳам унинг назарида, башарти Шарль истаса, башарти ғаросати етса, башарти у Эмманинг Фикрига бир қиё боқиши билан жавоб берса, Эмма кўксисда пишиб ётган барча ғурбатлар ундан ажралиб, шудақиқанинг ўзида ташқарига отилиб чиқарди. Даражаларда пишиб ётган меваларни бир силкитсанг, худди шундай узилиб тушадилар. Бироқ бу узилиш, гарчи уларнинг ҳаёти тобора яқинлашиб бораётган бўлса-да, Эмманинг ички дунёсида юз берар, ташқарига акс садо бермас эди, бу уни Шарлдан узоклаштирумокда эди.

Шарлнинг гаплари ширасиз, сийқаси чиққан бегона фикрлар бўлиб, улар худди бир ипга тизиб қўйилгандек на бир ҳаяжон уйғотэди, на бир кулки, на бир юракка бориб тегади. Руанда яшаб ҳали бирор марта театрга бормаганига, Париж актёрларини кўришга қизиқмаганига унинг ўзи ҳам иқрор эди. У сузишни ҳам, қиличбозликни ҳам, тўппонча отишни ҳам билмасди ва ҳаттоқи, бир кун Эмма ўқиган романнда от миниш ҳақида бир жойни аниқлашга тўгри келганда, шуни ҳам тушунтириб беролмади.

Ахир эркак киши ҳамма нарсадан хабардор, ҳамма вақт бир погона юқорида туриши, хотин кишида эҳтирос уйғотиб, унга ҳаётнинг мураккаб томонларини очиши ва унга ҳаёт икир-чикирлари сирларини очиб бериши керак эмасми? Лекин у ҳеч нарсага ўргатмасди ҳам, ҳеч нарсани билмасди ҳам, билишини истамасди ҳам. Эмма роҳатда, деб ўйларди. Унинг боқибегамлиги, ўз-ўзига қаттиқ ишониши, у билан баҳтли эканлигидан хурсандлиги ҳам Эмманинг ғашини келтиради.

Эмма баъзан расм соларди, унинг олдида туриш Эмманинг қофоз тепасида энгашиб, кўзларини сузиб соган расмига қараш ёки бош бармоқлари билан ион бўлакчасини эзғилашини томоша қилиб туриш Шарлга роҳат бағишлиарди. У фортепъяно чалганда эса унинг

бармоқлари қанча тез ҳаракат қиласа, Шарль шунчалик завқланарди. Эмма ўзига ишонч билан фортельяно клавишларини тұхтамасдан босиб чиқар әди. Эмма зарб билан чалаётган әски фортельянонинг дириллаган овози очиқ дeraзадан қишлоқнинг нариги томонларыдан ҳам әшитиларди ва суддан қоғоз олиб кетаётгандай котиб бош яланг, оёғида шиппак, йўлда тұхтаб қулоқ соларди.

Бу фазилатларнинг устига Эмма ажойиб абжир аёл ҳам әди. Беморларга келиб-кетгандарды учун бирорта расмий сўз аралашмаган нозик хат ёзиб, ҳисоб юборар әди. Якшанба кунлари уларникига қўшиларидан бирор қиши тушлик овқатга келса, у ҳамма вақт тансиқ таомларни ўйлаб чиқар, йирик-йирик, серсув, ширин олжўриларни узум баргларининг устига чиройли қилиб териб қўяр, қиёмларни кичкина ликопчаларда келтиришларини текшириб турар, ҳатточи, ширинлик ейилгандан кейин оғизни чайиш учун кичкина тогорачалар ва стаканлар олиш кераклиги тўғрисида кўп гапиради. Булар ҳаммаси элда Шарлининг обрўсии оширади. Ниҳоят, у ўзи ҳам шундай хотини борлигидан ўзини ҳурмат қила бошлади. У фахр билан узун яшил ипда осиғлиқ турган, хотини қалам билан чизган икки расмни меҳмонларга кўрсатарди. «Буни катта рамкага мен солдириб қўйдим», — деб керилади. Ибодатдан қайтаётгандар унинг гул тикилган туфли кийиб ҳөвлисининг дарвозаси олдида ўтирганини кўришлари мумкин әди.

Шарль bemорлар олдида кеч қайтарди, одатда еоат ўн ва баъзан ўн иккиларда келарди. У овқат сўпар, хизматчи хотин ухлаб қолган бўлеа, Эмманинг ўзи унга овқат келтиради. Узини эркинроқ сезиш учун у сюартугини ечиб ташларди. У бугун кимларни кўрди, җайсан қишлоқларда бўлди, қандай дорилар ёзиб берди, ҳаммасини гапириб ўтиради ва ўзидан мамнун бўлиб, яхна бузоқ гўштидан ер, пишлок чўқилар, олмағажилар, графинни бўшатар, кейин ётоқхонага кириб чалқанча тушиб ётарди-ю, шу заҳоти хуррак ота бошларди.

Олдинлари Шарль кечаси бошига қалпоқ кийиб ётарди, шу сабабдан энди мафис рўмолча бошида турмасдан тушиб кетаверарди. Эрталаб турганида, кечаси боричлари ечилиб кетган ёстиқ жилди ичидан чиқдан нарлар ёнимиган, ҳуршайиб кетган соchlари пешанасида

осилиб турар эди. Қишин-ёзин у қўнжи узун, гижим-гижим бўлиб юрадиган, бошлиғи худди ёғочга кийги-зид қўйгандек эгилмайдиган, тахтакачдек этик кийиб юрарди. «Қишлоққа шу ҳам бўлаверади», — дерди.

Шарлнинг бундай қурумсоқлиги онасига ёқарди: у аввалгидек, эри билан ораларида ғиди-биди гап ўтса, ўғлиниги келарди. Лекин келининг нисбатан катта Бовари хоним чамаси ҳали ҳам нотўғри тушунчада эди: «Эмма кўрпасига қараб оёқ узатмайди; ўтин, қанд ва шамлар бадавлат хонадонларда қанча сарф қилинса, униқида ҳам шунча сарф бўлади, ошхонада бўлса бир кунда шунча кўмир ёқишадики, бу кўмирларга йигирма беш марта овқат пиширса бўлади», — дерди. У шкафда кирларни тахлар экан, Эммага қассоблар уйга олиб келадиган гўштларни билиб, текшириб туришини ўргатарди. Эмма унинг насиҳатларини индамай эшитар, катта Бовари хоним бўлса сўзни аямасди; куни билан қайнана-келиннинг оғзидан «қизим», «ойижон» деган сўз тушмасди. Бу сўзларни улар тил учida айтшар, иккиси ҳам бир-бирига ширин гапларни газаблан титраган овоз билан гапиришарди.

Кампир, Дюбюк хоним даврида Шарлнинг хотинидан ҳам кўра онасига кўпроқ меҳрибонлигини сезарди, лекин энди Шарлнинг Эммага бўлган мұҳаббати ўғлиниг онага нисбатан совуганидан далолат беради, деб ҳисоблар, буни ўзининг шахсий мулкига тажовуз деб биларди. У ўғлиниг бахтига индамай, ҳасрат билан қарарди, хонавайрон бўлган бой, бир вағлар ўзиники бўлған уйнинг ойнасидан мўралаб, у ерда ўтирганларга шундай кўз билан қарайди. У Шарлга ўтган кунларни кўп гапиради, бундан асосий мақсад — онаси у учун қанчалик машаққатлар чеккан, қанақа қурбонлар берганини эслатиб қўйиш эди. Хотини у учун шунчалик меҳрибон эмаслигини, ўғлиниг ҳам хотинига шунчалик парвона бўлишига асоси йўқлигини тушунтирмоқчи бўларди.

Шарль нима деб жавоб беришини ҳам билмасди, у онасини ҳурмат қиласар, хотинини эса жонидан ортиқ севар эди; онасининг фикри у учун бир қонун, лекин Эммага ҳам тъна қиласидиган бир асос йўқ. Онаси кетгандан кейин у ийманиб, онасининг гапларидан ўндэн бирини оекингина такрорламоқчи бўлса, Эмма шу за-

жотиёқ ортиқча гап-сўзсиз унинг ноҳақ әканини тушунтириб, беморлари олдига жўнатарди.

Шундай бўлса ҳам Эмма ўз нуқтаи назарида доно қоидаларга риоя қилиб, эрини севишлигига ўзини ишонтиришга уринарди. Богда, ойдин кечаларда у ёд билган ҳамма ишқий шеърларни эрига ўқиб берарди ва хўрсиниб, мунгли ашулалидан айтиб берар, лекин буларнинг биттаси ҳам ўзини ҳаяжонга солмас, Шарлнинг ҳам қалбига бориб тегмас, ҳайратга ҳам солмасди.

Ниҳоят, Эмма шунга иқрор бўлдики, у ҳеч қачон ўз юрагидан учқун сачратат олмайди, бунинг устига ўзи сезмаган нарсани тушунишга қобилияти йўқ, ҳаёт қоидалари чизиб қўйган чегарадан чиқиб бўлмайди, шунинг учун у Шарлнинг ҳис-туйғусида ҳеч қанақа гайри табиийлик йўқлигига осонгина ишонди қўйди. Шарль ўз эҳтиросларини маълум бир тартибга солиб намоён қўлар эди, маълум бир соатда у Эммани эркалар эди. Бу ҳам у учун гўё бир хил овқатдан сўнг бериладиган шириинликка дам сақлаганга ўхшаган бир одатга ўхшарди.

Үрмон қоровули, доктор уни зотилжам касалидан боқиб тузатгани учун Бовари хонимга овчи ит тақдим қилди, Эмма сайрга чиққанда уни ўзи билан бирга олиб чиқарди. У баъзан ҳеч бўлмаса бир оз ўзи танҳо қолиши ва ўша боғ ва ўша чаңг йўлни ҳадеб кўравермаслик учун уйидан чиқиб кетарди.

У Банзиль қайинзоригача борарди, бу ерда далага бурчак бўлиб тушган ҳароба бир кулба турарди, ўт босиб кетган зовурдан узун қамиш тепага қараб ўслан эди.

Эмма энг аввал, ўтган галдан бери бу ерда ҳеч нарса ўзгармадимикан, деб қараб чиқарди. Лекин ҳаммаси бояги-боягидек: ўтлар ҳам, чиройли гуллар ҳам, катта тошлар атрофида ўслан газандага ўтлар, занг босган болтлар билан бекилиб энди чирий бошлаган учта дераза ромидаги қурбақа ўтларининг доги ҳам — ҳаммаси шундай турибди. Эмманинг ноаниқ фикрлари, гоҳ далиларни гир айланиб, гоҳ сарик капалакларга ириллаб, гоҳ юмронқозиқларни қувлаб, гоҳ буғдойпояга экилган кўкноријларни тишлаб юрган итига ўхшаб, ҳали у нарсага, ҳали бу нарсага қўнар эди. Бироқ, аста-секин унинг хаёллари бир жойга келиб тўхтарди ва ўтирган ерида соябонининг уни билан кўкатларни тита-тита;

— Эй худо! Нега әрга тегдим-а? — дерди. Яна ўзига-
ўзи савол берарди: бошқа бирор шароитда у бошқа бир
одамни учрата олмасмиди? У хаёлида ўша содир бўл-
маган тасодифларнинг содир бўлишини, ўша ўзга ҳайт
қандай шаклда юз беришини, унинг ўша номаълум
эри қанақа одам бўлишини тасаввур этишга уринарди.
Ахир ҳамма эркаклар шу Шарлга ўхшаган бўлавер-
майди-ку, унинг эри чиройли, ақлли, одобли, жозиба-
дор бўлиши мумкин эди-ку, монастиръ пансионидаги
дугоналари шунақаларга тегишгандир балки? Улар
қандай яшаётган әкан? Шаҳар кўчаларининг шовқини-
дан, театр залларидағи гулдурос олқишлиардан, бал,
маскарадларнинг ёғдуларидан уларнинг кўнгиллари
очилиб, ҳислари гуллаб-яшнаётгандир. Унинг ҳайти
эса туйнуги шимолга қараган чердак каби совуқ, алам-
изтироб эса тилсиз ўргимчак каби юрагининг ҳамма
бурчакларига уя солиб ташлади. Эмма ёрлиқ берилган
кунни, у саҳнага гулчамбар учун чиққан пайтини эс-
лади. Узун соч, оқ кўйлак, усти очиқ туфлида у жуда
ҳам кўҳлик эди ва ўз жойига қайтиб келаётганида
эркаклар унга эгилишиб, хушомад қилишган эди. Ҳов-
ли экипажларга тўлиб кетганди, дугоналари карета
эчигига бош тиқиб у билан хайрлашган эди, музика му-
аллими филофдаги скрипкаси билан унинг ёнидан ўта
туршиб, қуюқ саломлашганди. Қаёққа кетди, барчаси
қаёққа?!

У Джалини чақираварди, тиззаси орасига олиб унинг
узунчоқ, ўткир тумшуғини силарди-да:

— Кел, ўпсанг-чи ўз бекажонингни! Сенинг ғам-
ташвишинг йўқ-ку! — дерди.

Чиройли, ширин, эснаётган итининг ғамгин кўзига
тиклииб туриб Эмманинг кўнгли бузилиб кетарди ва
хаёлида итни ўзига ўхшатиб, у билан гаплашар, боши-
га қайғу тушган кишини юпатаётгандай уни ҳам юпа-
тарди.

Баъзан қаттиқ бўрон кўтарилар, денгиздан шамояж
туриб бутун Ко ясси тогини айланиб эсар, ўзининг туз-
ли ҳавосини далаларнинг олис чеккаларига сочиб ўтар-
ди. Қамишлар шитирлар, ерга эгилар, қора қайин
даражатларининг барглари дириллаб шитирлашар, шох-
ларнинг учлари гувиллаб, бир маромда тебранишарди.
Эмма рўмолини елкасига ташлаб ўридан турарди.

Хиёбонда устига кун ёруғи тушиб, тўқилган барг-

лардан кўм-кўк кўринган текис йўсин оёқ остида гижирларди. Қуёш бота бошлади, шохлар орасидан тўқ қизил осмон кўринди, бир текис қилиб экилган дараҳтларнинг бир-бирига ўхшаган таналари осмонинг олтин фонида жигар ранг колонналарга ўхшарди. Эммани вахима босди, у Джалини чақириб олди, катта йўлдан тез-тез юриб Тостга қайтди, ўзини креслога ташлади-ю, бутун оқшом индамай ўтирди.

Сентябрнинг охирида унинг ҳаётида ҳеч кутилмаган бир ҳодиса юз берди: у Вобъесарга, маркиз д'Андервильенинига таклифнома олди.

Реставрация давридаги давлат секретарь (стаст-секретарь) лавозимида бўлган маркиз энди давлат ишларига қайтиш ниятида депутатлар Палатаси сайловларида ютиб чиқиш учун зимдан иш олиб бормоқда эди. Қишида у сажийлик билан атрофга шох ўтии тарқатди. Генерал советида, ўз округида янги йўллар қурилишини талаб қилиб, оташин нутқлар сўзлади. Ёзниг иссиқ кунларида унинг томогига яра чиқди, қандайдир бир мўъжиза рўй бериб, Шарль вақтида операция қилди-ю, тездан тузатиб юборди. Уша куни жечқуруноқ Тостга, операция учун пул тўлашга юборилган иш бошқарувчиси, доктор боғида ажойиб олча дараҳтлари кўрганини маркизга айтди. Вобъесарда олчалар ихши кўкармагани учун маркиз Боваридан илдизидан чиқкан бир неча кўчат беришни сўради, кейин у шахсан унга ташаккур билдиришни ўзига лойиқ топди, Эмма билан танишди ва у Эммани жуда келишган жувон эканлигига, шу билан бирга қишлоқчасига саломлашмаслигига қаноат ҳосил қилди, хуллас калом, қасрда шундай бир қарорга келишдики, башарти ёш эр хотин таклиф этилса, бу қаср эгаларининг иззатини туширмайди ва бошқа таклиф этилганларга нисбатан беодоблик қилинмаган бўлади.

Кунлардан бир кун — чоршанба куни, соат кундуам учда жаноби Бовари ва Бовари хонимлар ўз шарабанларига тушиб, Вобъесарга равона бўлишди. Шарабанинг орқа томонига катта чамадон боғлаб қўйилди, энг тепасига шляпалар солинган қути жойлаштирилди, Шарлиниг оёққинаси тагига яна кичкина картон қути қўйилди.

Улар меҳмонларнинг йўлини ёритиш учун парикка фенуслар ёкилган кечки пайтда етиб келишди.

Итальян услубида қурилган бу замонавий қаср, олдинга чиққан икки қаноти, учта дарвозаси билан белоён далалар ястаниб ётган пастликка қараб турарди: дала бўйлаб, баланд-баланд дарахтлар соясида сигирлар ўтлаб юради. қум сепилган илон изи йўл, йўлнинг чети барқ уриб ўсган, шохлаб кетган рододендрон¹, ясмин, калина билан қопланганди. Дарё устига кўприк солинган. Туман орасидан пичанзорларнинг ҳар ерҳар ерида усти похол билан ёпилган уйларнинг қораси кўзга ташланади, пичанзор ўнг ва чап томондан сердараҳт қияликларга тақалган, орқа томондан эса ямиянил ўтлар ичига гарқ бўлган икки қатор сарой ва отхоналар бор, булар эски қаср бузилганда sog қолган иморатлар эди.

Шарлнинг шарабани ўрта эшик олдига келиб тўхтади, малайлар ҳозир бўлишди; маркиз чиқиб, докторнинг хотинига қўлнин берди-да, уни вестибюлга бошлаб кирди.

Вестібюлнинг поли мармар тошдан бўлиб, шини жуда ҳам баланд эди, оёқ товуши ва кишинларнинг овози бу ерда худди черковдагидек акси садо берар эди. Зина ҳеч ёққа бурилмасдан тўппа-тўғри юқорига олиб чиқарди, чап томонда ойналари боққа қараган галерядан бильярдхонага чиқиларди, вестибюлнинг остонасиға қадам қўяр-қўймас у ёқдан келаётган суюк зўлдирларнинг овозини әшитасиз. Мехмонхонага бильярдхонадан ўтиб боришга тўғри келарди ва Эмма шу бильярдхонадан ўтар экан, кўзи бу ердаги қадди-қоматти келишган, қўні-қўш орденлар таққан эркакларга тушиди, тик ёқалы, унисиз жилмайиб турган бу эркаклар бильярд зўлдирларини таёқча билан у ёқ-бу ёққа суриншарди. Кенг, олтин рамалар остидаги қора, тескис таҳтара қора ҳарфлар билан турли исмлар ёзилган эди. Эмма ўқиди: «Жан-Антуан д'Андервилье д'Ивербонвиль, граф де ла Вобьесар, барон де ла Френей, 1587 йиля 20 октябрда Кутра жангидаги ҳалок бўлган. Бошқа бир портрет тагида: «Жан-Антуан-Анри Ги д'Андервилье де ла Вобьесар, Франция адмирали, Михаил Архангел орденининг кавалери, 1692 йил 29 майда Уч-

¹ Чиройли очиладиган гуллар.

Сен-Вааст жангидаги ярадор бўлган, 1693 йил 23 январда Вобъесарда вафот этган» деб ёзилганди. Наригилариини ўқиши қийин бўлди, чунки лампадан тушаётган ёруғ фақат бильярдининг кўк мовутини ёритарди. Уй ичи бўлса гира-шира эди. Бу ёруғлик девор бўйлаб осилган суратлар устида қора тусда товланиб, ўзининг ўткир қирралари билан лакнинг ёриқларида жилоланаар ва катта, чети тилла билан ҳошияланган тўрт бурчак қора рамкаларда кўпроқ ёғду тушиб турган ерлари кўринарди: рангпар пешана, сизга тик қараб турган кўзлар, қизил камзулнинг елкасига тушиб турган пудра сепилган парижнинг қўнғироқ-қўнғироқ гажаклари, миқти болдиридаги пайпоқни ушлаб турадиган тўқа кўзга ташланарди.

Маркиз меҳмонхонанинг эшигини очиб юборди. Хонимлардан бири (бу унинг хотини эди) туриб, Эмма-га пешвоз чиқди, кейин ёнидаги кичик диванга ўтқазиб, худди қадрдон танишлардек дўстона суҳбат олиб борди. Бу елкаси чиройли, қийғир бурун, овози ёқимли, қирқ ёшларга кирган аёл эди: бу оқшом у тўқ малла соchlари устидан оддийгина тўр рўмолча ўраб олган эди, рўмолча орқа томонда уч бурчак ҳосил қилиб туради. Ёнида ёшгина, малла сочли жувон суюнчири баланд стулда ўтиради, каминнинг олдида фракларининг кўкрагига гул тақсан қанақадир жаноблар аёлларни гапга солиб туришаарди.

Соат еттида овқат тортилди. Кўпчиликни ташкил ҳилган эркаклар вестибюлдаги битта столда, аёллар бошқа столда, овқат ейдиган хонада уй эгалари билан ўтиришди.

Эмма овқат ейдиган хонага кириши билан димоғига илиқ ҳаво, гуллар, нафис дастурхон-чочиқлар, жаркоп ва қўзиқорииларнинг аралаш хушбўй ислари урилганини сезди. Кумуш қопқоқли қандиллардаги чироқ ёғдуси жилоланаарди, кўп чироқлик биллур терлаб хира иш сочарди. Гул солинган вазалар бутун стол бўйлаб тизиб қўйилган, кенг ҳошияли тарелкалар епископларнинг бош кийимиға ўхшатиб тахланган, воронка шаклидаги салфеткаларга солинган узунчоқ булочкалар, лагаларнинг четларидан қисқиҷбақаларнинг қизил панжалари осилиб туради, жимжимадор саватчаларда атрафи йўсин билан ўралган йирик-йирик мевалар беданалар пати билан тортилди, стол тепасида буг муаллақ

туар, ишак пайпоқ, калта иштон кийган, оқ галстук ва бурма ёқалик күйлак кийган, судъядан баттар димогдор метродетель (баковул) мәҳмонарнинг елкала-ри орасидан энгashiб, қўлидаги тайёр қилиб кесилган таомлар солинган лагандан, ким нима истаса, вилка, қошиқ билан лип этиб олдига қўйиб кетарди. Атрофи мис билан ишланган баланд чизни печка тепасидан, иягигача ўраб қўйилған аёл ҳайкали мана бу тўда-тўда одамларга жонсиз кўзларини тикканича қараб турарди.

Бовари хоним баъзи бир жувонлар қўлқопларини стаканларга солишмаганини найқади. Столининг тўрида, хотин-қизларнинг ўртасида битта ўзи ўтирган чол овқат тўла тарелкага энгashiб овқат ерди: худди ёш болага ўхшатиб, унинг бўйнига сочиқ илиб қўйишган, оғзидан овқат тўкиларди. Кўзларининг ичини қиэзил томирлар босган, орқасида учига қора лента боғлаб ўрилган сочи осилиб туарди. Бу маркизнинг қайнатаси — кекса герцог де-Лавердъер эди. Буни граф де Артуа Водрейлдаги маркиз де-Конфланникига овга чиққанда ўз ёнига олган экан, айтишларига қараганда, у жаноби де Куаньидан кейин ва жаноби де Лозендан олдини қиролича Мария Антуанеттанинг ўйнаши бўлган экан. Қачонлардир у айш-ишрат, кайф-сафо билан ҳаёт кечирган экан, дуэлларда отишган, гаров ўйнаган, хотилингни олиб қочган, пулни пўчоқча билмас, оиласини қора қон қақшатган экан. Ҳозир бўлса у ўтирган стул орқасида малай туарди, қулогининг тагида овқатларнинг номини бақириб айтар, у бўлса таомларни бармоги билан кўрсатиб, гўлдиради. Бу лаби осилган чол беихтиёр Эмманинг диққатини ўзига жалб қилди: гўёки унинг кўзлари олдида қандайдир бир улуғвор ва олижаноблик намоён эди. «Тавба, шу одам саройда бўлган, қироличанинг қучогида ётган-а?» — деб ўйларди.

Қадаҳларга музлатилган шампань виноси қуйилди. Оғзига муздек шампанское тегиши билан Эмманинг бутун бадани жимилашиб кетди. У аюорни ҳеч қачон кўрмаганди, ҳеч қачон ананас емаганди. Ҳаттоқи, қанд пудраси ҳам унга ҳамма ердагидан кўра оқроқ, майдароқ кўринди.

Овқатдан кейин хонимлар балга кийиниб чиқиш учун хона-хоналарга тарқалишди. Эмманинг кийимлари, худди биринчи бор саҳнага чиқадиган актрисанинг

кайнимидек барча майда-чўйдаларигача синчиклаб тайёрланган эди. Сартарошининг берган маслаҳатига қараб, сочини тараб бўлгандан сўнг, ўрин устига ёйиб қўйилган очиқ заъфар кўйлагини кийди. Шарлининг шими липпасини қисарди.

— Штрипка¹ларим менга рақс тушишимга халақит беради,— деди Шарль.

— Рақс тушишга? — қайтариб сўради Эмма.

— Ҳа-да!

— Жинни бўпсан! Одамларга кулги бўлмай жим ўтири. Врачга шу ярашади,— қўшиб қўйди яна.

Шарль индамай қўя қолди, Эмманинг кийниб бўлишини кутиб, уйнинг у ёғидан бу ёғига юриб турди.

Шарль Эммани кўзгуда, икки шам ўртасида, орқасидан кўрарди. Унинг қора кўзлари шу тобда яна ҳам қора бўлиб кетибди. Қулоқлари яқинида салгина ҳурпайтирилган соchlари кўкиш товланаарди. Баланд соч турмагида барглари сунъий шудринг йилтиллаган, банди ингичка атиргул тебраниб турарди. Очиқ заъфар рангдаги кўйлаги, яшил гулдаста — учта попук билан безатилганди.

Шарль унинг ёлкасидан ўпгиси келди.

— Қўй! — деди у, — кўйлагимни гижим қиласан.

Наастда скрипка ритурнелик² чалиб юборди, бургу овози эшишилди. Эмма чопиб кетишидан ўзини зўргазўрга тийиб, зинапоядан пастга тушди.

Кадриль аллақачон бошланган эди. Мехмонлар ҳамоқ келинмоқда, зал тиқилинч бўлиб кетди. Эмма худди эшик олдигинасидаги скамейкаға ўтирди.

Контрданс³ тугагандан сўнг зал ўртасидаги ўйинчилар ўрнини тикка турганларича бўлинниб-бўлинниб сұхбатлашаётган эркаклар ва катта патнислар кўтарған, ливрей⁴ кийган хизматчилар өгаллади. Қиз-жувонлар ўтирган қаторларда ранго-ранг гуллар расми солингзан слигичлар ҳилпишар, табассумларини гулгунчалар билан бекитишар, тириоқ шакли билиниб

¹ Штрипка — шимминг почасига тақилиб оёқ тагидан айлантириб бояланадиган боғич.

² Рақс музикасидан олдин такрор-такрор чалишадиган оҳанг.

³ Рақснинг бир хили.

⁴ Буржуа мамлакатларида хизматчиларга кийгиликладиган маҳсус уқали кийин.

ва билак гўштларини сиқиб турган оппоқ қўлқолли қўлларда тилла қопқоқли нозик шишачалар ўйнарди. Нафис тўр бурмаларда, кўкракларда, корсажларда гавҳар тўғноғичлар лов-лов ёнар, занжирли билагузуклар очиқ қўлларда ялтираб, жиринглар эди. Фарқи тўғри очилиб, текис қилиб таравалган сочлар гарданга турмак қилинган, тепасидан эса ёсуман, анор гули, бўтакўз каби нозик гуллардан, бошоқлардан гулчамбарлар ясаб, айлантириб бояланган э.н. Баланд соч турмакларини қизил шарф билан айлантириб бояланган оналар жойларидан қўзғалмай санлат тўкиб ўтиришарди.

Эркаклардан бирни келиб, Эмманинг бармоқ учларидан ушлаб рақсга таклиф этганида ва музика бошланишини кутиб у билан ёнма-ён турганда Эмманинг юраги бирдан типирчилаб кетди. Лекин ҳаяжони тезда босилди. Бўйини салгина эгиб, музика оҳангига монанд тебраниб, зал бўйлаб сиргалиб кетди. Баъзан скрипка-нинг товушлари унинг юзида табассум уйготар, бу товушларни бошқа музика асбоблари тўхтагандагиша илғаш мумкин эди. Шунда қимор ўйналадиган столларнинг мовутига жаранглаб тушаётган тилла тангаларнинг ҳам тиниқ жаранги эшитиларди. Кейин ҳаммаси бирдан янгидан бошланарди, худди момақалдироқ гулдуросидек корнет янграб кетарди, яна бояғидаек оёқлар баравар эгилишар, этаклар пуфакдек шиншиб шитирлашар, қўллар дам ушлашиб, дам ажралишарди, яна ўша кўзлар гоҳ ерга боқиб, гоҳ сизга тик боқардилар.

Бир гурӯҳ тахминан йигирма ёшдан ҳирқ ёшгача (улар ҳаммаси бўлиб ўн беш киши эди) бўлган эрижаларнинг баъзилари рақсга тушишаётган ёки зал эшиклиари олдида одамларга ҳамсуҳбат бўлиб турган бўлсаларда, уларнинг асилизодалардан эканликлари билиниб турар, гарчи ёшлари ташқи кўринишлари, устижийим-бош жиҳатдан ҳар хил бўлса ҳамки, тўдадаги бошқа одамлардан ажралиб турар эдилар.

Чамаси, жуда ҳам асл матолардан тикилган мовут фраклар уларга яхши ўтиришган, чаккаларида гажак бўлиб турган соchlарга ҳам энг қимматбаҳо сочмойлар суртилган эди. Тўймасдан ейилган лазиз таомлар юзларига соғлом, оқ тус бахш этган ва соз чинни идишлар, лакланган бебаҳо мебеллар ва товланувчи атлас-

лар уларнинг ҳуснлариға ҳусн қўшарди. Галстуклари-ни тортиб боғламаганлари учун бўйинларини бемалол айлантиришар, уларнинг узун бакенбардлари қайтарма ёқалариға тушиб турад, улар лабларини инак билан тикилған, йирик белгилари кўзга ташланиб, нафис муаттар ис таратиб турган дастрўмоллар билан артишарди. Ёши ўта бошлаганлар ҳали ёш кўринишар, ёшларнинг юзларинда эса бирмунча етуклик аломатлари кўринарди. Уларнинг бепарво боқишлиарида, ҳар куни ҳирсларини қондириш натижасида вужудга келган хотиржамлик ифодаланаарди, ҳаракатларидаги маъннлик остида алоҳида бир шафқатсизлик сезилиб турарди. Бу шафқатсизлик кишида, унга батамом бўйсунмаган тирик жонлар устидан ҳукмрон бўлишга ундейди. Чунончи, зотли отларни миниб юриш ёки ахлоқсиз аёллар билан яқин муносабатда бўлиш унинг кучига куч қўшади, иззат-нафсини қондиради.

Эммадан уч қадам нарида кўк фракли киши ва бўйнига марварид таққан рангсизгина ёш жувон Италия ҳақида сұхбатлашишарди. Иккиси ҳам Муқаддас Петре, Тиволи, Кастелламаре, Кассино колонналари, Везувий, Генуя гуллари ва ойдин кечадаги Колизейнинг манзараси билан завқланишарди. Яна шу бир вақтнинг ўзида Эмма ўзи тушунолмайдиган гапларни эшлиб қоларди. Мехмонлар битта йигитнинг атрофини қуршаб олишди, у ўтган ҳафта Англиядаги пойгада оти мисс Арабелла ва Ромуладан ўтиб кетганини, таваккал қилиб иккى минг луидор ютиб олганини ганиради. Кимдир яна бошқа йигит пойга чопадиган айгирининг сесмириб кетганидан шикоят қилас, учинчиси отининг лақабини бузиб ёзганларидан нолирди.

Бал бўлаётган зал димиқиб кетди, лампаларнинг ёруғи хидалашди. Мехмонлар бильярдхонага ўтишди. Хизматчи стулга чиқди ва деразанинг бир кўзини синдири; ойнанинг жаранглаганини эшлиб, Бовари хоним ўгирилиб қараган эди, боғдан деразага мўралаётган деҳқонларни кўрди. Шунда унинг эсига Берто тушиб кетди. Ферма, балчиқ босган ҳовуз, олма дарахти тагида узун кўйлак кийган отаси кўз олдида намоён бўлди, ўзи ертўлада туриб бармоғи билан хурмачанинг устидан қаймоқни олаётган вақти кўз олдига келди. Вироқ, бу куннинг ғорлоқ ёғдуси остида, унинг шу чоққача ғорлоқ кўринган ҳаёти бир зумда хиранди ва Эм-

ма ростдан ҳам шу ҳаёт ўзиники эканлигига шубҳала-на бошлади. Мана, Эмма ҳозир балда, лекин бал зали-дан ташқаридаги ҳамма нарса зулмат пардаси билан қопланган. Маза қилганидан кўзларини сузиб марас-кинлик¹ мороженоени чап қўлидаги тилла суви юри-тилган лиқопчадан қошиқ билан еб ўтиради.

Унинг ёнида ўтирган хоним елпигичини тушириб юборди. Шу вақт уларнинг ёнидан рақсга тушаётган йигит ўтиб кетаётган эди.

— Сударь, барака топинг,— унга мурожаат қилди ҳалиги хоним,— марҳамат қилиб олиб беринг, илти-мос... елпигичим кресло орқасига тушиб кетди!

Жаноб энгашди, у қўлини узатиши билан хоним унинг шляпасига учбурчак қилиб тахланган оқ нарса-ни ташлаганини Эмма пайқаб қолди. Жаноб елпуғични ердан олиб, таъзим билан хонимга узатди, хоним бош иргаб ташаккур билдири ва гулдастани юзига олиб борди.

Кечки овқат маҳалида жуда кўп испан, рейн вино-лари ичишди, қисқичбақа шўрва, бодом мағзи сутидан пиширилган шўрва, трафалгар пудинг ва жуда кўп устида ёғи билқиллаб турган яхна гўштлар тортилди, кечки овқатдан сўнг кареталар кетма-кет тарқала бошлади. Муслин² пардаларнинг бир четини очиб, қоронгида кареталарнинг фонусларидан тараалаётган нурларни кўрса бўларди. Скамейкалар бўшаб қолди; катта столларда ҳали ҳам уч-тўрт одамлар ўйинни давом эттиришмоқда, созандалар кесак бўлиб қолган панжа-ларининг учини ялашарди; Шарль эшикка суюнгани-ча кўзи уйқуга кетди.

Эрталаб, соат учда Котильон³ бошланди. Эмма вальсга тушишни билмасди. Лекин ҳамма вальсга тушарди, ҳатто мадемуазель д'Андервилье ва маркиза ҳам тушишди. Котильонда фақат қасрда меҳмон бўлиб қолганлар, ҳаммаси бўлиб ўн киши қатнашди.

Мана, рақсга тушаётганлардан бири, кўкрагини хип-ча қилиб қисиб турган, ёқаси очиқ нимчали киши — бу жанобни ҳамма шунчаки «виконт» деб аташарди;

¹ Ма раскин — нордон олчадан қилинган ичимликнинг бир тури.

² Юпқа газлама.

³ Котильон — французча рақс.

Бовари хонимни таклиф қилиш учун иккинчи марта келди, Эмманинг нйманаётганини кўриб, ўзим олиб юраман, ҳаммаси яхши бўлади, деб сўз берди.

Улар аста-секин вальс бошлиди, кейин ҳаракатлари тезлашди. Улар айланишар ва ҳамма нарса гардиш ўқ атрофида айлангандек улар атрофида айланарди, лампалар, шин, мебель, паркет — барча-барчаси айланарди. Эшик олдида Эмманинг кўйлаги ҳилнираб, унинг тор шимиға, ўрилди, тиззалири бир-бирига тегди... У юқоридан Эммага тикиларди, Эмма ҳам унга кўзларини кўтариб қаради, бирдан Эмманинг ҳуши оғаётгандек бўлди-ю, таққа тўхтади, кейин улар яна давом этишди, виконт рақсни тезлата-тезлата Эмманинг энг охирига олиб кетди ва ўша срда Эмма ҳансираб йиқилаёзди-ю, бир дақиқа унинг кўксига бошини қўйди. Кейин яна виконт уни айлантира-айлантирилекин секинроҳ ҳаракат қилиб, жойига олиб келди, Эмма бошини орқага ташлади-ю, деворга суюнди ва қўли билан кўзларини бекитди.

Кейин у кўзини яна очганда меҳмонхона ўртасида, пастгина юмшоқ пуда¹ ўтирган хоним олдида уч йигит тиз чўкиб турганини кўрди. Хоним виконтига танлади, шунда яна скрипка чалина бошлиди.

Ҳамма шу жуфтларга қаради. Виконт ва унинг хонимигоҳ узоққа кетиб қолишар, гоҳ яқинлашиб келишарди, аёлнинг қомати келишган, ияги озроқ осияган эди, виконт бўлса рақс қила туриб, қоматини жуда чиройли тутар, қўллари тирсагида букилган, бошини тикка ушларди. Бу хоним жуда ажойиб вальсга тушар экан². Улар узоқ тушишди. Ҳаммани чарҷатишиди.

Меҳмонлар яна бир неча дақиқа гап сотишиди, кейин бир-бирларига хайрли кеч ёки тўғрироги, порлоқ түн тилашиб, ухлагани кетишиди.

Шарль оёқ устида зўрга туар, «Оёгим кесак бўп қолди», — дерди икуул. У беш соат сурункасига карга столи олдида типпа-тик турди, вистни² қанақа ўйнашларини томоша қилди, лекин барибир у ҳеч нарса тушунмасди. Мана энди оёқ кийимини ечиб, у енгил нафас олди.

¹ Пуф — пастак юмшоқ курси.

² Карта ўйинининг бир хили.

Эмма елкасига рўмолини ташлади, ойнани очиб, дераза токчасига тирсагини тираганча турди.

Тун қоронги эди, ёмғир томчиламоқда. Салқин шабада унга ором бағищлар, уттўйиб-тўйиб нафас оларди. Қулоқлари остида ҳамон бал музикаси янгра-моқда, у ҳадемай ташлаб кетиши керак бўлган мана бу дабдабаларнинг кайфини узоқроқ чўзиш учун уй-қуни ҳайдарди.

Тонг ёриша бошлади. Эмма қасрнинг ойналарига узоқ тикилди, у меҳмонларнинг қайсиси қайси уйда ётганлигини, уларнинг ҳар бирининг ҳаётини билиншига, англаб олишга қизиқар ва ундан бохабар бўлишинистарди.

Ахир у совқотди, ечинди ва кўрпа тагига кириб, ухлаб ётган Шарлиниг қўйнида ғужанак бўлиб ётди.

Нонуштага жуда кўп одам йиғилди. Стол атрофида факат ўн минутгина ўтиришди. Ҳеч қанақа ичимлик қўйилмагани врачни ҳайратга солди. Мадемуазель д'Андервилье пирог ушоқларнин йиғиб, саватчага солди ва ҳовуздаги оққушларга олиб кетди, кейин ҳаммалари қишки боққа киришди. Бу ерда ёввойи, сертиканак ўсимликлар шилга осиб қўйилган вазалар томон шаклдор бўлиб ўсиб чиққан, лекин вазаларга сигмасдан худди уясидан чиққан илондек кўм-кўк арқон шаклида чийралиб пастга осилиб тушганди. Қишки bog, малайлар турадиган жойга олиб борадиган оранжерия¹ билан туташган эди, Бовари хонимнинг кўнглини олиш учун маркиз уни отхонага олиб борди. Саватга ўхшатиб қилинган охурлар тепасида қора ҳарфлар билан отларнинг номи ёзилган чинни тахтачалар осиглиқ турарди. Маркиз тилини такиллатиб отларнинг олдидан ўтганда, улар қулоқларини диккайтириб ола зарак бўлишди. Отхонанинг поли меҳмонхона нинг паркетига ўхшаб ялтирайди. Эгар-жабдуқлар иккита айланма устунга осилган, деворда қатор сувлиқлар, қамчилар, узангилар, юганлар осилиб турарди.

Шу орада Шарль хизматчига отларни қўшишни буюрди. Шарабанин худди дарвоза олдига келтираб қўйдилар ва ҳамма юклар ортиб бўлингандан сўнг

¹ Усти берк қишки гулхона.

эр хотин Боварилар уй эгалари билан хайр-маъзур қилишиб, уйларига — Тостга жўнаб кетдилар.

Эмма индамасдан ғилдиракнинг айланишини томоша қилиб борарди. Шарль энг четга ўтириб олиб қўлларини кериб отни ҳайдар эди. Шоти от учун анча кенг, шунинг учун от йўргалаб кетмоқда эди. Бўш тортилган, кўпик билан қопланган тизгин унинг яришида ҳалопларди; орқа томондан бир нарса зўр бериб, бир меъёрда силкинарди, бу боғлаб қўйилган чамадоилар эди.

Улар Тибурвиль тогига кўтарилимоқда эдилар, бирдан уларнинг қаршисида оғзиларида сигарет билан чавандозлар пайдо бўлишди-ю, шу заҳоти қийқиришиб ёнларидан ўтиб кетишди. Эмманинг назарида уларнинг биттаси виконт эди, у айланиб қаради, бироқ бир пасайиб, бир юқориланиб кўринаётган бошларни кўрди, холос. Негаки, уларнинг баъзилари отни чонтириб, баъзилари йўргалатиб кетмоқда эди.

Яна чорак миль юрганларидан сўнг Шарль отни тўхтатди ва арқон билан қуюшқонни боғлади.

Шарль йўлга тушишдан олдин яна бир бор жабдуқларни кўздан кечирмоқчи эди, назарида, худди отнинг оёғи тагида бир нарса юмалаб ётгандек туюлди. У энгашиб яшил, ипак портсигарни ердан олди. Унда ҳам худди каретанинг эшигидагидек герб бор эди.

— Эй, бу ерда яна иккита сигара ҳам қолибди! — деди у.— Бу менга бўлди, кечки овқатдан сўнг чекаман.

— Ҳали чекасанамми? — сўради Эмма.

— Баъзи-баъзида, пайти келганда,— жавоб берди Шарль ва тошган портсигарни чўнталига солиб, отга қамчи берди.

Уларнинг келишига овқат тайёр бўлмаган экан, Бовари хонимнинг жаҳли чиқиб кетди. Настази унга қўполлик билан жавоб қилди.

— Йўқолинг бу ердан! — бакирди Эмма,— мени масхара қилишингизга йўл қўймайман! Ортиқ менда ишламайсиз!

Тушлик пиёзли шўрва ва қўзиқулодж билан пиширилган бузоқ гўшти экан. Шарль Эмманинг рўбарўсига ўтириди ва хурсанд бўлиб қўлларини ишқалаб:

— Ўз уйинг — ўлан тўшагинг,— деди.

Настаэяниг йиғлагани әшитилиб турарди. Шарль бечора қизга анча ўрганиб қолган эди. Тул вақтларида у кечқурунлари бўш вақтини Настазия билан бирга ўтказарди. Унинг биринчи бемори, бу атрофда энг қадрдан таниши шу эди.

— Ростдан ҳам унга жавоб бермоқчимисан? — сўради Шарль.

— Ҳа,— деди Эмма,— нима, менинг бунга ҳаққим йўқми?

Овқатдан сўнг, Настазия ўринларини солгунча улар ошхонада исимиб ўтиришди. Шарль чекди. У лабларини чўччайтирас, ҳар дамда туълар ва ҳар гортганда ўзини орқага ташларди..

— Бошинг айланади-ку,— деди Эмма нафрат билан Шарлга қараб.

У сигаретни қўйиб, совуқ сув ичгани қудуққа юурди. Бу вақт Эмма портсигарни олиб, шкафнинг ичкаригига тиқиб қўйди.

Эртасига куннинг кеч бўлиши шундай қийин бўлдики! Эмма боғчада сайр этар, битта йўлдан у ёқдан-бу ёққа юрар, гулхоналар олдида, ўрик дарахти олдида, поп ҳайкали олдида тўхтар эди, булар барчаси унга шунча таниш бўлса ҳам, лекин уларга ҳайрат билан тикилар эди. Қанчалик узоқ туюларди унга энди кеча ўтган зиёфат! Аввал куниги эрта билан бугунги оқшомни ким шунчалик улкан масофа билан бўлиб ташлади? Вобъесарга бўлган саёҳат унинг ҳаётини ўзгартириб юборди. Фақат момақалдироқ баъзан бир кечада қояда шундай чуқур дара ҳосил қила олади. Шундай бўлса ҳам Эмма сабр қилди. У ихлос билан ўзининг ажойиб кийимларини комодга тахлади, ҳатто таг чарми янги бўлган силлиқ паркетдан саргайиб кетган атлас туфлисини ҳам ўраб қўйди. Унинг қалби ҳам худди шу туфлига ўхшайди (анави дабдабалардан унинг кўксига ҳам ҳеч кетмас доғ қолди).

Бал ҳақда ўйлаш Эмманинг одатига кирди. Ҳар чоршанба у уйғониб туриб: «Бир ҳафта... икки ҳафта... уч ҳафта илгари мен қаерда эдим!» — дерди. Бироқ бора-бора ҳамма башаралар унинг тасаввурида бир бутунга айланди, у раҳс музикаларини унуди, у энди хизматчиларнинг ялтироқ кийимларини, хоналарин яққол тасаввур этолмасди; тафсилотлар хотирадан тамом кўтарилиди, лекин ўқинч бир умрга қолди.

IX

Шарль уйдан чиқиб кетган вақтларда Эмма кўпинча шкафдан ўз кирларининг ичига тиқиб қўйган яшил ипак портсигарни оларди. У портсигарнинг у ёқ-бу ёгини томоша қилар, очиб кўрар ва ҳаттоки, тизма гул ва тамаки иси уриб қолган астарини ҳидлаб қўярди. Ким туширди экан?.. Виконт! Балки бу маъшуқасининг ҳадясидир? Буни палисандр¹ чамбарагида тикишгандир, мана шу кичкинагина нарсани бегона кўзлардан сақлаб юришгандир, хёли паришон, бутун бўш вақтини шунга бағишилаган чеварнинг соч толалари буни сийпалаган бўлса керак... Канванинг ҳар бир катагидан муҳаббатнинг ҳовури келиб туриши, ҳар бир қатим умид ва хотираларни боғлаган, бир-бирига ўралашиб кетган ипаклар ўша унсиз эҳтиросларнинг давомини ташкил этар. Кейин, бир кун эрталаб виконт совғани олиб кетади. Ҳозирча ўша портсигар камининг кенг токчасида, гул солинган ваза билан Пампадур стилидаги соатнинг ўртасида турган пайтда шу хонада нималарни гаплашилдийкин? Эмма Тостда. У Сўлса Парижда! Нақадар жозибадор бу Париж! Бу сўзни шивирлаб такрорлаш Эмманинг жонига ажойиб Сир ором бағишиларди, собор қўнғирогининг жарангланидек қулоқлари тагида янгарди; бу сўз кўзлари олдида, ҳамма нарсада, ҳаттоки лаб мойи солинган башкадаги ёрлиқда ҳам алангадек товланарди.

Кечалари балиқчилар унинг ойналари тагидан ўта туриб «Майорана» деган қўшиқни айтиб, уни уйғотиб юборардилар ва темир қоқилган гилдиракларнинг товушига қулоқ солар, катта йўл тугаб, аравалар қишлоқдан чиқиши билан бирдан жимиб қолгандан сўнг у ўзига:

— Эртага улар Парижда бўлишади! — дерди.

Эмма хёлан улар орқасида борар, тепаликларга чиқар, тушар, қишлоқлардан ўтар, юлдузлар ёргунида катта йўллардан югуради. Бироқ ҳар гал уйдан узоклашиб, бир неча масофани ўтгандан сўнг унинг орзулярни туманли олисларда ғойиб бўларди.

¹ Палисандр — баъзи тропик дараҳтларнинг қаттиқ, қимматбаҳо ёғочи.

У Парижнинг планини сотиб олди, бармоқларини юргизиб шаҳар бўйлаб сайдарди. Хиёбонлардан бораркан, ҳар бир чорраҳада, уйларни тасвирловчи гўрт бурчаклар олдида тўхтарди. Ниҳоят, унинг кўзлари тиниб кетар, у киприкларини тушириб, оқшом қоронғисида газ фонусларнинг шамолда пириллаётганини, театр колонналари олдида карета эшикларининг зарб билан очилишини кўради.

У хотин-қизлар журнали — «Тўй совғалари» ва «Салонлар парвонаси»га обуна бўлди. У журналда нимаики ёзилган бўлса, ҳаммасини ўқирди: премьера-лар, пойга, зиёфат, кечалар ҳақидаги мақолаларни мутолаа қилас, бирор хонанда хонимнинг концертидан тортиб янги магазиннинг очилишигача уни барабар қизиқтирас эди. У моддаларнинг ўзгаришини синчиклаб кузатар, энг яхши чеварларнинг унвонларини билар, Булон ўрмонига қайси кунлари, опера-ларга қайси кунлари борилишини биларди. Эжен Сюдан у уйларни қандай жиҳозлаш кераклигини ўрганди, Бальзак ва Жорж Санддан ўзича эҳтиросларнин қондириш йўлини ахтаарди. У китобсиз, ҳаттоқи столга ҳам ўтирмас, Шарль у билан гаплашиб, овқатни егунача китобни варақларди. Ўқиб туриб у ҳар доим виконт тўғрисида ўйларди. Виконт билан ўзича тасаввур этган персонажлар ўртасидаги ўхшашлиқ белгиларини аниқларди. Лекин нимб¹ виконт атрофида аста-секин катталашиб борар, унинг бошидан узоқлашган сари тобора кенгая борар ва энди ўзга орзуларни порлатар эди.

Энди Эмманинг кўз ўнгидаги океандек поёнсиз Париж яллиғланиб алаингаланаарди. Унинг тўс-тўполонда жўш урган бир бутун ҳаёти асосий қисмларга бўлинар, айрим-айрим манзараларга ажраларди. Булардан Эмма иккита ёки утасинигина ажратиб олар, шуларнинг ўзи қолган барча манзараларни тўсар, унинг назарида улар башариятни бутунлигича тасвирлар эдилар. Бутун атрофи кўзгу билан ишланган залларда зар попукли бахмал ёпилган тўгарак столлар орасида, ярқираган паркет полларда дипломатлар у ёқдан-бу ёққа юришарди. Бу узун мантия²лар буюк сирлар, табассум остида

¹ Даний суратларда, санамларда — боп атрофидаги ёғдунинг тасвири.

² Мантия — сербар, узун устки кийим.

яширинган руҳий азоблар дунёси эди. Кейин герцоги-
ньялар кўз олдида гавдаланаарди. Уларнинг юзлари
рангпар, у ерда соат тўртдан олдин ҳеч ким уйқудан
турмайди. Хотинлар худди фаришталарнинг ўзгинаси!
Инглиз тўрлари тутилган юбкалар кийишади, әркак-
лар·чи! Эркаклар ҳаммаси ҳавоин табнатли кўрингани
учун қобилиятлари тан олинмаган, сайдларда отлари-
ни чоптириб ўлдираёзишади, ёзги мавсумни Баденеда
ўтказишади ва ёшлари қирқларга боргандан сўнг ба-
давлат меросхўрларга уйланишади. Тунги ресторон-
ларнинг алоҳида кабинетларида турли·туман шоир,
актрисалар тўдаси хандон ташлаб кулишарди. Адаби-
ётчилар шоҳлар каби сахий, улугвор гоялар ва бемаъ-
ни хаёлларга тўлиб·тошганлар. Улар гўё ҳаммадан
баландда, осмон билан ер ўртасида, қора булутлар-
аро парвоз этадилар, уларда қандайdir бу дунё одам-
ларида бўлмаган хислатлар бор. Қолган ҳамма нарса
аралаш·қуралаш, аниқ бир маконда йўқ, умуман, ҳеч
қачон мавжуд бўлмагандек. Ҳаёт икир·чикирлари би-
лан Эмма қанчалик тўқнашса, унинг фикри шунчалик
кескин радишда ундан нафратланаарди. Унинг атрофи-
ни қуршаб турган ҳамма нарса: қишлоқнинг зерикар-
ли ҳаёти, мешчанларнинг бефаросатлиги, турмушнинг
қашшоқлиги — барчаси унинг назарида тасодифий
нарсалар эди. Эмма унинг қурбони, бу тасодифларнинг
хорижида муҳаббат ва бахтнинг бепоён ўлкаси мав-
жуд, деган ширин хайларга ботарди. Унинг оташин
тасаввуррида ҳирсий лаззатлар, руҳий шодликлар би-
лан нозик хатти·ҳаракатлар, кечинмаларнинг назока-
ти билан тенглашарди. Эҳтимол, ғуруннинг ҳам ҳинд
флорасига ўхшар, у ҳам юмшатилган ер, маҳсус
ҳароратга муҳтождир? Мана шунинг учун ойдин
кечадаги оҳ·воҳлар, узок оғушлар, айрилиқ дақиқа-
ларида қўлга томган кўз ёшлар, эҳтироснинг жўш
уриши ва оҳиста эркалашлар — ҳаммаси Эмма учун
айши ишратнинг кети узилмайдиган катта қасрлар-
нинг балконларидан, ипак пардалару пат гиламлар
тўшалган ётоқхоналардан, гуллар солинган идишлар-
дан, баланд қилиб қўйилган каравотлардан, қиммат-
баҳо тошларнинг жилосидан ва попукли ливрейлардан
ажралмас нарсалар эди.

Ҳар куни эрта билан йўлакда Боварининг биясини
тозалаш учун қўпол ботникаларини дўқиллатиб келган

почта кучерининг оёқ товуши эштиларди. Йиртиқ кўйлакли, иркит шу одам рейтузали сайислар хизматини ўтайди! У ўз ишини битиради-ю, шу бўйи эртаси эрталабгача гойиб бўлиб кетарди. Шарль бемордарни кўриб, қайтиб келгач, отни ўзи отхонага олиб бориб боғлар, эгарини ечиб нўхтани кийгизиб қўяр, шу орада хизматкор аёл бир қучоқ похол олиб келиб охурга пала-партиш ташлар эди.

Ииглаб-йиглаб, охири Тостдан кетган Настазия ўрнига Эмма беозоргина мўлтиллаб турадиган ўн тўрт яшар етим қизни хизматга олди. Эмма унга чепчик кийинши ман қилди, уни хўжайнинларни сизлаб гапиришга, стакандаги сувни ликопчада беришга, тақиллатмасдан уйга кирмасликка, кирни дазмоллаш, крахмаллашга, ўзини кийинтира олишга ўргатди. Хуллас, у қизни чинакам оқсоч қилиб олишни истарди. Янги хизматкор қиз ҳайдаб юборишларидан қўрқиб, ҳамма нарсага сўзсиз штоат қиласади. Лекин Фелисите бекаси калитни буфетнинг бурнида қолдириш одатини билиб, ҳар оқшом у ердан оз-оздан қанд ташир ва худога чўқиниб бўлгач, кўрпада уни яширинча шимиб ётарди.

Баъзан кечқурунлари у дарвоза олдига чиқиб, кучерлари билан гап сотишарди. Ёекаси тепада, ўз хонасида ўтиради.

Эмма ёқаси очиқ кенг халат киярди, корсажининг қайтарма ёқалари орасидан учта тилла тугма қадаган бурма кофточкаси кўриниб туарди. Белига катта-катта попукли белбоғ боғларди, анор рангидаги туфлиси катта бант билан безатилган бўлиб, оёқнинг ёзини бекитиб туарди. Эмма қогоз, конвертлар соладиган папка, ручкалар сотиб олди, лекин кимга хат ёзиши билмасди. У этажеркадаги чангларни артар, кўзгуга қарап, қўлига китоб олиб, кейин хаёлга чўмар, китоб тиззасига тушар эди. Унинг узоқ сафарларга чиққиси ёки монастирга қайтиб боргиси келарди. У ўлишини хоҳлар, лекин айни бир вақтда Парижда яшашни истарди.

Шарль бўлса бўрон демай, ёмғир демай отга миниб олиб, қишлоқма-қишлоқ кезарди. У фермерлар сийлаган қўймоқ билан қорнини тўйдириб оларди, тердан нам бўлиб кетган чойшабларни ушлар, қон олар, иссиқ қон унинг юзига сачраг, ўпка хириллашларини

текширар, тувакларни қарап, беморларнинг кўйлакларини кўтарар эди. Бунинг эвазига уни оқшомлари иссиқ камин, ясоглиқ стол, нафис мебель, башанг кийинган жозибадор хотини кутарди. Бу дилбар жувондан ҳамиша бир нафис ис аниқиб турадики, у атири суриб юрадими ёки ички кийимларга уриб кетган ҳид терисининг ҳидими, билиб бўлмасди.

Эмма ўзининг ижодкорлиги билан уни қойил қолдирав эди: ҳали қарасангиз, шамдонлар учун қоғоздан розеткалар ясаган, ҳали қарасангиз, кўйлагидаги бурмаларни бошқача қилиб тиккан, оддий овқатларга, ошпаз хотин бузиб қўйган овқатларга антиқа номлар қўйганки, Шарлнинг оғзидан сўлаги оқади. Руанда хотинлар соат учун бир тизим брелок¹лар олишганини кўриб қолиб, шу заҳоти у ҳам ўзига брелок сотиб олди. Унинг миясига энг аввал каминга кўк шишадан қилинган вазаларни қўйиш фикри келди, кейин иштикиш учун, тилла суви юритилган ангишвонани солиб қўйиш учун фил суюгидан ясалган қутичани қўйгиси келди. Шарль бу майда-чуйда ишлар маъносига тушуммасди ҳам, лекин шунинг ўзи уни завқлантиради. Булар барчаси унинг хушчақчақлигини оширас ва уй-рўзгорга файз киргизар эди.

Шарль ўзини жуда ҳам яхши сезар, кўриниши ҳам жуда соз, обрўси ҳам ошиб бормоқда эди. Дехқонлар уни камтарилиги учун яхши кўрадилар. Болаларни эркалатар, майхоналарга кирмас, ахлоқ жиҳатдан ниҳоятда покиза эди. У ҳаммадан ҳам тумов, пучюқ, шамоллашларни яхши даволарди. Гап шундаки, беморнинг баттар оғирлашиб қолишидан қўрқиб, кўпроқ тинчитадиган дорилар ёзиб берарди, баъзан қайт қилдирадиган дорилар, оёққа иссиқ ванна, зулук солишини буюарди. Шу билан бирга жарроҳликдан унча қўрқмас: қон олиш у учун ҳеч гапмас, гўё унинг олдига одам эмас, от тургандек, тиш олишни ҳам қойил қиласди.

Замондан орқада қолмаслик учун у олдиндан асосий программаси билан танишиб чиқиб, «Медицина даракчиси» деган янги журналга обуна бўлди. Овқатдан сўнг у журнал ўқишга тутинар, лекин уйнинг иссиги ва овқат уни шунчалик элитардики, у беш ми-

¹ Брелок — соат занжирига ёки калитга осиладиган беzaq.

нутдан сўнг бошини билагига қўйиб олиб уйқуга кетарди. Эмма унга қараб елкасини қисарди. Нега энди унга ҳеч бўлмаса тилсиз-жагсиз, умрини меҳнатда ўтказадиган, кечалари билан китоб устида ишлаб, олтмиш ёшга кириб бод касалига мубтало бўлгандан кейин, ёмон бичилган қора фракининг тугма тешигига тикиб қўйиладиган хоч оладиган киши учрамади экан? У Боварининг машҳур бўлишини истарди; унинг номи китоб дўконларининг витриналарида кўзга ташланини, унинг номи матбуотда тилга олиннишини, уни бутун Франция билишини истарди. Бироқ Шарль шоншуҳрат кетидан қувадиган одам эмас! Иветодан келган, у билан консилиум пайтида учрашиб қолган врач беморнинг олдида, қариндошлар турганига қарамай, Шарлга менсимаслик билан муомала қилди. Кечқурун Шарль бўлган воқеани Эммага гапириб берди, Эмманинг жони чиқиб кетди, Шарлнинг кўнгли бузилди. Кўзига ёш олиб, хотинининг пешанасидан ўпди. У бўлса номусга чидамай, эрини дўпослагиси келди, лекин ўзини босиш учун югуриб йўлакка чиқиб кетди, ойнларни очиб ташлаб, совуқ ҳаводан нафас ола бошлиди.

— Нақадар пасткашлик! Нақадар тубанлик! — дерди у лабларини тишлаб.

Энди Шарлнинг ҳар бир қилиғи унинг ғашини келтиради. Ёши улғайиши билан унда хунук одатлар пайдо бўла бошлади. Чой ичиб ўтришганде у бўш шишаларнинг пўкагини пичоқ билан қиймалаб ўтирас, овқат еб бўлгандан сўнг тилини такиллатиб қўяр, шўрвани хўриллатиб ичарди. Эт қўя бошлади. Азбаройи юзи семириб кетганидан, унингсиз ҳам кичик кўзлари яна ҳам бит кўз бўлиб кетаётгандек кўринарди киши кўзига.

Баъзан Эмма унинг фуфайкасидаги қизил экиягини нимчasi ичига тиқиб қўяр, галстугини тузатар, эскирган қўлқопини киймоқчи бўлиб турганини кўрса, қўлидан олиб, улоқтириб ташларди. Лекин буларни мен учун қиляпти, деб ўйласа, Шарль янглишган бўларди, бу меҳрибонликларни худбин Эмма ўзи учун, жаҳл аралаш қиласади. Баъзан Эмма унга ўқиганларидан, ўқиган романидан ёки пьесалардан парчалар, газета фельетонида чиққан оқсуяклар ҳаётидаги янгиликлардан гапириб берарди: ахир ҳар нарса бўлса-да,

у одам-ку! Одам бўлганда ҳам, унинг сўаларини диққат билан эшитадиган ва ҳар доим у билан келнича оладиган одам-ку! Ахир у ўз ҳасратларини итига ҳам айтганди-ку! У ўз дардини соат тебрангичнга ҳам. каминдаги ўтинга ҳам айта олса жон дерди!

Ҳар қалай, у қандайдир бир ҳодиса юз беришини кутарди. Ҳалокатга учраган денгизчилардек умидсизлик тўлган кўзлари билан ўзининг кимсасиз ҳаёт йўлига боқар ва туманли уфқда оқ елкан кўриниб қол масмикин, деб тикиларди. Қанақа ҳодиса юз беради. уни қайси шамол судраб келади, қайси қирғоққа уни чиқариб ташлайди, олдига эшқакли қайиқ келадими ёки уч палубали кема келадими, у ичи тўла ғам-ҳасрат олиб келадими ёки ҳузур-ҳаловат келтирадими, бу тўғрида у ўзига ҳисоб бермасди. Лекин әрталаб уйқудан уйғониши билан ўша ҳодиса худди шу бугун рўй беришига ишонарди. У ҳар бир товушга қулоқ солар, ўрнидан иргиб туарди ва ҳаммаси бояги-боягидек эканлигини билиб, ҳайрон қоларди, айниқсан кеч киргандага юраги сиқиларди ва тезроқ тонг отсан қолса, деб кутарди.

Кейин яна баҳор келди, иссиқлар бошланиб, ноклар гуллаган пайтда Эмма юрак сиқилиш касалига мубтало бўлди.

Июлнинг биринчи кунларидан бошлаб Эмма октябргача неча ҳафта қолди, деб бармоқлари билан санаб юрди, у маркиз д'Андервилье Вобъесарда яна бал ўтказади, деб ўйларди. Биринчи сентябрь ҳам келди, ҳеч қанақа мактуб ёки таклифномадан дарак бўлмади.

Ҳафсаласи шир бўлиб, умиди узилгандан кейин қалби яна бўшаб қоларди, яна бирини бирига ўхшаган кунлар бир-бирини қувалашиб ўтаверарди.

Демак, бир-бирига ўхшаган, ҳисобениз ҳеч бир янгиллик келтирмайдиган кунлар шу тартибда ўтиб кетаверадими? Бошқалар ҳам диққинафас бўлиб яшайди, лекин уларда бирор ўзгаришга андаккина бўлса ҳам умид бор-ку. Баъзи бир вақтларда қандайдир кутилмаган бир воқеа қанчадан-қанча ҳодисаларни бошлаб келади, шу билан муҳит ўзгаради. Лекин унинг ҳаётинда ҳеч нарса рўй бермайди, демак, шуни тангрининг ўзи пешанасига ёзган экан-да! Келажак у учун қулфлоглиқ эшикка бориб тақалувчи қоронги йўлак бўлиб кўришарди.

Музика чалишни ташлаб қўйди, нима кераги бор? Ким уни эшитади? Модомики, яқин ўрталарда калта енглик баҳмал кўйлакда ўтириб, Эрагро роялини чалмагандан кейин, енгил бармоқлари клавишлар устида ўйнамагандан кейин, модомики, яқин ўрталарда кон, церт залида ўтирганларнинг оғаринларини олиб келувчи шамол эсаётганини сезмагандан кейин уриниш-ўрганишининг нима ҳожати бор? Расмлари ва тиккан кашталари шкафда ётибди. Булар ҳаммаси нима учун? Нимага? Тикиш ҳам унинг жонига тегди.

— Китобларни битта қўймай ўқиб чиқдим,— дерди у.

Бир бало қилиб вақтни ўтказиш учун у оташкуракни каминда қип-қизартирарди-да, унга қараб ўтирарди ёки ойнадан ёмғир ёғишини томоша қиласарди.

Айниқса, якшанба кунлари кечки ибодатга занг урилганда юраги шундай сиқилардик! Дара кетган жомнинг зарбларига у анқайиб қулоқ соларди. Томда мушук белини букчайтириб қуёшининг иллитмас нурлари остида аста қадам ташларди. Кўчада шамол тўзонни учирарди. Баъзан қаердадир ит ҳуар, жом эса ҳамон гувиллар, унинг ҳазин ва бир текис жарангни олисларга тараларди.

Кейин ибодат тугарди, аёллар тозаланган оёқ кийимларда, дехқонлар янги кўйлакларда черковдан уй-уйларига қайтишарди, болалар бош яланг, олдинда бир оёқлаб чопиб келишади. Карвон сарой дарвозаси олдида ҳамиша беш-олти киши йигилишиб, ярим кечагача «пробка» ўйнашади.

Қиши бу йил совуқ келди. Баъзан кечаси билан яхлаган ойналардан ўтган оқиши ёғду хоналарни ёритиб туарди. Соат тўртдаёқ чироқларни ёқишига тўгри келарди.

Ҳаво яхши кунлари Эмма бокча чиқарди. Карам барглари орасида узун оқ ипга тизилган қирров кумушдек йилтилларди. Қушларнинг сайраши эшитилмас, гўё бутун олам уйқуга кетгандек, оқ ўрик дарахтлари, похол билан бекитилган ток худди каттакон касал илондек девор тагидачувалашиб ётар, унга яқинроқ бориб қарасангиз, ўзиннинг беҳисоб оёқлари билан ўрмалаб юрган эшакқуртларни кўришингиз мумкин. Панжара олдиаги қора қайнилар тагига

ўрнатилган ҳайкалиниг — учбурчак шляпа кийган, қўлида китоб ушлаган руҳоний ҳайкалиниг ўнг оёғи синиб тушибди, совуқдан гипс уваланиб, юзлари чўтирчўтириб бўлиб кетибди.

Кейин Эмма ўз хонасига қайтарди, эшикни ичидан бекитиб олиб, каминдаги оловни тита бошларди, иссиқдан нафаси қайтиб, ғам-ғусса бутун оғирлиги билан уни босаётганини сезарди. У бориб хизматчиси билан бир оз кўнглини ёзгиси келар, лекин буни ўзига раво кўрмасди.

Ҳар куни маълум соатда қора шойи қалпоқ кийиб юрадиган ўқитувчи деразанинг дарпардасини очади, ёнига қиличини осиб олиб дала қоровули ўтади. Эрталаб ҳам кечқурун кўча кесиб почта отлари ўтади, уларни учта-учтадан қилиб ҳовузга сугоришга ҳайдаб боришади. Вақти вақти билан қовоқхона эшигига қўнгироқ чалинади, шамол бўлган кунлари темир чишиқларда осилиб турган, сартарошхонага лавҳа хизматини ўтовчи мис тогорача даранглайди, унинг витринаси дераза ойнасига ёпиштирилган эски сурат билан мумдан ясалган сариқ сочли хотин кишининг бошидан иборат эди. Сартарош ҳам иш йўқлигидан, ўзининг хароб бўлган ҳаётидан иолир эди ва бирорта катта шаҳарда, айтайлик, Руанда, соҳил бўйинда ёки театрдан унча узоқ бўлмаган ерда сартарошхона очишини орзу қиласди. Куни бўйи муштарий кутиб, қовоғидан қор ёғиб, шаҳар идораси билан черков орасида юравериб эси кетарди. Бовари хоним қачон қарамасин, сартарош фескасини чаккасига қўйинб, шойи астарлик курткаси билан қўриқчилик постида тургани-турган эди.

Баъзан меҳмонхонанинг деразасидан қора бакен-бэрдли, офтобдан қорайган башара кўринарди-юғзининг таноби қочиб, оқ тишларини кўрсатиб, юмшоққина кулиб қўярди. Орқасидан вальс овозлари эшитиларди ва шарманка садоси остида кичкинагини залда ўйинчоқ кресло, диван, устунчалар орасида бўйи бир қарич ўйинчилар айланиб-айланиб ўйнаб кетишарди: қўғирчоқ аёллар қизил саллаларда, эркақ қўғирчоқлар курткаларда, маймунчалар қора фракларда, кавалерлар калта иштончаларда гир айланиб ўйин тушишар ва булар ҳаммаси бурчакларига тилла қогоз билан ёпиштириб қўйилган ойна парчаларида

акс этарди. Ҳалиги киши шарманканинг сөпини айлантирар, ўзи бўлса ҳали ўнгга, ҳали чапга, ҳали ойналарга қаарди. Ҳар замонда тумбага туфлаб қўйиб, тиззаси билан шарманкани кўтариб қўярди, унинг чарм bogичи елкасини қиярди ва жимжима мис тахтачага ёпиштирилган пушти ранг гулдор пардаларнинг тагидан гоҳо мунгли, чўзиқ, гоҳо шўх ўйин куйлари гувиллаб чиқарди. Ана шу куйларни қаерлардадир узоқларда театрларда чалишар, салонларда куйлашар эдилар, шу музика оҳанглари остида зиёфатларда, қандиллардан нур ёғилиб турган меҳмонхоналарда рақсга тушишарди ва эндиликда Эммага олий табака жамияти ҳаётининг акс садолари каби келиб этарди. Ҳаёлида ҳамма вақт сарабанда¹ айланган айланган, фикри бўлса худди раққосадек гиламнинг гуллари утида, музика оҳанглари билан баробар оёқ ташлаб, орзудан орзуга, қайғу-аламдан қайғу-аламга сакрарди. Ҳалиги одам тушган чақаларни фуражкасига солиб, шарманкасини кўк сурпдан тикилган эски қопчиқча ўраб, уни елкасига кўтарар, оғир қадам ташлаб нари кетарди, Эмма орқасидан қараб қоларди.

Аммо овқат маҳалида унинг тоқати тоқ бўлиб кетарди: пастки қаватда жойлашган, печкаси доим тутаб ёнадиган, эшиги гижиллайдиган, деворлари доддуг, поли заҳ кичкина емакхона унинг табиатини баттарроқ хира қиларди. Эмманинг назарида, унга тарелкада ҳаётининг барча заҳри заққумларини берадилар, қайнатма бузоқ гўштидан буғ чиқса, унинг ички аъзоларида ҳам нафрат худди шу буғдек буралиб-буралиб чиқаётгандек туюларди. Шарль шошилмай овқатланаарди. Эмма ёнгоқ чақиб еб ўтирас ёки столга тирсангини қўйиб олиб, нима қилишини билмай, пичоқ билан клеёнкани қирқиб ўтирас эди.

У рўзгор ишларини ташлаб қўйди ва катта Бовари хоним улуғ ҳайитда Тостга келиб, бу ўзгаришлардан жуда ҳайратга тушди. Рост, Эмма илгари ўзига жуда ҳам бино қўярди, энди бўлса куни билан нари-бери кийиниб юраверарди, оёғида кул ранг иш пайпоқ, чироқ ўрнига шам ёқиб ўтирасди. У доим, модомики, бой өмасмизми, демак, режа билан рўзгор қилиш керак, дерди ва кейин гоятда хурсанд, баҳтиёр эканини, Тост-

¹ Сарабанда — испанча рақс музикаси.

да туриш унга жуда ҳам ёқишини қўшиб қўярди. Бу янги гаплар билан қайнананинг оғзига ургандек бўларди. Барибир қайнанасининг маслаҳатига юришга унинг тоби йўқ эди. Кунлардан бир кун катта Бовари хоним хўжайинлар, малайлардан бутун черков қоидаларига риоя қилишларини талаб қилишлари керак, деб қолувди, Эмма хўмрайиб қаради ва совуқ бир жил майиб туриб, шундай жавоб бердики, муҳтарам хоним тилини тишлаб қолди.

Эмма инжиқ, нозиктабиат бўлиб қолди. У ўзига алоҳида овқат буюарди, лекин бир қошиқ татиб ҳам кўрмасди, бугун яккаш сут ичса, эртасига нуқул чой иcharди. Гоҳ чордевор орасига қамалиб оларди, гоҳ нафаси қайтиб, ҳамма ойналарни очиб ташларди, енгил кўйлак кийиб оларди, гоҳ чўри қизнинг ғашига тегаверарди, гоҳ унга турли-туман совғалар бериб, қўшиларнига меҳмонга юборарди; худди шунингдек, баъзан у ўзининг раҳмдиллиги, шафқатлилиги билан ажralиб турмаса ҳамки, ҳамёнидаги боркулларини гадойларга бериб юборар эди. Шуни қайд қилиб ўтиш керакки, қишлоқда ўсган кўпчилик одамлар бу фазилатлардан узоқ бўладилар, зероки, оталарининг қадоқли қўллари маълум даража юракларига ҳам ўтган бўлади.

Февралнинг охирида Руо ота ўзишинг сорайиб кетганлиги учун куёвига ажойиб курка олиб келди ва Тостда уч кун меҳмон бўлиб турди. Шарль ўз bemорлари билан овора, отаси билан Эмма қолди. Чол хоне ичизда чекар, каминга туфлар, экин, бузоқлар, сигirlар, паррандалар, муниципиал советлар ҳақида гапиради. Отаси жўнаб кетиши билан Эмма шундай бир енгил тортиб эшикни бекитдики, ўзи ҳам бунга ҳайрон қолди. Шуни ҳам айтиш керакки, энди у кимдан, нимадан нафратланишини яширмас, баъзан у жуда дадил фикрларни шартта айтаверарди, ҳамма қувватлаган нарсаларни у инкор этар, ярамас, ахлоқсизлик деб ҳисобланган нарсаларни қўллаб-қувватларди. Эри ҳайратдан кўзини ола-кула қилиб ўтираверарди.

Хўш, демак, бу маъносиз кун кечириш бир умрга чўзилар экан-да? Демак, чора йўқ экан-да? Ўша бахтиёр аёллардан унинг бирор ери камми? Вобъесарда ўша герцогиняларни кўрди: гавдалари бунга қараган-

да бесўнақай, хатти-ҳаракатлари ҳўполроқ әди. Таждирнингadolatsizligi Әммага алам қилди, у бошини деворга қўйинб қон йигларди. У дабдабали ҳаётни, туғи маскарадлар, беадабона айш-ишратларни қўмсарди, ўзи татиб кўрмаган, кишини ҳаяжонга соладиган йаеватларнинг гаштини сургиси келар әди.

Әмманинг ранг-рўйи кетди, юрак уриш бошланди. Шарль унга валерьян ичиш ва камфара ванинг тайинлади, лекин булар барчаси унинг баттарроқ жигига тегарди. Баъзи кунлари у гайри табиий сергап бўлиб қоларди, кейин бирдан бу жонсараклик меровликка айланарди қоларди. У соатлаб ғиринг этмай, жойидан қимирламай ўтираверарди. У бутун-бутуйшиша атирларни қўлига қуяр, искар ва шундан кейин бир оз жонланарди.

Модомики, у бетўхтов Гостни ёмонлайдими, демак, гап у ернинг иқлимида, деб хулоса чиқарди Шарль ва шу фикрни миясига қўйинб олиб, бу ҳақда жиддий ўйлай бошлади: ахир, бошқа бирор жойларга кетса бўлмайдими, деган хулосага келди.

Ушанда Эмма озиш учун сирка ича бошлади. Қуруқ йўтал пайдо бўлди, иштаҳаси батамом йўқолди.

Гостдан кетиши Шарлга осон эмасди, ахир у бу ерда бир неча йилдан бери ишлайди, эндиғина «пат чиқараётир». Начора! У хотинини Руанга олиб борди ва ўзининг собиқ профессорига кўрсатди. Унинг асаблари бузилган, бу шаронтнинг ўзгаришини тақозо қиласа экан.

У ёқ-бу ёққа дарак солиб, Шарль ниҳоят Невшатель округида Ионвиль — л'Аббей деган тузуккина шаҳарча бор эканлигини аниқлади. Худди ўша ердан ўтган ҳафта поляк эмигранти — врач ўз юртига кетган экан. Шунда Шарль Ионвиль дорихона бошлигига хат ёзиб, у ерда қанча халқ яшайди, ундан олдинги врач кўп пул ишлармиди, қўшни врач узоқда яшайдими, шуларни ёзиб юборишини илтимос қилди. Кониқарли жавоб олгандан кейин Шарль: «Агар Эмма тузалмаса, баҳорда у ёққа кўчиб кетамиз», деб қарор қилди.

Бир кун Эмма кўчиш тараддуудида нарсаларини саралжомлаб юрган эди, комод ичида бармоғига бир нарса санчилди. Бу унинг тўй гулдастасининг сими әди. Оқ гуллар чангдан саргайиб, кумуш попукли

атлас лентанинг четлари титилиб кетиби. Эмма гул ларни оловга ташлади. Улар худди қуруқ похолдең бир зумда лов этиб ёниб кетди. Бир оздан кейин кулдаң қанақадир қизил шохга ўхшаган нарса қолди ва бу ҳам аста-секин кулга айланы бошлади. Эмма унда күзини узмай қараб турди. Картондан ясалган мева лар ёрилар, жез симлар буралишар, уқалар эрирдің оловда буришиб қолган қофоз гулчамбарлар камми ичидә қора парвоналар каби учиб юришди, ниҳоят трубадан учиб чиқиб кетиши.

Март ойида әри билан Тостдан кетаётганда Бовар хоним ҳомиладор эди.

ИККИНЧИ ҚИСМ

I

Ионвиль — л'Аббей¹ шаҳарчаси (капуцинларнинг қачонлардир смирилган аббатлиги² ҳукумати учун бу шаҳарчага шундай ном қўйилган) Руандан саккиз лъё масофада, Риёль дарёси водийсидаги Аббевиль ва Бовеа йўллари оралигида жойлашган, Риёль дарёси ўз сувини Анделга қуяди, қуйилиш ери яқинида учта тегирмонни юргизади ва бу дарёда унча-мунча хонбалиқлар бор, болалар унга жуда ҳам ўч, улар ҳар якшанба дарё бўйига тизилишиб олишиб, балиқ овлашади.

Буасъерда сиз катта йўлдан буриласиз ва қишлоқ йўли билан Ле тепалигидан кўтариласиз, у ердан бепоён водий манзараси кўзингизга ташланади. Бу водийни дарё бир-биридан фарқи катта бўлган икки обласига ажратади, деса бўлади: чап томонида ўтлоқлар, ўнг томонида бугдойзор. Тепаликлар ён бағрида ястаниб ётган ўтлоқлар орқа томонда Брэ яйловига туташади, шарқ томонда эса текислик билинар-билинмас кўтарила бориб кенгаяди, кўз илғамас олин ранг бугдойпоялар ёйилиб ётарди. Ўт-ўланлар ранги билан экинларнинг ранги бир-бири билан қўшилиб кетмайди, уларни оқар сувнинг тиниқ лентаси ажратиб туради ва дала-лар бу ерга ёйилган кумуш духоба ёқали каттакон плашга ўхшайди.

Сиз шаҳарга яқинлашган сарнгиз уфқда Аргейль йўмонининг қарағайлари ва Сен-Жан жарликлари кўринади, бу жарликлар юқоридан пастгача узун, қинир-қийшиқ, қизил чизиқлар билан чизиб ташланганга ўхшайди, булар ёмғир излари, шу атроф далаларга оқиб ётган беҳисоб темирли чашмалар кул ранг тошни кесиб ўтган томирларга қизғиш ранг берган.

¹ А б б е й — «аббатлик» (франц.)

² А б б а т — католик черковининг бош руҳонийси. А б б а т л и к — ўз атрофидаги ер-мулкларга эга бўлган католик черкови.

Бу ерда Нормандия, Пикардия ва Иль-де-Франс вилоятлари бир-бiri билан туташади, бу талафзузи ўз хусусиятига эга бўлмаган, манзараси эса ўзига хос қурама ўлкадир. Бу ерда бутун округ бўйича энг ёмон Нефшатель пишлоги ишлаб чиқарилади, бу ерда бугдой экишининг ҳам фойдаси йўқ, сочилувчан қумлар: тошлоқ, қумлоқ ср жуда ўғит талаб қиласди.

1835 йилгача Ионвилда йўловчилар қатновчи йўл ҳам бўлмаган, лекин худди мана шу йил Аббевиль ва Амьен йўлларини қўшадиган •катта қишлоқ йўли• ўтказилди, энди Руандан Фландриягача ҳар замонда юкли аравалар ўтиб туради. Аммо •мол сотиладиган янги бозор бўлишига қарамай, Ионвиль — л'Аббейда ҳамма нарса қадимгича қолаверди. Зироат ишларини кўтариш ўрнига бу ерда ўжарлик қилиб бефойда харакали ўтлар әкавердилар. Бу эринчоқ шаҳарча текисликдан узоқда дарё томон чўзилади. Уни узоқдан кўриш мумкин: худди чошгоҳда дам олиб ётган чўпондек дарё қирғогида ястаниб ётади.

Кўприкдан ўтилгач, тепалик этагида ёш тог тераклари экилган йўл бошлиданади, шу йўлдан сиз ўнгга ҳам, чапга ҳам бурилмай, тўппа-тўғри худди шаҳар четига кириб борасиз. Атрофи деворча билан ўралган уйлар ҳовлиларнинг ичкарисига қурилган, теварагидаги сершоҳ дарахтларга нарвонлар тираб қўйилган, улар остида ўроқлар, узун ёғочлар ва ҳар хил иморатлар кўзга ташланади: узум эзигиб ширасини чиқарадиган хоналар, файтонлар турадиган, вино тайёрланадиган уйлар. Худди бостириб кийган шапкадек осилиб ётган похол томлар ўртасида шишанинг тагига ўхшатиб чуқурча қолдирилган, бўртиқ қалин ойналар солинган кичкина деразаларнинг учдан бир қисмини бўғот бекитиб туради. Сувоги орасидан кўндаланг қоқилган қора таҳтача кўриниб турадиган деворлар бўйлаб нимжон иок дарахтлари ўсиб ётибди, эшиклар олдига, осто нада сидрга солиб ивитилган нон бўлакчаларини чўқилаб юрган жўжалар кирмаслиги учун кичкина парракчалар ўрнатилган. Бироқ ҳовлилар бора-бора торайиб, уйлар бир-бирига қапишиб боради, деворлар кўринмай кетади, деразалар тагида учига қирққулоқ боғланган супурги соплари силкиниб туради. Мана, темирчилик дўкони, кейин арава устахонаси, унинг олдида тош йўлнинг бир қисмини банд қилиб турган

иккита-учта янги аравалар. Нарироқда, пайжара орасдан оқ уй кўринади, унинг олдида эса доирасимон ўтлоқча бўлиб, уни бармоғини лабига теккизиб турган амур ҳайкалчasi безаб туради; катта эшикнинг иккى томонида нақшлаб ясалган вазалар, эшикда металла тахтacha ялтирайди, бу шаҳардаги энг яхши уй — бу ерда нотариус истиқомат қилади.

Ундан йигирма қадамча нарида — қарама-қарши томонда, майдоннинг четида черков жойлашган, унинг атрофини пастаккина деворли кичик қабристон ўраб туради, у шунчалик торки, ер бағирлаб ётган эски плиталардан бус-бутун пол ҳосил бўлган... ораларида ўсган ўтлар кўм-кўк ва тўғри тўрт бурчаклар ҳосил қилади. Карл X подшоҳлигининг охирги йилларида черков бошқатдан қурилган эди. Бироқ тепадаги ёғоч гумбаз чирий бошлаган, унинг зангори фонининг баъзи ерларида қорамтири чуқурчалар ҳосил бўлган. Орган¹ туриши керак бўлган жойдаги эшик тепасига эркаклар учун хорлар² қурилган, у ерга пошналардан жаранглайдиган айланма зина орқали чиқилади.

Кундузнинг ёруг ёғдуси деразаларниң рангли ойналаридан ўтиб, қийшиқ нурлари билан деворга нисбатан тик чизиқ қилиб териб қўйилган скамейкалар қаторини ёритиб туради, баъзи скамейкаларниң суянчиғига гиламча қоқиб қўйилган ва шу гиламчаларниң ҳар бирининг скамейкаси» деб ёзилган. Ундан нарида, кема торайиб борган ерда тавба қабул қилинадиган хона мавжуд, худди ўшанинг рўпарасида Сандвич оролидан келтирилган маъбуданинг ўзгинасилик қипқизил атлас кўйлакда, кумуш юлдузчалар сепилгаш тўр рўмолда Биби Марямнинг ҳайкалчasi туради, ниҳоят, энг ичкарида тўртта шамдон оралиғида, меҳроб, тепасида осиғлиқ турган «ички ишлар министри ҳадяси» — муқаддас оила расминнинг нусхаси бу манзарани тугаллайди. Хорлардаги арчадан ясалган ўриндиқлар шундайлигича бўялмай қолиб кетган.

Ионвиль бош майдонининг роса ярмисини раста бозор, яъни тахминан йигирмата устун ушлаб тура-

¹ Музика асбоби.

² Черковларда ашула айтувчилар учун болохонасимон қурилган жой.

диган черепица бостирма ишғол қиласди. Бурчакда, дорихонанинг ёнида «Париж архитекторининг лойиҳаси» билан ишланган ва гўёки юнон қасрига тақлид қилиб қурилган шаҳар бошқармаси биноси қад кўтарган. Пастда учта ионик колонналар, иккинчи қаватда равоқли узун айланма айвон, пештоқи устига бир оёги билан Хартияни¹, иккинчи оёги билан адолат тарозисини босиб турган Галл² хўроз ўрнаштирилган.

Аммо «Олтин шер» трактирининг рўбарусидаги жаноби Оменинг дорихонаси, айниқса яққол кўзга ташланади ва энг муҳими кечқурун кенкет ёндирилганда, витриналарнинг қизил ва кўк шарлари ерга узун, ранг-баранг соялар ёйганда, бу шарларда худди бенгал олови учқунлангандек, конторкаси устида энгашиб ўтирган дорихоначининг сояси акс этади. Унинг уйига тепасидан то пастгача, гоҳ думалоқ, гоҳ ўнгга қийшайган, гоҳ босма ҳарфлар билан ёзилган хилма-хил ёълонлар ёпишириб ташланган: чунончи, «Виши, сельтр, Бареже, қон тозаловчи экстрактлар, ич сурувчи дориси, Распайль, Арабистон ракаути, Дарсе таблеткалари, Реньо пастаси, бинтлар, ванна учун эритмалар, шифобахш шоколад ва ҳоказо». Эни бўйлаб бинонинг устига йирик олтин ҳарфлар билан «Оме дорихонаси» деб ёзилган лавҳа қоқиб қўйилган. Ичкарида, пештахта ўрнаштирилган катта тарозининг орқасида ойнабанд эшикнинг тепасида деворга узундан-узун қилиб «Лаборатория» деб ёзилган, эшикнинг қоқ ўртасида қора устундан тагин олтин ҳарфлар билан «Оме» деб ёзилган.

Ионвилда бундан бошқа кўргудек жой йўқ. Унинг уича узун бўлмаган, бир ўқ етгулик биттаю битта кўчаси, яна бир неча савдо муассасалари бор, кейин йўл бурилади-ю, кўчанинг боши шу билан узилади. Агар кўча ўнг томонда қолиб, Сен-Жан тепалиги ёнидан ўтилса, қабристонга чиқилади.

¹ «Франциянинг конституцион хартияси» 1814 йилда Людовик XVIII томонидан имзоланган ва 1830 йилда Июль революциясидан кейин либерал руҳда ўзгартирилган конституцион акт.

² Буюк француз революцияси даврида Республиканинг гербидаги хўроз тасвириланган, буният маъносин шуки, лотинча gallus-хўроз демак, Рим салтанати даврида ҳозирги Франция териториясида Галл қабилалари яшаган.

Бир йили бу ерда вабо касали тарқалган вақтда қабристонни кенгайтиришди, ёнидан уч акр жой олиб, деворини бузиб юбориши, лекин қабристоннинг мана шу янги қисмида битта ҳам гўр йўқ. илгариgidек дарвозага яқин ерга кўмишаверади. Қабристон қоровули — у ҳам гўрков, ҳам черков қошида оят ўқувчи бўлиб ишлайди (шу туфайли ўликлардан икки баравар фойда олади) бўш ётган ерга картошка экади. Лекин унинг экин ерлари йилдан-йилга торайиб бормоқда, энди вабо тарқалгандан у ўликлардан хурсанд бўлишини ҳам билмайди, ҳар бир янги мозорни кўриб хафа бўлишини ҳам билмайди.

— Сиз мурдалар билан тириклилик қиласиз, Лестибудуа! — деди руҳоний бир куни жаҳлини босолмай.

Бу қайгули фикр қоровулни анча ўйлатиб қўйди ва у бир неча вақт «қишлоқ хўжалик» ишларини тўхтатди. Кейин у яна ўз билганидан қолмади, олдингидек экаверди, бунинг устига у яна, картошка ўзи чиқяпти, дейишга ҳам журъат этарди.

Биз ҳикоя қилажак ҳодисалардан илгари Ионвилда эътиборга сазовор бўладиган ҳеч қандай ўзгариш юз берган эмасди. Қўнғироқхона тепасида уч рангли тунука паррак ҳамон айланиб турар, янги дўконда иккита чит байроқ аввалгидек шамолда ҳилпирад, дориҳонада оқ ҳарон қурбақа салласини эслатувчи пуштлар лойқа спиртда ундан баттарроқ чириб ётар, қаҳваҳонанинг эшиги тепасида бўлса ёмғирдан айниб кетган қари олтин шер юнги жингалак итга ўхшаш ҳурпайган жунини ҳамон кўз-кўз қилиб ётарди.

Ионвилга эр-хотин Боварилар келадиган ўша оқшом қовоқхона бекаси бева Лефрансуа идиш-товоқларни тоза ювди, баданидан тер шов-шов оқарди. Эртага бозор куни, олдиндан нимта гўштларни бузиш, жўжаларнинг латини юлиш, шўрва ва қаҳва пишириб қўйиш керак. Ҳа, тагин таомни фақат унинг пансионида турувчилар учунгина эмас, доктор, хотини ва уларнинг оқсочи учун ҳам тайёрлаш керак. Бильярдхонадан қаҳқаҳа эшитиларди. Кичкина хонада ўтирган учта тегирмончи ароқ талаб қилишарди. Ўтинлар ёнар, чўғлар чарсиллар эди. Гўшт чопилаётган тўнка гурсиллагани сари узун ошхона столидаги хом қўй гўшти парчалари орасида уюлиб ётган бир тўда тарелкалар ҳам силкиниб кетарди. Парранда ҳовлида қаттиқ

қийқирап, хизматчи қиёз калласини олиш учум қувлаб юрган бечора товуқ, хўразнинг қичқириги әшитиларди.

Каминнинг олдида оёғига яшил чарм туфли, бошига тилла попукли духоба қалпоқ кийган чўтироқ киши исиниб ўтиради. Унинг афти башараси ўзига бино қўйишдан бошқа ҳеч нарсани ифодаламасди, у ўзини худди тепасида осиглиқ тол чивигидан ясалган қафасдаги саъвадек бамайлихотир тутарди. Бу дорихоначи эди.

— Артемиза! — бақирди қовоқхона бекаси, — шоҳчаларни синдири, графиниларни тўлдир, ароқ олиб кел, бўл тезроқ, қимирла! Аnavи, сиз кутаётган междонларга қанақа ширинлик тайёрлашимни билмай бошим қотяпти! Е, Исо Масиҳ! Яна бильярдхонадаги юк ташувчилар шовқин қилишаяпти! Уларнинг араваси дарвазанинг олдигинасида турибди-я! «Қалдиргоч» келиб, абжагини чиқариб юборади! Бор, Ипполитга айт, уни суриброқ қўйсин! Буни қаранг-а, жаноб Оме, эрталабдан бери ўн беш марта ўйнашди чогимда, олма виносининг ўзидан саккиз хумча ичиши!.. Бильярдинг мовутини йиртиб юборишади булар ўлгур! — қўлида чўмич билан, бильярд ўйнаётганларга узоқдан қараб галиради у.

— Ҳечқиси йўқ, — деди Оме, — янгисини оласиз.

— Янги бильярд-а? — ҳовлиқиб кетди бева хотин.

— Ахир бунингизнинг шалоги чиқиб кетди-ку, Лефрансуа хоним. Мен сизга аллақачондан бери айтаман, бу билан сиз ўзингизга зарар етказасиз! Худо ҳақи, зарар қиласиз! Ўйинчилар ҳам энди тўр халтаси тор бильярдин ва оғир кийни афзал кўрадилар. Умуман, ҳамма нарса ўзгарган! Аср билан бирга қадам ташлаш керак! Тельедан ўрнак олсангиз бўлмайдими?!

Қовоқхона бекаси жаҳлдан қизариб кетди.

— Нима деманг, унинг бильярди сизникидан нафисроқ-да! — давом этди фармацевт, — агар масалан, ватанпарварлик мақсадида, поляклар фойдасига ёки Лионда сув тошқинидан жабр кўрганлар фойдасига бильярд мусобақаси ўтказиш бирор кишининг миясига келгандайди...

— Уша муттаҳамдан қўрқиб бўпман! — унинг сўзи ни бўлди кенг елкаларини силкитиб қўйиб бека.—

Ҳечқиси йўқ, ҳечқиси йўқ, жаноб Оме! «Олтин шер» бор экан, унда ҳамма вақт одам тўла бўлади. Ҳали биз пул билан ўйнаймиз! Мана кўрасиз, худо хоҳласа шундай бир кун келадики, касод бўлган «Франция» қаҳвахонасига қулф тушади, шу ҳақда эшигига эълон ёпиширилган бўлади! Ҳа, ҳа, бильярдни алмаштири эмиш! — деди ўз-ўзига.— Унинг устида кирларни таълаш қандай ўнгай, ов мавсуми бошланганда эса унинг устида олти киши bemalol ётади!.. Ҳай, бу тасқара Иверга бир бало бўлдими, дараги йўқ!

— У келмагунча ўз мижозларингизга тамадди бермайсиз чоги, а?

— Нега бермас эканман? Жаноб Бине-чи? Мана кўрасиз, у роса соат олтида келади, шунақанги батартиб одамни ахтариб топиш қийин! Албатта, унинг учун кичкина уйдан жой бўшатиш керак! Ўлдирсангиз ҳам бошқа стулга ўтирумайди! Инжиқлигини айтмайсизми! Олма виносини танлайвериб эс-ҳушимни чиқаради! Мана жаноб Леон, бошқа гап! У баъзан еттида, баъзан етти яримда келади. Нима берсанг танлаб ўтирумай еяверади. Шундоқ ажойиб йигитки, асти қўяверинг! Бирор марта бақириб гапирмаган.

— Боодоб одам билан, мен сизга айтсам, собиқ карабинерла́здан¹ чиқсан солиқ инспекторини солишириб бўлмайди.

Соат олтига занг урди. Бине кирди. Кўк сюртуқ унинг ориқ гавдасида худди ёғочга илиб қўйгандек турарди, тепасига қулоқчини боғлаб қўйилган ва соябони букилиб кетган фуражкаси остидан, узоқ вақт каска кийиб юриш натижасида чуқурча бўлиб қолган пешанаси кўриниб турарди. У қора мовут нимча, шол галстук, кул ранг шим ва дўппайган бошмалдоғи устида бўртиб чиқсан, лекин қунт билан тозаланганди этикни йилнинг ҳамма фаслида кийиб юрар эди. Унинг пастки жагини чизиб турган ва худди гулпуштани ажриқ билан жўяклаб қўйганга ўхшаган бир кўзли қарчигай бурунли чўзинчоқ қонсиз юзини ўраб олган соқолининг бир тона туки ҳам оқ ёқасидан чиқиб турмасди. Ҳар қанақа карта ўйинини дўндирадиган, моҳир овчи,

¹ Карабинер — яъни калта милтиқ билан қуролланган аскар.

Ўзининг ҳусніхати билан ном чиқарган бу одам яна бекорчиликда ўзининг токарлик станогида сочиқтар учун ҳалқалар ҳам ишлаб чиқаради. У санъаткорга хос қизиқиши ва мешчанларча худбинлик билан уйини ҳалқаларга тўлдириб юборган эди.

У тўппа-тўғри кичкина хонага йўл олди, лекин у ердан олдин учта тегирмончини чиқариб юбориш керак өди, то ўзи учун стол устига дастурхон ёзиб бўлмагуларича индамай, печка ёнида тикка турди, кейин одати бўйича эшикни бекитди ва фуражкасини ечди.

— Хушмуомаланинг кўчасидан ҳам ўтмаган кўринади,— деди фармацевт бека билан ёлғиз қолгандан кейин.

— Ҳа, у ҳамма вақт шунаقا! — тасдиқлади бека,— ўтган ҳафта менингга иккита мовутфуруш даллоллар келишди, шундай шўх йигитлар эканки, бутун оқшом қизиқчилик қилиб ўтиришди, кулавериб ичакларим уэилди. У бўлса оғзига сўк солгандек гиқ этмай ўтирди.

— Ҳа,— деди фармацевт,— фаросатдан, аскиячикликдан, умуман, аслзодаларни ажратиб турадиган хислатларнинг ҳаммасидан маҳрум.

— Шундоқ бўлса ҳам, унинг сармояси кўп дейишиди,— деди бека.

— Сармояси? — такрор сўради жаноб Оме.— Ўэн ким бўпти? Сармоя эмиш?! У ўлпон ундириб олиш йўлини билади холос,— энди анча совуққонлик билан гапирди дориҳоначи ва давом этди,— айтайлик, ногоциант¹, катта-катта ишлар билан шугулланувчи юрист, доктор, дори тайёрловчилар бир умр ўз фикрлари билан банд бўлиб, бора-бора тентакроқ ва ҳаттоки одамовироқ бўлиб кетишади, мен буни тушунаман, биз буни тарихдан ҳам биламиз! Лекин барибир улар ҳамма вақт бир нарса тўгрисида фикр юргизадилар. Масалан, мен билан неча марта шундай ҳодиса рўй берди, шиshalарга дори номини ёзиш керак, стол устидан ручкани қидираман, у бўлса қулогим устига қистирилган бўлади!

Бу орада Лефрансуа хоним «Қалдирғоч» келганинг келмаганини билиб келиш учун чиқиб кетди, остона-

¹ Ногоциант — матта савдо ишлари билан шугулланадиган савдогар.

га чиқиши билан бирдан чўчиб тушди. Тўсатдан ошхонага қора кийим кийган киши кириб келди. Ботиб бораётган офтоб шуълаларида келган одамнинг икки юзи қип-қизил ва жуда ҳам дуркун эканини кўриш мумкин эди.

— Марҳамат, хизматларига тайёрман, тақсир! — деди қовоқхона бекаси каминда қаторлашиб турган мис шамдонлардан биттасини қўлига олиб. — Хўш, бирор нарса ичадиларми? Бир қадаҳгина смородина виносидан берайми ёки бир стакан сидр ичадиларми?

Руҳоний одоб билан винодан бош торгди. У Эрнемонск монастирида соябонини унутиб қолдирибди, Лефрансуа хонимдан шу соябонни марҳамат қилиб кечқурун уйига етказишини сўради ва кечки ибодатга кетди.

Унинг оёқ товуши босилгандан сўнг фармацевт, руҳонийнинг беодоблигини қайд этди. Бир стакангина ичмаслик, бу — ярамас иккюзламачилик, бундан бошқа гап эмас. Руҳонийлар ҳаммаси ичкликбоалик қилишади, фақат хуфиёна ичишади, ҳаммаси солиқ ундириш пайида.

Қовоқхона бекаси руҳонийнинг ёнини олди.

— Бе, сизга ўхшаганларнинг тўрттасини йўлда қолдиради у. Бултур ионвилликларга похол йигиштиришда ёрдамлашди, нимасини айтасиз, у биратўла олти ўчоқдан кўтарди. Шунчалик бақувват у!

— Яшанг-эй! — қичқирди фармацевт,— ана, қизларингизни шунақанги бўйни йўғонлар олдига тавба қилишга юборинглар! Мен ҳукумат ўрнида бўлсан, ҳамма руҳонийлар ойда бир марта қон олдириб туришин, деб буйруқ чиқарар эдим. Ҳа, ойнда бир марта боплаб туриб, Лефрансуа хоним. Аҳволни тузатиш ва жамоат тартиби учун, ҳа!

— Бас қилинг, жаноби Омел Сиз даҳрийсиз! Сизнинг ҳеч қанақа динингиз ҳам йўқ!

— Йўқ, менинг диним бор, ўзимга хос диним,— эътиroz билдириди фармацевт,— мен улардан кўра динийроқман. Уларнинг барча мунофиқлик, лўттибозликлари билан қўшиб бир пулга олмайман. Аксинча, мен худога сажда қиласман! Юксак зотга, яратганга ишонаман. Кимга бўлмасни барибир, уни нима деб атаса бўлади, биз ўзимизнинг гражданлик ва оилавий бурчимизни эдо этиш учун бизни яратганга ишонаман! Ле-

кин черковга боришим, кумуш баркашларни ўпишим, сиздан ва биздан тузукроқ яшайдиган бир гала текинхўрларни ўз ёнимдан боқишим шарт эмас! Ўрмонда ҳам, далада ҳам, ҳаттоки, қадимгилардек фалак гумбазига қараб туриб худога сифиниш мумкин. Менинг тангрим — бу Сократнинг, Франклиннинг, Вольтернинг ва Беранженинг тангрисидир! Мен Савой викарийси динининг рамзи¹ ва саксон тўққизинчи Йилнинг ўлмас принципларининг тарафдориман! Мана, нима учун мен қўлида чўп билан ўз гулзорида сайр этиб, ўз дўстларини кит қорнига жойлаштирадиган, бир чинқириб оғзидан жони чиқиб кетадиган ва учинчи кун тирилиб қоладиган худочани инкор қиласман. Мана бу сафсалалар барчаси физика қонунларига таг-тугидан зиддир, бу қонунлардан эса, мен сизга айтсам, кўриниб турибдики, руҳонийларнинг ўзлари жирканч нодонликка ботиб ва унинг ботқоғига халқни ҳам ботиришга тиришиб келадилар.

Шу ерда фармацевт атрофга аланглади-ю, жим бўлиб қолди, қизишиб кетиб, муниципиал кенгашида вазъ айтиётиман, деб фараз қилди шекилли. Қовоқхона бекаси бўлса унга эътибор бермади, унинг дикқатини узоқдан эшитилаётган гилдирак товуши тортган эди. Бир оздан кейин каретанинг гижирлаши, бўшаб қолган тақаларнинг чақ-чуқи аниқ эшитилди ва ниҳоят, дарвоза олдида «Қалдирғоч» тўхтади.

У иккита катта гилдирак орасида жойлашган сариқ яшикдан иборат эди, бу гилдираклар брезент қопланган соябоннинг тепасигача етар, йўловчиларга атрофга қарашга халақит берар ва орқаларига лой сачратар эди. Каретанинг эшиги очилиб-ёпилганда, унинг деразаларидаги ойналари баравар силкинарди, бу ойналарда лой парчалари, ҳаттоки шаррос ёқсан ёмғирлар ҳам юволмаган чанглар қотиб кетган эди. Каретага учта от қўшилар, улардан биринчиси шатакчи эди; агар йўл пастлашиб кетса, карета қаттиқ силкиниб, орқа таги ерга тегарди.

Шаҳарликлар майдонга югуришди. Ҳамма бирдан гапирав, бирор янгиликларни сурнштирса, бирор изо-

¹ Ж. Ж. Руссонинг «Эмиль» романидан бир эпизод. Руссо ички ҳиссият ва табиатни кузатишга асосланган динни ҳимоя қиласади.

ҳат талаб қилар, бирор саватларга ёпишар эди. Ивер кимга жавоб қилишини ҳам билмас, Руанга тушганда маҳаллий аҳолининг ҳамма топшириқларини адо этарди. Бозор айланиб, этикдўзга чарм, тақачига темир, ўз бекасига бочкачада селедка оларди. Чевардан шляпа, сартарошдан улама соchlар олиб келарди.

Руандан чиққандан бошлаб у йўл бўйи қилган харидларини улашиб келар, типна-тик туриб овозининг борича бақирава тугунларини девордан итқитар, отлар бўлса ўзича юриб кетишаверар эди.

Бугун бир ҳодиса юз бергани туфайли у кечикиб қолди: Бовари хонимнинг ити қочиб кетибди. Уни роса чорак соат ҳуштак чалиб чақиришди. Ивер ҳатто ярим лъё орқага ҳам қайтди. У, кучук ҳали замон келиб қолади, деб ишонарди. Лекин, йўлни давом этириш керак эди-да. Эмма йиғлар, жаҳли чиқар, ҳаммасига Шарлни айблар эди. Унинг ҳамроҳи газламафурӯш жаноби Лёрё уни юпатиш учун, йўқолиб кетиб бир неча йил ўтгандан кейин ҳам ўз эгаларини топиб олган итлар ҳақида ва ҳар хил воқеалардан гапириб келарди. У ҳатто кимнингдир ити Константинополдан Парижга қайтиб келганини тасдиқларди. Бошқаси тўғри йўл билан эллик лъё чопиб тўртта дарёдан сузиб ўтган экан. Жаноб Лёрё отасининг ўн икки йил йўқолиб кетган ити, отаси шаҳрига овқатланиш учун кетаётганди бирдан орқасига сакраган экан.

II

Каретадан биринчи бўлиб Эмма тушди, орқасидаи Фелисите, жаноби Лёрё ва энага тушишди: Шарлни уйғотиши, қоронги тушиши билан у. бурчакка тиқи-либ қаттиқ ухлаб қолган эди.

Оме ўзини таништиришни бурчи деб билди. Бовари хонимга ўз ҳурмат-эҳтиромини изҳор этди, унинг эри олдида илтифотини тўкиб сочди, хизматларига бажону дил тайёр эканини, хотини бир ёққа кетганлиги учун журъат этиб, биргаликда тамадди қилишга тайёр эканлигини қўшиб қўйди, Бовари хоним самимий тус олиб камин олдига борди. У икки бармоғи билан этағини тўлиғигача очиб, қора ботинкали оёғини сихда пишаётган бир парча гўшт устига узатиб, исита бош-

лади. Аланга унинг бутун гавдасини: кўйлагини, силлиқ, оппоқ терисини ёритди, кўзини юмганда эса ёрунурдан унинг қовоқлари шаффоф кўринарди. Қия очи эшикдан ҳар замон-ҳар замон шамол гувиллаб киарашунда Эмманинг қоматини қип-қизил нур ёритиб юборар эди.

Каминнинг нариги томонида ўтирган ёш, малланг йигит индамай унга тикилиб қаарар эди.

Ионвилда у нотариус жаноб Гильоменнинг ёрдамчиси бўлиб хизмат қиласарди. У жуда зерикарди, (бу ўша «Олтин шер»нинг иккинчи кунда-шундаси Леон Дюпюи деган йигит эди) ва карvon саройга бирор йўловчи келса, у билан гурунглашиб оқшомни ўтказишга умидвор бўлиб келарди, овқатга кўпинча кечикиб қоларди. Иши вақтлироқ тамом бўлган кунлари у ўзини қаёққа қўйишини билмас, ноилож овқатга вақтида келар ва овқат тамом бўлгунча Бине билан юзма-юз ўтиради. Мана шунинг учун қовоқхона бекаси уни янги келганилар билан биргаликда тамадди қилишга чақирганда жон-жон деб рози бўлди. Лефрансуа хоним катта тантана боисидан хонага тўрт киши учун дастурхон ясашга буюрди ва ҳаммалари ўша ерга ўтишди.

Оме фескасини ечмасликка рухсат сўради, у шамол лаб қолишдан қўрқарди.

Кейин у ҳамсояси Эммага мурожаат қилди:

— Жуда чарчаган бўлсангиз керак-а, хоним? «Қалдирғоч»имиз ёмон силкитади-да!

— Тўғри,— деди Эмма,— лекин ҳар қанақа сафар ҳам менга ҳузур-ҳаловат бағишлийди. Мен муҳитни ўзгартиб туришни яхши кўраман.

— Умрбод бир жойда қимирламай яшаш қанчалик зерикарли,— деди нотариус ёрдамчиси.

— Менга ўхшаб, куни билан отдан тушмай кўрининг эди,— гап бошлади Шарль.

— Менимча, бу жуда ҳам яхши,— эътиroz билдириди Леон Бовари хонимга мурожаат қилиб ва қўшиб қўйди: — Агар имконият бўлса қанийди!

— Ҳа, бу ерларда врач учун муҳит уччалик оғир эмас,— гапга аралашибдориҳоначи,— йўллар яхши, ҳамма ерда файтон билан юрса бўлади, ҳақни ҳам яхши тўлашади, маҳаллий деҳқонлар бадавлат яшашади. Агарда медицина нуқтан назаридан гапирсак, одатдаги энтрит, бронхит, сариқ касали ва ҳоказолардан таш-

қари йигим-терим пайтида баъзан кун ора тутадиган безгак ҳам учраб туради, лекин оғир ҳодисалар камдан-кам бўлади, хуилас, унчалик диққатни тортадигани йўқ, фақат ширинча касали бизда ҳамма ёқни босиб кетмоқда, бу ерда, албатта, бу дехқон хонадонларининг санитарияга хилоф яшашларидан. Ҳа, жаноб Бонари, жуда кўп бидъатлар билан кураш олиб боришингизга тўғри келади, жаҳолат сизнинг фанингизга муттасил ва шиддатли қаршилик кўрсатади, ахир, ҳали шундай одамлар борки, улар врачга, фармацевтга эмас, даволаш ўрнига дам солиб, бутни ўптирадиган попларга борадилар. Ваҳоланки, бу ернинг иқлими асосан ёмон эмас, бизнинг жамоада тўқсонга кирган чолларни ҳам топиш мумкин. Шахсан менинг кузатишим бўйича, ҳарорат бу ерда қиши пайтида тўрт даражагача тушади. Иссик кунларда бўлса, йигирма беш, энг кўпи ўттизга боради, бу демак, Реомюр бўйича юқори ҳисоб билан йигирма тўрт, Фаренгейт (инглиз ўлчови) бўйича, өллик тўрт, бундан баланд эмас. Дарҳақиқат, бир томондан — шимол шамолидан бизни Аргейль ўрмони, иккинчи томондан — ғарб томондан Сен-Жан тепалиги ҳимоя қилади, шундай қилиб, дарё устидан кўтариладиган буғ ва яйловларда жуда кўп йигилиб қоладиган қорамоллар туфайли иссиқлик кучаяди, негаки, ўзимизга маълум, қорамоллардан кўп миқдорда аммиак ҳосил бўлади, яъни масалан, азот, водород ва кислород йўқ, афв этасиз, фақат азот билан водород ҳосил бўлади, намликни ўзига сингдириб олган иссиқлик мана шу турли-туман бугланишларни аралаштиради, уларни бирлаштиради, масалан, бир боғ қилиб боғлайди, десак ҳам бўлади, электр ҳавода тарқоқ ҳолда бўлганда у билан қўшилади ва бу иссиқлик тропик мамлакатларда бўладигандек вақт ўтиш билан ўзидан саломатлик учун заарли бўлган миазма¹лар ҳосил қилиши мумкин эди, бу иссиқлик, мен сизга айтсам, худди ўша келадиган ерида ёки тўғрироги, бизга келиш керак бўлган ерда, яъни жанубда шарқи-жанубий шамол билан тийилади, Сена устида шу шамол совиб, вақт-вақти билан худди Россия бўронлариdek қўққисдан биз тўмон бостириб келади.

¹ Миазма — газларининг буэилишидан вужудга келадиган, ҳавода юқумли касалликларни тарқатувчи заҳарли буғлар.

— Ҳеч бўлмаса сайр қиласидиган ерлар борми бу ерда? — сўради Бовари хоним йигитчадан.

— Деярли йўқ, — жавоб берди у. — Фақат тепаликда биттагина ер бор, ўрмон ёқасида, ўтлоқ деб аталадиган ер. Баъзан яшанба кунлари мен қўлимда китеб билан у ерга бораман ва шафақни завқланиб томоша қиласман.

— Менимча, шафақдан гўзалроқ нарса йўқ, — деди Эмма, — айниқса, денгиз теласида.

— О, денгизни мен жони дилимдан севаман! — деди Леон.

— Сизга шундай туюладими, — давом этди Бовари хоним, — ана шу поёнсиз бўшлиқ устида бизнинг руҳимиз эркинроқ парвоз этади, уни кузатиш дилни кўтаради ва абадият ҳақида, мақсад ҳақида мулоҳаза қилишга йўллайди, шундай әмасми?

— Тоғлар ҳам кишига шундай таъсир кўрсатади, — деди Леон, — менинг амакиваччам бултур Швейцарияга борган эди, у менга кўлларнинг нақадар поэтиклигини, шаршараларнинг нақадар гўзаллигини, муз харсангларининг нақадар улугворлитини ифодалаб бўлмаслигини гапириб берди. Сойлар устида афсонавий катталиктаги қарагайлар бир-бири билан айқашиб кетган, чуқурликлар тепасида кулбачалар муаллақ туради, булат тарқалганда эса сиз остингизда, минг футли чуқурлик тагида бепоён водийни кўрасиз, дейди. Бундай манзара инсон қалбини юксак оҳангларга созлагани, ибодатга иштиёқ туғдирмоги, жазавасини тутдирмоги керак! Шунинг учун машҳур бир созанди илҳомланиш учун қанақадир гўзал манзарали би ерга бориб фортепъяно чалгани мени ҳайратга солмайди.

— Ўзингиз чаласизми? Қўшиқ ҳам айтасизми? — сўради Эмма.

— Йўқ, лекин мусиқани жуда яхши кўраман, — деб жавоб берди Леон.

— Қўйинг, ишонманг унга, Бовари хоним, — деди Оме, тарелкага энгашганча Леоннинг сўзини бўлиб, — Камтарлик қиласиди. Бу нима қилганингиз, отахон? Ахир ўз хонангизда «Нажоткор фаришта»ни жуда ажойиб қилиб айтдингиз-ку. Менга лабораториядан ашитилиб турди. Сиз чинакам хонандасимон оҳангда эътибор бериб айтдингиз.

Шуни айтиш керакки, Леон фармацевтнинг учинчи қаватидаги дeraзаси майдонга қараган хонасини ижарга олган эди. Уй хўжасининг мақтови Леонни қизартириди. Лекин Оме шу лаҳза врачга ўғирилди-ю, шаҳардаги энг обрўли одамларнинг номини тилга ола бошлиди. Сўз орасида улар ҳақида ҳар хил воқеаларни гапирди, турли маълумотлар берди. Нотариус давлатининг миқдори қанчага етгани аниқ маълум эмас; яхшиси •Тювашлар оиласи» билан айтишмаслик маъқул.

— Қанақа мусиқа сизга кўпроқ ёқади? — сўрашда давом этди Эмма.

— Немис мусиқаси, албатта, у мусиқага қулоқ солиб, яхши хаёл сурасан киши!

— Италия мусиқачиларини биласизми?

— Йўқ ҳали, лекин янаги йил эшитишга мұяссар бўламан — юридик факультетини тугатиш учун Парижга кетишим керак.

— Мен эрингизга бечора қочоқ Янод ҳақида гапириб беришга мушарраф бўлдим,— деди фармацевт Эммага мурожаат қилиб.— Унинг қилган аҳмоқдиги туфайли сиз Ионвилнинг энг яхши уйларидан бирида истиқомат қиласиз. Врач учун у яна шунинг учун ҳам қулайки, эшиклардан бири тўппа-тўғри хиёбонга чиқади, билдирилмасдан кириб чиқаверса бўлади. Ундан ташқари, уйда оиласи одам учун зарур бўлган ҳамма нарса: кирхона, ошхона, буфет, жуда шинам меҳмонхона, мевазор бор ва ҳоказолар бор. Анаки тентак пулни пўчоқча билмасди! Бөғининг этагига — дарё лабига ёзда ўтириб пиво ичиш учун ўзига шийпон қурдирди. Агар хоним, сиз боғдорчиликни хуш кўрсангиз...

— Хотинимни бу иш қизиқтирмайди,— жавоб берди Эмманинг ўрнига Шарль,— ҳолбуки, унга шунақа ишлар тавсия қилинган, лекин у уйда ўтириб китоб ўқишини афзалроқ кўради.

— Менга ўхшаркансиз,— сўзни илиб кетди Леон.— Дарҳақиқат, оқшомлари китоб билан камин олдида ўтиришдан яхшироқ нарса борми? Чироқ ёниб туради, ойнани шамол тақиллатади...

— Ростдан ҳам шундай-а? — Катта очилган қора кўзлари билан унга тикилиб туриб сўради Эмма.

— Ҳеч нарсани ўйламайсан, вақт ўтаверади,— давом этди Леон.— Ўтирган ерингда турли мамлакатлар

бўйлаб саёҳат қиласан, уларни шундоққина кўз олдингда кўрасан. Хаёл билан илитилган фикр алоҳида тафсилотлардан завқланади ёки бўлмаса саргузаштлар тугунининг ечилишини кузатиб боради. Сен иштирок этувчи шахсга айланасан, сенда шундай бир туйғу пайдо бўлади, гўё уларниг либоси остида сенинг қалбинг уриб тургандек.

— Рост! Рост! — такрорлади Эмма.

— Сизга китобдан ўзингизнинг шахсий фикрингизни, фақат олдин ўзингиз ўйлаб чиқмаган фикрингизни топишга, энди гўёки узоқдан олдингизга қайтиб келаётгандек туюлган ва сизнинг нозик ҳис-туйғуларингизни ниҳоят даражада тўлик ифодаловчи ноаниқ бир образни топишга тўғри келганми?

— Бу менга таниш ҳолат,— тасдиқлади Эмма.

— Мана, нима учун мен айниқса шоирларни яхши кўраман,— деди Леон.— Менимча, насрдан шеърияғ нағисроқ, қалбингизга бориб тегади.

— Лекин бора-бора толиқтиради кишини,— эътиroz билдириди Эмма.— Мен аксинча, кейинги вақтларда романларга, кўз узиб бўлмайдиган, қўрқинчли романларга қизиқадиган бўлиб қолдим. Мен разил қаҳрамонлар ва ҳиссиётини намоён қилишдан ўзини тиядиган сиполикни кўришга кўзим йўқ. Бу ҳаётда ҳам тўлиб ётибди.

— Мен гапингизга қўшиламан,— иқрор бўлди Леон.— Назаримда, бадиий адабиёт сизни ҳаяжонлантира олмаса, демак, у санъатнинг ҳақиқий мақсадига ета олмайди. Ҳаётнинг ғам-ғуссаларидан олижаноб зотлар, соғ туйғулар оламига ўтиш, баҳт манзараларидан баҳра олиш қандай яхши! Бу ерда, мана бу хилватда менинг бирдан-бир кўнгил очадиган нарсам — китоб. Шуниси ёмонки, Ионвилда китоб топиш қийин.

— Тостда ҳам шундай,— деди Эмма,— мен китобни қироатхонадан олардим.

— Марҳамат қилиб, хоним, китобни мендан олинг,— Эмманинг охирги сўзини эшишиб унга мурожаат қилди фармацевт,— кутубхонам сизнинг ихтиерингизда, у ерда бўлса машҳур адиллар: Вольтер, Руссо, Делиль, Вальтер Скотт, фельетонлар акси садоси ва ҳоказо. Кейин мен вақтли матбуот, жумладан, кунда чиқадиган «Руан машъали» газетасини оламан, каминангиз газетанинг мухбири ҳам бўладилар ва Бю-

ши, Форже, Невшатель, Ионвиль ва унинг атроф чек-каларида бўлиб турган воқеалардан ахборот бериб турадилар.

Иғилганлар овқат устида икки ярим соатдан бери ўтиришарди, хизматчи хотин Артемиза ҳам ипдан тўқилган туфлисини шапиллатиб, эриниб у ёқ-бу ёқса юрар, биттадан тарелка келтирас, ҳали уни, ҳали буни эсидан чиқариб янглишиб кетар, бильярдхона эшигини очиқ қолдирав, эшикнинг ҳалқаси деворга урилгани урилган эди.

Суҳбатни давом эттира туриб Леон оёғини беихтиёр Бовари хоним ўтирган стулнинг кўндаланг ёғочига қўйди. Эмманинг бўйнида зангори шойи галстуги бор эди, у сербурма батист ёқасини шундай қаттиқ бўриб қўйган эдик, ёқа типпа-тик турарди.

Эмма бошини бургандага ияги батист ёқага бутунлай кириб кетар ва яна пайдо бўларди. Шундай қилиб Шарль билан фармацевт гурунглашиб ўтиришгандага Эмма билан Леон ўртасида ҳам ҳар хил мавзуларда суҳбат бошланди, бу шундай суҳбатлардан бирин эдик, унда ҳар бир тасодифий жумланинг оғирлиги муайян бир марказга тушарди ва мана шу марказ бир-бirlарини тушуниш маркази эди. Париж спектакллари, романларнинг номи, янги рақслар, ўзлари тасаввур ҳам этолмаган китоблар олами, Эмма аввал яшаган Тост, энди улар турадиган манзил — Ионвиль ҳақида, ҳаммаси ҳақида суҳбатлашиди, тамадди охиригача ҳамма хусусда гаплашиб бўлишиди.

Қаҳва келтирганларида оқсоқ қиз янги уйга ўрин солишга кетди, бир оздан кейин ҳаммалари столдан туришиди. Лефрансуа хоним иссиқ печка ёнида ухлаб қолди, отбоқар қўлида фонус билан эр-хотин Бовариларни уйга кузатиб бориш учун кутарди. Унинг чаи оёғи оқсоқ эди, сап-сариқ сочидаги похол диккайиб турарди. У руҳонийнинг соябонини ҳам олиб чиқсан эди. Ҳаммалари бир бўлиб кўчага чиқишиди.

Шаҳарча ухларди. Тимнинг устунларидан ерга узун соялар тушиб турарди. Ер ёз тунларидагидек бутунлай сур рангга кирганди.

Врачнинг уйи қаҳвахонадан ҳаммаси бўлиб эллик қадамгина нарида эди, шунинг учун дарров хайрлашишга тўғри келди, ҳамроҳлар тарқалишиди.

Йўлакда Эмма шу заҳотиёқ оҳакнинг рутубати ҳўлланган чойшабдек елкасини совитганини сезди. Деворлар янги бўялган, ёғоч пиллапоялар гижирларди. Иккинчи қаватдаги ётоқхонанинг пардасиз деразаларидан оқиш нур тушиб турарди. Деразадан дараҳтларнинг учи кўринар, нарироқда ой ёруғида дарё усти туман билан қопланган, яйловлар туманга ғарқ бўлган эди. Уйнинг ўртасида комод ғаладонлари, шишалар, парда осиладиган симлар, тилла сувн юритилган карнизлар уйилишиб ётар, стулларда пар тўшаклар, полда тогоралар турар, буларни юк ташиган икки ҳаммол наридан-бери ташлаб кетаверишган эди.

Эммага ҳаётида тўртинчи марта янги жойда ухлашга тўгри келаётган эди. Биринчиси — уни черков мактабига борган йиллари, иккинчиси — Тостга кўчиб келганда, учинчиси — Вобъесарда, тўртинчиси эса — бугун. Ҳар янги жойга келганда унинг ҳаётида янги бир давр бошлангандек бўларди. Янги шароитда ҳам ҳаммаси аввалги ўзига қолади, деган фикрни Эмма ҳаёлига ҳам келтирмас, модомики, эски жойда у ёмон яшадими, қандайдир ўзга бир палла бошланиши билан барчаси яхши бўлиб кетишига имони комил эди.

III

Эрталаб Эмма уйғониб, деразадан пастга қаради. Майдонда нотариус ёрдамчиси келаётган экан. Эмманинг устида пеньюар¹ бор эди. Леон бошини кўтарди ва таъзим қилди. Эмма шошилибгина бош иргади-ю, деразани бекитди.

Леон куни билан соат олти бўлишини кутди, лекин у қовоқхонага кирганда стол ёнида ўтирган Бинедан бошқа ҳеч ким йўқ эди.

Кечаги тушлик Леон учун катта воқеа бўлди, шу чоққача икки соат сурункасига бирор хоним билан сұҳбатда бўлишига тўгри келмаган эди. Қандай қилиб шунча, тагин ғалати иборалар билан сўзлай олди? Ахир у авваллари ҳеч қачон шунаقا яхши гапирмаганди-ку! У ҳар доим шундай уятчан. Ҳамиша тортиноқ, вазминлиги ва писмиқлиги билан бошқалардан ажралиб турарди. Бутун ионвилликлар «Леон

¹ Пеньюар — тунда кийиладиган кеиг кўйлак.

ўзинни жуда яхши ушлай билади!» деб ҳисобларди. У ёши катта одамларнинг гап сотишини сабр-тоқат билан тинглар, мазмунан у сиёсатга ҳам унча қизиқмасди, бу ёшларда жуда камдан-кам учрайдиган хислат. Лекин у жуда истеъодли йигит эди: акварель билан расм солар, битта бармоги билан фортельяно чалар, овқатдан кейин агар карта ўйнашнинг иложи топилмай қолса, китоб ўқишини яхши кўрар эди. Жаноб Оме унинг билимини қадрлар, Оме хоним бўлса унинг мулоиймлигини ёқтираси эди, у Оменинг уззукун кирчир бўлиб юрадиган одобси, бирмунча оналарга ўхшаш нимжон болаларини боғда ўйнатиб юргани-юрган эди. Болаларга хизматчидан ташқари жаноб Оменинг жиянининг ўғли Жюстен қараашарди. Жаноб Оме Жюстенни раҳмдиллик юзасидан ўз уйига олган, у дорихонада шогирд ҳам, хизматчи ҳам эди.

Фармацевт жуда ажойиб қўшини бўлиб чиқди. У Бовари хонимга мол етказиб берувчилар ҳақида зарур маълумотлар берди. Атайлаб у учун ўзи муттасил сидр олиб турадиган савдогарни чақиртириди, аввал уни ўзи татиб кўрди, бочка тўгри турган-турмаганлигини кўриш учун эринмай қўшнисининг ертўласига тушиб чиқди, у қаердан арzon сарёғ олиш мумкинлигини айтди, уларга черков қўнгироқчиси Лестибудуани ёллаб берди. Лестибудуа ўзининг черков хизматлари, дафн этиш ишларидан ташқари Ионвилнинг энг яхши боғларига қаарарди. Хизмат ҳақини у ё бўлиб бўлиб, ёки биратўла бир йиллигини оларди, бу боғ эгаларининг ҳимматига боғлиқ эди.

Фармацевтнинг ҳаддан ташқари сермулоҳазалиги унинг яқин кишиларга бўлган меҳр-муҳаббатидангина эмасди, албатта. Бунинг заминида бошқа бир режа ҳам бор эди.

Жаноб Оме республиканинг XI йилги 19 вентозида¹ табиблик илмидан бехабар одамларга беморларни даволашни ман қиладиган қонунни шарҳловчи I моддасини бузар эди. Шу бонсдан уни бир вақт қанақадир бемаъни тұхмат билан Руанга қироллик прокурорининг кабинетига чақиришди. Устига оқ сувсар мантия,

¹ 1793—1806 йилларда Францияда янги республика календарига амал қилинган. Вентоз (шамоллар ойи) — бу календар бўйича қишининг энг охирги ойи (таксминан 19 февралдан 20 марта гача).

бошига берет кийгän амалдор уни ўрнидан туриб қабул қилди. Бу эрталаб суд мажлиси бошланишидан олдин эди.

Йўлакдан жандарм этигининг тўқиллаши эшитилди, қаердадир, узоқларда катта-катта калитларнинг эшик бурнида гижирлаб буралгани қулоқча чалинди. Жаноб Оменинг миясига қон қуйилаётгандек қулоқлари шангиллаб кетди, тош қоплар, оиласининг дод-фарёди, дорихонанинг мусодараси, сочилиб ётган шишалар кўзига кўриниб кетди. Прокурорнинг олдидан чиқач, юрагини тинчтиш учун тўппа-тўғри кафега кирди ва ромни сельтер сувга қўшиб, бир стаканини ичиб юборди.

Вақт ўтиши билан ўша ваҳимали хотиralар кучини йўқотди ва жаноби Оме дорихоне ёнидаги кичкина хонада яна беморларни қабул қила бошлади, уларга беозор маслаҳатлар беришда давом этди. Бироқ шаҳар ҳокими уни хуш кўрмас, ҳамкаслари унга ҳасад қилишар, ўта эҳтиётлик билан ишлаши тақозо қилинарди. Жаноб Бовари олдида ҳушомадгўйлик қилишнинг сабаби унинг ҳурмат-эҳтиромига сазовор бўлиб, унинг оғзини бойлаш, бирор ишнинг иси чиққудек бўлса ҳам, у индамай кетишини таъминлаш эди. Шунинг учун ҳам жаноб Оме ҳар қун эрталаб врачга «газета» олиб кирап ва кундуз ҳам бир минутгина валаклашайлик, деб уйнга кириб турарди.

Беморларнинг келмаганидан Шарлнинг руҳи туша бошлади. У соатлаб жим ўтириб, беморларни кутар, кейин ўз кабинетига кириб ухлар ёки бўлмаса хотинининг иш тикканига қараб ўтирас эди. Зерикжанидан нима қилишини билмай, ўзига иш қидирди, бўёқчилардан озроқ бўёқ қолган экан, шу билан чердакни бўяб қўймоқчи бўлди. Бироқ пул масаласи уни ташвишга соларди. У Тостдалигида ремонтга, хотинининг кийимларига, кўчиб келишга кўп пул харжлади, хуллас, икки йил мобайнида у бутун сеп учун келган пулни адо қилди — бу уч минг экюдан ошиқ эди. Тостдан Ионвилга кўчиб келишда озмунча нарса сииниб йўқолмадими? Руҳонийнинг ҳайкали-чи? У Кенкампуа кўчасидан ўтаётгандарида қаттиқ силкиниш натижасида аравадан тушиб чил-чил бўлди!

Лескин бошка бир хурсандчилик, хотинининг ҳомигдорлиги Шарлнинг кўнглини кўтарарди. Ой-куни

яқинлашган сәри у хотинини қаттиқроқ севарди. Энди уни Эмма билан жисмоний яқинлик ришталари ҳеч тугамайдиган, жуда ҳам мурәккаб ҳис-туйғулар боллар эди. Шарль узоқдан унинг битта-битта қадам ташлаб юришини, корсет билан тортиб боғланмаган, эринибгина гавдасининг вазмин тебранишини кўрганда, бир-бирлари билан рўбарў ўтирганларида кўз үзмай хотинига тикилар, Эмма креслода нозли ҳолатларда ўтирса, Шарль ўрнидан иргиб туриб, уни қучоқлар, юзларини силар, «онажоним» деб эркалатар, ўйинга тортар, кўзида севинч ёшлари билан беҳисоб шириш ҳазилларни ўйлаб топарди. У болалик бўлишини ўйласа, ич-ичидан қувониб кетарди. Бу унинг орзу-умидларининг энг баланд чўққиси эди. У ҳаётнинг барча латофатларини татиди, энди униг ҳузурини сурмоқда эди.

Эмма олдин ҳайратда қолди, кейин ниҳоят оналик нималигини билиш учун тезроқ юқдан бўшашни истаб қолди. Лекин у орзу қилган пушти шойи пардали, қайиқ-қа ўхшаган беланчак, тўр қалпоқчаларга пул етмаганингидан алам қилиб, ҳеч нарса танламай, ҳеч ким билан маслаҳатлашмай, шу ердаги чеварга бола учун сеп буюрди. Шундай қилиб ўна бўлиш завқини оширадиган тайёргарликлар билан ўзини овута олмади ва болага бўған муҳаббат бошидаёқ анча пасайнб қолгандек эди.

Шарль бўлса ўтиришганда бетўхтov чақалоқ ҳақида гапиради, кейин-кейин Эмма ҳам бунга кўнишиб, ҳар доим шу тўғрида ўйлайдиган бўлди.

У ўғил туғишни хоҳларди. У қоп-қора сочли, миқти бола бўлади, унга Жорж деб ном қўяди. Ўғил ҳақида ўйлаганида, ушалмаган орзулар бадалига тақдир мени мукофотлайди, деб умид қиласр эди. Ҳар қизай эркак халқи анча эркин бўлади: у учун ҳамма эҳтиросларга чет ўлкаларга йўл очиқ, у қийинчиликларни ёнгина, қўлга кирадиган энг қийин ҳузур-ҳаловатни ҳам татиб кўра олишга қодир. Аёллар йўлида, ҳамма ерда тўсиқ бор. Қолоқ, шу билан бирга нозик табнатли аёл икки ўт орасида бўлади: бир томондан, хотин зотининг ожизлиги, иккинчи томондан, қонуннинг оғирлиги. Унинг хоҳиши худди унинг шляпасидаги ингичка ип билан боғланган тўрга ўхшайди, сал шамолдан пирпираб учади. Уни доимо қанақадир истак

чорлайди, лекин қанақадир урғодат йўлини тұсади.

Якшанба куни тонг отар соат олтига яқин Эмма-минг күзи ёриди.

— Қиз! — деди Шарль.

Эмма тескари қаради ва ҳушидан кетди.

Шу заҳотиёқ Оме хоним югуриб келиб, уни ўпнаб-ўпнаб чиқиб кетди, орқасидан «Олтин шер»нинг бекаси Лефрансуа хола кирди. Фармацевт одоб юзасидан эшикни қия очиб, шошилиб табриклаш билан чегараланди. Кейин қизни кўрсатишларини сўради, кўриб «кслишган қиз» деб қўйди.

Эмма тузалиб ўзига кела бошлагандан кейин зўр бериб қизига исм қидира бошлади. Энг аввал у охири итальянча тамом бўладиган ҳамма қиз исмларини санаб чиқди: Клара, Луиза, Аманда, Аталия. Унга Гальсуинда деган исм, айниқса Изольда ва Леокадия деган исмлар ёқарди. Шарль бўлса қизига онасининг номини қўйгиси келарди, лекин Эмма рози бўлмади. Календарнинг бошидан охирги саҳифасигача ўқиб чиқишиди, ҳамма билан маслаҳатлашишди.

— Мен яқинда Леон билан суҳбатлашдим,— деди фармацевт.— У қизнингизга нега Магдалина деган исмни қўймаганларингизга ҳайрон бўляпти. Ҳозир у жуда ҳам тарқалган исм-ку!

Бироқ катта Бовари хоним «гуноқкор қиз»нинг исмини эшитиб, жони чиқиб кетди. Жаноб Оменинг ўзи бўлса бирор машҳур, донг чиқарган ёки олижаноб мафкурани юзага келтирган одамларни эслатадиган исм қўйилишини маъқул кўрарди. Чунончи, Наполеон унинг оиласи учун шон-шуҳрат тимсоли, Франклин — озодлик, Ирма — романтизмга тан беришнинг тимсоли бўлиши керак. Аталия бўлса француз саҳнасининг тенги йўқ нодираларидан¹ бирини ҳурматлашдан иборат.

Шуни қайд қилиб ўтиш керакки, жаноб Оменинг фалсафий дунёқараши унинг нозик дидига мос келар эди, мутафаккирлик ундаги нозик туйғуларни босиб кетмасди, у хаёлини мутаассибликтан ажрата биларди. Масалан, Аталия фожиасида у гояни қораларди,

¹ «Аталия» — Ж. Расиннинг энг таниқли фожиа асарларидан бири.

аммо услубидан завқланарди, асосий фикрни айблар, бироқ айрим ҳолларни олқишлиар, иштирокчиларнинг хатти-ҳаракатларидан ғазабланар, лекин уларнинг гаплари унинг юрагига ўт солар эди. Машҳур жойларини у қайта-қайта ўқиб завқларга тўлиб-тошар, лекин бу жаҳолатпастларнинг тегирмонинг сув қуийиш әмасми, деган фикрнинг ўзидан умидсизликка тушар ва бири бирига қарама-қарши бўлган ҳиссиётдан ўртаниб, ўз қўли билан Расиннинг бўйнига гулчамбарлар тақишига ҳам ва шу бир вақтнинг ўзида оғзини кўпиртириб, у билан баҳс бошлашга ҳам тайёр эди.

Ниҳоят, Эмма Вобьесар қасрида бўлган зиёфат маҳалида маркизнинг хотини ёшгина бир жувонни Берта деб атаганини эслади ва шу исмни қўйишга қарор қилди, Руо ота келолмагани важидан тутинган оталикка жаноб Омени таклиф этишди. Тутинган қизчақалоқ кўрмана учун тутинган отадан оз-оздан бўлса ҳамки, турли доривор ва ширинликлар: олти халта уноби, уч қути доривор илдиз, шкафда қачондан бери ётган олтида чайнамайшимнинг олди. Исм қўйини русуми тамом бўлгандан сўнг тантанали зиёфат берилди. Бу зиёфатда руҳоний ҳам ҳозир бўлди, ҳаммаларининг жағлари очилди. Ликёр ича бошлашганда жаноб Оме «пок одамлар худоси»¹ қўшиғини чўзиб айтиа бошлади, Леон маъюс оҳангли қўшиқдан айтиб берди, Бовари кампир — тутинган она, Империя замонидаги романси айтди. Ахири катта Бовари чақалоқни олиб келишига буюрди ва унинг бошидан стакандаги шампанскосени қуйиб чўқинтира бошлади. Аббат Бурнисъен диний маросимларни шуичалик масхара қилинишига қарши норозилик билди. Катта Бовари унга «худолар урушидан»² мисол келтириб жавоб қайтарди. Руҳоний аразлаб кетмоқчи бўлди, аёллар кетманг, деб илтимос қилишди. Оме уларни яраштириб қўйди ва руҳоний жойига қайтиб ўтирди, орадан ҳеч гап ўтмагандек, чала қолган қаҳвасини ича бошлади.

Бовари чол Ионвилда бир ой меҳмон бўлиб қолди. У ҳар куни эрталаб майдонга чиқиб сигарета чекиб

¹ Беранже қўшиқларидан бири.

² Француз шоири Э. Парнининг (1753—1814) инжилни масхараловчи поэмаси.

юарар, унинг кумуш уча тақилган, жуда ажойиб ҳарбий фуражкасига ионвилликлар завқланиб қараашар эди. Ичкиликка ўч эди, шунинг учун у энди ҳар куни хизматчини «Олтин шер»га бир шиша винога юборарди, у ерда ўғлиниң ҳисобига ёзиб қўйишарди. Дастрўмалига келинининг бир шиша атирини сепиб тамом қилди.

Лекин келин унинг суҳбатидан зерикмасди. Ўз умрида кўпни кўрган, у Берлин, Вена, Страсбурглар ҳақида гапириб берар, ўзининг армиядаги хизмати, ўз маъшуқалари, ўзи ташкил қилган айш-ишрат кечалари ҳақида сўзлаб ўтиради, бундан ташқари у келинiga тегишарди, ҳаттоки, баъзан зинапоядами, бодгами уни белидан қучоқлаб:

— Эҳтиёт бўл, Шарль,— деб қўярди.

Ниҳоят, катта Бовари хоним ўғлиниң баҳтидан хавотир ола бошлади, эри бир фалокат бўлиб ёш жувоннинг ахлоқига зарарли таъсири кўрсатмасин, деб уни уйга олиб кета қолишга шошилди. Эҳтимол, унинг қўрққани ҳам бежиз эмасди, зероки, жаноби катта Бовари учун ҳеч қанақа муҳаддас нарса йўқ эди.

Бир кун Эмма дурадгорниң хотининг эмизишга берилган қизини жуда-жуда соғишиб кетди ва белгиланган олти ҳафта ўтган-ўтмаганлигига эътибор бермай, календарга ҳам қарамай, Роленинг уйига равона бўлди. Унинг уйи ўтлоқ билан қишлоқ йўли оралігидаги тепаликнинг этагида жойлашган эди.

Чошгоҳ маҳали эди, дераза эшиклари ҳаммаси берк, аспид¹ томлар зангори осмоидан тушган ёрқин нурда йилтиллар, уларниң қирралари гўёки учқунланарди. Иссиқ шамол эсмоқда эди. Эмма зўргазўрга юарар, оёқларига тош ботиб оғритар эди, бир хаёли қайтиб кетмоқчи ёки бирор жойга кириб ўтиromoқчи бўлди.

Шу чоқ қўлтиғида бир қучоқ қоғоз билан қўшни ҳовлидан Леон чиқиб қолди. У Эммага салом берди ва Лёренинг дўкони олдига, қорамтири соябони тагига ўтиб турди.

Бовари хоним боласини кўргани кетаётганини, лекин жуда ҳориб кетганини айтди.

¹ Аспид — иморатнинг тепасига ишлатиладиган ҳора рангли тахта.

— Агарда... — гап бошлади ю Леон, лекин тилини тишлаб қолди.

— Бирор ёққа иш билан кетаётганимидигиз? — сўради Эмма.

«Йўқ» жавобини эшитгандан сўнг Эмма ўзини куватиб қўйишини сўради. Кечга бориб бу хабар бутун Ионвилга тарқалди, мэрнинг хотини Тюваш хоним ўз хизматкор аёлининг олдида: «Бовари хоним ўзини иснодга қолдиради», — деди.

Энаганинг уйига бориш учун кўчанинг охиригача бориб, ундан қабристон томонга олиб борадиган чаш қўлдаги кўчага бурилиш керак ва икки қатор уйлар ва ҳовлилар оралиғидан, атрофига сарсабил буталар ўтқазилган сўқмоқ йўлдан бориш керак эди. Сарсабиллар илонўт ҳам, наъматак ҳам, қичитқилар, ингичка нафдалик маймунжонлар ҳам гуллаб ётарди. Панжара тўсиқларидағи тешиклардан «кулбалар» олдиғаги гўнгларни чўчқалар титиб юргани, боғлаб қўйилган сигирлар шохи билан дарахтларга суркалаётгани кўриниб туради. Эмма билан Леон ёнма-ён, секин юриб боришарди, Эмма унинг қўлига суюниб олган, Леон бўлса қадамини унга мослаштиришга уринарди. Уларнинг устида жазирама иссиқда чиннилар гувиллашарди.

Энаганинг кулбасига қари ёнгоқ дарахти соя ташлаб туради. Мана шу ёнгоқданоқ дарров танишидиганинг уйини. Кулба пастгина, томига черепица ёпилган, туйнук тагида бир боғ пиёз осилиб туради. Тоголча шохидан қилинган говга тикка қилиб шох-шабба боғламлари тираб қўйилган, сутчўп жўяклари ва лавандада пояларига чирмашиб кетган ҳидли нўхатларнинг кичик-кичик гул пушталариғача чўзилиб кетган, ўтлар ичини лойқа сув босиб ётибди, тўсиқларга ҳар хил эски-туски нарсалар: пайпоқ, қизил чит кофта, каттакон қалин чойшаб ва шунга ўхшаган лаш-лушлар ёйиб ташланган. Эшик тақиллаганида қўлида чақалоқ бола билан энага хотиннинг ўзи чиқди. Бошқа қўли билан у ночор, иплиғдек, ҳамма ёғига ширинча тошиб кетган болани етаклаб олган эди, бу боланинг отоналари руанлик, шапка тикадиган одамлар эди, улар жуда банд бўлиб, ўғилларини қишлоқ ҳавосида нафас олсин, деб юборишган эди.

— Марҳамат,— деди у,— сизнинг кичкингийнгиз ухлаб ётибди.

Битта-ю битта хона тўрида чодир тутилмаган кенг каравот, синиқ ойналарига кўк қоғоз ёпиширилган дераза тагида эса хамир тогора туарди. Эшик орқасида, умивальник тагида, ялтироқ михлар қоқилган оёқ кийимлар қаторлаштириб териб қўйилган, шу ернинг ўзида оғзидан пат чиқиб турган, ёғ солинган шиша туарди, чаңг босиб ётган камин токчасида милтиқнинг чақмоқ тошлари, атрофига оқиб қотиб ётган шам қолдиқлари ва бўлак-сўлак пиликлар орасида Матвей Лансберг¹ ётарди. Ниҳоят, бу кулбанинг охирги безаги, деворга олтита этик михи билан қоқиб қўйилган қарнай чалаётган Шавкат сурати эди, бу бирор парфюмер рекламасидан қирқиб олинган бўлса керак.

Эмманинг қизи оқтол навдаларидан тўқилган беланчакда ухлаб ётарди. Эмма уни йўргаги билан қўлига олди, аста тебратиб аллалай бошлади.

Леон уйда у ёқдан-бу ёққа юриб турар, мана бу ажойиб ясанган чиройли жувонни шу қашшоқлик ичидаги кўриш унга жуда ғалати кўринарди. Бовари хоним қизариб кетди. Леон ҳозир у аёлга қарааш одобдан эмас, деб юзини ўгирди. Чақалоқ унинг ёқасига қусиб юборди, Эмма болани қайтиб беланчакка қўйди. Энага, доги қолмайди, деб онани тинчнча бошлади ва ёқасини артишга тутинди.

— Шу ҳам гап бўлдими?— деди энага,— бир ёқдан артсанг, бир ёқдан булғатади! Илоё, барака топнинг, Камюс баққолга айтиб қўйининг, менга керак вактиде совун бериб турсин! Ўзингизга ҳам яхши бўлади, сизни безовта қиласкермайман.

— Яхши, яхши!— деди Эмма,— хайр, Роле хола!

Оёгини останада артиб, ҳовлига чиқди.

Дурадгорнинг хотини уни эшиккача кузатиб, йўл-йўлакай ҳадеб кечалари туришга қийналаётганидан нолиди.

¹ XVII асрнинг бошларида, Лъежеда яшаган каноник Матвей Лансберг томонидан тузилган китобни «Лъеж альманахи» деб аталорди. Мантиқсиз бидъатларнинг маибай бўлмиш бу китоб кўп маъталаб нашр этилган ва француз дехқонлари орасида донг чиқарган эди.

— Баъзи вақтларда шундоқ ҳолдан тояманки, ўтирган еримда мудраб қоламан, бирор қадоқ янчилган қаҳва берсангиз, менга бир ойга етарди, эрталаблари сут билан қўшиб ичардим.

Бовари хонимга унинг минг айланиб миннатдорчилик билдиришини узоқ тинглашга тўғри келди. Ниҳоят у билан хайрлашди, озгина юриб улгурмовди ҳамки, ёғоч чориқнинг тақиллагани уни ўгирилиб қарашга мажбур этди: бу яна ўша энага хотин эди.

— Тагин нима?

Дурадгорнинг хотини Эммани бир чеккага, қайрагочнинг соясига чақириб олди ва эридан гап бошлиди, унинг маошининг бир йилга оладиган олти франкни анави капитан...

— Қисқароқ қилинг! — деди Эмма.

— Шундай қилиб,— давом этди энага ҳар бир сўзида бир уҳ тортиб,— мен қаҳва ичиб ўтирсам, у қараб ўтирса, суқи кирмайдими, а? Биласиз-ку эркаклар қанақа бўлади...

— Қаҳва юбораман, бўлдими? — тасдиқлади Эмма,— айтдим-ку юбораман, деб! Намунча эзма бўлмасангиз?

— Жонгинам, бекачим, унинг ярасидан кўкраклари шундоқ томир тортадики, у сидрдан ҳам мадорим қурийди, дейди.

— Роле хола, кўп чўзманг!

— Ҳа, нимасини айтасиз,— таъзим қилиб давом этди энага,— эзмалигим учун кечиринг мени... — у яна өнгашиб таъзим қилди. — Илоҳим умрингиздан бара-ка топинг,— Эммага илтижо билан тикилди,— биттагина графинда ароқ бўлса эди,— деди ниҳоят у,— қизингизнинг оёқчаларини артардим, оёқлари бирам юмшоқки, худди атласга ўхшайди!

Энагадан қутулгандан кейин Эмма яна Леоннинг қўлига суюнди. Бир қанча вақт у тез-тез борди, кейин қадамини секинлатди, унинг кўзи йигитнинг елкасига, сюртугининг қора бахмал ёқасига тушди. Еқасига унинг силлиқ, яхшилиб таралган тўқ мәлла ранг сочлари тушиб турарди. Эмма, Леонникига ўхшаш узун тирноқларни бутун Ионвилда ҳеч кимда кўрмаган. Нотариус ёрдамчиси тирноқларга ҳормай-толмай парвариш қилар эди, шу мақсадда у ёзув стол ғаладонида махсус пакки ҳам сақларди.

Ионвилга улар дарё ёқалаб қайтиши. Иссик кунларда қирғоқ кенгаяр, атрофи девор билан олинган бөглар то этагигача кўринар, борлардан дарёга кичик-кичик зиналар билан тушиларди. Тез оқар ва совуқ кўринган дарё шовқинсиз оқарди. Унинг тиниқ сувларида патила-патила яшил жингалакларни эслатувчи узун, ингичка ўтлар оқим томон энгашиб турарди. Қамишларнинг учлари ва нилуфар баргининг у ер-бу ерида ҳашаротлар кичкина оёқчаларини қўйиб ўтишар, ўрмалашарди. Қуёш нури бир-бирини қувлаб қирғоққа отилаётган кўм-кўк тўлқин парчаларини ёриб ўтарди. Сувда каллакланган қари толларнинг сур ранг пўстлоқлари акс этарди. Қирғоқнинг нариги томонида қаёққа қараманг, бўш яйловлар ястаниб ётарди. Фермаларда бу вақтда тушлик қилишарди; ёш жувон ва унинг ҳамроҳи сўқмоқда ўзларнинг бир текис ташлаётган қадам товушларини бир-бирларига қотиш ган сўаларини, Эмма кўйлагининг шилдирашини эши тардилар, холос.

Тепасига шиша парчалари териб урилган боф деворлари худди иссиқ хоналарнинг ойнасига ўхшаш қайноқ эди. Гиштларнинг орасидан желтофиол гуллари ўсиб чиққан. Бовари хоним йўл-йўлакай очик соябон ҳинг учи билан уларга тегиб кетар, шунда сўлиган барглар сариқ чангдек сочилиб кетар ёки бўлмаса девордан осилиб ётган дукчўп ёки печакнинг шохчаси бирдан, қўққисдан тегиб кетган соябоннинг полугига илиниб, шойи устидан сирғалиб тушарди. Йўловчилар яқинда Руанга келиши керак бўлган испан балет труппаси ҳақида гапиришарди.

— Сиз борасизми? — сўради Эмма.

— Агар иложини топсам, — деди Леон.

Наҳотки, бир-бирларига айтадиган бошқа гаплари бўлмаса? Йўқ, уларнинг кўзлари қанақадир муҳимроқ нарсаларни сўзлашарди. Сийқа жумлаларни қидиришар экан, иккисининг вужудини ширин туйғулар чулғаб оларди. Бу — гўё қалбининг товушини бўғаётган яширин, беором шивирлаш эди. Мана, улар учун янги бўлган завқдан ҳаяжонга тушган Эмма ва Леон бу ҳақда бир-бирига очик гапиришга, бунинг асли манбай қаерда эканини аниқлашга ҳам уринишмасди. Келажак бахт, гўё тропиклардаги дарё каби ҳади олислардан туриб кўз илгамас бўшлиқларни ўзи доим ҳамна-

фас бўлган роҳат-фарогат ҳавоси билан тўлдириди, ҳали олисдан турибоқ роҳатижон шамолини юборади ва ундан маст-аласт бўлган инсон, узоқларга боқмасданоқ ва ҳатто ўйламасданоқ хаёл оламига ботади.

Бир жойда подалар ерни шунчалик ўйиб ташлабдини, ҳар ер-ҳар ерда лойдан гўдайиб чиқиб турган катта-катта яшил тошлардан сакраб ўтишга тўғри келди. Эмма ҳар дақиқа оёгини қаерга қўйишини билмай тўхтаб қолар ва қимирлаб турган тош устида тирсакларини ёйиб, бор гавдаси билан олдинга энгашиб, лойга йиқилиб тушмаслик учун атрофга саросима билан қараб, қотиб-қотиб куларди.

Ўз богига етганда Бовари хоним эшикни итарди, пиллапоядан чопқиллаб чиқди-ю, эшик орқасида ғойиб бўлди.

Леон идорага қайтди. Бошлиғи йўқ эди. Леон ишлар солинган папкани кўздан кечирди, қаламнинг учини очди, шляпасини олиб чиқиб кетди.

У Аргейль тепалигининг юқорисига чиқди, ўрмон ёқасидаги ўтлоққа бориб, арчалар соясинда ётди ва қўллари тагидан осмонга қарай бошлади.

— Эй худо, нақадар зерикарли ҳаёт! — дерди у ўз-ўзига, — қанчалик зерикарли!

Мана бу ҳувиллаған ерда яшаш унинг жонига тегди, бу ерда унинг ота-онаси бўлмаганидан яккаю ягона ошинаси — жаноб Оме, мураббийси — жаноб Гильомен эди. Нотариус уззукун иш билан банд одам, кўзига тилла гардишли кўзойнак, бўйнига сап-сариқ бакенбарди жило ташлаб турувчи оқ галстук тақиб юарар ва мураккаб ички кечинмаларнинг нималигини асло тушунмасди, лекин даставвал ўзининг инглизларга хос қоидапарастлиги билан ўз ёрдамчисида катта таассурот қолдириди. Энди дорихоначининг хотинига келсак, уни бутун Нормандияда энг яхши хотин деса бўлади: қўзичоқдек беозору, болаларини жонидан ҳам ортиқ севадиган, отасининг, оиласининг, турғишганларининг барчасини ҳурматлайдиган, бирорларнинг ташвишига ҳам қўшилиб куйиб-пишиб ўрадиган, уй-рўзгор шшларини қўл учида қиладиган ва корсет кийишни жини ёқтирмайдиган аёл эди. Бироқ у шу қадар лавашанг, шу қадар нохуш, шу қадар бетаъсир аёл эдик, унинг суҳбати ҳам совуқ эди. У эндигина ўттизга кирган аёл, Леон гарчи фақат йигирмага кирган йигит бўлса ҳам,

гарчи ётоқхоналарининг эшиги бир-бирига қарама-қарши ва улар худо берган куни гаплашиб туришса ҳамки, Леон у ҳақда хотин киши ҳақида ўйлагандек ўйланган әмас. Леон учун унинг аёл экани фақат унинг жиһимидан маълум эди, холос.

Тагин кимлар? Бине, дўкончилар, қовоқхона эгалири, руҳоний ва ниҳоят мэр, жаноб Тюваш ва унинг икки ўғли — булар ҳаммаси зиқна, хилватпаст, бефаросат одамлар; ерни ўз қўллари билан ҳайдашади, иччиликни ҳам ўз уйларида ичадилар, одамларнинг кўзига бўлса бу ярамас риёкорлар ўзларини олижаноб қилиб кўрсатадилар.

Мана шу қабиҳ башаралар фонида Эмманинг сиймоси яққол ажралиб турарди, у шундай ажойиб, шу билан бирга жуда йироқ; у билан ўзининг орасида катта жарлик борлигини сезарди.

Аввал у Эмманинг олдига фармацевт билан биргаликда бораарди, фақат Шарль унга рўйхуш бермас, шунинг учун Леон ўзини қандай тутишини билмасди; у кўзга хира пашша бўлиб кўринишидан қўрқар, шу билан бирга, ўзи ҳам етолмайдиган муродга яқинлашишга тиришарди.

IV

Совуқ тушиши билан Эмма ўзининг ётоқхонасидан меҳмонхонага кўчиб ўтди. Бу шипи паст узун хона эди, бунда камин устидаги кўзгу ёнида маржон полин шохларини ёйиб турарди.

Эмма, одатан, креслони деразага яқин қўйиб ўтипар ва деразадан ўтган-кетган кўзга ташланарди.

Леон бир кунда икки маҳал идорадан «Олтин шер» га ўтарди. Унинг оёқ товуши этиб келмасданоқ биларди, олдинга сурилиб қулоқ соларди; ҳамма вақт бир хил кийиниб юрадиган йигит ҳеч қаёққа қарамай парда орқасидан кўзга чалинарди. Лекин у чап кафтига нягини тираб бошлаган каштасининг тиззасига тушиб кетганини ҳам билмай, оқшомларни ўтказган пайтларида, мана бу лип этиб ўтган соя уни чўчитиб юборарди. У ўрнидан турарди ва дастурхон ёзишни буюарди.

Овқат маҳалда жаноб Оме келарди. Фескасини қўлида ушлаганича, ҳеч кимни безовта қилмаслик учун оёғининг учиди юриб киар ва ҳар доим: «Бу даргоҳга тинчлик-хотиржамлик ёр бўлсин!» деб қўярди. Ке-

йин столга, ўзининг одатда ўтирадиган жойига, эр-хотин ўртасига ўтирас ва врачга беморлар ҳақида савол берар, врач эса ундан гонорар ҳақида маслаҳат сўрарди. «Газеталарда нималар ҳақида ёзишаётганини» гаплашишарди. Бу вактда Оме газетанинг ипидан иғнасигача ўқиб чиққан бўларди, журналистларнинг шарҳлари билан қўшиб-чатиб, бир оғиз ҳам қолдирмасдан ўқиганларини бирма-бир гапириб берарди, қаерда бўлмасин, барибир, Франциядами, чет әлдами, юз берган ҳодисаларни оқизмай-томизмай сўзлаб берар эди. Бу мавзудан ҳам гап бошлаб, у ҳар гал келтирилган овқатлар ҳақида ҳам ўз фикрини изҳор этар эди. Баъзан ўрнидан сал туриб, одоб билан Эммага энг хушхўр луқмани кўрсатар ёки бўлмаса хизматчи аёлга мурожаат қилиб, қовурдоқни қандай пишириш кераклиги ва қанақа таомга қанақа зиравор солиш тўғрисида маслаҳат берарди. Хушбўй нарсалар, гўштларнинг навлари, қайла ва елимшаклардан гапирса, эшитувчилар анграйиб қолишарди. Шуни қайд қилиб ўтиш керакки, жаноб Оменинг миясига жо бўлган рецептлар унинг дорихонасидаги шишелардан кўп эди. У ўзи жуда ажойиб қиёмлар пиширас, сирка, ширин ликёрлар тайёрларди, у фойдали кўчма плита соҳасида барча янгиликларни, пишлоқни сақлаш сирларини ва бузилган виноларни тозалашни биларди.

Роса тоат саккизда уни чақириб Жюстен келарди — дорихонани бекитиш керак эди. Жаноб Оме унга айниқса, Фелисите шу ерда бўлса, муғамбirona қараб-қараб қўярди, шогирди докторнинг уйига серқатнов бўлиб қолганини сезганди.

— Менинг азаматим хаёл сурадиган бўлиб қолди, — дерди дорихоначи, — фалокат босиб хизматчи қизингизга хуштор бўп қолмадимикан-а?

Бироқ Жюстенда ундан кўра жиддийроқ камчилик бор эди. У ҳар доим катталарнинг гапига қулоқ солар, дорихоначи бунинг учун унинг қулогини чўзарди. Масалан, якшанба кунлари болалар креслоларда ухлаб қолиб ҳаддан ташқари кенг, коленкор ғилофларни орқалари билан сурис ташлаганларида ва Оме хоним болаларни ўз хоналарига олиб кириб ётқизиш учун Жюстени мөҳмонжонага чақирганида, уни бу сурдан ҳайдаб чиқаришнинг ҳеч иложи бўлмай қоларди.

Фармацевтнинг уйида якшанба куни бўладига ўтиришларда одам деярли кўп бўлмасди, жаноби Оме нинг заҳар тили ва унинг сиёсий қарашлари ҳурматли одамларни аста-секин ундан узоқлаштириди. Лекин потариус ёрдамчиси бирор ўтиришдан ҳам қолмас эди Қўнғироқ әшиетилиши билан у Бовари хонимга пешвочиқиши учун сакраб турарди. Унинг рўмолини олар ва ботинкасини қордан сақлаш учун устидан кийиб олар, арқондан тўқилган қўпол туфлисини бир чеккага, дорихона контораси тагига қўйиб келарди.

Энг аввал ўттиз бир ўйнашарди, кейин жаноб Оме Эмма билан экарте¹ ўйинини ўйнарди, Леон бўлс: Эмманинг тепасида туриб унга маслаҳат берарди. Эмм ўтирган стулнинг суянчиғига тиравиб олиб, унинг сочтурмакларига, тиши билан ёпишиб турган тарофига тикиларди. Эмма картани ташлаган вақтда ҳар гал кўлагининг ўнг томони кўтариilar эди. Тенага таралга соchlардан орқа елкасига жигар ранг шуъла тушар ва аста-секин оқариб бориб, ниҳоят ярим қоронғилик билан қўшилиб кетарди. Пастда Эмманинг кўйлаги пухфак бўлиб, ҳисобсиз бурмалар билан гўжмаланиб стулнинг икки томонидан осилиб полга тегиб турарди. Қўққисдан ботинкаси билан унга тегиб кетгудек бўлса, Леон худди бироннинг оёғини босиб олгандек қўрқув билан ўзини орқага ташлар эди.

Картадан кейин дорихоначи билан врач домино ўйнашга тушишар, Эмма бошқа жойга ўтиб, столга суянганича расмларни томоша қила бошларди. У ўзи билан модалар журналини олиб келарди. Леон унинг ёнига келиб ўтирас, биргаликда суратларни кўришар ва саҳифаларни сабрсизлик билан очишарди. Эмма кўпинча ундан шеър ўқиб беришини илтимос қиласди, Леон қироат билан чиройли қилиб ўқир ва севги ҳақидаги беънлардан кейин атайлаб тўхтаб, пауза қиласди. Лекин домино доналарининг шарақлаши унинг жигига тегарди. Жаноб Оме жуда моҳир ўйинчи бўлгани учун ҳар гал Шарлии қолдиради. Уч юзга боргандан чейин иккиси ҳам камин олдиаги креслоларга ясташтиб олиб тез уйқуга кетишар эди. Кул тагида олос сўна бошларди, чойнак қуриб қолар, Леон ҳамон ўқир-

¹ Экарте -- қадондан қолган икки қиши ўйнайдиган карт ўйини.

ди. Эмма уни тинглар ва беихтиёр газ чироқ абажурини айлантириб ўтиради, абажурда коляскада ўтирган Пьеро ва қўлларига лангарчўп ушлаган дорбоз сурати солинган эди. Леон ухлаб қолганларни имо билан кўрсатар ва ўқишдан тўхтар, шундан кейин улар ишивирлашиб гаплаша бошлишарди ва бу сухбат, ҳеч ким уларни эшитмаётганилиги учун ҳам жуда ёқимили туюларди.

Улар муттасил китоб ва романлар олиб-бериб туриш тўғрисида ўзаро бир битимга келиб қўйгандек әдилар. Жаноб Бовари раشكчи әмасди, шунинг учун кўнглига ҳеч нарса келмасди.

Шарлнинг туғилган кунига Леон зангори рангга бўялган, то бўйнига қадар рақамлар ёзиб ташланган гўзал френолог ҳайкалини совға қилди. Бу Леон томонидан қилинган илтифот белгиси эди. У умуман врачга нисбатан жуда ҳам илтифотли эди, у нимаики топширса йўқ демай, Руанга боргандা бажариб келарди. Битта жуда ҳам довруги кетган роман туфайли ҳамма қактус ўтирадиган бўлиб қолди, Леон Бовари хоним учун кактус сотиб ола бошлади ва «Қалдирғоч»да бутун йўл бўйи бармоқларига тикан кирганига қарамай, тизаси устида олиб келадиган бўлди.

Эмма деразаси тагида гул туваклари соладиган панжарали токча ясашни буюрди. Леон ҳам ўз хонасини осиб қўядиган гуллар билан тўлдириди. Гулларга парвариш қилиб туриб, улар деразадан бир-бирларини кўришарди.

Бутун шаҳарда одамнинг гавдаси ҳаммадан узоқ кўриниб турадиган биттаю битта дераза бор эди. Ҳар куни тушликдан кейин, якшанба кунлари аzonдан то тунгача агар ҳаво яхши бўлса, деразадан токарь станогига энгашган, жаноб Биненинг озғин бети кўриниб турарди, станокнинг бир хилда вишиллаши ҳаттоқи «Олтин шер»гача эшитилиб турарди.

Бир куни кечқурун Леон уйга келиб, ўз хонасида гиламча турганини кўрди, бу баҳмал билан юнг арапаш, устига барг нусха гул туширилган оч пушти гиламча эди. У Оме хонимни, жаноб Омени, Жюстенни, болаларни, ошпаз хотинни чақириб, гиламни кўрсатди, бу ҳақда бошлиғига гапириб берди. Гиламни ҳамма кўргиси келарди. Нима боисдан врачнинг хотини «бешудага совға» бераркан? Бу одамларга шубҳали кўрини-

ди ва ҳаммалари: «Эмма унинг маъшуқаси» деган холосага келишди.

Леоннинг ўзи гап-сўзга йўл очиб берди — у Эмманинг жозибаси, донолиги ҳақида шунча кўп гапирадики, ҳатто бир кун уни жаноб Бине:

— Менга нима? Мен у билан таниш эмасман! — деб қаттиқ жеркиб ташлади.

Леон Эммага қандай қилиб муҳаббат юздор қилиши билмай бош қотирар эди. Бир томондан, уни ўзидан совитиб қўйишдан қўрқса, иккинчи томондан, ўзининг юраксизлигидан уяларди ва ҳис-туйғуларининг тўлиб-тошганини, ўзининг ношудлигини англаб кўзи жиққа ёшга тўларди. У қатъий бир қарорга келди: ҳатлар ёзар, шу заҳоти йиртиб ташлар, ўзига-ўзи муҳлат тайинлар, кейин яна муҳлатини кейинга сурарди. У кўпинча ҳамма нарсага тайёрдек Эмманинг олдига борар, лекин уни кўриши билан жасорати йўқолар ва бунинг устига Шарль кириб, чет қишлоқлардан бирига бориб бемор кўриб келиши кераклигини айтиб, шарабанда бирга боришни унга таклиф қилса, шу заҳоти рози бўларди ва Эмма билан хайрлашиб чиқиб кетарди. Унинг эрида ҳам Эммага ўхшащ жиҳатлари бор, деб ўзини юпатар эди у. Бироқ Эмма Леонни севадими-йўқми, бу ҳақда ўзига савол бериб ҳам кўрган эмасди. Унинг назарида, севги қўққисдан чақмоқдек чарақлаб, момақалдироқ гулдуроси билан келади, бу қуюн қаёқдандир осмондан қўйилиб келиб ҳаётни остин-устун қилиб ташлайди, барг узгандек кишининг ихтиёрини узади ва қалбни гирдобга солади. У тарновлар сув ўтмас бўлиб, томларда ҳам сув халқоб бўлишини хаёлига ҳам келтирмас, то ўз уйининг девори дарз кетганидан хабар топмагунча тинч яшайверарди.

V

Февраль ойи қорли якшанба кунларининг бири эди, эр-ҳотин Боварилар, Омелар ва Леон жам бўлишиб, шаҳардан ярим миль масофада, пастқам ерга қурилаётган, зигирпоя толасини йигирадиган фабрикани кўргани боришди. Аптекачи ўйнатиб келиш учун ўғли Наполеонни, қизи Аталияни бирга олиб кетди,

улар билан соябонларни кўтариб олиб Жюстен ҳам борди.

Бироқ бу дикъатга сазовор жойнинг ҳеч қанақа дикъатга сазоворлиги йўқ экан. Қум, шагаллар ичida у ер-бу ерда аллақачон занглай бошлаган тишли ғилдираклар уйилиб ётган кенг сайҳон ерда узун, жуда кўп дераза учун тешиклар очилган, тўрт бурчакли иморат қаққайиб турарди. Бино ҳали битмаган, тўсинлари орасидан осмон кўриниб ётарди. Ходага бойлаб осиб қўйилган бир боғ похол ўзининг бошоқлари ва уч хил лентасини ҳилпиратиб турарди.

Оменинг жағи очилди. У ҳамроҳларига бу корхонанинг қанақа аҳамиятга эга эканини тушунтирас, пол ва деворларнинг қалинлигини кўзи билан чамалар ва ёнида жаноб Бине ўз эҳтиёжи учун олиб қўйган ўлчов чизгичи бўлмаганидан афсусланарди.

Эмма дорихоначи билан қўлтиқлашиб, унинг елкасига салгина суюнганича туманли олисларда ўзининг жилосиз шуълалари билан кўз қамаштирувчи қуёшнинг гардишига қаарди. Кейин у бирдан бошини бурди, кўзи бенхтиёр Шарлга тушди. Фуражкаси кўзига тушиб кетибди, қалин лаблари қимиirlарди, бу эса унинг юзига қандайдир бемаъни ифода берганди, ҳатто яғрини ҳам унинг жигига тегарди: Эмманинг назарида, унинг ўртамиёна одам эканлиги борлигидан, ҳаттоки сюрукларидан ҳам билиниб турарди.

Эмма ҳамон Шарлни ғазаб билан кўздан кечирар экан, ўзининг бу ғазабида қанақадир бир заҳарли севинч борлигини сезарди, худди шу вақтда ундан бир қадам олдинда Леон пайдо бўлди. Совуқдан унинг ранги ўчиб кетибди, шунинг ўзидан унинг бутун сиймосида яна ҳам нозикроқ хуморилик барқ уарди. Кўйлагининг ёқаси ўзига кенгроқ эди ва бағбақаси билан галстуги орасида бўйни озгина кўриниб, соч толалари тагидан қулогининг уни чиқиб турарди, унинг булутларга тикилган катта-ката мовий кўзлари Эмманинг назарида, осмон акс этадиган тоғ кўлларидан ҳам мусаффороқ, гўзалроқ эди.

— Қаёққа кетяпсан! — бирдан бақирди дорихоначи ва ўғлига югурди. Бола оҳакка ботинкасини бўяб олмоқчиди. Отаси боплаб унинг таъсирини берди. Наполеон алам қилганидан ҳўнграб йиглади, Жюстен похол билан ботинкани тозалашга тушди. Лекин оҳак-

ви қириб ташлаш учун пичоқ керак бўлди. Шарль пи-
чогини унга берди.

«Е худо! — ўйлади Эмма, — у оддий мужикка ўх-
шаб ҳамма ерда чўнтағида пичоқ олиб юради-я».

Майдалаб ёмғир ёға бошлади. Ҳаммалари орқала-
рига қайтишди.

Кечқурун Бовари хоним қўшниларникига чиқмади,
Шарль кетгандан кейин ўзи ёлғиз қолди, унинг кўзла-
ри олдида ўзининг аниқлилиги билан, туйгуниг бе-
восита яққоллиги ва инсон хотираси узоқдаги нарса-
ларни тегишли катталикда намоён қиладиган кучи
билан ўша параллель янгидан гавдаланди. Каравотда
ётган еридан у алангаланиб ёнаётган оловдан кўз уз-
масди ва худди ҳозиргидек Леонни яққол кўрарди, у
бир қўлида ҳассасини ўйнаб, иккинчи қўли билан бе-
парвогина сумалак сўраётган Аталияни етаклаб олган-
ди. Эммага у гоят гўзал қўринди. Эмма унга ҳозир хаёл
кўзи билан қаттиқ тикиларди. У Леоннинг бошқа кун-
лари қилган ҳаракатларини, унинг айтган сўзларини,
унинг овозини, борлиқ сиймосини қайта-қайта эсларди
ва лабларини худди ўпичга чўзаётгандек чўзиб:

— Ҳа, у ажойиб барно йигит! У жозибадор! — дер-
ди. — О, у севиб қолмаганмикин-а? — сўрарди у ўзи-
дан. — Кимни?.. Кимни бўларди, мени севиб қолган!..
Мени!..

Эмманинг олдида далилларнинг ҳамма занжири
бир зумда ечилиб кетди, юраги типирчилади. Камин-
даги оловдан шинпа шуълалар шўх ўйнади. Эмма чал-
қанча ётиб ширин керишди.

Шундан кейин тўхтовсиз оҳ-воҳлар бошланди.

«Оҳ, қани энди ҳаммаси шундай бўлиб чиқса! Ҳа,
нега, шундай бўлмас экан? Ким бунга халақит бера
оларди?»

Шарль ярим кечада қайтди, Эмма ўзини ҳозиргина
уйғонганга солди, Шарль ечинаётиб, бир нарсага та-
қиллаб тегиб кетувди, у дарров боши оғриётганидан
шикоят қилди, кейин бепарво оҳанг билан оқшом қан-
дай ўтганини сўради.

— Леон узоқ ўтирмади, — деди Шарль.

У табассумдан ўзини тўхтата олмади ва ўзи
учун аллаҳанақа жозиба ихтиёрига берилдию, уйқуга
кетди.

Эртасига, қош қорайган пайтда унинг олдига бозори

чаққон моялар сотадиган савдогар жаноб Лере келди. Бу савдогар жуда ҳам учар одам эди.

Гасконда туғилиб, кейин нормандиялик бўлиб олган бу одам ўзида жанубга хос сўзамоллик ва кошликларга хос қувлигини бирга уйғуналашира олган эди. Унинг кўпчиган, буришган кўса башараси худди чучумия қайнатмасига бўяб олингандек, кичкина, қоп-қора кўзларидағи ёвуз йилтиллаш эса оқ сочи туфайли яна ҳам жонлироқ кўринарди. Илгари у ким бўлган — буни ҳеч ким билмасди, бирорлар уни аршин молчи бўлган, бошқалар у Рутода сарроф бўлган, дейишади. Лекин мана шу нарсага шак келтирмаслик керак эди: у энг мураккаб рақамларни миясида ҳисоблаш қобилиятига эга эдики, бундан жаноб Биненинг ўзи ҳам даҳшатга келарди. Хушомадгўйлиги, лаганбардорлиги шу даражада эдики, у ҳар доим бирорвга салом берадигандек ёки бирорни уйига таклиф этаётгандагидек икки букилиб эгилгани эгилган эди.

У йўлакда қора лентали шляпасини қолдириб, стол устига яшил картон қути қўйди ва минг такаллуф билан шу чоққача «хоним ойим»нинг ишончига сазовор бўлмаганлигини гапириб, гина қила бошлади. Ҳакқи рост, унинг ғарибона дўкончасида шундай олифт а жувонга манзур бўлган нима ҳам бўларди? У мана шу икки сўзни жуда чертиб гапирди. Аммо лекин хонимнинг бир оғиз буйруқлари билан ҳамма нарса муҳайё бўлади: ич кийими, пайпоқ ва упа-атир ҳамда энг чаққон молларни бетўхтов топиб беради. Ахир у ҳар ҳафта шаҳарга боради-ку! Энг яхши савдо ширкатлари билан алоқа қиласди. Унинг кимлигини «Уч оғайни», «Тилла соқол», «Уч оёқ ёввойи»лардан сўрасангиз бўлади, буларнинг эгалари уни беш панжадек биладилар! Мана бугун, шундоқ хонимга баъзи бир баҳтли тасодиф билан қўлга киритган молларни кўрсатмоқчиди. Шу сўзлар билан у картондан ярим дюжина гул тикилган ёқачалар олди.

Бовари хоним уларни томоша қиласди.

— Менга керакмас бу,— деди у.

Шунда жаноб Лере эҳтиёткорлик билан учта жаонир рўмоли, бир неча қутича инглиз тўғнағиchlари, похол туфли ва ниҳоят, тухум солиш учун норжил ёнғоги пўчогидан маҳбуслар ўйиб ишлаган тўртта қадаҳ олди. Икки қўли билан столга тирадиб, бўйни-

ни чўзиб, бутун гавдаси билан олдинга эгилиб, ҳали унга, ҳали бунга саросималик билан қараётган Эмманинг юзига тикилиб турарди. Вақт-вақти билан жаноб Лере гўёки чангни артаётгандек бўлиб, стол устига ёйиб ташланган ипак шарфни тирноғи билан чертиб қўярди, шойи бўлса шилдираб ҳилпиар, унинг зарлари оқшомнинг ғира-шира ёруғида юлдуз бўлиб чаракларди.

— Бу қанча туради?

— Эй, от билан тужа бўлармиди,— жавоб берди савдогар,— унча шошилинч иш әмас-ку. Хоҳлаган вақтингизда муҳайё бўлади. Ахир бизлар жуҳуд әмасмиз-ку!

Эмма бир оз ўйлаб туриб, жаноб Лерега ташаккур билдири ва олмаслигини айтди, у бўлса ҳеч таажжубланмади ҳам:

— Хўп, майли, кейин гаплашамиз. Мен ўз хотинимдан бошқа ҳамма хонимлар билан тил топаман.

Эмма жилмайиб қўйди.

— Шу гапни айтиб қўяйкӣ,— мулойим, шу билан бирга жиддий тус билан давом этди жаноб Лере,— мен пул тўғрисида ҳеч ҳам ташвишланмайман. Сизга шул керак бўлса мен бериб тураман.

Эмма таажжублангандек бўлди.

— Ҳа, ҳа!— овозини пасайтириб тез-тез гапирди савдогар.— Мен кўз очиб юмгунча топиб беришим мумкин. Менга ҳар қанча ишонсангиз бўлаверади!

Кейин бирдан «Франция» қаҳвахонасининг хўжайини ва жаноб Бовари шу кунларда даволанаётган Телье отанинг саломатлигини сўраб кетди.

— Телье отага нима бўлди ўзи, а?.. У шундай йўталадики, бутун уй ларзага келади. Оддий бумаэзи пахтали ўрнига қўсқа пўстин киймасайди, деб қўрқаман. Ёшлигига айш-ишратни яхши кўрарди! Бунга ўхшаган одамлар, хоним, ҳеч нарсанинг чегарасини билмайдилар. Ароқдан куйиб кетди.

Лекин нима қилса ҳам эски танишинг у дунёга равона бўлса қайғураркансан, киши.

Картон қутининг тугмасини сола туриб, у Шарль даволаётган касалларнинг ғийбатини қила бошлади.

— Касалларининг сабаби об-ҳаводан!— деди у қувогини солиб, деразага қааркан.— Менинг ҳам унча мазам йўқ. Яқин ўртада доктор билан бир маслаҳат-

лашишим керак. Белим оғрийди. Хўп, хўп, хайр, Бовари хоним. Хизматингизга доим тайёрман! Сизга чуқур таъзим қиласман! — шу сўзлар билан у эшикни секингина ёпиб, чиқиб кетди.

Эмма овқатни ўз хонасига олиб келишларини буюрди ва оловга яқинроқ ўтириданда, имиллаб овқатлана бошлади. Унга ҳамма таом ширин кўринарди.

«Жуда ақлли иш қилдим!» — ўйлади у шарфларни эсига олиб.

Зинапояда оёқ товуши эшитилди, бу Леон эди. Эмма ўрнидан туриб комоддаги чети босилган бир тахлам сочиқдан тўғри келганини олди. Леон кирганди у жуда ҳам ишга берилиб кетган қиёфада эди.

Гаплари қовушмади. Бовари хоним ҳадеб унинг сўзини бўлар, Леон ўзини ниҳоятда ўнгайсиз сезаётгандек бўларди. У камин олдида, пастаккина курсида қўлида фил суюгидан ясалган қинни айлантириб ўтирас, Эмма тикар ва вақти-вақти билан тирноқлари-ла чокларини текислаб қўярди. У бир оғиз ҳам гапирмас, Леон аввал унинг гапларига шайдо бўлгандек, энди унинг жим ўтиришидан ҳам сеҳрланиб гунг бўлиб ўтиради.

«Бечора йигит!» — деб ўйларди Эмма.

«Хафа қилиб қўйдимми?» — деб сўради ўзидан Леон.

Ниҳоят ўзини босиб олди-ю, яқин кунларда нотариал конторанинг иши билан Руанга бормоқчи бўлганигини айтди.

— Сизнинг нота абонементингиз тугади. Янгилақ келайми?

— Йўқ, — деди Эмма.

— Нега?

— Чунки...

Эмма лабларини қимтиб, узун кул ранг ипни салмоқ билан тортиб олди.

Эмманинг иши Леоннинг жигига тегарди. Унинг назарида Эмма ҳадеб бармоғига игна санчиб олаётгандек эди.

У ажойиб бир гап айтмоқчи бўлди-ю, лекин айтишга журъят этолмади.

— Шундай қилиб, энди тарк этасизми? — сўради Леон.

— Нима, — Эмма унга ялт этиб қараб деди, — чалишними? Эй, худойим-эй, вақт қайда менда? Рўз-

горга, эримга қарашим керак, хуллас, ундан кўра зарурроқ ишлар бошимдан ошиб ётиди!

Эмма соатига қаради. Шарль кечикаётган эди. Ўзини ташвишланаётганга солди.

— Шарль жуда оқ кўнгил одам! — деб бир неча бор такрорлади Эмма.

Нотариус ёрдамчиси жаноб Боварини ёқтиарди. Лекин Эмманинг унга меҳрибонлиги Леонда ёқимсиз бир таассурот қолдирди. Лекин ўзи ҳам Шарлни мақтаб кетди.— Ҳамма ундан хурсанд, айниқса, фармациевт,— деб қўшиб қўйди.

— Ҳа, у жуда яхши одам! — деди Эмма.

— Шак-шубҳасиз,— тасдиқлади Леон.

Леон шу заҳоти Оме хоним ҳақида гап бошлади. Унинг исқиртлигидан кўпинча иккаласи кулишарди.

— Ҳа, нима бўпти? — сўзини бўлди Эмма,— оиласининг чинакам онаси ўзига зеб бермайди.

Шуни деб, у яна жимиб қолди.

Шу кундан бошланди ҳамма гап. Эмманинг сўзлари, хатти-ҳаракати — ҳаммаси ўзгарди. Рўзгор ишларига муккасидан кетди, черковга мунтазам борадиган бўлди, хизматчи қизнинг жиловини қўлга олди.

Бертани уйга олиб келди. Мехмонлар келганда Фелисите уни олиб кирап ва Бовари хоним қизалоқни ечинтириб, унинг бадани қанақалигини кўрсатарди. Болани жон-дилидан яхши кўришини ҳаммага ишонтиришга уринарди, унинг қувончи, унинг овучоги, уни жинни қилган ҳам шу арзандаси! Эркалаб туриб шавқ-завқдан ўзини йўқотиб қўяр, бу ғонвилликлардан бошқа ҳаммага «Парижнинг Биби Марям собори»даги вретиш¹ларни эслатиши мумкин эди.

Энди Шарль уйга қайтганда, туфлиси ҳамма вақт иссиқ ёқилган камин олдига қўйилиб исиб турган бўларди. Ҳамма нимчаларига астар қилинган, кўйлакларининг ҳаммасига тугма қадалган, кечаси киядиган қалпоқлари кийим жавонида шундай чиройли қилиб

¹ Вретишициа — гадолик тариқатига мансуб монах аёл, бунга аъзо бўлганлар штоаткорлик белгиси қилиб устларига вретиш (дағал қоп) кийиб юрадилар. В. Гюгонинг «Собор Парижской Богоматери» романининг қаҳрамони Эсмиральданнинг онаси шунақа монах збллардан бўлган.

тахлаб қўйилганки, ҳавасингиз келарди. Эр хотин боғда сайд әтганларида Эмма энди илгариgidек қовоғини солмайди. Шарль нима деса рози бўлади, сўзсиз итоат қиласди, гап қайтармайди. Энди Шарль яхши таомдан кейин қип-қизариб, камин олдида қўлини қорнига, оёғини панжарага қўйиб, роҳат қилаётганидан кўзлари сузилиб ўтирганда, олдида гиламда қизи эмаклаб юрганда, анати қадди-қомати келишган хотини, креслонинг орқасидан келиб, эрининг пешана-сидан ўпганини кўриб, Леон беихтиёр ўйларди:

«Бу қанақа номаъқулчилик! Қанақа қилиб энди унинг қалбига йўл топасан?»

Эмма Леоннинг назарида шу қадар ҳалол, шу қадар такаббур кўринардик, энди унда умидидан бир учқун ҳам қолмаган эди.

Бироқ у орзу-истакларини босиб, Эммани мислсиз юксакдикка кўтарарди. У ўз назарида яратган образда фақат аёлларга хос бўлган хусусият йўқ эди. Бу хусусиятлар Леон учун энди ҳеч қанақа аҳамиятга эга эмас. Унинг назарида Эмма тобора ердан узилиб, худди илоҳий бир енгиллик билан фалакка кўтарилимоқда эди. Леон уни пок муҳаббат билан севарди, бундай муҳаббат иш билан шуғулланишга халақит бермайди, бундай муҳаббат қадрли бўлади, чунки у ҳаётда ҳадеб учрайвермайди. Бироқ муҳаббат туфайли келган баҳт туйғуси унинг ҳамма азоб-уқубатларидан устун туради.

Эмма озиб кетди, ёноқларининг қизиллиги сўнди, юзи чўзилди. Ҳамиша жим юрадиган бу аёл енгил қадамлари, қора соchlари, шаҳло кўзлари, чиройли бурни билан гўёки оёғи ерга тегар-тегмас ҳаёт йўлидан ўтмоқда ва ўз вужудида қанақадир юксак қуръанинг ноаниқ тамғасини кўтариб кетмоқда эди. У ниҳоятда хомуш, ниҳоятда мўмин, ниҳоятда меҳрибон, шу билан бирга жуда ҳам вазмин, унинг жозибасида вужудингга қалтироқ соладиган қанақадир бир совуқлик бор эдики, черковда, мармар тошнинг совуқ исига аралашган хушбўй гуллар ҳиди кишининг этини шундай жимирлатади. Унинг жозибаси олдида ҳеч ким ил ечолмасди. Фармацевт у ҳақда:

— Ажойиб, истеъдодли жувон, у вилоят маъмуриятида хизмат қилиши керак эди,— дерди.

Уй бекалари унинг тежамкорлигидан, беморлар

унинг назокатлигидан, камбағаллар унинг шафқатлигидан қойил қолишаради.

Ваҳоланки, айни замонда унинг қалби шиддатли орзулар ва нафрат билан тўла эди. Тўғри бурмали кўйлаги остида унинг куйган юраги типирчилар, лекин унинг уятчан лаблари қалбнинг алам-изтиробини ошкор қилмасди. Эмма Леонга ошиқ эди ва унинг сиймосини кўз ўнгига гавдалантириб, ундан роҳатлашиш учун танҳолик қидираради. У пайдо бўлиши билан хаёлий лаззат ҳам тамом бўларди. Унинг оёқ товушини эшитиб, Эмманинг вужудини қалтироқ босарди, учрашганда эса ҳаяжони босилар, лекин довдираб қоларди, буни ҳам қайғу-алам аста-секин суриб чиқарди.

Леон умидсизликка берилиб, ҳасрат билан унинг олдиdan кетган пайтларида, Эмманинг шу заҳоти ўрнидан туриб деразага боришини, унинг кўчада кетаётганига қараб туришларини хаёлига келтирмасди ҳам. Унинг юриши ҳам Эммани ҳаяжонга солар, унинг юзидағи ифоданинг ўзгаришини кузатар, унинг хонасига киришга қулай баҳона топиш учун турли-туман ҳодисаларни ўйлаб топарди. У билан бир том остида яшовчи дориҳоначи хонимнинг баҳтига баҳиллиги келарди. Унинг фикр-хаёли доимо «Олтин шер» қовоқхонаси тарновларидан оқаётган сувларда пушти оёларини, оппоқ қанотларини ювиб қайтадиган кабутарлар каби ўша уй атрофида йарвона эди. Аммо қанчалик қаттиқ севиб қолгани Эммага ойдинлашган сари у ўз туйғусини ичига ютишга, ошкор қилмасликка, кучини кесишга шунчалик қаттиқ уринарди. Агар Леон ўзи буни фаҳмласа, Эмма қувонган бўларди. Эмманинг миясига бизнинг яқинлашишимизни енгиллаштирадиган турли-туман аҳволлар рўй берсайди, фалокат бўлсайди, деган фикр келарди. Руҳий сустлик, қўрқув, бундан ташқари номус уни ушлаб турарди, албатта. Назарида, у ҳаддан ташқари қўрслик билан Леоннинг кўнглини қолдирганга, энди ҳамма иш барбод бўлганга ўхшарди. Лекин «Мен ҳалол аёлман!» — деган тушунчадан ҳурсанд бўлиш, юзига итоаткорлик ифодасини бериб, кўзгуда ўз жамолини кўриш, берган қурбонларни эвазига берилган мукофотдек эди.

Тан амри, пулга ташналиқ, ҳирс азоби — барчаси унда бир бутун аламли туйғуга айланганди. У энди Леон ҳақида ўйламасдан туролмас, фикр-зикри доимо

унда эди: у ярасини тимдалар, бунга ҳар нарсадаң баҳона толарди. Вақтида берилмаган овқат ҳам, эмбекитилмаган эшик ҳам уни асабийлаштирад, барқути бўлмаганидан, бетолелигидан, ушалмаган орзу, умидларидан, уйнинг торлигидан ҳам у изтироб чекарди.

Шарль Эмманинг руҳий азобларини пайқамасди чоги, бу эса унинг қонини қайнатарди. Эмма учун бахтли турмуш яратганига унинг ишончи комил эдя, бу ишонч Эммага эса аламли бемаъниликдек кўринар, буни бағритошлиқ, деб баҳоларди. Ким учун у шунчалик эҳтиёткор бўлди? Унинг бахти йўлида доимоғов бўлиб келган, унинг оғир қисмати, уни маҳкам қисиб турган камар тўқасининг ўткир тирноғи Шарль эмасми?

Бора-бора Эмма турли-туман қайгу-ҳасратлардан кўксига тугилган нафратни Шарлнинг бир ўзига кўчирди ва бу ҳисни қитдак бўлса ҳам юмшатишга уриниш уни қайтага кучайтириди, чунки адованни кучсизлантиришга беҳуда интилиш унинг газабини оширмоқда ва орага баттарроқ совуқчилик туширмоқда эди. Ўзининг қўйдек ювошлиги жаҳлини чиқармоқда эди. Тирикчиликнинг завқсизлиги, зеб-зийнат ҳақидаги орзуларни, эрининг меҳрибонлиги, хиёнат қилиш ташналигини қўзгатарди. У истардики, Шарль уни дўппосласа, шунда эрини ёмон кўришга ва унда қасос олишга кўпроқ асоси бўларди. Ўзининг миясига келган даҳшатли фикрлардан баъзан ўзи қўрқиб кетарди. Ҳолбуки, одамларга кулиб боқиш, унинг қанчалик бахтли экани ҳақидаги гапларни эшитиш, кўра-била туриб, ўзини ростдан ҳам шундай қилиб кўрсатиш, бошқаларни ҳам алдаш керак.

Бу иккюзламачилик унинг жонига тегди. Унда Леон билан қочиш ҳаваси зўр келмоқда, энди қаерга бўлса ҳам майли, фақат олис ерга қочиш, у ерда янги ҳаёт бошлаш керак, бироқ шуни ўйлаши билан унинг йўлида тубсиз жарлик пайдо бўларди.

«Ҳа, у энди мени севмайди»,— деб ўйларди у.— «Нима қилсан экан? Кимдан энди кўмак, ҳамдардлик, тасалли кутсан экан?»

Унинг кўз ёшлари дув-дув оқар, дармонсизланиб, тинка-мадори қуриб, оғир нафас оларди ва астагина пиқиллаб йиғларди.

— Нега хўжайинга айтмайсиз? — дерди унинг азобланганларини кўриб хизматчи қиз.

— Бу асаблар хастилиги,— дерди Эмма,— унга айтма, хафа бўлади.

— Ҳа-да,— дерди Фелисите.— Сизда ҳам Геришанинг касали бор, у Боледаги балиқчи Герен амакининг қизи. Мен у билан сизга ишга кирмасимдан олдин Ўзеппда танишганиман. У ҳамма вақт шундай ғамгин, шундай хафа юрадики, асти қўяверинг! Доим остоңда тургани-турган, худди таъзия куни эшикка осиб қўйиладиган қора мовут дейсиз. Айтишларича, руҳий касалликка чалинган экан, мияси ҳам айниб қолган дейишарди, лекин, докторнинг ҳам, руҳонийнинг ҳам қўлидан ҳеч нарса келмади. Аҳволи жуда ҳам танг бўлиб қолганда, у денгизга ёочиб кетарди. Уни божхона назоратчиси денгиз бўйларини айланиб юрганда тез-тез кўриб туаркан. У кўкрагини ерга бериб нуқул йигларкан. Лекин тўйдан кейин тузалиб кетган, дейишарди.

— Мен бу тушкунликка тўйдан кейин гирифтор бўлдим,— деди Эмма.

VI

Бир кун у дераза олдида ўтирганда черков хизматчиси Лестибдуанинг шамшод дарахти шохини кесаётганини кўрди, кейини Лестибдуа бирдан тойиб бўлиб қолди-ю, шу заҳоти кечки ибодатга занг урилди.

Бу апрель ойининг бошларида, наврўз гуллар очилган, чопилган жўякларда илиқ шамол ўйнаган, боғлар бўлса аёллар каби ёз байрами либосларига ўралган пайт эди. Шийлонларининг панжарасидан узоқ атрофларда, ўтлоқларда дарё қандай буралиб илон изи солаётгани кўриниб туарди. Кечки туман баргиз тераклар орасидан уларнинг шаклини бекитиб, шохлар устида илиниб турган шаффоф пардадан ҳам нозикроқ, тиниқроқ бинафша ранг тутундай кўтарилимоқда. Узоқда подалар сангир, бироқ унинг на дўпирни, на маъраши эшитилар, қўнғироқ бўлса ҳамон жаранглар, унинг мунгли садоси ҳавода боягидек парвоз этарди.

Мана бу бир текис жаранглаш остида Эмма хаёлан узоқ ёшлик ва пансион хотираларига учди. Минбардаги гул соладиган туваклар, табаррук сув сақланадиган идишлар тепасида нур сочиб турган шамдонлар эсига тушиб кетди. У ҳув ўша вақтлардагидек скамейкалар олдида тиз чўккан монах аёлларнинг узун сафлариға тургиси келиб кетди, уларнинг бошларида оқ дурра, лекин ҳар ер-ҳар ерда тепаси чўққайган қора капюшонлар ҳам кўзга ташланарди. Якшанба ибодатида Эмма дуолар тўпламидан кўз узиб, бухўрнинг гумбаз томон кўтарилаётган зангори тутунлари орасидан Биби Марямнинг беозор юзини кўради. Эмманинг кўнгли юмшаб кетди. У бирдан ўзини гирдоб айлантириб юрган ожиз ва кўмаксиз ҳис қилди. Шартта черков томон равона бўлди, шу пайтда у ҳар қанақа назр беришга тайёр, ҳатто жонини ҳам аямайди, майли, черков уни бор вужуди билан ютиб юборса ҳам рози!

Майдонда унга ҳозиргина қўнғироқхонадан тушиб келаётган Лестибудуа дуч келди. У кечки ибодатга иш орасида ҳам қўнғироқ чалаверарди, қай вақт қулай бўлса, бас, қўнғироқ чалади-да, яна ишини давом эттираверади. Ундан ташқари, ўғил болаларни у катехизис дарсига вақти бемаҳал қўнғироқ чалиб чақира-веради.

Болалардан баъзилари аллақачон гўр тошлари устида копток ўйнашаётган бўларди. Бошқа бирлари деворга миниб, энг чётдаги гўрлар билан пастаккина гишт девор оралиғида ўсадиган узун қичитқи ўтларнинг учини оёқлари билан учирешарди. Бу ер қабристон бўйича биттаю битта кўкаламзор жой эди, ундан нари ҳамма ёқ тош, қоровулнинг бетўхтов супуришига қарамай, барибир чангга ботиб ётарди.

Ўғил болалар латта туфлилари билан худди оёқлари остига тўшаб қўйилган паркетдек қабристонда чопишиб юришарди, уларнинг шовқин-сурони жом овозини босиб кетарди. Қўнғироқ овози, учи қўнғироқхонадан тушиб, ердачувалашиб ётадиган йўғон арқоннинг силкиниши камайган сари пасая борарди. Пириллаб учиб ҳавони ёриб ўтган қалдирғочлар чийиллашиб, бир зумда бўғотлар саргайиб кўрининг уяларига гойиб бўлишарди. Черковнинг ичкарисида ис чироқлар, тўғрирогини айтганда, тақсимчага солиб

қўйилган шамнинг пилиги ёниб турарди. Узоқдан унинг ёругини ёғ устида йилтираб турган хира дөгдеб ўйлаш мумкин эди. Қуёшнинг узун шуъласи черков ичига тушиб турар ва шу туфайли ҳамма бурчаклар ва ён-ёқалар яна ҳам кўланка ичида эди.

— Руҳоний қаерда? — сўради Бовари хоним, зериканидан лиқиллаб қолган чигириқни айлантириб ўйнаётган болакайдан.

— Ҳозир келади,— жавоб берди болакай.

Дарҳақиқат, руҳонийнинг ҳовлисидағи эшик рижирлади ва остоноада аббат Бурнисъен пайдо бўлди, болалар бир тўда бўлиб черковга югуриб кириб кетиши.

— Оббо, одобсизлар-эй! — деди руҳоний.— Фикри зикри ўйин буларнинг!

У оёғи остида ётган эски катехизисни энгашиб қўлига олди-да:

— Улар учун муқаддас нарса йўқ,— деди.

Шу чоқ у Бовари хонимни кўриб қолди.

— Кечиринг,— деди у,— мен сизни танимабман.

У катехизисни чўнтағига солди ва ҳужранинг оғир калитини икки бармоғи билан айлантирганича тўхтади.

Ботаётган қуёш унинг кўзига тушиб турар, унинг ёруғида, этаклари титилиб, тирсаклари ялтираб кетган селон сутанаси¹ унча қора кўринмасди. Кенг кўкрагидаги қатор тугмалар атрофини ёғ, тамаки дөғлари босиб кетибди, айниқса, улар пастроқда, кўкракпеш етмай қолган ерда кўп эди. Мош-гуруч бўла бошлаган соқолининг тагида бекилиб турган сариқ сепкил дөғлар билан қопланган қип-қизил бағбақаси кўкракпешга осилиб тушиб турарди. Руҳоний қаттиқ пишиллар, ҳозиргина овқат еган эди.

— Аҳволингиз қалай? — сўради у.

— Емон,— жавоб берди Эмма,— азоб чекяпман.

— Мана, мен ҳам! — гапни оғзидан олди дин тарифиботчиси.— Иссик биринчи кунлари тоза тинкангни қурилади, тўгрими? Ҳа, начора! Апостол Павелнинг таълимоти бўйича, биз дунёга азоб чекиш учун туғилганимиз, хўш, сизнинг аҳволингизга жаноб Бовари қандай қарайдилар?

¹ Сутана — католик руҳонийларнинг ибодат вақтидан бошқа пайтлорда кийиб юрадиган уст кийими.

— Ҳеч қандай! — нафрат билан елкасими қисиб жавоб берди Эмма.

— Наҳотки? — камоли ҳайрон бўлиб сўради соддадил руҳоний, — жаноб Бовари дори буюрмадиларми?

— Йўқ, мен унинг дориларига муҳтож эмасман! — деди Эмма.

Руҳоний бўлса болалар нима қилаётган экан, деб ҳадеб аланглар, болалар бўлса чўккалаб ўтириб бирбирларини елкалари билан туртишар, кейин бирдан ҳаммаси картондан ясалган уйларга ўхшаб йиқилишарди.

— Мен бир нарсани билишим керак... — яна гап бошлади Эмма.

— Шошмай тур, Наблудэ! Қулоққинангни кесиб оламан, зумраша! — бақирди аччиқланиб руҳоний, кейин Эммага қараб деди: — Бу дурадгор Будэнинг ўғли, ота-оналари ўзига тўқ одамлар, шунинг учун ўғилларини талтайтиришади. Лекин боласи тушмагурнинг зеҳни баланд, агар ялқов бўлмаса яхшигинна талаба бўлиши мумкин эди. Мен баъзан уни ҳазиллашиб Наблудэ деб чақираман. Ҳа, ҳа-ҳа! Доим у бирор шўхликни ўйлаб топади, тўполон қиласи... Яқинда мен шу ҳақда ҳазратга гапириб бердим, у киши кулдилар, марҳамат қилиб кулдилар... Ҳўш, қалай, жаноби Бовари sog-саломат юрибдиларми?

Эмма афтидан, унинг гапига қулоқ солмади ҳам.

— Ҳа...ҳар қачонгидек ишдан боши чиқмаса керак-а? — давом этди руҳоний. — Ахир, бу қавмда энг банд одамлар — иккаламиз-да. Лекин у танани даволаса, мен руҳий даволайман! — қўшиб қўйди у қаждаҳлаб кулиб.

Эмма унга илтижоли нигоҳ ташлади.

— Ҳа... — деди у. — Сиз ҳамма гамбодаларга тасалли бера оласиз.

— Оҳ, гапирманг, Бовари хоним! Худди шу бугуннинг ўзида эрталаб битта сигир деб Ба-Дьевилга боришига тўғри келди: у бўкиб қопти, улар бўлса кўз теккандан, деб ўйлашди. Ҳозирги пайтда бу сигирлар бошга бало бўлди... Кечирасиз! Бир минут! Ҳой Лонгмар, ҳой Будэ! Жим бўласанларми, йўқми-а, ота безорилар!

Руҳоний черковга югурди.

Бу вақтда болалар баланд анолой¹ атрофида турти нишар, монах оят ўқийдиган скамейкага сакрашар ибодат китобини очишар эди, бошқа бирлари писи тавба-тазарру хонасига киришмоқчи бўлишаётганди. Кутилмаганда уларнинг чаккасига шапалоқ туша бошлади. Ибодатхона мутасаддиси уларнинг ёқасидан тортиб ердан кўтарар, кейин худди амвоннинг² тошиг киргазиб юборишини истагандек бор кучи билан чўкклатиб ўтқазиб қўярди.

— Мана шунақа гаплар,— деди у Эмманинг олди қайтиб ва катта чит дастрўмолининг учини тишила туриб уни ёза бошлади,— дэҳқонларнинг турмуш оғир.

— Фақат дэҳқонларнингина эмас! — эътиroz билдириди Эмма.

— Жуда ҳам ҳақ гапни айтдингиз! Масалан, шаҳардаги ишчиларни олсак...

— Мен бошқа нарсани...

— Кечирасиз-у, лекин мен уларнинг шароити билан танишман! Мен шундай ҳолларни ҳам биламанки, бечора оналарнинг, фазилатли оналарнинг, айтайлик, авлиё хотинларнинг ҳам вақти келиб ейишга бир бурда ионлари бўлмаган.

— Лекин улар, тақсирим,— яна эътиroz билдириди Эмма ва унинг лаблари дириллаб кетди,— ейишга ионлари бўлмагани билан...

— Қишига ўтин йўқ демоқчимисиз? — деди руҳоний.

— Бу ҳам ҳеч гапмас!

— Масалан, нимаси ҳеч гапмас? Менимча, одам учун энг зарури ўтин-чўп, тўқлик... ахир гапнинг пўскаласини айтганди...

— Эй худойим, эй худойим! — ингради Эмма.

— Мазангиз йўқми? — унга яқин келиб, ташвиш билан сўради руҳоний.— Ошқозонингизнинг мазаси йўқдир балки? Уйингизга боринг, Бовари хоним, чой ичинг, енгил тортасиз ёки қанд билан совуқ сув ичинг.

— Нега энди?

Эмма гўё ҳозиргина уйқудан уйғонгандек бўлди.

¹ А н о л о й — усти қия, баланд столча. Черковда бу стутига бутлар ёки китоблар қўйилади.

² А м в о н — черковда меҳроб олдидағи баланд жой.

— Бошингизни ушлаб турганингизга кўнглингиз беқуэур бўптими дебман. Ҳа, айтгандек,— шошилиб қолди руҳоний,— сиз мендан бир нарса сўрамоқчийдингиз. Ўзи нима гап? Мен асти тушунмадим.

— Сўраш дедингизми? Йўқ, шунчаки, шунчаки...— дудуқланди Эмма.

Унинг жавдираган кўзлари сутана кийган чолга тикилиб қолди. Иккиси ҳам чурқ этмай, бир-бирларига тик қараб қолишиди.

— Бундай бўлса, Бовари хоним, мени кечиринг,— деди ниҳоят руҳоний,— биласизми, ҳамма нарсадан шуҳими — бурчни адо этиш. Мен мана бу дардисарлар билан шуғулланишим керак. Уларнинг биринчи ибодат куни яқинлашиб келяпти. Бошимни балога қолдирмасинлар, деб қўрқаман! Шунинг учун Вознесение¹ дан бошлаб уларни мунтазам равишда ҳар чоршанба кунин бир соат-бир соат олиб қоламан. Оҳ, болалар, болалар! Тангрининг ўзи бизга, ўзининг илоҳий фарзанди тилкдан буюргандек, уларни мумкин қадар тезроқ нажот йўлига солиб юборишимиз даркор... Саломат бўлсинлар, хоним! Эрингизга кўпдан-кўп дуо деб қўйинг!

У оёгини судраб, черковга кириб кетди.

Эмма унинг орқасидан то кўздан гойиб бўлгунча қараб турди. У қўлларини кериб, бошини сал қийшайтириб икки қатор скамейкалар орасидан оғир қадам ташлаб кетар эди.

Кейин Эмма ўқи атрофида бураб айлантирилган ҳайкалдек орқасига ўгирилдию уйига кетди. Лекин руҳонийнинг гулдураган товуши ва болаларнинг қўнгироқдек овозлари анчагача унга ором бермади:

— Сен христианмисан?

— Ҳа, мен христианман.

— Христиан ўзи ким бўлади?

— Христиан демак... чўқиниш сирларини қабул қилган кишини христиан дейилади, чўқиниш... чўқинтириш...

Зинапоянинг тутқичини ушлаб Эмма пиллаояга чиқди ва хонасига кириши билан ўзини креслога ташлади.

Ойнадан майин ёруғлик тушиб турар, ҳамма нарса

¹ Христианлар байрами.

ўз жойида ва улар аввалгидан ҳам ҳаракатсиздек нўринар, гўё улар гира-шира қоронгиликка гарқ бўлган дик туйиларди. Камин ўчиб қолибди, соатнинг миъҳамон тиқиллашда давом этарди. Унинг дарди дунёси қоп-қоронги бўлган бир вақтда, қандай қилиб бу нарсаларнинг хотиржам туришидан Эмма беихтиёр таажубланарди. Ойна билан иш столининг ўртасида, тўғулган туфличада кичкинтой Берта алпон-таллон юрар, у онасининг олдинга келиб, унинг фартуғининг бодичидан ушлашга уринарди.

— Қоч! — деди Эмма унинг қўлидан итариб ташлаб.

Бир оздан кейин қиз яна онасининг тиззасига яқинроқ келди, қўлчалари билан унинг тиззасига ёпишиб, бошини кўтарди ва катта мовий кўзлари билан онасига қаради. Унинг оғзидан Эмманинг шойи фартуғига сўлаги оқиб тушди.

— Қоч! — жаҳл аралаш такрорлади Эмма. Онасининг важоҳатидан қўрқиб кетган қизча йиглаб юборди.

— Ҳой, мени ўз ҳолимга қўясанми-йўқми ахир?! — тирсаги билан қизини туртиб юбориб бақирди Эмма.

Берта комодга йиқилиб, мис безагига ўзини уриб олди, унинг ёноғи тилиниб, қон чиқиб кетди. Бовари хоним ўзини унга отди, кўтариб олиб шундай қаттиқ қўнғироқ чалдики, унинг ипи узилиб кетаёзди, хизматчи қизни бақириб чақира бошлади, ўзини қарғади, шучоқ бирдан Шарль пайдо бўлди. У уйга овқатлангани келган әди.

— Қара, дўстим,— деди хотиржамлик билан Эмма. — Қизалоқ йиқилиб тушиб, чаккаси гурра бўлди.

Шарль, ҳеч қанақа хатар йўқ, деб хотинини юпатди-да, елим қоғоз келтириш учун югуриб чиқиб кетди.

Бовари хоним емакхонага чиқмади, шу ерда қолиб боласига қарагиси келди. У ухлаб қолган Бертага тикиларкан, ташвиши аста-секин тарқала бошлади, ниҳоят Эмма ўзича: «Аҳмоқ бўлмасам, кўнгилчан бўлмасам, шу арзимаган нарсага ҳам хафа бўлиб ўтирасидим», — деб қўйди. Ростдан ҳам Берта энди энтикмай жим ётарди. Унинг нафас олишидан чит кўрпа билинар-билинмас кўтарилаарди. Ярим юмуқ, киртайган кўзларининг бурчагида йирик-йирик ёш турар, кишриклари орасидан кўзининг хира оқи кўринар, ёпиш-қоқ елим қоғоз ёногининг терисини буриштириб турасди.

«Мунча ҳам хунук бўлмаса», — ўйлади Эмма дилида.

Шарль дорихоначиникидан соат ўн бирларда қайтганда (у ерга овқатдан сўнг слим қоғознинг қолганини қайтариб бериш учун борган эди) хотини боласининг каравоти ёнида ўтиради.

— Айтяпман-ку сенга, яхши бўп кетади! — деди у Эмманинг пешанасидан ўпиб, — ўзингни қийнама, азизим, бетоб бўлиб қолишинг мумкин.

Шу оқшом Шарль дорихоначиникида узоқ ўтириб қолди. Гарчи у афтидан унчалик хафага ўхшамаса ҳамки, жаноб Оме унга далда беришга, «кўнглини қўтишишга» уринди. Гап болаларнинг ҳаёти учун хавфли бўлган турли хатарлар, хизматчиларнинг енгил табиатлилиги ҳақида борди. Оме хоним ўзининг тажрибасидан биларди: унинг кўкрагида ҳов бир вақтлар, болалигида, ошпаз хотин ушлаб турган хокандоздан фартуғига тушиб кетган чўғнинг изи ҳали-ҳали бор. Мана шунинг учун меҳрибон ота-оналар жаноб Оме ва Оме хоним жуда эҳтиёт бўлишади. Уларнинг уйларида пичоқлар ҳеч қачон чархланмайди, полга мум суришмайди. Ойналарга темир панжара қоқилган, каминнинг атрофи йўгон-йўгон симлар билан ўраб қўйилган. Омеларнинг болалари мустақилликка ўргатилган, шундай бўлса ҳам уларнинг босган қадамлари диққат билан кузатиб турилади, агар бирортаси шамоллаб қолгудек бўлса, отасининг ўзи уларга йўтал дори ичирарди, беш ёшгача уларни қавилган шапка кийишга мажбур қилишарди. Тўғри, бу Оме хонимнинг власвасаси эди, эри бундан ич-ичидан норози эди: у шапкаларни бостириб кийиш болаларнинг ақлий қобилиятига таъсир этишидан қўрқарди, баъзи вақтларда ҳатто чидаб туролмасди:

— Нима, сен улардан караиблар ёки ботокудлар¹ этиштиromoқчимисан? — деб қўярди.

Шу орада Шарль бир неча бор сұҳбатни бўлишга уриниб кўрди.

— Мен сиз билан гаплашиб олишим керак, — шивирлади у йўлакда энди ўз хонасига кўтарилимоқчи бўлиб турган Леонга.

¹ Карайблар, ботокудлар — Бразилиядада яшаган, деярли қирилиб йўқ бўлиб кетган ҳинд қабилалари.

«Наҳотки шубҳаланиб қолган бўлса-я?» — ўйлади у. Юраги гурсиллаб уриб кетди, гумонсираб боши қотди.

Эшикни бекитиб чиқишгандан кейин Шарль ундан Руанда яхши сурат қанча туришини билиб келишини илтимос қилиб, мурожаат қилди, у хотинига алоҳида илтифот юзасидан кутилмаган бир ажойиб совға қилмоқчи бўлган қора фракда сурат олдириб унга тақдим этмоқчи. Лекин аввал бир «нархини билиб олинса» ёмон бўлмасди. Лекин Шарль чин кўнгилдан ишонадики, бу тошириқ жаноб Леонга малол келмайди, зероки, у барибир ҳар ҳафта шаҳарга боради.

Нега шунаقا? Оме «ёшлик — шўхлик» деганиларидек, бу ерда бирор найранг борку-я, деб шубҳаланаарди. Лекин у янглишарди: Леоннинг ҳеч қанақа ишқий саргузашти йўқ эди. У илгари ҳеч қачон шунчалик парижон бўлмаган. Лефрансуа хоним, бу ҳақда унинг тарелкасида энди қанча овқат қолиб кетаётганидан ўзича хулоса чиқаарди. Бу ерда бирор сир борлигини билib беринини сўраб солиқ инспекторига мурожаат қилган эди. Бине унга «Полицияда ишламайман», — деб совуқ жавоб берди.

Аммо Бинеда ҳам ҳамтовори жуда ғалати таъсир қолдирмоқда эди — Леон кўпинча курсининг суюнчиғига ясланиб, қўлларини кериб, пардали ибораларда турмушдан нолирди.

— Сиз бирор иш билан шуғулланишингиз керак, — дерди солиқ инспектори.

— Масалан?

— Мен сизнинг ўрнингизда бўлсам токарлик станови сотиб олардим!

— Мен чархлашни билмайман-ку!

— Ҳа, бу тўғри! — нафратланиб ва ўз-ўзидан магурланиб соқолини силаб, маъқулларди Бине.

Жавобсиз муҳаббат Леонни толиктирарди, руҳий ҳорғинликка яна бир бемақсад, беҳаловат яшашнинг натижаси бўлган умидсизлик қўшилди. Ионвиль ва унда яшовчилар Леоннинг кўнглига шу қадар урдики, у ҳатто баъзи бир танишлари, баъзи бир уйларни ҳам кўргиси келмасди. Фармацевтни бўлса, унинг барча меҳрибончиликларига қарамай кўргани кўзи, отгани ўқи йўқ. Лекин шароитни ўзгартириш уни қизиқтирибгина қўймай, қўрқитарди ҳам.

Шуни қайд қилиш керакки, қўрқув ўринини жуда тез тоқатсизлик әгаллади; Париж уни узоқдан, ўзининг бал, маскарадлардаги музикалари, нозанинларнинг қажҳаҳалари билан ўзига тортарди. Ахир юридик факультетни барибир битириши зарур-ку, шундай бўлгандан кейин, нима учун кета қолмайди? Ким унга халақит беряпти? Шундай қилиб, у хаёлан жўнашга ҳозирланди. Элбурутданоқ машғулотлар планини ўйлаб қўйди. Ўз хонасини қандай жиҳозлаш тўғрисида бир қарорга келди. У артистларга хос ҳаёт кечиради! Гитара чалишни ўрганади! Халат олади, бошига басклар киядиган берет, ичи ҳаво ранг бахмал туфли кияди! У камин тепасига иккита рапирани¹ чиллак қилиб қўйиб, уларнинг устига гитара ва бош суюгини осиб қўйишини тасаввур қиласади.

Энг катта қийинчилик онанинг розилигини олишда қолган әди, лекин аслини суриштирганда, бу энг олижаноб қадам эмасми? Ҳатто бошлиқнинг ўзи унга бошқа конторага ўтишини, унинг иш фаолияти кенг қанот ёзадиган жой топишни маслаҳат берган. Аввал Леон масалани муросасизлик билан ҳал қилишга киришди, Руанда нотариуснинг кичик ёрдамчиси ўринни қидира бошлади, лекин тополмади, шундан кейингина онасига узундан-узоқ хат ёзиб, нима учун бетўхтov Парижга жўнаши зарурлигини батафсил баён қилди. Онаси рози бўлди.

Леон шошилмасди. Бир ой мобайнида Ивер ҳақуни унга Ионвилдан Руанга, Руандан Ионвилга сандиқ, чамадон, тугунлар ташиди, лекин кийим-кечагини кўпайтириб, учта креслосининг устига янгидан мато қоплатиб, бир талай шарф сотиб олди, хуллас, у шундай тайёргарлик кўрдики, ер куррасини айланиш учун саёҳатга чиқадиган одам ҳам шунчалик тайёргарлик кўрмайди, лекин жўнашни у пайсалга солаверди. Бу ҳол то онасидан хат келганча давом этди. Ҳатда онаси Леоннинг таътил бошлангунча имтиҳонлардан қутулиб олмоқчилигини эслатиб, уни йўлга шошилтирарди.

Айрилиқ соати келганда Оме хоним йиғлаб юборди, Жюстен ҳам ҳўнграб-ҳўнграб йиғлади, фақат жаноб

¹ Рапира — қилинчбоалик машинада қўлланиладиган учни қиррали қурол.

Оме. иродали одам бўлгани учун ўзини тутди, фақат у ўз дўстининг пальтосини, Леонни ўз экипажида Руангача олиб бориб қўйишга вайда қилган нотариуснинг эшигигача олиб бориш нияти борлигини изҳор қилди. Леоннинг вақти жуда ҳам зиқ эди, фақат жаноб Бовари билан хайрлашишга етарли вақти бор эди, холос.

Зинадан у шу қадар тезлик билан чопиб чиқдикি, ҳаллослаб кетиб, бир оз тўхташга мажбур бўлди. У кириши билан Бовари хоним ўрнидан турди.

— Мен яна келдим! — деди Леон.

— Билувдим!

Эмма лабларини тишлади, юзига қон югуради, қулогининг учигача қизариб кетди. У елкаси билан деразага суюнганча туарди.

— Эрингиз уйда йўқмилар? — сўради Леон.

— Йўқ, — яна такрорлаб, — йўқ! — деди.

Орага жимлик чўкди. Улар бир-бирларига тикилишди, бир хил алам-ҳасрат билан сугорилган фикрлар, бир-бирига интилган икки қалб сингари яқин бўлиб қолганди.

— Бертани битта ўлмоқчидим, — деди Леон.

Эмма бир неча пиллапоя пастга тушиб, Фелиситетни чақирди.

Леон деворлар, этажерка, каминни кўздан кечиради, гўё иложи бўлса, ҳамма-ҳаммасини бағрига босиб, ўзи билан олиб кетмоқчидаи эди.

Эмма қайтиб кирди, хизматчи қиз бўлса Бертани олиб келди. Қизча қўлидаги ўйинчоқ ел тегирмонини тўнкариб, боғланган ипидан тортиб ўйнарди.

Леон Бертанинг бўйнидан бир неча марта ўнди.

— Яхши қол, жонгинам! Яхши қол, азизим, жажжигинам, хайр!

Кейин уни онасига тутди.

— Опкетинг, — деди Эмма хизматчи қизга.

Улар ёлғиз қолишли.

Бовари хоним Леонга орқасини ўгириб, дераза ойнасига юзини ёпишириб турди, Леон аста-аста фурожкаси билан оёғига уриб-уриб қўярди.

— Ёмғир ёғади, — деди Эмма.

— Плашим бор, — деди Леон.

— Э!

Эмма унга ўгирилди. У бошини қуий солгам, ёргу-

лик унинг мармардек пешакасидан сиргалиб қошик тепасигача тушиб турарди, лекин ҳеч ким ҳозир унинг хаёлида нимани кўраётганини, кўнглидан нималар кечатганини билмасди.

— Хўп бўлмаса, яхши қолинг! — хўрсениб гапириди Леон.

Эмма шартта бошини кўтарди:

— Ҳа, ҳа, яхши боринг... Вақт бўлди!

Улар бир-бирлари томон юришди. Леон қўлини чўзди, Эмма иккиланди.

— Келинг, инглизча хайрлашамиз,— деди у кулишга уриниб, кейин қўлини кўтарди.

Леоннинг бармоқлари унинг бармоқларига тегди, шу вақтда гўё у Эмма билан бир тан-бир жон бўлиб кетгандек туюлди унга.

Кейин у панжасини ёзди, кўзлар яна бир бор тўқнашди, шундан кейин Леон чиқиб кетди.

Растага етгандан кейин Леон тўртта яшил дарпардали шу оқ учани охирги марта кўздан кечириш учун устун орқасига яшириниб турди. Унинг назарида, конада дераза орқасидан бирор лип этиб ўтгандек бўлди. Бироқ шу вақт дераза парда худди ўзи ечилиб кетгандек бўлди-ю, сурилиб унинг узун қийшиқ бурмалари астагина тўғриланди ва бирдан текисланиб, худди тош девордек қимир этмай қолди. Леон чопганча кетди.

У узоқданоқ йўлда турган бошлигининг кабриолетини кўрди, бўз фартук кийган қанақадир одам отнинг жиловини ушлаб турарди. Жаноб Гильомен Оме билан гаплашиб турарди. Улар Леонни кутишмоқда эди.

— Келинг, қучоқлашайлик,— деди кўзига ёш олиб дорихоначи.— Мана, пальтонгиз, қадрдон дўстим. Эҳтиёт бўлинг, шамоллаб қолманг! Бепарво бўлманг! Узингизни эҳтиёт қилинг!

— Қани, Леон, ўтиринг,— деди нотариус.

Оме кабриолетнинг қанотидан энгашиб, йиги бўриб турган товуш билан ғамгин деди:

— Яхши боринг!

— Саломат бўлинг,— деди жаноб Гильомен,— кетдик!

Улар жўнашди. Оме орқасига қайтди.

Бовари хоним боқча қараган деразани очди ва

осмонга қаради. Ғарбда, Руан томонда йигилган қора булутлар жуда төзлик билан тарқалмоқда, қуёшнинг узун тиги худди олтин найзадек уларни саншиб ўтар, самонинг булутлардан тоза қисми чинни каби оппоқ товланаарди. Тўсатдан кўтарилган шамол терак шохларини эгди ва ёмғир қуийб юборди, унинг томчилари яшил барг устида шитирлади. Кейин яна қуёш чиқди, хўролар қичқирди, ҳўл буталарда чумчуқлар қанотларини қоқишиди, қум устида ақациянинг пушти баргларини оқизиб ариқчалар жилдиди.

«Леон әнди анча узоқда бўлса керак!» — деб ўйлади Әмма.

Соат етти яримда, овқат маҳалда, ҳамма вақтдагидек жаноб Оме келди.

— Мана, йигитчамизни ҳам жўнатдик, а? — деди у ўтира туриб.

— Ҳа, шунақага ўхшайди! — жавоб берди врач ва жаноб Омега ўгирилиб: — Сизда қанақа янгиликлар бор? — деб сўради.

— Айтарли ҳеч гап йўқ. Фақат хотиним бугун жуда хафа бўлди. Эй, бу хотинларнинг нимасини айтасиз, арзимаган гап уларнинг қўнглини бузади! Хотинимни бўлса асти қўяверинг! Энди, мен сизга айтсам, бунинг иложи ҳам йўқ, хотинларнинг асаб системалари бизникидан анча нозик бўлади.

— Бояқиши Леон! — гап қўшди Шарль. — Парижда аҳволи нима кечаркин? Туриб қола олармикан у ерда?

Бовари хоним хўрсаниб қўйди.

— Қўйсангиз-чи! — деди фармацевт ва тилини тақиллатди, — Ресторанларда улфатчилик! Маскарадлар! Шампанское! Менга ишонаверинг. Ҳаммаси худди мой суртилгандек силлиқ бўп кетади!

— Унинг йўлдан озишига кўзим етмайди, — эътиroz билдири Шарль.

— Менинг ҳам! — қизишиб жавоб берди жаноб Оме. — Лекин бошқалардан орқада қолиш мумкин эмас, у ҳолда мунофиқ деб ном чиқаради. Анави латин кварталидаги бебош актрисалар билан қанақангги но маъқулчиликлар қилишадики, бу сизнинг етти ухлаб тушингизга кирмаган! Аммо Парижда студентларга ниҳоятда яхши қараашади. Ушалардан киборларни нима билан бўлса ҳам кўнглини оча биладиганлари

өнг яхши хонадонларга қабул қилинган. Ҳаттоқи, уларга Сен-Жермен атрофидаги аёллар хуштор ҳам бўлишади, кейин улар омадлари ўнгидан келиб уйланиб ҳам олишади.

— Аммо мен қўрқаман... — деди доктор, — қўрқамки, у ерда...

— Тўғри айтасиз, — сўзини бўлди фармацевт, — Бу гапнинг бошқа томони. У ерда ҳамённи жудаям эҳтиёт қилиш керак. Айтайлик, масалан, сиз кўнгил очадиган боғда ўйнаб юрибсиз, қанақадир одам пайдо бўлади, яхши кийинган, ҳатто ордени ҳам бор, кўричишидан дипломат, олдингизга келиб сизни гапга солади, пинжингизга киради, тамакидонини тутади, шляпангизни кўтаради. Сиз у билан дўстлашиб олдингиз, у сизни қаҳвахонага олиб боради, мулкига таклиф қиласди, бир стакан шароб устида сизни ҳар хил одамлар билан таништиради ва шу ишларнинг юзтадан етмиш бештаси сизнинг ҳамёningизни тортиб олиш учун ёки бўлмаса бирорта қиморхонага сизни тортиш учун қилинади.

— Бу тўғри, — қўшилди Шарль. — Лекин мен ҳар хил касалликларни назарда тутиб гапиргандим, масалан, ич терламаси, кўпроқ вилоятлардан келган студентлар шу касал билан оғришади.

Эмма бир чўчиб тушди.

— Урганилган тартибнинг ўзгариши натижасида, — гапни илиб кетди фармацевт, — ҳаяжонланиш натижасида — бу эса организмни ишдан чиқаради. Кейин биласизми, нима, Парижнинг суви! Ресторан овқатлари! Мана шу аччиқ таомлар бора-бора қонга таъсир қиласди. Ҳарқалай, қайнатма шўрвага нима етсин! Мен шахсан фақат хонадон таомини ҳамма вақт ҳамма нарсадан юқори қўяман — бу саломатликнинг гаровидир! Шунинг учун мен Руанда фармацевтиканни ўрганаётганимда, пансонда профессорлар билан бирга овқатланардим.

Дориҳоначи умумий характердаги нарсалар хусусида муҳокама юритди ва ўзининг дидига ёқсан нарсалар ҳақида гап сотиб ўтирди. Жюстен келиб, гогол-моголь¹ қиласиган вақт бўлди, дегандагина ўриндан турди.

¹ Тухумнинг саригини шакар билан аралаштириб тайёрланади.

— Бир минут ҳам тинчлик йўқ! — деди дорихоначи.— Доим оёғингда кишан! Бир дақиқа ҳам нарироқ жетолмайсан! Оғзингдан тилинг осилгунча эшакдек ишлайсан! Бу қашшоқлик бўйинтуруғи!

Остонага боргандада фармацевт ўгирилиб сўради:

— Янгиликдан хабарларинг борми?

— Қанақа янгилик?

— Ажаб эмаски,— қошларини кўтариб, юзига маънодор тус бериб деди Оме,— бу йил Қуий Сена қишлоқ хўжалик кўргазмаси Ионвиль д'Аббейда очилса. Ҳар қалай мана шунақа мишишлар юрибди. Бу ҳақда бугунги газета ҳам шама қилган. Бизнинг округ учун бу жуда катта аҳамиятга эга! Ҳали бу ҳақда яна гаплашамиз. Безовта бўлманг, кўзим яхши кўради, Жюстенда фонус бор.

VII

Эртасига Эмма учун оғир кун бўлди. Назарида, унинг бутун атрофига гўё қора ўргимчак уя солиб ташлагандек ва бу гира-шира тўрлар нарсалар устида өлас-элас силкиниб тургандек... доғи ҳасрат гўё бўмбўш қаср ичиде мунгли ғувиллаган қишки шамол каби унинг қалбига ҳамон чуқурроқ чўкиб бормоғди. Бу — энди қайтариб бўлмайдиган ўй-хаёллэр, бу киши бир ишни қилиб бўлгандан сўнг аъзойи баданини қақшатадиган ҳорғинлик ва ниҳоят одатга айланниб қолган руҳий кўтариникилигининг тўхташи, узоқ чўзилган руҳий кучайинининг заифлашиши билан вужудга келадиган алам эди.

Вобъесардан қайтган кунларида унинг боши кадрил¹ гирдобида айланган кунлардагидек, у оғир хафақонликка, қайгули умидсизликка тушди. Леон унинг тасаввурида ҳамма вақтдагидан ҳам энди келишгаироқ, гўзалроқ, жозибалироқ, сеҳрлироқ кўринарди. Эмма билан жудолашгану уни тарк этиб кетмаган, у шу ерда, уйнинг деворлари гўё унинг соясини қўриқлайдилар. Эмма у босган гиламдан, у ўтирган стулдан кўз узолмасди. Дарё сирпанчиқ қирғоқлар бўйлаб

¹ Қадимий рақсларининг бир тури.

аста мавжланиб, қадимгидек шошмасдан оқиб ўтмоқда... Улар иккиси кўпинча бу ерларда, пўпанак босган тошлиар устида тўлқинларнинг тинимсиз шовиллашига қулоқ солиб сайр этишарди. О, қуёш ўшанда нақадар ёрқин нур сочарди! Тушки жазира мадан қочиб, боғнинг энг салқин ерларида биқиниб ўтиришини улар нақадар севишарди! У оёқлари эскиб қолган скамейкада бош яланг ўтирас ва овозини чиқариб ўқирди. Яйловдан эсан салқин шабада китоб саҳифаларини ва шийпон атрофидаги қизил-сариқ гулларни ҳилпиратар эди... Мана энди у кетди, ҳаётнинг бирдан-бир қувончи, бахтнинг бирдан-бир умиди кетди! Ўзи учиб келган бахт қушини у қандай қилиб қўлдан чиқарди? Нега у учиб кетмоқчи бўлганда унинг олдида тиз чўкиб, икки қўллаб уни ёпишмади? Ушанда Леонга севгисини изҳор этмагандан ўзини койирди, энди унинг битта бўсасига ташна. Энди у Леоннинг орқасидан қувиб, оёғи тагига ўзиғи отиб: «Мана, мен сенини бўламан!» — деб айтгиси келди. Лекин йўлида учрайдиган тўсиқлар уни қўрқитар ва алам умид-орзуга қўшилиб уни баттарроқ қийнар эди.

Ушандан бошлаб Леон унинг азобларининг манбай бўлиб қолди. Унинг кўксидаги изтироб алангаси, саёҳатчиларнинг қорли рус даштларида ёқсан гулханларидан ёругроқ ёнарди. Эмма ўтга ўзини урас, унинг олдида исинар, сўниб бораётган чўғни эҳтиёт билан ковлар, яна нима ташласам экан, деб ҳамма ёқни ахтарар эди. Энг узоқ хотиралар, яқиндагина содир бўлган ҳодисалар, ўз бошидан кечирган ва тасаввур қилган, чил-чил бўлган орзулар, бахт ҳақидаги ўйлар, қуруқ шохлардек шамолда қарсиллаб синган орзулар, ҳеч кимга даркор бўлмаган унинг юксак ахлоқи, унинг қондирилмаган истаклари, оила машмашалари — ҳамма-ҳаммасини йиғиб, ўтга ташласа, булар унинг ғам-ғуссасини ёқишига ярайдиган нарсалар эди.

Лекин шунга қарамай ўт сўнди. Эҳтимол, ёқилғи стмагандир ёки аксинча, Эмма бирдан жуда кўп ёқилғи солиб юборгандир. Ҳижрон аста-секин, севги ўтини ўчирди, одат аламни пасайтириди, Эмманинг бутли осмонини яллиғлатган ёнгин шуъласи кун сайдин пасайиб, сўнг бутунлай сўнди. Эмманинг туманлашган онги, севган кишисига майли — эрига бўлган

нафратдан, меҳр-муҳаббатининг бирдан ўт олиб кетиши қаҳру ғазабдан, деб тахмин этарди. Лекин бўрон тўхтамади, эҳтирос бўлса таг-туги билан ёниб тамом бўлди, ҳеч ердан нажот келмасди, қуёшнинг нури ёриб ўтолмай қолмади, уни бутун атрофдан зим-зиё тун қоплади, унинг борлиғи суюкларигача зирқиратиб ўтгэн қаттиқ совуқдан музлади.

Тостда кечирган қайғули ҳаёт у учун бошқатдан бошланди. Бироқ энди ўзини ундан ҳам бахти қаро ҳисобларди, иегаки, энди у ғам оғусини татиб кўрди ва унинг муқаррар эканлигига ишонч ҳосил қилди.

Мана шунингдек оғир қурбонлар берган аёл ўзининг баъзи инжиқликларига эрк берса бўлади. Эмма готик скамейкаси сотиб олди, тирноғини ялтиратиш учун бир ойнинг ўзида ўн тўрт франкка лимон харид қилди, Руандан ҳаво ранг кашмири кўйлак олиб келтирди, Лередан әнг чиройли шарф танлаб олди, у билан белини боғлаб, шу кийимларда эшик-эликни бекитиб, қўлида китоб билан диванда ётарди.

Энди у тез-тез сочини бошқача турмаклаб туради: гоҳо хитойчасига турмаклар, гоҳо қўнғироқ кокилларини ёйиб ташларди, гоҳо соchlарини ўрдирап, кейин фарқини қийшиқ очиб, орқасига қайтариб қўяр, худди эркакчасига соч тарапди.

У итальян тилини ўрганишни истаб қолди; лугат олди, грамматика, қоғозлар сотиб олди. Тарих ва фалсафага доир китоблар ўқиб кўрди. Шарль баъзан тунда уйғониб кетиб: — Ҳозир бораман! — деб ғудирларди. Назарида, уни бемор кўришга чақираётгандек эди.

Аммо бу Эмма бўларди, у кечалари чироқ ёқар, гугурт чақар эди. Лекин китобларга ҳам ўша каштларнинг куни келди: бутун жавон чала-ярим каштлар билан тўлиб ётар, худди ўшанга ўхшаб Эмма битта китобни тугатмасдан, иккинчисини бошлар, уни ҳам тезда ташлар эди.

Вақт-вақти билан Эмма шу қадар зўр ҳаяжонга келардики, бундай вақтларда унинг ҳар қанақа гайри табиий қилиқларни бажаришга кўндириш мумкин эди: бир кун эри билан ярим стакан ароқни бир кўтаришда ичишга гаров ўйнади, Шарль аҳмоқлик қилиб, уни ўчакиширгани учун, гаровни бой бермаслик учун тагигача ичиб юборди.

Ионвилъ аёлларининг таъбири бўйича, ғалати қилити бор ҳисобланган Эмма, аслида унчалик шўх ва хушчақчақ кўринмасди. Унинг лабларининг четлари худди қари қизницидек ёки омади келмаган шуҳрат-парастницидек доим сўлжайиб турар эди. Унинг ҳеч ранги чиқмасди, бурнини жийириб, атрофга лоқайд қарап эди. Чаккасида уч тола оқ сочини кўриб, қарий башлаганидан гапиравди.

Кундан-кун дармонсизланаверди. Бир кун ҳатто оғзидан қон ҳам келди. Шарль ташвишга тушди, нима қиласини билмай қолди.

— Қўйсанг-чи, барибир эмасми? — деди Эмма шунда.

Шарль кабинетига қамалиб олди, креслога ўтирдида, устида френологик калла турган ёзув столига бошини қўйиб, ҳўнг-ҳўнг йиглади.

У онасини чақиртириди, улар Эмма ҳақида узоқ суҳбатлашиши.

Нима қилиш керак? Ҳар қанақа даволашдан бош тортаверса, нима чора излаш мумкин?

— Биласанми, бунақа хотин билан қандай муомала қилиш керак? — дерди катта Бовари хоним. — Уни ишга ўргатиш керак, билдингми, қўл ишига! Бошқаларга ўхшаб бир бурда нон учун ишлашга тўғри келгандайди, соппа-согайиб кетарди. Бу ҳаммаси унинг мияси бошқа нарсалар билан банд бўлганидан, ҳа, бекорчиликдан!

— У ҳар ҳолда у-бу иш билан шуғулланади-ку, — эътиroz билдириди Шарль.

— Шуғулланармиш! Нима билан? Романлар ўқиди, қаёқдаги динга қарши бўлган заарли китобларни ўқиди, ҳа, китобларни ёзганлар Вольтерга тақлид қилиб диндорларни масхара қилишади. Бундан фойда кутма, бечора болгинам! Кимки худога ишонмайдими, унинг охиривой!

Хулласи калом, Эммага романлар ўқишга йўл қўймасликка қарор қилинди. Бу осон гап эмасди, албатта. Шунга қарамай, катта Бовари хоним бу вазифани ўз зиммасига олди, у кета туриб Руанга тушивга, кутубхона эгасига Эмма абонементдан воз кечди, деб айтишга вაъда қилди. Агар кутубхона эгаси, у заҳарли илон у-бу деб хирадлик қиладиган

бўлса, полицияга билдириб адабини бериб қўйиш қийин бўптими?

Қайнана-келин совуққина хайрлашишди. Овқат маҳалидаги оддий савол-жавоблар ва «хайрли кеч»ни мустасно қилганда, уч ҳафта бирга туриб иккаласи бир-бирига икки оғиз сўз ҳам қотишгани йўқ.

Катта Бовари хоним чоршанба куни кетди, шу кун Ионвилда бозор куни эди.

Эрталабдан бошлаб ҳовлиларнинг олдидаги майдонда черковдан то қовоқхонагача лайлак қилиб қўйилган аравалар қаторлашиб кетди. Қарама-қарши томонда брезент чодирларда газламалар, адёллар, жун иайпоқлар, нўхталер, учини бир қилиб боғланган кук ленталар билан савдо қилишарди, ленталарнинг учи шамолда ҳилпирарди. Териб қўйилган тухумлар ва ёпишиб тоҳоли чиқиб турган саватлардаги пишлиқлар орасида шундоққина ерга оғир темир-терсак моллар тўкиб қўйилган, қишлоқ хўжалик қуроллари ёнида пастак катакларнинг чўплари орасидан бошларини чиқариб товуқлар қақалащаради. Одамлар бир жойга тўдаланиб олишган, ҳар замонда улар шундай тиқлишиб келардик, дорихона витринаси чилпарчин бўлиб кетаёзарди. Чаршанба кунлари ҳамма вақт бу ерда тиқилинч бўларди, одамлар дорихонага дори олиш учунгина эмас, жаноб Омедан маслаҳат олиш учун тиқилишиб киришарди, шу атрофдаги ерладга шунчалик донғи кетган одам эди жаноб Оме. У ўз-ўзига шу қадар қаттиқ ишонардик, бу ҳамқишлоқларининг кўнглини олиб қўйган эди. Бундан ортиқ врачни улар тасаввур ҳам қилиша олмасди.

Эмма деразага тирсагини қўйиб ўтиради (бу ер унинг энг яхши кўрган жойи, вилоят шаҳарларида дераза театр ва сайдр-томушанинг ўринини босади) ва зерикканидан бир тўда бўлиб турган эркак зотига қараб ўтирганда, тўсатдан унинг диққатини яшил бахмал сюртуқ кийган жаноб ўзига тортди. У қўлига серҳашам, сариқ қўлқоп кийган, лекин оёғидаги этиги дагал қўнжли эди. У докторнинг уйи томон келмоқда, орқасидан бошини қуи солиб, ҳаёлчан бир дехқон бргашган эди.

— Хўжайнин уйдами? — сўради нотаниш, остоңада Фелисите билан ҳангамалашиб турган Жюстендан.

Ҳамон Жюстенни докторнинг хизматкори ҳисоблаб:

— Айтинг, у кишини жаноб Родольф Буланже де
ла Юшет сўраяпти денг,— қўшиб қўйди у.

Янги келган киши ўзининг исмига географик пункт-
нинг номини маҳаллий ватанпарварлик юзасидан
эмас, билъакс ўзининг кимлигини дарҳол билдириш
учун қўшиб айтди. Ионвилга яқин ерда ҳақиқатан
Ла Юшет деган мулк бор ва жаноб Родольф ўша
бёённинг қўргони ва иккита фермаси билан қўшиб
сотиб олган, ер-мулк ишларини ўзи бошқарар, лекин
тўқ яшарди. Бу бўйдоқнинг «ҳеч бўлмагандай ўн
беш минглик даромади бор» дейишарди.

Шарль залга кирди. Жаноб Буланже, мана шу
хизматкори қон олдирмоқчи эканини, унингча, гўё
«бадани жимиллашиб туришини» айтди.

— Мен қон олдирсан енгил тортаман,— деди
дэдқон бунга жавобан.

Бовари бинт, келтиришини буюрди, Жюстендан эса
тогорани ушлаб туришини сўради. Дехқоннинг ранги
учиб кетганини кўриб:

— Қўрқма, дўстим, қўрқма!— деб далда берди.

— Ҳеч гапмас,— жавоб берди у,— бошливеринг!

У юрак ютиб Шарлга бақувват қўлини чўзди.
Ланцент тагидан қон тирқираб, чиқиб дераза ойнала-
рига сачради.

— Тогорани яқинроқ тут!— бақирди Шарль.

— Қаранг-а!— деди дэдқон,— худди фавворанинг
ўзи-я! Қип-қизил-а, жонивор! Бу яхши-а, доктор?

— Баъзи бир одамлар олдин ўзларини яхши ҳис
қилишади, кейин бирдан ҳушларидан кетишади,—
деди доктор.— Бу айниқса, мана бунга ўхшаган бақув-
ват одамларда кўп учрайди.

Қишлоқдан келган одам бу сўзларни эшишиб, боя-
дан бери қўлида айлантириб ўтирган ланцентининг ги-
лофини тушириб юборди. Унинг елкаси шундай томир
тортишдики, ўтирган стули ғижирлаб кетди. Шапкаси
срға тушди.

— Ўзим ҳам билувдим,— деди венани бармоги
билан қисиб Бовари.

Жюстенининг қўлидаги тогора чайқалиб кетди,
тиззасида мадор қолмади, ранги қув ўчди.

— Хотин! Хой, хотин!— деб чақирди Шарль.

Эмма зинадан чопиб тушди.

— Сирка! — деди у. — Эй худо, бирамас, иккита бўлишди!

Шарль ҳаяжонидан ярани зўрга боғлади.

— Ҳеч гапмас! — деди жаноб Буланже хотиржамлик билан Жюстени суяб.

У Жюстени столга ўтқазиб, орқасини деворга суяб қўйди.

Бовари хоним Жюстенинг галстугини еча бошлиди. Кўйлагининг богичи томоғида тугун қилиб боғланган эди. Эмманинг ингичка бармоқлари уларни анчагача ечолмай турди. Кейин ўзининг батист дастрўмолчасини сиркага ботириб, унинг чаккаларини секингина ишқай бошлади ва аста-аста пуфлаб турди.

Отбоқар ўзига келди. Жюстен ҳамон ўзига келмасди. Унинг хираланган кўз оқига ботиб кетган қорачиглари сут ичидағи ҳаво ранг гулни эслатарди.

— Мана буни унинг кўзидан йўқотиш керак,— деди Шарль.

Бовари хоним тогорани олди. Уни столнинг тагига итариб қўйиш учун чўкка тушди ва унинг (бел бурмаси узун, паст томони кенг, тўрт қўш этакли) ёзлик сарик кўйлаги пол плиткаларини бекитди. У энгашиб, тирсакларини кериб сал гандираклаб кетди, қоматининг тебранишидан пуфакланган кўйлагининг баъзи жойлари пасайди. Кейин у сув солинган графинни олиб, ичига бир неча чақмоқ ҳанд ташлади, лекин шу вақт фармацевт келиб қолди. Ҳамма ўзи билан ўзи овора бўлиб турганда хизматчи аёл уни чақириб келганди. Жияининг кўзи очиқлигини кўриб кўнгли жойига тушди. Кейин унинг атрофидан бир айланиб чиқиб, уни бошдан-оёқ кўздан кечирди.

— Аҳмоқ! — дерди у. — Аҳмоқнинг ўзгинаси! Миссини еб қўйган аҳмоқ! Ота гўри — қозихона бўптими флеботормия! Тағин бу ботир йигит эмиш! Айтсан ишонмассизлар, бу худди олмахоннинг ўзгинаси, ёнгоқ учун дарахтнинг учига чиқади, қарасангиз бoshingiz айланиб кетади. Ҳани бир мақтаниб қўй! Ҳани сенинг порлоқ ниятларинг? Ахир сен фармацевт бўлмоқчисан-а! Бордию, бирорта ғалати, бир чалкаш ишни ҳал қилиш учун сени судга чакирадилар, шунда сен вазмин бўлиб туришинг, мулоҳаза қилишинг, ўзингни чинакам эркакдек тута билишинг керак, бўлмаса сени овсарга чиқариб қўядилар!

Шогирд чурқ этиб оғиз очмади.

— Ким сени бу ерга чақирди? — давом этди дорихоначи.— Ҳар доим доктор билан унинг рафиқасининг жонига теккани теккан! Биласанки, айниқса чоршанба кунлари сенинг ёрдамиш г менга жуда ҳам зарур. Ҳозир дорихонада йигирматача одам бор. Мен бўлсам сенга ачиниб, уларни ташлаб келдим. Қани жўна! Мени кутиб тур, шишаларга эҳтиёт бўл!

Жюстен у ёқ-бу ёғини тузатиб чиқиб кетди. Шундан кейин гап кўнгил озиш ҳақида кетди. Бовари хоним ҳеч қачон ҳушидан кетган әмасди.

— Аёллар учун бу камдан-кам учрайдиган ҳол! — деди жаноб Буланже.— Ахир дунёда жуда ҳам бекувват одамлар бор. Кўзимнинг олдида бир секундант тўппонча ўқлаётган вақтда ҳушидан кетиб қолган эди.

— Мени бўлса бегона одамнинг қони ҳечам чўчитмайди,— деди дорихоначи.— Аммо лекин ўзимнинг у ер-бу еримдан қон оқаётганини кўз олдимга келтирсаму, шу нарсани узоқроқ ўйласам бўлди — ҳушимдан кетишм ҳеч гап әмас.

Бу орада жаноб Буланже ўз хизматкорини жўнатиб юборди,— кўнглиниг ўрнига тушган бўлса, энди тинчлангину, жўнайвер,— деди.

— Шуниси яхши бўлдики, шу бемаъни инжиқлик туфайли мен сиз билан танишишга мусассар бўлдим,— қўшиб қўйди у Эммага қараб.

Кейин столининг бир чеккасига уч франк қўйди-да, бетарвогина бош иргаб чиқиб кетди.

Озгина вақт ҳам ўтмай, у дарёнинг нариги ёғига ўтиб олди (Ла Юшетнинг йўли нариги қирғоқ ёқалаб кстарди). Эмма унинг ўтлоқда тераклар тагидан кетаётганини, баъзан хаёл суреб қадамини секинлаштирганини кўрди.

— Жуда ёқимтой! — дерди ўз-ўзига Родольф,— жуда ҳам ёқимтой бу докторнинг хотинчаси! Тишларини чиройли, кўзлари қора, оёқчаси келишган, қилиқлари бўлса худди Париж аёлининг ўзгинаси. Худо ҳаққи, у қаердан келган экан, а? Қаердан илинтира қолдий-кан анави лапашанг уни?

Родольф Буланже ўттиз тўрт ёшга тўлган. Бу қўпол ва зийрак одамнинг ўтмиши саргузаштлар билан тўла, хотинларни ҳам яхши биларди. Бовари хоним

унга ёқиб қолди. Энди Бовари хоним ва унинг эри ҳақида ўйларди.

«Менимча, эри жуда ҳам аҳмоқ... хотини уни ёқтирмаса керак. Тирноқлари кир, уч кунлаб соколини олмаганга ўхшайди. Беморларини кўриб қайтгунча, хотини унинг пайпоқларини ямаб ўтиради. Жуда ҳам зерикса керак. Шаҳарда яшагиси, ҳар оқшом полькага ўйнагиси келади. Боёқиши қизгина! У муҳаббатсиз худди ошхона столида сувсиз оғзини каппа-каппа очаётган балиққа ўхшайди. Икки-уч марта хушомад қилсангиз, бас, у сизни жон-дилидан севади қолади, мен бунга кафилман! У сизга ишвалар қилади! Ажойиб, дилбар жувон! Ҳа, хўш, кейин-чи? Кейин ундан қандай қилиб қутулса бўлади?»

Родольф Эмманинг унга бахш эта оладиган ҳузур-ҳаловатни кўз олдига келтираркан, унга қарама-қарши ўзининг ўйнашини эслади. Руан актрисаси унинг ўйнаши эди. Мана энди, унинг сиймоси бирров кўз олдига келиши билан у қанчалик кўнглига тегиб кетганини сезди.

«Йўқ, Бовари хоним ундан анча чиройли! — деб ўйлади у.— Энг муҳими — янги! Виржини жуда семириб кетди-да. Унинг завқи ҳам кўнглимга тегди. Кейин унинг қисқичбақага ўчлиги!»

Атроф жимжит, ҳеч зоғ йўқ, Родольф фақат оёқларига урилаётган ўтларнинг шитирлашини, сулизорда чигирткаларнинг чириллашини эшитарди, холос. Эмма худди залда турганича, ўша кийимида кўз олдига келди, Родольф уни ўз хаёлида ечинтира бошлади.

•У менини бўлади!— таёқ билан кесакни бир уриб майдалаб деди Родольф.

Шу заҳоти бу ишни қандай қилиб бошлаш ҳақида ўйлай бошлади.

•Биз у билан қаерда учрашамиз?— савол берди ўз-ўзига.— Қанақа қилиб? Қизини қўлидан қўймаса керак, тағин анов хизматчи қизи, қўшнилар, эри, эй, галвадан бошинг чиқмайди!»

— Фақат бекорга вақт кетказасан!— деди у овозини чиқариб.

Кейин тағин эслай бошлади.

•Унинг кўзлари худди иккита пармачага ўхшайди, тўғри юрагингга бориб қадалади. Рангпарлигини айт-

майсанми!.. Рантпар хотинларни жони дилимдан севаман!»

Аргейль тепалигининг чўққисида унинг қарори пишди.

«Қулай бир пайтни кутиш керак, вассалом. Нима бўпти, уларнига бориб тураман, қуш гўшти, паррандалар юбораман. Баҳона керак бўлса, ҳатто мендан қон олишини ҳам сўрайман. Дўстлашиб оламиз, уйимга таклиф қиласман...»

— Эй хомкалла! — деди у ўзига ўзи, — ахир яқинда кўргазма очилади-ку. Мен уни ўша ерда кўраман. Шундан бошлаймиз. Энг муҳими — қайтмаслик, шунда ютуқ қўлга киради!

VIII

Ёмонотлиқ, машҳур кўргазма ҳам очилди! Эрталаб аҳоли ўз ҳовлилари олдида туриб бу тантанага ҳандай тайёргарлик кўрилаётгани ҳақида гурунглашишарди. Шаҳар маъмурияти биносининг пештоқлари кўм-кўк чирмовиқ ўсиммлиги билан безатилганди. Ўтлоқда махсус зиёфат учун чодир тикишди, майдоннинг қоқ ўртасида, черков олдида бўлса жаноб префектнинг¹ шаҳарга кириб келганда ва ер әгалари, лауреатларнинг исми шарифи эълон қилинганда мушак отиш учун тўп қўйилганди. Бюшидан миллий гвардия отряди келди (Ионвилда ўз гвардияси йўқ эди) ва у Бине командаси остидаги ўт ўчириш дружинасига қўшилди. Байрам муносабати билан Бине ғалати тик ёқа тақиб олганді. Унинг мундир сиқиб турган қадди қомати тикка ва беҳаракат эдики, гўё танасидаги ҳаётий куч бир маромда, эгилмай шахдам қадам ташлаётган оёқларига оқиб тушаётгандек эди. Солиқ инспектори ва гвардия полковниги қачон кўрсанг бир-бiri билан рақобатлашиб юришарди, шунинг учун ҳам энди бир-бирларидан қолишмасликка ҳаракат қилиб, ҳар ким ўзига ишониб топширилган отряд билан юриш машгулотини ўтказмоқда эдилар. Майдон бўйла 3

¹ Префект — Францияда вилоятлардаги юқори ҳукумат амалдори.

дали қизил погонликлар, ҳали қора күкракпеш кийгандар үтиб туришарди. Бунинг охири кўринимас, машҳ башқатдан бошлиаверар эди. Ионвиль ҳеч қачон бунингдек тантанавор маршии кўрмаган! Шаҳарликлардан бальзилари байрам арафасида уй деворларини оқлашган, қия очиқ деразалардан уч рангли байроқлар осилиб турар, ҳамма қовоқхоналар одамга лиқ тўла эди. Шу кун ҳаво очиқ бўлди. Крахмалланган чепчиклар қордан ҳам оқроқ кўринарди, кичик-кичик тилла бутлар офтобда ярақларди, сюртуклар ва кўк кўйлакларнинг бир тусдаги қорамтирифонида эса у ербу ерда ранго-ранг дуррачалар кўзга ташланарди. Фермер аёллар аравалардан туша туриб, каттакон тўғнагичларини ечишарди; улар лой сачрамаслиги учун кўйлак этакларини кўтариб, белларига боғлаб олишган эди. Эрлари шляпаларини аяшарди, шунинг учун йўлда уларни дастрўмоллари билан бекитиб, бир учини тишлаб олишганди.

Одамлар катта кўчага шаҳарнинг икки томонидан йигилиб келарди. Тор йўллардан, кичкина кўчалардан, ҳовлилардан чиқиб қўшиларди; ҳадеганда қўлига иш қўлқоп кийиб, байрамни томоша қилишга чиқсан шу ерлик аёлларнинг орқасидан эшикнинг тарақлаб бекилгани эшитилиб турарди. Бу ерда, саҳнанинг иккни ёнида, бошлиқлар туриши керак бўлган жойда, ранго-ранг чироқлар тизилиб ташланган иккита баланд уч бурчакли станок диққатни ўзига тортар эди. Шаҳар маъмуриятининг тўртта колониаси рўбарўсида тўртта хода ўрнаштирилган, унга олтин ҳарфлар билан ёзилган оч пистоқи ранг байроқлар осилганди. Битта байроқка: — «Савдо-сотик», бошқасига — «Деҳқончилик», учинчисига — «Саноат», тўртинчисига — «Нафис санъат» деб ёзилган эди.

Бироқ мана бу ҳаммага шод-хуррамлик бахш этган байрамдан қовоқхона бекаси Лефрансуа хонимнинг таъби тирриқ кўринарди. Ошхона зинапоясида туриб, ўзича мингилларди у:

— Бу қанақа бемаъни иш, қанақа бемаъни иш-а! Брезент капага бало борми! Демак ҳоким уларга ярмарка ўйинчоги экан-да, а? Наҳотки, капада тамадди қилиш унинг кўнглига ёқса? Улканинг фойдаси ҳақида оғиз кўпиртиришади-ю, ўзлари нима қилаётгандери номаълум! Үндай бўлса Невшатель ошпазнин

чаҳириш ҳам керакмасди! Ким учун? Чўпонлар учунми? Чувриндилар учунми?

Олдиндан дориконачи ўтиб қолди. Устида қора фрак, наинка¹ шим, оёғида юзи тескари патли қалин мовутдан ботинка, бу тантанали байрам муносабати билан тепаси паст қилиб тикилган шляпа кийиб олган эди.

— О, саломлар бўлсин! — деди у.— Кечирадилар, хоним, мен жуда шошилиб турибман.

Тўладан келган тул хотин унинг қаерга кетаётганини сўради.

— Нимага ажабланяпсиз? Лабораториямда тухум босиб ўтиравераманми!

— Қанақа тухум? — сўради қовоқхона бекаси.

— Йўғ-ей! — унга тушунтиришга шошилди Оме.— Мен, Лефрансуа хоним, уйдан эшикка чиқмайдиган одамман демоқчиман, лекин бугун шундай кунки, чиқмасликнинг асти иложи йўқ...

— Уша ёққа кетаётибсизми, а? — сўради заҳарханда билан қовоқхона бекаси.

— Бўлмаса-чи,— ҳайрон бўлиб галирди дорихоначи.— Ахир мен консультатив комиссиянинг аъзоси әканимни билмайсизми?

Лефрансуа хола унга қаради ва илжайиб қўйди.

— Ундей бўлса, бошқа гап! — деди у.— Лекин дэҳ-қончилик ишларига сизнинг қанақа алоқангиз бор! Унда сиз нимани тушунасиз, деяпман-да!

— Тушунганде қандоқ! Ахир мен фармацевтман, бу демак, кимёгарман деган сўз, кимё бўлса, Лефрансуа хоним, барча физик жисмлар молекулаларининг ўзаро таъсирини ўрганади, бундан шу келиб чиқадики, қишлоқ хўжалиги ҳам шу соҳага мансубдир! Дарҳаққат, ижозатингиз билан сўрайман, ўғитнинг таркиби, суюқликларнинг ферментацияси, газларнинг анализи ва миазмларнинг таъсири — улар ҳаммаси нима, чина-кам кимё эмасми?

Қовоқхона бекаси бу гапга жавоб бермади. Оме давом әтди:— Сиз, нима, ўзи ер ҳайдаб, ўзи паррандаларни боқадиган одам агроном бўлади, деб ўйлайсизми? Йўқ, бунинг ўзи етмайди, агрономга, энг аввал, унинг ишига бевосита алоқадор бўлган нарса —

¹ Наинка — сариқ ипдан тўқилган дагал газлама.

жисмларнинг таркиби маълум бўлиши керак, геологик силжишлар, атмосфера ҳодисалари, тупроқнинг хусусияти, минералларнинг хусусияти, сувининг сифати, ҳар хил жисмларнинг солиштирма оғирлиги, уларнинг капиллярлиги, эҳе, айтаверсанг охири йўқ! Бошқаларга раҳбарлик қилиш учун у энг аввал гигиена асосларини яхшилаб ўрганиши керак. Қурилиш ишларидан ҳам унча-мунча хабардор бўлиши керак, жониворларни парвариш қилиш, ишчи кучларни овқат билан таъминлаш каби ишларни билиши шарт! Булар ҳали ҳаммаси эмас, Лефрансуа хоним, биласизми, у ботаникани ўрганиши керак, ўсимликларнинг навини аниқлаши, доривор ўсимликларни заҳарлилардан ем-хашакка ярайдиган-ярамайдиганларини ажратади билиши керак, бунда ўсимликларни бу ерда эмас, бошқа ерда экиш кераклигига, бирини кўпайтириб, бошқасини йўқотиб юборишга ақл ишлатиш керак. Хуллас, ишни яхшилаш учун брошюралар, журналлар ўқиши керак, янги ихтиrolарни кузата бориши, фан янгиликларини билиши керак...

Қовоқхона бекаси «Франция» қаъвахонаси нинг эшигидан кўз узмас, фармацевт бўлса, ҳамон мұҳокама юргизарди.

— Қанин энди, худо ярлақаб бизнинг деҳқонларимиз кимёгар бўлса! Ҳеч бўлмаганда, улар кўлпроқ олимларнинг маслаҳатига қулоқ солишса! Мана мен, масалан, яқинда катта асар — етмиш икки ярим саҳифадан иборат китоб ёздим. Сарлавҳаси: «Сидр, уни ишлаб чиқариш ва унинг таъсирига оид баъзи бир янги фактлар» деган илмий асар ёзиб, тамом қилдим. Мен уни Руан агрономлар жамиятига юбордим ва унинг деҳқончилик секциясининг помология¹ бўлимига аъзоликка қабул қилинишига сазовор бўлдим. Мана, энди, агар менинг ишимни нашр этсалар эди...

Шу чоқ Лефрансуа хонимнинг башараси ўзгарди, дорихоначи ихтиёrsиз гапидан тўхтаб қолди.

— Уни қаранг-а, вой тавба! — деди у. — Ҳеч нарса тушунмаяпман! Уша ошхонада-а!

У елкасини шундай қисдики, тўқилган кофтасининг кўкрагидаги тугма тешиги йиртилиб кетди, икки

¹ Помология — турли мева даражалари ҳақидаги фан.

қўли билан ўзининг рақиби қаҳвахонасини кўрсатди, у ердан қўшиқ овози эшитиларди.

— Майли, майли, бу узоқча бормайди,— деб қўшиб қўйди у,— бир ҳафтадан кейин ҳаммаси тамом бўлади!

Оме ажабланганидан орқасига тисланди. Лефрансуа хоним зинадан пастга тушиб, унинг қулогига пичирлади:

— Ия, хабарингиз йўқми ҳали? Яқинда уни ёпадилар. Буни Лере хонавайрон қилди. Векселлар билан унинг тинкасини қуритди.

— О, нақадар даҳшатли фалокат!— деди ҳар бир ҳодисага тайёр жумла эсида турадиган дорихоначи.

Шунда қовоқхона бекаси Гильомен жанобнинг хизматкори Теодордан эшитган воқеаларни гапира бошлади. Унинг Тельега бўлган нафрати Лерени қоралапга ҳалақит бермасди. Юлғич, бўш келсанг қўлингдаги нонингни тортиб олади!

— Э, анави-ку ўзи ҳу, ана пешайвонда турибди!— деди у.— Бовари хонимга салом беряпти. Ҳу, ана Бовари хоним, бошида яшил шляпа, жаноб Буланже билан қўлтиқлашиб кетяпти.

— Бовари хоним дедингиэми?— сўради Оме,— ҳозир мен у кишига етиб оламан, худди устуннинг ёнгинасидан, панжара орқасидан унга жой таклиф қиласман, балки у ер хонимга қулай бўлар.

Лефрансуа хола Телье ҳақидаги гапни охирига стказиш учун уни қолишига кўп қистади, лекин фармацевт лабларини тиржайтириб, ўткинчиларга ўзининг қора фракининг ҳилпираган этаклари билан тега-тега, бир ўнгга, бир чапга қараб салом бериб, дадил олға қараб кетди.

Уни узоқдан кўриб қолган Родольф қадамини тезлаштирди, лекин Бовари хоним ҳаллослаб кетди, шунда у яна секинроқ юра бошлади ва илжайиб туриб яна қўрсроқ оҳангда:

— Анави бақалоқдан, сизга бирмунча таниш бўлган дорихоначидан қочмоқчийдим,— деди.

Эмма уни тирсаги билан туртиб қўйди.

«Нима демоқчи бўлдийкин?»— сўради ўз-ўзидан Родольф ва кўз қири билан унга қараб қўйди.

Эмманинг хотиржам юзидан ҳеч нарсани тушуниб бўлмасди. Юзининг ён томони ёруғда худди қуруқ қамишнинг баргига ўхшаган сариқ богичли шляпаси

тагидан яққол кўзга ташланиб турарди. Узун қайрилма киприкли кўзлари тўғрига боқар, гарчи улар катта, очиқ бўлгани билан ҳар қалай сал-пал сузилаётгандек кўринарди, чунки бу ёноқларнинг майин териси остига қон югуриб, унинг томир уриши сезилиб тургандек эди. Қаншари гулдек товланаарди. У бошини бир ёқса эгиб борар, лаблари орасидан садафдек тишларининг четлари кўриниб турарди.

«Балки у мени масхара қилаётгандир», — деб ўйлади Родольф.

Лекин туртганининг боиси уни огоҳлантириш эди, холос, орқадан жаноб Лере келмоқда эди.

— Қандай ажойиб ҳаво! — улар билан гаплашишга уринди Лере. — Бутун шаҳар кўчага чиқиби! Даҳаҳларнинг барги қилт этмайди! — деди.

Бовари хоним ҳам, Родольф ҳам унга жавоб беришмади, лекин улар жойларидан сал силжигудек бўлса, уларнинг орқасидан юрар ва қўлини шляпасига олиб бориб: «Нима хизмат буюрадилар?» — деб сўрарди.

Тақачиликка етганларида Родольф тўғри заставага олиб борадиган йўлдан кетиш ўрнига, Бовари хонимни бошлаб шартта сўқмоққа бурилди.

— Саломат бўлсинлар, жаноб Лере! — деди у. — Яхши боринг!

— Жуда ҳам бопладингиз-а уни! — деди кулиб Эмма.

— Бегона одамларнинг бизга нима кераги бор? — деди Родольф. — Модомики, сиз билан бирга бўлишдек баҳт менга мұяссар бўлган экан...

Эмма қизариб кетди. Родольф ўз фикрини тугатмасдан гапни буриб юборди, у бугун ҳаво қандай яхши, ўт-ўлан устида юриш нақадар соз эканлигини гапирди. Мойчечаклар очилиб ётарди.

— Қандай чиройли гуллар! — деди у, — бу жойда улар шу қадар кўпки, бу ердаги ошиқ-маъшуқларнинг ҳаммасига фол очиш учун етади. Узиб берайми? Нима дейсиз? — сўради у.

— Ҳали сиз бирорга хуштормисиз? — енгилгина йўталиб қўйиб сўради Эмма.

— Ҳм... Ҳм! Қайдам! — жавоб берди Родольф.

Утлоқда одам кўпая борди, аёллар ўткинчиларга соябонлари, саватлари, қўлларидағи болалари билан тегиб кетишарди. Ҳадеганда қаторлашиб кетаётган

бармоқларига кумуш узук таққан, кўк пайпоқ, паст пошина туфли кийган ишчи аёлларга йўл бериб ўтишга тўгри келарди; яқинроқда улардан сут ҳиди анқирди. Улар бир-бирлари билан қўл ушлашиб, тог-тераклар хиёбонидан то зиёфат учун қурилган капагача — бутун ўтлоқ бўйлаб ўтишди. Кўргазманинг счилишига оз вақт қолган эди, шунинг учун деҳқонлар биринкетин атрофига узун арқон тортилиб, қозиқлар қоқилган, отчопарга ўхшаб кетадиган майдонга кира бошлидилар.

Ўртадаги майдонда тумшуқлари орқа томонга қаратилган пасти баланд беллари билан синиқ чизиқ ҳосил қилиб қорамоллар туришарди. Тумшуғини ерга тиқиб чўчқалар мудрашар, бузоқлар, қўйлар маърашар, сигирлар ўт устида ётганча эринчоқлик билан кавш қайтаришар, атрофларида эса пашшалар гувиллашарди. Айғирлар олдинги оёқларини кўтариб, байталларга қараб-қараб қаттиқ кишинашар, отбоқарлар енгларини шимариб уларни жиловидан ушлаб туришар эди. Байталлар серёл бўйинларини чўзиб тек туришар, тойчаларнинг баъзилари оналарининг соясида ётишар, баъзилари эмишар эди. Мана бу ерда тўпланган барча жониворлар ҳосил қилган сатҳ устида ҳали у ерда, ҳали бу ерда шамолда оқ ёлини ҳилпиратиб, оёқларини кўтариб ташлаётган отнинг боши ёки ўткир шоҳ ёки чолиб юрган одамларнинг боши кўринниб қолар эди. Нарироқда, тўсиқдан юз қадамча нарида, худди бронзадан қуйиб қўйилгандек қимир этмай, бурун тешикларига темир ҳалқа ўтқазилган, бурундиқ кийгизилган каттакон қора буқа турарди. Эски кийим кийган ўғил бола унинг арқонидан ушлаб турарди.

Шу чоқ икки қатор экспонатлар орасидан оғир қадам ташлаб қанақадир жаноблар ўтишар, қорамолларни бирма-бир кўришар, кейин аста-секин маслаҳатлашар эдилар. Улардан биттаси, чамаси энг катта бошлиқ бўлса керак, йўл-йўлакай дафтарчасига бир нарсаларни ёзар эди. Бу — жюри раиси, Панвилидан келган жаноб Дерозере эди. У Родольфни кўриб қолиб, унинг олдига югурди ва сермулозим табассум билан:

— Бу қандай бўлди, жаноб Буланже, бизни ташлаб кетдингиз? — деб сўради.

Родольф, ҳозир келаман, деб жавоб берди. Лекин раис кўздан гойиб бўлиши билан у Эммага қараб:

— Йўқ, мен яхшиси сиз билан қоламан! Сизнинг сухбатингиз мен учун ҳамма нарсадан афзал!— деди.

Родольф кула-кула кўргазмадан тезроқ ўтиб кетини учун полициячига кўк таклифнома қогозини кўрсатди. Ҳар замон-ҳар замонда у ҳатто диққатга сазовор «нусхалар» олдида тўхтаб ҳам қоларди, лекин Бовари хонимни уларнинг ҳеч қайиси қизиқтирмас эди. Буни сезиб Родольф Ионвиль аёлларнинг кийим-бошларини масхара қила бошлади, кейин ўз кийим-бошининг палапартишлигидан узр сўради. У бачканга, шу билан бирга, нафосат билан кийинар эдик, бу хилда кийиниши мешчанлар одатда субутсизлик, руҳан бузуқлик, ўзини кўз-кўз қилиш, одоб қонунларига нисбатан бир қадар илтифотсизлик белгиси, деб билар эдилар, бу эса шаҳар аҳолиларидан баъзиларининг ҳавасини келтирасар ёки аксинча, уларнинг нафратини қўзғатар эди. Шундай қилиб, Родольфнинг сур ранг тик нимчалининг ёқасидан кўриниб турган қўш бурма енгли батист кўйлаги шамолда ҳилпираб туради, кенг йўлли чолвори тўпигига тушар, унинг остидан усти наикадан тикилган амиркон ботинкаси кўринар эди. Амиркон ботинкаси шу қадар ялтиратиб тозалангандики, унда ҳатто майсаларнинг акси кўринарди. Қўлинни пижагининг чўнтағига тиқиб, похол шляпасини қийишайтириб кийиб олган Родольф ботинкасининг уни билан от тезагини иргитарди.

— Аммо лекин,— қўшиб қўйди у,— қишлоқда...

— Шундоқ ҳам бўлаверади,— деди Эмма.

— Тўппа-тўғри,— сўзни илиб кетди Родольф.— Бу ердаги муҳтарам шаҳарликлардан бирор кимса, ҳеч бўлмагандан фрак бичимининг фарқига ета олармиカン?

Шундан кейин улар пойтахтдан узоқдаги вилоят қабиҳликлари, у қандай қилиб одамларни разолатга тортиши, ҳаёт гўзаллигини барбод этиши ҳақида ҳангамалашибди.

— Мана, мен ҳам боргзи сари маъюсликка тушмоқдаман,— деди Родольф.

— Сиз-а?— таажжубланди Эмма.— Мен сизни жуда хушчақчақ одам деб ўйловдим!

— Ҳа, кўринишда шундай, чунки мен одамлар олдида масхарабоз ниқобини кия оламан. Ҳолбуки,

ой нури түшиб турған қабристонга кўзим тушган пайтларда неча марта, шу ерда ётганлар, мангу уйқуга кетганилар қаторига қўшила қолсам бўлмасмиди, деб сўрайман ўзимдан...

— Дўстларингиз-чи? — сўради Эмма.— Улар ҳақида ўйламадингизми?

— Дўстларим? Қанақа дўстларим? Қани улар? Мен кимга керакман?

Шуни айтиб туриб, у енгил ҳуштак чалиб қўйди.

Бироқ, шу пайт улар четланишди, орқаларидан, стуллардан ясалган катта бир иншоотни кўтариб келаётган кимгadir йўл беришга тўғри келди. Бу кўп ҳаватли иншоотдан ботинканинг учию, қулоч ёйган қўлларнинг панжалари кўринарди холос. Бу, гўрков Лестибудуа одамлар тиқилинч ердан черков стулларини кўтариб ўтиб кетмоқда эди. Агар ўзига фойдаси тегадиган бўлса, ўзининг мислсиз кашфиётчилиги билан ажралиб турадиган Лестибудуа кўргазмадан ҳам жуда яхши фойда олиш мумкинлигини дарров пайқади, одамлар унга ташланиб, уни талон-торож қилишди. Бу ерга йиғилганларни иссиқ ниҳоятда лоҳас қилган эди, шунинг учун улар бухўр ҳиди уриб қолган похол ўриндили стулларни талашиб кетишди ва мум сачраган, пухта суюнчиқларга ҳузур қилиб суюнишди.

Бовари хоним яна Родольфни қўлтиқлади, Родольф эса худди ўзи билан гаплашаётгандек яна гап бошлиди:

— Ҳа, менга жуда кўп нарсалар етмайди! Кимсасиз гариман. Қани энди, ҳаётда менинг бирор мақсадим бўлса, кошкийди бирор кимсанни севиб қолсам... бирор кишини учратсам... Мен меҳрибонлик учун бор куч-қувватимни берардим, ҳамма нарсани енгиб, ҳамма нарсани ер билан яксон қилардим!

— Лекин менинг назаримда,— деди Эмма,— сиз унчалик ёмон яшамайсиз.

— Сиз шундай деб ўйлайсизми? — сўради Родольф.

— Ниҳоят,— давом этди Эмма,— сиз озодсиз...— тутилиб қолди у.— Бадавлатсиз...

— Мендан кулманг,— деди Родольф.

Эмма жиддий гапираётганига онт ичди, шу чоқ бирдан тўп отилди, оломон шаҳарга ёпирилди.

Бу сокта тревога эди. Жаноб префект кечикаёттани эди, жюри аъзолари мажлисни очишларини ҳам, оч-

масликларини ҳам ёки яна кутиб туришни ҳам билмас әдилар.

Ниҳоят, майдон ичкарисида қўш от қўшилган, катта, ёлланган ландо¹ кўринди, оқ шляпа кийган арава-каш жони жаҳди билан отларни хивичларди. Бине ва унинг кетидан полковник «Милтиқлар олинсин!» деган буйруқни зўрга бериб улгуришди. Гвардиячилар ва ўт ўчирувчилар бир-бирига суюб қўйилган милтиқларга ташланди. Ҳамма типирчилаб қолди. Баъзилар ҳатто ёқаларини қадашни ҳам унудилар. Префектнинг кириб келиши билан ҳамма ёқ тўс-тўполон бўлиб, ит эгасини танимай кетишини олдиндан билишарди, лекин юганини гижирлатиб, гижинглаб турган икки қирчангни от шаҳар маъмуриятининг колоннали иморати олдига келганда гвардиячилар ва ўт ўчирувчилар ногораларнинг гумбур-гумбури остида шахдам қадам ташлаб, саф тортаётган эдилар.

— Жойларингда тўхтанглар! — буйруқ берди Бине.

— Тўхта! — буйруқ берди полковник, — чапга қараб текислан!

Милтиқлар қўлга олинди. Қўндоқлардаги ҳалқаларнинг шақирлаган овози гўё зинапоядан думалаб кетган мис қозоннинг овози каби янграб кетди, кейин милтиқлар яна пастга туширилди.

Шунда экипаждан зарли, калта фрак кийган, гарданидагина бир тутам сочи қолган, тепакал, ранги заҳил, кўринишидан жуда ҳам хушмуомала жаноб тушди. Ҳалойиққа у қалин қовоқлари остидан бақрайган кўзларини қисиб қаради, қарчигай бурнини юқорига кўтариб, ўнирилиб кетган оғзини кулгига жуфтлади. Мэрнинг қўлидаги боғичидан таниб, унга жаноб префект келолмаслигини айтди. Кейин ўзи префектнинг маслаҳатчиси эканини билдириди ва кечирим сўради. Тюваш унга хушомадгўйлик қила бошлади, маслаҳатчи эса уни хижолатга солаётганларини айтди. Шундай қилиб, улар — жюри аъзолари, муниципалсовет аъзолари, бообрў кишилар, миллий гвардиячилар ва ҳалойиқ қуршовида бошлари бошларига теккундек бўлиб, рўбарў турардилар. Кичкина, қора, учбурчак шляпаси-

¹ Тўрт ўринли тепаси очиладиган ҳам карета, ҳам коляска ўринида ишлатса бўладиган экипаж, биринчи марта ишлаб чиқарилган шаҳар — London номи билан аталади.

ни кўкрагига босиб, жаноб маслаҳатчи яна табриқ сўзларини айта бошлади, шу вақт Тюваш ҳам икки букилиб тиржаяр, гудирлар, керакли сўз ахтарар, ўзини монархияга содиқ эканлигини баён этар, Ионвилга кўрсатилган илтифот ҳақида ғудраниб гапирав эди.

Қовоқхона хизматкори Ипполит чўлоқланиб, отларнинг жиловидан ушлаб «Олтин шернинг ҳовлиси»даги бостирмага олиб келиб қўйди. Коляскани томоша қилиш учун у ерга аллақачон дәжонлар йигилиб олган эди. Ногора гумбурлади, тўп отилди ва жаноблар бирин-кетин саҳнага чиңа бошладилар ва шу муносабат билан Тюваш хонимнинг рухсати-ла бу ерга келтирилган, қизил духоба қопланган креслоларга ўтиришди.

Бу жаноблар ҳаммаси бир-бирига ўхшарди. Уларнинг сариқ, сўлғин, хиёл қорайган юзларининг ранги сидрни эслатарди. Уларнинг бакенбардлари қунт билан текисланган бантлар билан боғланган, оқ галстуклар кўтариб турган, баланд қотирма ёқалардан чиқиб турарди. Ҳаммасининг жилети қайтарма ёқали духобадан, ҳаммасининг соати учига тухумсимон тамға осилган лента билан боғланган эди; ҳаммаси қўлини тиззаси устига қўйиб, ошланган теридан ҳам ялтироқроқ кўринган мовут шимдаги оёқларини кериб ўтиришарди.

Эстраданинг орқа томонида, шаҳар маъмурияти биноси эшиги ёнидаги колонналар оралиғида кибор хонимлар жойлашишган, фуқаро бўлса стулларда ўтиришар ёки саҳнага қараб тикка туришар эди. Лестибуда ўтлоқдаги ҳамма стулларни бу ерга олиб келди. Яна ҳар дақиқа черковдан кетма-кет курсилар таширди. Унинг пул топиш учун қилган бу иши ҳамма ёқни шунаҳангї бесаранжом қилиб юбордики, саҳнанинг пиллапоясига яқинлашишнинг ҳам асти иложи бўлмай қолди.

— Менимча,— деди жаноб Лере ўз ўрнига ўтиб кетаётган дорихоначига,— бу ерга иккита венециан мачта¹ ўрнатиб, уни одмироқ, шу билан бирга қимматбахо, ҳаммага манзур мато билан безатилса жуда ҳам чиройли бўлар эди.

— Албатта,— қўшилди Оме.— Лекин на чора, ҳам-

¹ Мачта — елкан тортиладиган баланд устуи.

масини мэр ўз қўлига олди. Бечора Тювашда нозик дид деган нарса йўқ, санъатни тушунадиган дид унда тарқча ҳам йўқ.

Бу орада Родольф билан Бовари хоним шаҳар маъмурияти биносининг иккинчи қаватига — «мажлислар залига» чиқишиди; бу ерда ҳеч ким йўқ бўлиб, Родольфнинг гапига қараганда, бу ердан ҳамма ёқни кўриш жуда қулай эди. У монарх бюсти турган тўгарак столи атрофидаги учта табуреткани олиб келди. Улар ёнма-ён ўтиришиди.

Саҳнадаги жаноблар ҳаяжон билан пичирлашишар, гаплашишар эди. Нихоят, маслаҳатчи ўрнидан турди. Энди бу жаноб Льевен экани ҳаммага маълум бўлди — унинг фамилияси ҳам барча йигилганларга бир зумда тарқалди, у қоғозларни ёйди ва кўзини қоғоздан узмай ватъз бошлади:

— «Жаноблар!

Аввало менга рухсат бергайсиз, «бугунги йиғилишимиznинг рўзномасига ўтишдан олдин», менинг фикримга ҳаммангиз ҳам қўшилишингизга аминман. Аввало олий давлат ҳокимиятимизга, монархга, жаноблар, суюкли подшоҳимизга шодлик туйғуларимизни изҳор этишга рухсат бергайсиз, зероки, у бутун жамиятнинг фаровонлиги учун тўхтовсиз ғамхўрлик қилаётгандек, айrim шахсларнинг фаровонлиги учун ҳам жонбозлик кўрсатмоқда, зероки, у ўзининг пўлатдек қаттиқ, шу билан бирга моҳир қўли билан тўлқинли денгизаро беҳисоб хатарлар орасидан давлат қемасини бошқариб бормоқда, шу билан бирга тинчлик, уруш, саноат, савдо, деҳқончилик ва нафис санъатни ҳам бир дақиқа бўлсин унутмайди».

— Мен бошқа ёққа ўтиб ўтирсан бўларди,— деди Родольф.

— Нега?— сўради Эмма.

Лекин худди шу дақиқада маслаҳатчининг овози майдонаро барада янгради.

— «У вақтлар, жаноблар,— вайсалди у,— ўзаро иизолар кўчаларимизни қон билан бўяб, ёндириб юборган даврлар ўтиб кетди, у вақтларда хусусий мулк згаси, катта савдогар ва ҳатто ишчи ҳам боши ёстиқка тегмай исён наърасининг бонг уришини ўйлаб, ширин

үйқудан сапчиб турар әди, фитна-фасод таълимоти давлатимиз асосини қўпол равишда қўпормоқчи бўлар әди...»

— Мени пастдан кўриб қолишлари мумкин,— изоҳ берди Родольф,— иннайкейин, кўрасиз кўргиликни! Никки ҳафта узр сўраб юришим керак бўлади, бу эса менинг дод теккан обрўимни назарга олганда...

— О, сив ўзингизга тухмат қиляпсиз! — деди Эмма.

— Йўқ, йўқ, ишонинг, менинг номим ёмонга чиқкан.

— «Бироқ, жаноблар,— давом этарди маслаҳатчи,— мана бу мудҳиш манзаалардан мен юзимни ўғириб, гўзал ватанимизнинг ҳозирги ҳолатига боқарканман, нималарни кўраман? Мен шуни кўраманки, ҳамма ёқда савдо ва ҳунармандчиллик гуллаб-яшнамоқда, ҳамма ерда давлатимизнинг қон томири бўлмиш янги темир йўллар уни турли ёқлар билан бөлгаган бизнинг йирик саноат марказларимиз ўз фаолиятини қайтадан тиклади, дин қанот ёзиб, ҳаммага ўз қучогини очмоқда, портларимизга кемалар сиғмай бораётир, ишовч тикланиб бормоқда ва ниҳоят бизнинг Франция эркин нафас олмоқда!...»

— Шуни айтиш керакки,— қўшиб қўйди Родольф,— ўз нуқтаи назари билан аъёилар ҳақли...

— Яъни? — сўради Эмма.

— Ҳа-да! — деди Родольф.— Ахир сиз бетоқат қаяблар борлигини билмайсизми? Улар ҳали орзу қиласди, ҳали энг пок туйғуларга, ҳали шиддатли ҳузур-ҳаловатга берилади, улар учун барча инжиқликларга, барча телбаликларга рухсат берилган.

Шу сўзларни айтаётганда Эмма Родольфга худди узоқ мамлакатларни кезган саёҳатчига қарагандек қарди.

— Биз бояқиши аёллар мана шу айш-ишратдан ҳам маҳруммиз! — деди Эмма.

— Қайтули айши ишрат баҳт келтирмайди.

— Умуман, баҳт бормикан бу оламда? — сўради Эмма.

— Ҳа, ажойиб кунларнинг бирида у келади,— жавоб берди Родольф.

— «Буни сизлар ҳам тушундингиз,— деди маслаҳатчи,— сиз деҳқонлар ва батраклар, буюк тараққиёт

ишининг камтарин қалдирғочлари, сизлар ахлоқ ва таракқиётнинг тарафдорлари! Сизлар тушундинглар де: япман мен, сиёсий ралаёнлар, шак-шубҳасиз, атмосферанинг ларзага келишидан ҳам зўр емирувчи кучdir...»

— Ажойиб кунларнинг бирида у келади,— такрорлади Родольф,— уни кута-кута тоқатинг тоқ бўлган бир кунда у қўйқисдан кириб келади. Бирдан бепоён бўшлиқ намоён бўлади ва кимнингдир: «Мана — у баҳт!» деган овози келади. Шунда сиз ўзингизда, шу одамга умрингис борича ишониш, ҳамма нарсани унга бағишлиш, унинг учун ҳамма нарсани қурбон қилиш орзуси туғилишига эҳтиёж сезасиз. Бу ерда ҳеч қанақа изоҳ керакмас, ҳаммаси сўзсиз аён. Уни сиз; худди шу ҳолда, хаёлингизда кўргансиз (у Эммага қараб қўйди). Ниҳоят, сиз орзиқиб қидирган хазинангиз ана шу ерда, кӯза ўнгингизда порлайди, чақнайди! Бироқ сиз ҳали шубҳаланасиз, ишонишга журъат этолмайсиз, сианинг кўзларининг худди зулматдан ёруғга чиққандай қамашган.

Охири жумлани Родольф ҳаракат билан гапирди. Худди боши айланиб кетгандек, икки қўллаб бошини чангаллади, кейин қўлини Эмманинг қўлига қўйди. Эмма қўлини тортиб олди. Маслаҳатчи бўлса ҳамон ёзувига қараб давом этарди:

— «Лекин бу кимни ажаблантиради, жаноблар, фақат сўқирларни, фақат адашганларни, мен очиғики айтишдан қўрқмайман: фақат асрий бидъатлар кишилаб олган кишиларини, қишлоқ аҳлининг тарзи тафаккурини шу чоққача билмаган одамларнигина ажаблантиради. Дарҳақиқат, бунингдек ватанпарварлик, умумий ишга бунингдек садоқатни, хуллас, бунингдек доноликни қишлоқдан топмасак, яна қаердан топамиз? Бу юзаки ақл эмас, жаноблар, бу усти ялтироқ сафсатабозлик эмас, бу — чуқур, тетик ақл, ҳаммадан бу рун ҳаётий мақсадларни ўз олдига қўйган, шу билан бирга айрим шахсларнинг фаровонлигини ошириб, жаънат фойдасини кўзда тутган ва давлатга таяничиқ бўла оладиган ақл, бу мақсад қонунга итоаткорлик ва бурчга садоқатликдан келиб чиқади....»

— Яна! — деди Родольф. — Бурч, бурч! Шу сўздан кўнглим айнийди менинг. Фланел нимча кийган сонсиз-саноқсиз аҳмоқлар ва қорнига кесак қиздириб босувчи, тасбех ушлаган авлиёлар «бурч, бурч!» деб, қулоқ-миямизни ейишиди. Бурч демак, ҳар хил ярамас урф-одатларга риоя қилиш эмас, аксинча, улурликни тушунмоқ, гўзаллик олдида тиз чўкмоқ демакдир.

— Ҳа, ахир... лекин... — Сўз қайтармоқчи бўлди Эмма.

— Ҳўш, айтинг-чи, нега мунча ҳирс-ҳавасга ҳужум қилавериш керак? Ахир бу дунёда энг яхши нарса-ку. Бу қаҳрамонликнинг завқ-шавқи, шеърият, музыка, санъатнинг манбай, ҳамма-ҳаммасининг манбай-ку!

— Лекин ҳар ҳолда, озгина бўлса ҳам жамиятнинг фикри билан ҳисоблашиш, унинг ахлоқини ҳурматлаш керак,— эътиroz билдириди Эмма.

— Гап шунда-да, икки хил ахлоқ бор,— сўзни бўлди Родольф. — Бирн майда, анчайин одамий ахлоқ, у ҳар доим ўзгариб турди, дабдабали, мана бу кўз олдингизда турган аҳмоқлар йиғиндиси сингари оёқларимиз остида ҳамиша балчиқ ковлади. Лекин яна шундоқ ахлоқ борки, у абадий, худди мана бу бизнинг атрофимизни қуршаб турган табнат кабидир, бизга тепамиздан қуёш нур сочиб турган зангори осмон кабидир.

Жаноб Льевен лабини дастрўмол билан артиб сўзида давом этди:

— •Деҳқончиликнинг фойдасини, жаноблар, сиаларга исбот қилиб ўтириш керакми? Ким бизнинг эҳтиёжларимизни қондиряпти? Ким бизга озиқ-овқат етказиб беряпти? Деҳқонлардан бошқа ким бўларди? Ҳа, жаноблар, деҳқонлар! Бу, ўша деҳқон, у ўзининг меҳнатсевар қўли билан далаларнинг серҳосил жўякларига дои экади, кейин уни мураккаб машиналарда янчиб, тортиб ун ҳолига келтиради-да, шаҳарларга жўнатади, у шу заҳоти новвойхонага тарқатилади, новвой уни кўмачга айлантиради, буни бойлар қатори камбағаллар ҳам истеъмол қилишади. Бизни кийинтириш учун яйловларда семиз молларни боқадиган ўша

дэжоннинг ўзи эмасми? Агар дэжөн бўлмаса; биэ нимани кийиб, нимани ер эдик? Мисол учун узоқча боришинг ҳожати йўқ! Биэ ҳаммамиш тез-тез ўзимишга ҳисоб берамиш! Бир вақтнинг ўзида бизнинг тўшакларни юмшоқ ёстиқлар билан таъминловчи ва столимизни мазали гўшtlар, тухумлар билан безатувчи паррандачилар бизнинг ҳаётимизда нақадар катта роль ўйнайди. Лекин мен, ўзининг болаларини эркаловчи меҳрибон она каби, машаққат билан ишланган ерининг хилма-хил армугонларини ҳисоблаб ўтирсам тоңг отмасди. Бу ери қарасангиз, узум, у ерда олма, бу сидр демакдир, у ерда индов, яна нарироқда пишлоқ. Зигирпоя-чи? Эсингида бўлсии, жаноблар, зигирпоя! Кейинги йилларда зигир экиш майдони анча кенгайди, мана шунинг учун ҳам мен шунга диққат-эътиборингизни жалб этмоқчиман».

Тингловчиларнинг диққатини жалб этишга ҳеч қанаца эҳтиёж йўқ эди, бунингсиз ҳам ҳамма оғизларини очиб анқайиб ўтирас, ҳар бир сўзни жон қулоқлари билан тинглардилар. Ваъзхоннинг ёнгинасида ўтирган Тюаш кўзларини бақрайтириб қулоқ соларди, Дерозе-ре ҳар замонда сал-пал кўзини қисиб қўярди, нарироқда бирор сўзни эшитмай қолмаслик учун қўлини қулогига карнай қилиб, ўғли Наполеонни тивасисига қўйган фармацевт ўтиради. Жюорининг бошқа аъзолари маъқуллагандек бошларини аста-аста лиқиллатиб ўтиришарди. Саҳна ёнида милтиқ қўндоқларига суюниб олиб, ўт ўчирувчилар дам олишмоқда эди. Бине гўдан-гиб, қиличини тик ушлаб турарди. Эҳтимол, у эшитишга эштарди-ку, лекин каскасининг соябони ҳадеб бурнига тушиб кетаверганидан ҳеч нарса кўролмасди. Унинг поручиги — жаноб Тюашнинг кичик ўғлининг каскаси ҳам ўзига лойиқ бўлмаганлиги туфайли, бошида қилпираб турар, унинг тагидан чит дастрўмолнинг уни чиқиб турар эди. Бу ҳолат унда болаларча беозор табассум қўзғатар, унинг ранглар, тер босгани юзчасида баҳтиёрлик, дармонсизлик ва карахтлик ифодаси бор эди.

Майдон ва ундаги уйлар ҳаммаси одамга лиқ тўла рди. Одамлар ойналардан, остоналардан қарашарди, Жюстен бўлса манзарага маҳлиё бўлиб, дорижона витринаси олдида қоқкан қозиқдек турар эди. Гарчи оло-

мон брасида ҳеч ким гапирмаса да, жаноб Льевенниңг овози зўр-базўр эшитиларди. Стулларнинг дам-бадам гижирлаши туфайли фақат айрим жумлалар қулоққа чалинар эди. Майдоннинг орқа томонидан эса бир-бигрига овоз бергандек, гоҳ ҳўкизниңг чўзиб мўраши, гоҳо қўзичоқларнинг маъраши эшитилиб турарди. Гап шундаки, чўпонлар молларни яқинроққа ҳайдаб келишган эди; сигирлар, қўйлар тумшуқларига ёпишган ўтларни тиллари билан ялай-ялай, ҳар замон-ҳар замонда маърашиб туришарди.

Родольф Эммага яқинроқ сурилди ва тез-тез:

— Манави умумий фитна сизнинг газабингизни келтирмайдими? — деб шивирлади.— У қораламаган бирорта ҳис борми, ахир?! Энг олижаноб туйғулар, энг соғ муносабатлар таъқиб остига олинади, маломат қилинади, башарти икки жафо чеккан қалб ниҳоят бир-бириннинг васлига етиш бахтига мұяссар бўлса, қўшилишга йўл қўймаслик учун ҳамма чоралар кўрилади. Лекин улар бор кучни сарф қилишади, бошларини тошга уришади, бир-бирларига интилишади. Майли! Улар эртами-кечми, ярим йилдан кейинми, ўн йилдан кейинми, тақдири азалда ёзилгани учун, иккалови бир-бирлари учун дунёга келганлари сабабли қовушадилар.

Родольф қўлларини тиззасига қўйиб, бошини кўтарганча Эммага қаттиқ тикилиб қаради. Эмма ўнинг кўз қораҷиглари атрофидаги олтин нурларни ажратар, сочларидан келаётган сочмой ҳидини сезар эди. Эмманинг вужудини ҳорғинлик өгаллади. У Вобъесарда бирга рақсга тушган виконтни эслади... Унинг соқолидан ҳам мана шунингдек ваниль ва лимоннинг иси келарди, у қовоқларини ярим юмиб ерга қаради, назарида, шу ҳолатда ҳидлаш осон эди. Бироқ, у энгашиб ўтириши билан олисда, уфқда эски дилижон «Қалдиргоч»ни кўриб қолди. У орқасидан чанг буриқтириб Ле тепалигидан аста-секин тушиб келмоқда эди. Мана шусариқ жаретада Леон тез-тез унинг олдига келиб турарди, мана шу йўлнинг ўзидан у энди бир умрга Эммадан кетди! Бирдан унинг назарида рўпарадаги ойнадан Леоннинг юзи кўрингандек бўлди. Кейин ҳаммаси аралаш-қуралаш бўлиб кетди, хаёли булатлар каби осмонда кезди, у ҳамон қандиллар шуъласида виконт қучогида айлангаётгандек, Леон бўлса қаердадир шу яқин

орада, ҳадемай келиб қоладигандек туйилди... Шу вақтнинг ўзида Родольфнинг боши унга жуда яқин турганини сезди. Унинг аллақачонги орзулари мана бу totли туйғу билан сугорилган эди, бу орзулар гирдоб ичида гир айланиб юрган қумлар каби унинг қалбини ўраб олган хушбўй ис тарқатувчи нафис тутун ичида учиб юрмоқда эдилар. Эмма карнизларга чирмashiб чиқсан печакгулнинг ислари билан нафас олиш учун бурун катакларини керди. У қўлқопини ечди, қўлларини артди, кейин дастрўмоли билан юзини елиниди, оломоннинг ғовур-гувури ва маслаҳатчининг бир оҳангдаги овозини чаккаларидаги қон томирининг уриши орқасидан аранг эшитарди.

Маслаҳатчи дерди:

— «Ҳаракат қилинглар! Ютуқни қўлдан бой берманглар! Муҳофазакорларнинг пичир-пичирига, ўзбиклармон ихтирочиларнинг хом-хатала маслаҳатларига қулоқ солманглар! Ернинг ҳосилдорлигига, ўғитнинг сифатига, от, сигир, совлик, чўчқалар зотини яхшилашга зўр аҳамият беринглар! Мана бу кўргазма сизлар учун тинчлик майдонини эгалласин, зўр чиқсан бу майдондан кетишдан олдин енгилганга қўл чўзиб, уни қардошларча қучоқласин ва енгилганда, келгусида катта ютуқларга эга бўламан, деган умид аланга олсин! Сизлар-чи, содиқ меҳнаткашлар, камтар ишчилар, сизларнинг оғир меҳнатингиз шу чоққача бирорта ҳукуматнинг диққат-эътиборини ўзига тортган эмас! Сизнинг кўзга ташланмаган фазилатларингиз бундан кейин тақдирланади ва сиз ишонч ҳосил қилишингиз мумкинки, ишҳоят ҳукумат сизга назарни эътибор ташлади, у сизни бундан буён руҳлантиради, у сизни ҳимоя остига олади, сизнинг адолатли талабларингизни қондиради ва кучи етганича сизнинг фидокорона меҳнатингиз оғирлигини енгиллаштиришга уринади».

Жаноб Льевен жойига ўтирди, кейин жаноб Дерозере сўзга чиқди. Нутқининг услуби унча жимжимали эмасди, лекин кўпроқ ишга доир нутқ эди; у нутқида маҳсус маълумоти борлигини кўрсатди, юқори мулоҳазаларни баён қилди, ҳукуматни узоқ мақтамади, лекин дин ва қишлоқ хўжалик ишларига катта аҳамият берди. У дин билан зироатнинг бир-бири билан боғлиқ

экани ва тараққиёт йўлида кўп замонлардан бери биргаликда олиб борган ҳаракатларини кўрсатиб ўтди. Родольф ва Бовари хоним бу вақт туш ҳақида, олдиндан кўнгил сезиш, магнетизм ҳақида гапиришиб ўтиришарди. Нотиқ инсониятнинг узоқ ўтмишига хаёлан назар ташлаб, ўша мудҳиш даврларни, одамлар ўрмонларда яшаб, ёнғоқ билан озиқланган замонларни гапирди. Кейин улар ҳайвон териларини ташлаб, мовут кийим кийишди, ер ҳайдаб, тоқ экишди. Бу инсониятга фойда келтирдими? Бу кашфиёт ўзи билан нимани олиб келди: бало кёлтирдими ёки эзгулик?.. Жаноб раис ўз олдига шундай савол қўйган эди. Родольф бўлса магнетизмдан аста-секин қалбларнинг бир-бирига яқинлигига ўтди ва жаноб Дерозере Цинцинатнинг¹ омоқ ҳайдагани, Диоклетиан²нинг карам эккани ва Хитой императорларининг янги йилни тантанали экин экиш билан кутишларини гапириб бераётганда, Родольф Эммага ҳар қанақа зўр итилиш ўзининг илдизи билан ўтмишга кириб боришини исбот қилиб ўтчарди.

— Мана масалан, бизни олайлик,— дерди у,— нима учун биз танишдик? Қанақа тасодиф бизни учраштириди? Ўз-ўзидан маълумки, бизнинг шахсий майлларимиз орадаги бўшлиқни енгиб, иккимизни қўшди. Мана шу тарзда дарёлар ниҳоят бир-бири билан қўшилади.

Родольф унинг қўлини ушлади, у тортиб олмади.

— «Фойдали экинларни кўпайтириш учун...» — қичқириб гапирди раис.

— Мана, масалан, мен сизникига кирганимда...

— «...Кенкампуалик жаноб Бизега...»

— ...Сиз билан шу бугун бирга бўламан деб ўйлаганимдим?

— «...Етмиш франк!»

¹ Цинцинат Лицкий Квинкций — машҳур Рим саркардаси ва давлат арбоби. У ўзининг ажойиб ҳамтарлиги ва шахсий турмушда оддийлиги билан ном чиқарган, ўзи ер ҳайдаган.

² Диоклетиан Гай Аврелий Валерий (284—305) — Рим императорларининг энг зўрларидан бири, давлат ишларидан возкечиб, умрининг охириги саккиз йилни ўз мулкида ўтказган.

— Бир неча бор кетишга уриндим, лекин ўзимга кучим етмади, сизга эргашдим-қолдим...

— •Гўнг билан ўгитлаш учун...•

— Энди бўлса бу оқшом ҳам, эртага ҳам, бундан кейин ҳам — бир умрга сиз билан қоламан!

— •...Аргейллик жаноб Каронга олтин медаль!•

— Мен умримда биринчи марта мана бунингдек бе-жиёс латофат билан юзма-юз келдим...

— •Живри-Сен-Мартендан келган жаноб Бенга...•

— Сизни бир умр хотирамда сақлайман.

— •...Меринос¹ қўй учун...•

— Сиз бўлсангиз мени унутиб юборасиз, мен ёни-гиздан бир соя каби ўтиб кетаман.

— •Нотр-Дамдан келган жаноб Белога...•

— Йўқ, йўқ, сизнинг хаёлингизда, ҳаётингизда мен-дан нимадир қолиши керак-ку!

— •Зотли чўчқалар учун мукофот — олтминиши Франк, жаноб Леэриссе ва жаноб Кюлембурга ех аегио² бўлиб берилади!•

Родольф унинг қайноқ, титраб турган қўлини қисди ва унинг назарида учиб кетишга талпинаётган кабуторни ушлаб тургандек туюлди. Бирдан Эмма қўлини тортиб олмоқчи бўлдими ёки унинг қисишига жавобанми — панжаларини қимирлатди.

— Раҳмат сизга! — деди Родольф. — Сиз мени қув-майсиз! Сиз ажойиб, меҳрибон аёлсиз! Мен сизники эканимга тушундингиз! Рухсат этинг, мен сизга тўйиб боқай, ҳусни жамолингизни томоша қилай!

Очиқ ойнадан шамол кирди, стол устидаги мовут тижимланди, пастда — майдонда бўлса, барча дечон

¹ Нозик ва майин юнгли қўй.

² Ваб-баравар.

аёлларнинг, чепчикларнинг баланд бурмалари оқ капалак қапотидек шамолда ҳилпирай бошлади.

— «Ёғлиқ уруғларнинг кунжарасини ишлатиш учун...» — давом этди раис.

Ва тез-тез гапира кетди:

— «Фламанд ўғитларидан фойдаланиш учун... Зигирни кўпайтириш учун... давомли ижарага олингани ерларни қуритиш учун...»

Родольф жим бўлиб қолди. Иккиси ҳам бир-бирларига тикилишарди. Истак шу қадар зўр эдик, иккисининг ҳам қақраган лаблари титради. Бармоқлар бенхтиёр итоаткорона чирмашиб кетди.

— «Сасето-Лагерьердан келган Катрин-Никез-Элизабет Леруга, битта ферманинг ўзида эллик тўрт йил хизмат қилганлигини тақдирлаб, йигирма беш Frank турадиган кумуш медаль тақдим этилади!»

— Қани ўзи Катрин Леру? — сўради маслаҳатчи.

Катрин Леру кўринмади. Одамлар ичидаги шивир-шивир эшитилди:

— Бора қолсанг-чи!

— У ёққа эмас!

— Чапга!

— Қўрқма!

— Вой, кампирни тушмагур-эй!

— Қани у ўзи? — бақирди Тюаш.

— Ана... ана у!

— Келсин бўлмаса!

Саҳнага тарашадай қотган, увада кийимда бир кампиршо тортинибгина чиқди. Оёғида каттакон ёғоч ботинка, узун, ҳаво ранг фартуғи сонини беркитиб турарди. Олмақоқига ўқшаган озгин, ажин босган юзи жўнгина, ҳошиясиз чепчигидан кўринниб турар, узун, сертомир қўллари қизил кофтасининг енгидан шалварб осилиб турарди. Хашак чириндисидан, ишқордан, қўйларнинг ёғлиқ терисидан унинг қўллари шунчалик шилингидан, дағаллашиб, қовжираб кетган эдик, у тоза сувда қанча ювгани билан, барибир кирга ўхшаб кўринарди, кўп меҳнат қилган панжалари ҳамиша сал керилиб турар, бу гўё унинг қанча машақватлар чекканига соддагина гувоҳлик бергандек эди. Унинг юз ифо-

дасида қанақадир монахларга хос қаҳр кўринарди. Унинг руҳсиз боқишини хафалик ҳам, меҳр ҳам юм шата олмасди. Доимий равишда қорамоллар билан ишлаш уни ўша молга ўхшаш гунг ва хотиржам қилиб қўйган. Бугун у умрида биринчи марта мана бунақан ги кўпчиликнинг ичига кирди. Байроқлар, ногоралар, қора фрак кийган жаноблар, маслаҳатчининг ордени — ҳаммаси унда қўрқинч уйғотди ва у қоққан қозиқдек, тош қотиб яқин боришини ҳам ёки қочиб кетишни ҳам билмай турар, нима учун уни йигин ичидан итариб чиқаришганини, нега унга жюри аъзолари илжайиб қараётганини тушунмасди. Роҳат-фарогатда яшаган буржуанинг олдингинасида ярим аср қуллик меҳнатининг жонли гавдаси туради.

— Яқинроқ келинг, ҳурматли Катрини-Никез-Эли забет Леру! — деди жаноб маслаҳатчи, рансдан мукофотланганларнинг рўйхатини олиб.

Бир қоғозга, бир камнирга қараб, оталарча меҳри бонлик билан:

— Келинг, келаверинг! — деб такрорлади у.

— Нима, сиз кармисиз? — креслодан иргиб туриб сўради Тюваш ва унинг қулогига: — Эллик тўрт йиллик хизматингиз учун! Кумуш медаль! Йигирма беш франк туради! Бу сизга! Сизга! — деб бақира бошлиди.

Медални қўлига олиб кампиршо унинг у ёқ-бу ёғини қараёй бошлиди. Чеҳраси очилиб кетди ва кета туриб қўшиб қўйди:

— Мен буни руҳонийга бераман, дуо қилиб юрсин!

— Мана бу мутаассибликни қаранг! — деди фармацевт нотариусга энгashiб.

Йигилиш тамом бўлди, оломон тарқалди, нутқлар ирод этилди, энди ҳар ким яна эски жойини әгаллади, ҳамма нарса ўз изига тушди: хўжайинлар хизматкорларни уришар, улар бўлса қорамолларни шохларида яшил чамбарлар билан ўз оғилхоналарига қайтияпган бепарво триумфаторларни¹ калтаклашар эдилар.

Шу орада миллӣ гвардиячилар милтиқларнинг найзасига булка санчиб олиб, шаҳар маъмуриятининг иккинчи қаватига кўтарилишди, батальон ногорачиси саватда вино билан олдинда борарди. Бовари хоним

¹ Зафар ҳаҳрамонлари.

Родольфни қўлтиқлаб олди. Родольф уни уйнгача кузатиб борди ва пиллапоя олдида улар хайрлашишди, Родольф тантанали зиёфат олдидан бир оз сайр этгани ўтлоқ томон кетди.

Яхши тайёрланмаган зиёфат узоқ ва шовқин-сурон билан ўтди. Стол атрофида одамлар тиқилиб ўтиришар, зўрга-зўрга тирсакларини қимирлатишар эди; скамейка ўринида ишлатилган ингичка тахталар, ҳадемай, синиб жетадигандек туйиларди. Овқатни қоринлари шишиб кетгунча ейнинди. Ҳар ким тўлаган ҳақининг ҳиссасини чиқаришга уринарди. Пешаналаридан тер қўйилди. Стол устида, турли-туман лампалар орасида, ҳидли дарё тепасида кузнинг эрта туманидек оқиш буғ сузиб юрарди. Родольф чодирнинг коленкор астарига суюниб олиб, фақат Эмма тўғрисида ўйларди, ҳеч нарса эшитмасди. Унинг орқасида хизматкорлар ўт устида ифлос тарелкаларни устма-уст тахлашарди, ёнидагилар уни гапга солишарди, у жавоб бермасди. Унга вино қўйиб беришарди. Атрофида шовқин-сурон, унинг сингида эса сукунат ҳукмон эди. У ўз хаёлида Эмманинг сўзларини, лаб тузилишларини жонлантиради; Эмманинг юзи худди сеҳрли ойнадагидек киверларнинг жигаларида порларди. Чодир деворларидағи бурмалар унинг кўйлак бурмаларига айланди.

Кечқурун мушакбозлик вақтида у яна Эммани кўрди, лекин у эри, Оме хоним, фармацевт билан бирга эди. Дорихоначи мушаклардан бир фалокат юз бермасин, деб ҳар дақиқа шерикларини ташлаб Биненинг олдига чопар ва унга маслаҳат берарди.

Мушакбозлик асбоблари жаноб Тюваш номига юборилган, у бўлса эҳтиётдан то керак бўлгунча уларни ертўлага туширтириб қўйган эди, шунинг учун намланиб қолган порох ёнмасди, энг муҳим манзара — ўз думини тишлаётган аждаҳо ҳечам чиқмасди. Ҳар замонда ночоргина рим шагами ёниб қоларди, анқайиб турган оломон бирдан қийқириб юборарди, бу қийқириққа қоронғида йигитлар чимчилаб қитиқлаётган қизларнинг чинқириши қўшилиб кетарди. Эмма Шарловнинг пинжига суқилиб, бошини кўтариб қоронғи осмонда ракеталарнинг ўт сачратиб, парчаланишини жимгина кузатиб ўтиради. Машъал ёруғида Родольф унинг юзини аниқ кўрарди.

Бироқ машъаллар бирин-кетин ўчди. Юлдузлар ча-

рақлади. Бир неча томчи ёмғир ёғди, Эмма бошига дуррача ўраб олди.

Шу дақиқа қовоқхона дарвозасидан маслаҳатчишинг коляскаси чиқди. Аравакаш маст эди, шу заҳоти ухлаб қолди; икки фонусининг ўртасида тасмалар билан ўриатилган кузов силкинган сари юқорида, у ёқ-бу ёққа қийшайиб бораётган аравакашнинг беўхшов гавдаси кўринарди.

— Йўқ, нима десангиз ҳам, ичкиликбозлик билан қатти; кураш олиб бориш керак! — деди дорихоначи. — Ихтиёр менда бўлса, мен ҳар ҳафта: ad hoc¹ шаҳар маъмурияти биносининг эшиги тепасига мана шу ўтган ҳафта ичидаги ўзини ичкилик билан заҳарлаган кишиларининг фамилиясини кўрсатиб қоғоз осиб қўядим. Статистика нуқтан назаридан, ҳар эҳтимолга қарши булар намунали бир жадвални ташкил қилишарди... Кечирасиз!

Шу сўзлар билан у солиқ инспектори олдига югуриб кетди.

Бине уйга шошиларди. У ўзининг станогини соғиниб қолганди.— Бирор кишини юбора қолсангиз ёмон бўлмасди,— деди Оме,— ё ўзингиз борсангиз...

— Э, жонимга тегдингиз-ку,— деди солиқ инспектори,— нимадан мунча қўрқасиз?

— Хотиржам бўлинглар! — деди дорихоначи шериклари олдига қайтиб,— Бине, ҳамма чоралар кўриб қўйилган, деб кўнглимни тинчитди. Битта учқун ҳам тушмайди. Насосларда сув тўла. Юинглар, ухлагани кетдик.

— Рост, мени аллақачондан бери уйқу босяпти,— деди Оме хоним ширин эснаб,— Майли, бу ҳеч гап эмас, лекин кунни ажойиб ўтказдик-да!

Родольф Эммага мулойим тикилиб туриб, астагина:

— О, ростдан ҳам жуда ажойиб! — деб такрорлади.

Ҳаммалари хайрлашиб, уй-уйларнига тарқалишди.

Орадан икки кун ўтга чиқида катта мақола чиқди. Илҳоми тўлиб-тошган жаноб Оме байрам тугаши билан эртасига ёқ уни ёзиб юборган эди. Мақола бундай бошланарди:

«Ажабо, қаердан келди бу ажойиб шодагуллар, гулчамбараклар? Экинзорларимизни қовжиратадиган

¹ Шу мақсад билан (лат.).

қуёшдан ҳам ҳароратлироқ нур устига ёғилиб турган оломон мавж урган деңгиз тўлқини каби ҳаерларга оқиб бормоқда?•

Кейин у дехқонларниң турмушини баён этган эди:

•Ҳукумат уларга шубҳасиз жуда кўп ёрдам беради, лекин булар ҳали етарли эмас! — Жасорат керак.— деб хитоб қилган эди фармацевт ўз мақоласида.— Бир қатор ислоҳотлар ўтказиш ва уларни амалга ошириши керак!• Маслаҳатчининг келиши ҳақида ёзганда у •жанговар милициямиз• ва «бизнинг қишлоқ сатангларимиз»ни, оломон ичидаги оқсоқоллар қиёфасидаги тепакал чоллар, «ўтмишдаги аждодларимизнинг қолдиқлари, ногораларниң мардонавор гумбурлашидан юраклари уриб кетган қариялар» тўгрисида эслатиб ўтишини унутмаганди. Жюри аъзоларини номма-ном сабаб, энг олдин ўзининг номини тилга олган ва агрономлар жамиятига сидр ҳақида мақола юборган ўша Оме, фармацевт эканини алоҳида эслатиб ўтган эди. Мукофотларниң берилишига ўтганда, лауреатларниң шодлигини жуда ҳам ажойиб мақтовлар билан баён этганди.

«Ота ўғлини, ака укани, эр хотинин қучоқларди. Ҳамма бир-бирига гурур билан ўзлариниң камтар медалларини кўрсатишарди, шубҳасиз, улар медалларни азиз умр йўлдоши ёнига қайтишганда, кўзларида ёш билан шинам кулбанинг деворига осиб қўйишади.

Соат олтиларга яқин улуғ байрам тантанасининг иштирокчилари жаноб Лъежарининг ўтлогида ёзилган зиёфат дастурхони устида учрашдилар. Зиёфат самимий, дўстлик руҳида ўтди. Жаноб Лъевен монархининг соглигига қадаҳ кўтарди: «Жаноб Тюваш, префект учун! Жаноби Дерозере, зироатнинг равнақи учун! Жаноб Оме, ака-сингиллар: санъат ва саноат учун! Жаноб Леплише, мелиорация учун! Кечқурун порлоқ мушаклар тўсатдан ҳаво бўшлигини ёритиб юборди. Бу чинакам калейдоскоп, опера декорацияси эди, бир зумда бизнинг сокин шаҳарчамиз сеҳрли «Минг бир кеча» афсонавий муҳитига кўчирилгандек бўлиб кетди.

Шу куни аҳоли кўнглини хира қиладиган бирор ҳодиса юз бермаганлигига гувоҳлик беришни ўз бурчимиш деб биламиш».

Жаноб Оме яна шу жумлаларни қўшиб қўйган эди:

«Лекин руҳонийларимизнинг бўлмаганлиги яққол кўзга ташланди. Эҳтимол, диний доираларда тараққиётни ўзларича тушунсалар керак. Начора! Ихтиёр ўзингизда жаноб Лойоллар!»

IX

Орадан бир ярим ой ўтди. Родольфдан дарак бўлмади. Ниҳоят, бир кун кечқурун у кириб келди.

Кўргазманинг эртасига у ўз-ўзига: «Танаффус қиласиз, бўлмаса ишнинг пачаваси чиқиши мумкин», — деган эди.

Ҳафтанинг охирида овга чиқиб кетди. Овдан қайтган куни, вақт ўтди, деб ўйлади, кейин шундай холосага келди:

«Агар у мени биринчи куниёқ севиб қолган бўлса, ҳижрон бу ҳиссиётни кучайтиргандир. Яна бир оз шопмай турамиз».

Родольф залга кириб келгаunda Эмманинг ранги учуб кетганини кўрди. Родольф ўзининг мўлжали тўғри эканига қаноат ҳосил қилди.

Эмма ёлгиз эди. Оқшом тушмоқда. Ойналардаги юпқа пардалар қоронгиликни қуюқлаштиради. Ойнада, маржонли полипнинг шохлари оралиғида тилла суви югуртирилган барометрнинг жилоси аксланаарди.

Родольф ҳамон тик турарди. Унинг эҳтиром билан айтиладиган биринчи жумласига жавоб бериш Эмма учун жуда қийин экани кўринниб турарди.

— Мен банд эдим,— деди у.— Кейин касал бўлдим.

— Хатарлимиди касалингиз? — деб юборди Эмма.

— Йўқ! — у билан ёнма-ён ўтира туриб деди Родольф.— Шунчаки... бундан буёқ сизникига келмасликка қарор қилдим.

— Нега?

— Фаҳмламаяпсизми?

Родольф унга яна шунчалик ҳирс билан тикилиб боқдики, Эмма қизариб кетди, ерга қараб олди.

— Эмма... — яна гап бошлади у.

— Мухтарам жаноб! — деди Эмма салгина орқага силжиб.

— О, мана энди менинг нақадар ҳақли эканлиги ни ўзингиз кўриб турибсиз, бундан кейин келмай қўя ҳолай деганимнинг маъноси ҳам шу-да! — ўқинч бил. и жавоб берди Родольф.— Сизнинг исмингиз қалбимда

бетиним акси садо бериб туради. Беихтиёр лабларимдан чиқиб кетади, сиз бўлсангиз номингизни тилга олишимни ман қиласиз! Бовари хоним!.. Ҳамма сизни шундай деб атайди!.. Ҳа, бу сизнинг исмингиз эмас, бу бошқа кишининг исми! Бошқаники! — такрорлади у ва қўллари билан юзини бекитди.— Ҳа, мен ҳамма вақт сизни эслайман!.. Бу хаёл менга тинчлик бермайди! О, кечиринг мени!.. Биз бошқа кўришмаймиз... Алвидо!.. Мен узоқ-узоқларга кетаман. Шунчалик олис срларга кетаманки, сиз ортиқ менинг ҳақимда ҳеч нарса эшилтмайсиз!.. Шунга қарамай, бугун мени қаңака-дир куч сизга тортди! Осмон билан олишолмайсан киши, фариштанинг табассуми олдида лолсан! Барча гўзаллик, жозибадорлик, латофат беихтиёр ўзиға тортади.

Эмма бунақа сўзларни биринчи топқир эшитиши ёди. Бу сеҳрловчи жумлалардан унинг иззат-нафси худди илиқ ванинда ўтиргандек роҳат қўлмоқда ёди.

— Ҳа, мен келмадим,— давом этди у,— сизни кўра олмасдим, бироқ атрофингизни қуршаган ҳар бир нарсадан баҳра олардим. Тунлари... ҳар тун ўрнимдан туриб, бу ерга келардим. Ўйингизга, ой ёруғида йилтираётган томингизга, ойналарингиз тагида тебранган дарахтларга, дераза ойналаридан зулматни ёритиб турган тунги чирогингизнинг нурига сукланиб боқардим. Сиз бўлсангиз, анави ерда шунчалик яқин, шу билан бирга шунчалик узоқ, бебаҳт жафокашдан бехабар эдингиз...

Эмма унга ўгирилиб қаради.

— Қанчалик олижаноб одамсиз! — деди титроқ овоз билан Эмма.

— Йўқ, шунчаки, мен сизни севаман, фақат шу холос! Сиз буни сезмагансиз! Айтинг, азизим, биттагина сўз айтинг! Фақат бир оғизгина!

Родольф сездирмасдан табуреткадан полга тушди, лекин шу чоқ ошхонада оёқ товуши эшилди, эшик берк эмаслигини сезди.

— Утинаман,— деди у ўрнидан тураётиб,— менинг биттагина хоҳишимни бажаринг!

У Эмманинг уйини кўрмоқчи, унинг қандай яшашини билмоқчи ёди.

Бовари хоним, бунинг ҳеч қанақа айби йўқ, деб ху-лоса чиқарди, лекин улар энди туришувди ҳамки, Шарль кирди.

— Салом, доктор,— деди Родольф.

Кутилмаган бу унвондан боши осмонга етган Шарль анча ёқимли гаплар айтиб юборди, Родольф эса бу вақт кижэлат тортди.

— Хотинингиз соглиқларидан шикоят қилаётган адилар,— деб ғап бошлади у.

Шарль унинг ганини бўлди. У ўзи хотинидан ташвишланади, унда яна диққинафас бошланди.

— Хөнимга отда сайр этиш фойда бермасмикин?— деб сўради Родольф.

— О, бўлмасам-чи! Жуда ҳам яхши! Жуда соз!.. Ажойиб фикр! Албатта от миниб сайр этишни бошла, азизим!

Эмма унга эътиroz билдириб, оти йўқлигини айтди. Родольф ўз отини таклиф қилди. Эмма рад этди. Родольф қистамади. Кейин келишининг сабаби, қон олдирган отбоқарникнг боши айланиши қолмаганлигини айтиб, маслаҳат олмоқчи эканини билдириди.

— Ўзим уйингизга кириб ўтарман,— деди Бовари.

— Йўқ, йўқ, мен унинг ўзини олдингизга юборман, бирга келармиз, нега энди сиз овора бўлишингиз керак?

— Жуда соз, ташаккур.

Эр хотин ёлгиз қолишгандан кейин Шарль Эммадан сўради:

— Нега Буланженинг таклифини рад этдинг? Шунчалик илтифот қиляпти, барака топкур!

Эмманинг юзида норозилик ифодаланди, у минг хил баҳоналарни қидирди, ахири, «Одамларнинг кўзига ғалати кўринади»,— деб қўйди.— Бе, кўринса-кўринар!— деди Шарль ва бир оёгининг учидаги туриб чирайланди... Аввало, саломатлик керак! Бекор айтибсан!

— Қанақа қилиб мен отда юрарканман? Амазонкам¹ йўқ-ку?!

— Ҳа, буюртир қўй!— жавоб берди Шарль.

Бу ғап Эммага маъқул тушди.

Костюм тайёр бўлгандан сўнг Шарль Буланжега хотинининг рози эканини, унинг илтифотига муентазир эканликларини ёзиб хат юборди.

Эртасига худди соат ўн иккода Родольф иккита салт от билан эшик олдида тайёр бўлди. Уларнинг биттаси-

¹ Аёллар от миниб юрганда киядиган кийими.

да кийик терисидан қилинган аёллар эгари, думити ранг попуклар отнинг қулоқларини беркитиб турарди.

Родольф енгил этик кийиб олибди, Эмма бунақаларни умрида кўрмаганига имони комил эди. Ҳақиқатан ҳам у духоба фрак ва оқ рейтуда зинапоя майдончасига югуриб чиққанда, Эмма унинг кўринишидан завқланиб кетди. Эмма тайёр бўлиб уни кутиб ўтирган эди.

Жюстен Эммани кўриш учун дорихонадан югуриб чиқди, фармацевтнинг ўзи ҳам чиқишини лозим тоиди. У Буланжега насиҳат қилди:

— Эҳтиёт бўлинг! Фалокат оёқ остида! Отларингиз ювошми?

Эмма тепасида шақиллаган овоз эшилди — бу кичкина Бертанн ўйнатиш учун Фелисите деразани чертмоқда эди. Қиз онасига ҳавоин ўпич юборди, Эмма қамчинини силкитиб жавоб берди.

— Яхши ўйнаб келинглар! — қичқирди жаюб Оле.

— Лекин ниҳоятда эҳтиёт бўлинглар!

Шуни деб орқаларидан газетани силкитди.

Кенгликка чиқиб олгандан сўнг Эмманинг сти лўкиллаб чопиб кетди. Ёнида Родольф от чоптириб борарди. Аҳён-аҳёнда Эмма билан Родольф гаплашиб шарди. Бошини салгина энгаштириб, юганни баланд ушлаб, ўнг қўлини оса осилтирганча Эмма, эгарда кўтариб ташлаётган сакраш йўсининг монаид силкиниб борарди.

Тоғ этагида Родольф тизгинни бўшатди, улар айнан бир вақтда тизгинни бўшатишди, тепаликка чиққач, отлар бирдан тўхтади, узун, қора тўр Эмманинг юзини бекитиб турарди.

Октябрнинг дастлабки кунлари эди. Даалар тепасини туман босган. Уфқда, тепаликларнинг оралигида пага-пага буғлар сузиб юрар, кўтариilar ва эриб кетар эди. Булутларнинг ораларидан, олисларда, қуёш нури ёритган Ионвилнинг томлари, дарёга туташиб кетган боғлар, деворлар, ҳовлилар, бутхона қўнгироқхонаси кўринар эди. Эмма кўзларини қисиб, ўз уйини топишга уринар ва ҳеч қачон унга мана бу хароб шаҳарча шунчалик кичкина кўринмаган эди. Улар турган баландликдан бутун водий ҳавода бугланайтган, сутдек оқ кўлга ўхшар эди, баландликка кўтарилилган ўрмонлар қора қояларга ўхшар, туман ичидан чиқиб турган

азим тераклар шамолда тебранаётган қирғоқ йўлини ҳосил қилгандек кўринарди.

Ундан нарида, ўтлоқда, арчалар орасида илиқ ҳавода хира ёғду жимиirlаб турар эди. Тамаки чангига ўхшаш қўнғир ер оёқ товушини пасайтиради. Отлар тақаланған туёқлари билан ерга тушган арча бужурларини атрофга сочишарди Родольф билан Эмма ўрмон четидан кетмоқда эдилар. Баъзан Эмма кўз кўзга тушмаслиги учун бошқа ёққа қараб олар, фақат унинг кўзини қамаштириб бораётган бепоён арча қаторларини кўради, холос. Отлар пишқиришар, чарм эгарлар гижир-ғижир қиласади.

Улар ўрмонга кириб бораётган дақиқаларида қуёш кўринди.

- Худо ўзи бизни ёрлақайди,— деди Родольф.
- Сиз шундай деб ўйлайсиэми?— сўради Эмма.
- Олға, олға!

У тилини такиллатди, отлар чопишиб кетди.

Эмманинг узангисига йўл бўйидаги узун-узун қирқ-қулоқлар ёпишарди. Родольф тўхтамасданоқ, энгашиб уларни узиб ташларди. Баъзи-баъзида у шохларин очиш учун Эммага етиб оларди, шунда Эмма унинг тиззалари оёгига тегаётганини сезарди. Ҳаво очилиб кетди. Даражт барглари қилт этмасди. Родольф ва Эмма ёввойи ўтлар гуллаб ётган кенг ялангликдан ўтиб боришарди. Бу бинафша ранг гиламлар даражат баргларининг рангига кўра ҳали кул ранг, ҳали қўнғир, ҳали тилла ранг қалин ўрмонлар билан алмашинарди. Қаердадир буталарнинг тагидан қанотларининг париллаши ёшитилади, эман даражтларига қўнган қарғалар бўғиқ ва паст овозда қағиллашарди.

Родольф ва Эмма отдан тушишди. Родольф отларни боғлади. Эмма арава излари оралиғидан, қатқалоқдан олдинга юриб кетди.

Узун кўйлаги халақит берарди, у этагини кўтариб олди ва Родольф унинг орқасидан кетаркан, қора шол кўйлак билан қора ботинка оралиғидаги нафис оқ пайпоқнинг бир қисмини кўрди, ўзича унинг ялангоч баданининг бир бўлакчасини кўргандек бўлди.

Эмма тўхтади.

- Чарчаб кетдим,— деди у.
- Тағин жинидаккина юрайлик,— деди Родольф.— Бир оз сабр қилинг!

Юз қадамча юриб, у яна тўхтади. Эркакча шляпасидан осилиб тушгац ложувард тўляқинда сузаётган-дек, гоҳ ўнг сонига, гоҳ чап сонига урилаётган оч ҳаво ранг тобланувчи нафис ўртуқдан Эмманинг юзи кўринарди.

— Қаёққа кетяпмиз ахир?

Родольф жавоб бермади. Эмма ҳарсиллаб нафас оларди. Родольф атрофга олазарак қарап ва мўйловини тишлаб-тишлаб қўярди.

Улар майда дарахтлар кесиб ташланган кенг ўрмон йўлга чиқишиди, йиқилиб ётган дарахт поясига ўтиришиди. Шунда Родольф ўз севгиси ҳақида сўз очди.

Бошида Эммани бирдан чўчитиб қўймаслик учун унча хушомадгўйлик қўлмади. У мўмин, жиддий, қайғули эди.

Эмма унинг гапларини бошини қуян солиб, ботинкасининг уни билан ердаги пайраҳаларни титиб ўтириб эшитарди.

Ниҳоят у:

— Ажабо, кўнглимдан кўнглинигиз сув ичмаяптими?— деб сўраган эди, унга Эмма:

— Йўқ, йўқ! Узинги биласиз-ку. Бунинг иложи йўқ,— деб жавоб қилди.

Эмма ўрнидан туриб яна олга юрди. Родольф унинг қўлинини ушлади. Эмма тўхтаб унга намланган, ишқ ўтида ёнган кўзлари билан узоқ тикилди ва кутилмаганда тез-тез гапирди:

— Қўйинг, шу ҳақда гаплашмайлик!.. Қани отларимиз? Кетайлик уйга!

Родольф жаҳли чиқиб, хафа бўлгандек, кескин ҳаракат қилди, Эмма такрорлади:

— Қани бизнинг отларимиз? Қани отларимиз?

Родольф ғалати кулди, тишларини гижирлатди, қўлларини кериб Эммага тик қараганча, у томон юра бошлади. Эмма чўчиб кетди, орқага ташланди.

— Қўйинг, чўчитманг мени! Ғашим келяпти! Юринг кетамиз!— жаварди у.

— Ихтиёрингиз,— деди ранги ўзгариб Родольф.

У яна боягидек одобли, хушмуомала ва итоаткор бўлиб олди. Эмма қўлинин берди, улар орқага қайтишиди.

— Сизга ҳали нима бўлувди?— гап бошлади Родольф.— Сабаби нима? Ақлим бовар қилмайди! Сиз

мени тўгри тушунмадингиз чогимда! Менинг қалбимда сиз тамалда турган мадоннадайсиз, сиз у ерда энг юқори, мустаҳкам ва гард юқмаган жойни эгаллагансиз! Мен сизсиз туролмайман! Сизнинг кўзингизни кўрмай, овозингизни эшитмай, сизнинг фикрингизни эшитмай яшай олмайман! Дўстим бўлинг, синглим бўлинг, менинг фариштам бўлинг!

У қўлини узатиб, Эмманинг белидан қучоқлаб олди. Эмма унинг қўлидан чиқиш учун салгина уриниб кўрди, лекин у қўйиб юбормади, юришда давом эта-верди.

Бирдан улар отларнинг киртиллатиб ўт чайнаёт-ганини эшитиши.

— Шошманг! — деди Родольф, — шу ерда оғина турайлик! Қола қолинг!

Унинг белидан қучоқлаганича, устини кўк пўланак қоплаган кичкина ҳовуз ёқалаб кетди. Қамишлар орасидан ўсган сўлғин иилуфарлар қимир этмай турар, қурбақалар майсалар устидан юриб келаётган оёқ товушини эшитиб, ўзларини сувга ташлашарди.

— Мен беақл, нима қиляпман? Нима қиляп-ман-а? — такрорларди Эмма. — Гапингизга қулоқ соли-шим керак эмас эди!

— Нега?.. Эмма! Эммагинам!

— О, Родольф! — деди чўзиб Эмма ва унинг елка-сига бош қўйди.

Эмманинг кўйлаги унинг баҳмал фрагига илашди, у бошини орқага ташлади. Чуқур хўрсинишдан унинг оплоқ бўйни таранг тортилди, аъзойи бадани титраб кетди ва юзини икки қўли билан бекитиб, ёш тўла кўзлари билан ихтиёrsиз ҳолда Родольфга ўзини толширди.

Шом сояси тушмоқда эди. Шохлар орасидан ўта-ётган қуёшнинг синиқ шуълалари Эмманинг кўзини қамаштиради. Унинг атрофида, у ерда-бу ерда, барг-ларга ва ерга танга-танга шуълалар тушиб турар, гўё колибрилар¹ уча туриб, патларини ташлаб кетаёттганга ўхшарди. Атроф тип-тинч. Даҳахтлар сокин. Эмма яна юраги ўйнаб кетаётганини, вужудига илиқ қон юргурганини сезди. Бирдан қаердадир, узоқ ўрмон

¹ Колибри — тропик мамлакатларда яшовчи ранг-бараиг давли митти қуш.

ортидан, нариги тепаликдан ноаниқ чўзиқ овоз, ким-кингдир ёқимли товуши эшитилди ва Эмма жимгина қулоқ солди, бу куйғүёки унинг ҳаяжонланган асабларининг титроти аста-секин босилишига жўр бўлаётгандек туйиларди. Родольф оғзида сигара, қаламтароши билан узилиб кетган тизгинни тузатмоқда эди.

Ионвилга ўша йўл билан қайтишди. Улар лойда ёнма-ён юрган ўз отларининг изларини кўрдилар, ўша буталар, ўша ўтлар орасидаги тошларни кўрдилар. Бояги-боягидек атрофда ҳеч нарса ўзгармабди. Лекин Эмманинг қалбида ўзгариш пайдо бўлди, бу ўзгариш у учун атрофдаги тоглар ўрнидан силжиганидан ҳам муҳимроқ эди. Родольф дам-бадам энганиш, унинг қўлинин ўпид қўярди.

Салт от устида Эмма ҳозир жуда ҳам жозибадор, дилбар эди. Эгарда у қаддини ростлаб ўтирас, гавдаси икчам, букилган тиззаси от ёлига тегиб тулас, юзи очиқ ҳаводан ва шафақ нуридан гул-гул ёнарди.

Эмма Ионвиль кўчаларидан отини гижинглатиб ўтди. Одамлар деразаларидан унга қарашди.

Овқат маҳалида эри унга ранги кириб қолганини айтди. Сайрдан хурсандмисан, деб сўраганда Эмма ўзини эшитмаганга солди, у ҳамон, иккита шагам ёқиб қўйилган столга тирсагини қўйганча тарелкага энгашиб ўтиради.

— Эмма! — деди Шарль.

— Нима?

— Биласами, мен бугун Александрнинг олдига борувдим. Унинг битта қари бияси бор, тузуккина, фақат тиззасидан озроқ юнги тўкилган, юз экюга беришига ишонаман... Мен сенга совга қилишни истардим. Шунинг учун оладиган бўлиб келдим... Сотиб олдим ҳам...— қўшиб қўйди у.— Яхши қилибманми? Хўш? Нега индамайсан?

Эмма маъқуллаб, бош иргади. Орадан чорак соат ўтгандан кейин:

— Кечқурун у ёқ-бу ёққа борасанми? — деб сўради.

— Ҳа. Нимайди?

— Шунчаки сўрадим-да, азизим, шунчаки!

Шарлдан қутулиши билан у, шу заҳоти ўз хонасига кириб, ичидан бекитиб олди.

Аввало, қанақадир шайтоннинг васвасаси босди,

У кўзлари олдида дарахтлар, йўллар, зовурларни, Родольфни кўрар, унинг иссиқ қучогини ҳозир ҳам ҳис қилар, барглар, қамишларнинг шитирлашини эшитарди.

Кейин у ойнага қараб, юз ифодаси шунча ўзгариб кетганидан таажжубланди. Авваллари унинг кўзлари бу қадар тим қора, бу қадар теран эмасди. Қиёфасида пайдо бўлган қанақадир ноаниқ ифода унинг сиймосини ўзгартириб юборган эди.

«Менинг ўйнашим бор! Ўйнашим!» — такрорлади у, худди янгидан балогатга етгандек ўз фикридан қувониб. Демак, энди у бахт ҳаяжони аллақачонлар умидини узган севги қувончига мұяссар бўлди. Энди унинг қошида эҳтирос, шавқ-завқ, беқиёс ҳаяжон ҳукмронлик сурган ажойиб бир дунё очилди! Унинг атрофини мовий бепоёнлик ўраб олди, хаёл ҳиссиётнинг аланга олаётган чўққиларига етди, ҳаёт икирчикирлари эса фақат қаердадир, олисда, тепаликлар орасидаги чуқурликда кўзга чалинарди.

Ўқиган асарларидағи қаҳрамон аёлларни кўз олдига келтирди ва бевафо хотинларнинг шодиёна қўшиқлари унинг хотирасида азиз сеҳрли овоздек янгради. Энди унинг ўзи яккаю ягона жонли бир жисм бўлиб ана шу афсоналар доирасига кирди, илгарилари унда шу қадар зўр ҳасад уйғотган маъшуқалар образига кирганлигига, ёшликтаги орзу-умидлари ушалаётганилигига ишонди. Тағин у қониқтирилган қасос кайфини сурмоқда эди. Ахир у бу кунларга етолмай, озмунча толиқдими? Мана энди у тантана қиларди ва узоқ вақтгача нўхталанган эҳтирос шодиёна жўшқин оқим каби отилиб чиқди. Эмма ундан бетиним, бамайлихотир ва андишасиз ором оларди.

Иккинчи кун янги навозишлар билан ўтди. Родольф ва Эмма қасамёд этишди. Эмма унга ўзининг аввалги ҳасратларини гапириб берди. Родольф бўсалар билан унинг сўзларини бўлар, Эмма бўлса унга ярим юмуқ ҳиприклари орасидан ҳикилиб, яна бир марта номини айтишини, севишлигини қайта-қайта айтишини сўрарди. Бугун ҳам кечагидек яна ямоқчининг ўрмондаги бўш чайласида учрашишди. Чайланинг девори походдан, шили шунчалик паст әдик, ҳадеб энгашинга тўғри келарди. Улар хазонлар устида бир-бирларига қарама-қарши ўтиришар эди.

Шу кундан бошлаб улар бир-бирларига ҳар оқшом хат ёзадиган бўлишиди. Эмма боғнинг энг охирига, дарё ёқасига тушарди-да, жарнинг ёриқ жойларидан бирига ўз мактубини тиқарди, Родольф бу ерга хатга келиб, ўрнига ўз хатини қўйиб кетарди. Лекин бу хатлар доим Эммага жуда қисқа бўлиб кўринарди.

Куилардан бир кун Шарль тонг отмасданоқ қаергадир жўнаб кетди ва Эмма шу заҳотиёқ Родольф билан кўришгиси келди. У Ла Юшетга бориб, у ерда бир соатча бўлиб, ҳамма ухлаётган вақтда яна Йонвилга қайтиб келиши мумкин эди. Шу фикрнинг ўзиданоқ туғилган зўр əхтиросдан нафаси сиқилиб кетди ва бир оздан кейин у ҳеч ёққа қарамасдан, тез-тез қадам ташлаб ўтлоқ бўйлаб жўнаб қолди.

Тонг ота бошлади. Эмма узоқдан оқариб келаётган осмон фонида қорайиб кўринган иккита учи найза флюгерни кўриб, шу уй ёрининг уйи эканини билди.

Ферманинг орқа томонида алоҳида уй бор эди, ҳойнаҳой, ер эгаси худди шу уйда турса керак. Эмма бу уйга шундай кирдики, гўё у яқинлашиши билан деворлар ўз-ўзидан ёрилиб, унга йўл бергандек бўлди. Узун зинапоя у ёқ-бу ёққа бурилмасдан тўгри йўлажка олиб борарди. Эмма эшикни очди ва бирдан хонанинг ичкарисида ухлаб ётган кишини кўрди. Бу Родольф эди. Эмма чинқириб юборди.

— Бу сенмисан? Сенми? — деб такрорлади у.— Қанақа қилиб келдинг?.. Қара, кўйлагинг ҳўл!

— Севаман сени! — деди унинг бўйнидан қучоқлаб Эмма.

Бу жасурона иш яхшилик билан тугади ва энди ҳар гал Шарль эрта туриб чиқиб кетганда Эмма шошилиб кийинар ва тош зинадан оёгининг учи билан юриб, дарё бўйига тушарди.

Агар сигирлар учун қўйилган яккачўп кўприк жойида бўлмаса, унда боғ тўсифининг тагидан қирғоқ бўйлаб кетишга тўгри келарди. Қирғоқ сирпанчиқ бўларди. Йиқилиб кетмаслик учун Эмма сўлиб ёттач левкой¹ни ушлаб-ушлаб эўрга юарди. Кейин у лойга бота-бота, қоқила-суқида, нозик ботинкасини булғаб, ҳайдалган ерни тўппа-тўгри кесиб чиқарди. У ҳўкизлардан қўрқарди, шунинг учун яйловдан оёгини қўли-

¹ Левкой — ранг-баранг очиладиган гул.

га олиб чопарди, дуррачаси шамолда ҳияниарди. Родольф олдига у ҳаллослаб, қип-қизариб киради ва ундан ёшликнинг соғлом хушбўй ҳиди, кўкатлар ва соғ ҳаво ҳиди аниқиб турарди. Родольф одатда уялаб ётарди. Эмма билан бирга унинг хонасига гўё баҳор тоңги киргандек туйиларди.

Деразага тутилган сарик пардалар ташқаридан тушаётган қуюқ олтинсимон нурларни юмшатарди. Эмма пайнасланиб, кўзини сал юмиб киради ва унинг соchlарида шудринг томчилари қимматбаҳо тошлардан ясалган гулчамбардек йилтиллаб турарди. Родольф кула-кула уни ўзига тортиб бағрига босарди.

Кейин Эмма хонани кўздан кечирав, галадонларни тортар, Родольфнинг тароги билан сочини тарап, унинг соқол оладиган ойначасига қарап эди. Кўпинча, у ҳатто тун столчаси устида лимон бўлакчалари, қандлар орасида сув тўла графин ёнида ётадиган узун чубуғини оғзига олиб кўрарди.

Хайрлашишнинг ўзига чорак соатча кетарди. Кета туриб Эмма йигларди, у Родольф билан бир умр бирга бўлишни истарди. Қанақадир, енгиб бўлмайдиган бир куч уни Родольфга тортарди. Бироқ бир кун тасодифан унинг олдига келганда Родольф афсуслангандек пешанасини тириштирди.

— Сенга нима бўлди? — сўради Эмма. — Бетобмисан? Айт тезроқ!

Ниҳоят Родольф жиддий бир оҳангда ҳар қанақа эҳтиёткорликни унуганлиги, бу юриш-туриш уни маломатга қолдириши мумкинлигини айтди.

X

Вақт ўтиши билан Родольфнинг хавфсираши Эмма-га ҳам таъсир қилди. Дастребки кунларда у ишқ-муҳаббат билан маст бўлиб, бошқа ҳеч нарса эсига келмасди. Бироқ энди бу севги Эмма учун ҳаётий заруррият бўлиб қолганлиги туфайли лоақал унинг бирорта заррачасидан ҳам ажралгиси келмас, бирор нарса билан бу севигига шикаст етказишни истамасди. Родольф олдидан қайта туриб, у атрофга олазарак бўлиб қарап, бирорта одам қараб турмаганмикин ёки бирорта деразадан уни кўриб турмаганмикан, деб алангларди,

У оёқ товушларига, овозларга, ғилдиракнинг тўқиллашига қулоқ солар, бирдан ранги қув ўчиб, тепасида ҳилпираётган терак баргидек титраб, тўхтаб қоларди.

Бир кун эрталаб у уйига қайтаётганда, бехосдан карабиннинг узун қувурини кўриб қолди. Бу гўё унга ўқталиб тургандек туюлди. У зовурнинг четида, кўкат ичига яшириб қўйилган бочкадан чиқиб турарди. Даҳшатдэн Эмманинг оёқ-қўли бўшашиб кетди, лекин, барибир, юришда давом этаверди, шу чоқ бирдан худди қутичадан чиқсан ажинадек, бочкадан бир одам сакраб чиқди. Унинг гетрининг или то тиззасигача боғланган, фуражкаси кўзига тушиб турарди. Унинг лаблар: дириллаб, бурни қип-қизариб кетган эди. Бу — парранда овлаб юрган капитан Бине эди.

— Менга овоз бериб чақиришингиз керак эди! — деди шанғиллаб Бине. — Қуролни кўргандан кейин албатта огоҳлантириш керак.

Солиқ инспектори қўрқиб кетганини шундай қилиб тушунтиришга уринган эди. Гап шундаки, префект ўрдакларни фақат қайиқда овлашга рухсат берганди, шундай қилиб, қонун ҳимоячиси жаноб Биненинг ўзи бу буйруқни бузганди. Мана шунинг учун солиқ инспекторининг назарида у худди дала қоровули олдидан чиқиб қолаётганга ўхшайверди. Лекин хавф-хатар тушунчасининг ўзи овнинг гаштини оширас ва Бине бочкада ўтириб, ўзининг кашфиётидан завқланиб кайф қиласди.

Эммани таниганидан кейин елкасидан тоғ ағдарилгандек бўлди ва у билан гаплашишга уринди.

— Бугун анча совуқ-а! Бадани жунжитаяпти!

Эмма унга ҳеч нима демади.

— Нечук бугун саҳарлаб йўлга чиқибсиз? — деб вайсақилик қиласди Бине.

— Шундай бўлиб қолди, — гўдирлади Эмма. — Қизим энаганинида, мен уни кўргани борувдим.

— Шундай денг? Жуда соз! Жуда соз! Мен бўлсам шу аҳволда саҳардан бери шу ердаман. Фақат ҳавонинг авзойи бузуқ, ёмон, агар парранда бурнингиз тагидан...

— Яхши қолинг, жаноб Бине, — деди Эмма унинг ганини бўлиб, орқасига бурилар экан.

— Саломат бўлсинлар, хоним! — совуқ жавоб берди унга Бине ҳам.

Яна бочкага тушди.

Эмма солиқ инспекторининг гапни чўрт бўлганидан пушаймон қилди. Энди ў, албатта Эммага иснод келтирадиган ҳар хил хулосалар чиқаради. Энага воқеаси жуда ҳам ўринсиз ўйлаб топилди. Бертани уйга олиб келишганига бир йил бўлганини бутун шаҳар билади. Ундан кейин, бу яқин орада ҳеч қанақа турар жой йўқ. Бу йўл фақат Ла Юшетга олиб боради. Демак, Бине унинг қаердан келаётганини фаҳмлади, албатта, энди у жим турмайди, ҳаммага ёйиб юборади! Эмма қандай қилиб бу фалокатдан қутулсан экан, деб кечгача бош қотирди ва анати, кўкрагига ўқ таққан ҳўкиз ҳадеб кўз олдига келаверди.

Овқатдан кейин Шарль хотинининг нимадандир хафа эканлигини билиб, фармацевтнигига бориб кўнглини ёзиб келишга маслаҳат берди ва Эмма дорихонага кириши билан дафъатан, кўзига ташланган одам яна ўша инспектор бўлди! У пештахта олдида турар, унга қизил қуррадан ёруғ тушар эди. У:

— Марҳамат қилиб, менга ярим унций аччиқтош беринг,— дерди.

— Жюстен, қани, бизга сульфат кислотасидан олиб кел-чи! — деди дорихоначи ва Оме хонимининг олдига чиқиб кетмоқчи бўлиб турган Эммага қараб: — Йўқ, йўқ, шу ерда тура туриңг, безовта бўлманг, ўзи дозир олдингизга тушади. Печка ёнида исиниб туриңг... Кечириңг мени, азизим... Салом, доктор!.. (Шарлии доктор деб чақириш фармацевтга жуда ёқарди, гўёни тантанали равишда бошқа одамни улуғлаб, унга берилган бу унвонининг шуъласи ўзига ҳам тушиб тургандек туйиларди.) — Ҳой, эҳтиёт бўл, ҳовоночани тушибириб юборма! Залдан стуллар олиб чиқ, биласан-ку, меҳмонхонадаги креслоларни силжитиш мумкин эмас.

Шуни деб Оме креслони жойига қўйиш учун пештахта орқасидан югуриб чиқди, лекин шу чоқ Бине ундан ярим унций қанд кислота сўради.

— Қанд кислотаси? — қайта сўради дорихоначи әнсаси қотиб.— Мен бунақасини билмайман, эшитган ҳам эмасман! Балки Шавел кислотасини хоҳларсиз? Шавел кислотаси берайми?

Бине овчилик қуролларидағи зангни кетказиш учун аччиқ модда кераклигини тушунтириди. Эмманинг юраги шиф этиб кетди.

— Ҳа, ҳақиқатан ҳам боди ҳаво сизнинг ишингизнинг белига тепади,— шошилди гапни тасдиқлаш учун фармацевт.— Ҳаддан ташқари ҳаво рутубатли.

— Мана, баъзи бир одамлар намгарчиликдан ҳам қўрқишмайди,— қувлик билан жавоб берди инспектор.

Эмманинг нафаси оғзига тиқилди.

— Менга яна беринг...

«Улсаям туёгини шиқиллатмайди у»— деб ўйлади Эмма.

— ...ярим унций канифоль ва скипидар, тўрт унций сариқ мум ва яна марҳамат қилиб, бир ярим унций куйдирилган сўнгак беринг, бу билан амиркон камарни тозалайман.

Дорихоначи мумни кеса бошлади. Шу чоқ Ирмани кўтариб, ёнида Наполеон, орқасида Аталия билан Оме хоним кириб келди. Оме хоним дераза олдида турган, устига баҳмал қопланган скамейкага ўтириди, бола табуреткага тирмашиб чиқди, унинг катта опаси бўлса дадасининг олдига югуриб бориб, уноби солинган қутича атрофида ўралаша бошлади. Дорихоначи воронкадан суюқликларни ўтказар, шишаларнинг оғзини беркитар, этикетка ёпиштирас, пакетчаларни боғларди. Атрофидагилар жим туришар эди. Ҳар замонда майда қадоқ тошларнинг жараглаши, шогирдига шивирлаб буйруқ бераётган фармацевтнинг овози эшитирларди, холос.

— Қалай, кичкинтойингиз, яхшими?— деб сўраб қолди бирдан Оме хоним.

— Секинроқ!— бақирди унга жаноб Оме хомаки дафтарига қанақадир раҳамларни ёза туриб.

— Нега уни ўзингиз билан олиб келмадингиз?— сўради Эммадан Оме хоним паст овоз билан.

— Жим! Жим!— дорихоначига бармоги билан ишора қилиб шивирлади Эмма.

Бироқ Бине ҳисоб-китоб қоғозларини диққат билан кўздан кечираётгани учун ҳеч нарса эшиitmади. Кейин у чиқиб кетди. Эмма енгил тортиб чуқур нафас олди.

— Мунча оғир нафас олмасангиз?— деди Оме хоним.

— Аинча дим әкан бу ер,— деб қўйди Эмма.

Эртасига Родольф билан Эмма учрашиш учун бошқача йўл топиш керак, деган қарорга келишди,

Эмма хизматкор қизни бирор ҳадя билан кўнглини олишга таклиф қилди. Родольф эса яхиси Ионвилдан бирорта хилватроқ хона топиш маъқул, деди ва бирор жой топишга ваъда берди.

Родольф бутун қиши бўйи ҳафтада уч-тўрт марта ярим кечада унинг борига келарди. Шарль боғ эшникнинг қалити йўқолган, деб ўйларди, аслида эса Эмма уни Родольфга бериб қўйганди.

Родольф келганини билдириш учун деразага бир қисим тупроқ отарди. Эмма эса ўрнидан сакраб турарди. Бироқ баъзан кутишга тўғри келарди, чунки Шарль камин олдида ўтириб олиб эзмалик қилишни яхши кўрарди. Эмманинг сабр косаси тарс ёрилай дерди. У Шарлга еб қўйгудек бўлиб қарап, кейин, ўзиннинг тунги пардоз-андозига шўнғиб кетар, сўнгра қўлига китоб олиб, худди ўқишига берилиб кетгандек индамай ўтиради. Шу чоқ ўрнига ётиб улгурган Шарлнинг овози эшитиларди:

— Кела қолсанг-чи, Эмма! Ухлаш керак! — деб чақиради.

— Ҳозир бораман! — деб жавоб берарди Эмма.

Шарлга чироқ халақит бергани учун деворга ўғирилиб ётиб уйқуга кетар эди. Шунда Эмма чала-чулпа ҳузурига югуради.

Родольфнинг кенг плаши бор эди. У Эммани ўраб, белидан қучоқлаганча боғ этагига олиб кетарди.

Бу учрашув ўша, устунлари чирий бошлаган, ёз оқшомларида Леон ўтирадиган ва Эммага ошиқона кўзлар билан тикиладиган шийпончадаги скамейкада юз берарди. Энди Эмма уни бутунлай унутиб юборган эди!

Барглари тўкилган ясмин шохлари орасидан юлдузлар чаракларди. Орқада дарёнинг шовқини, ора-сира қуруқ қамишпояларнинг қирсиллагани эшиларди. У ер-бу ерда қоронгилик қуюқлашар, баъзан бу қуюқ зулмат ичидаги чақмоқ чақиандай бўлар, шунда Эмма ва Родольф қадларини ростлар, гўё улкан қора тўлқин буралиб-буралиб келиб, ҳозир уларни савалаб кетадигандек туюлиб кетарди. Тунги совуқдан улар бир-бирларига қаттиқроқ ёпишишар, нафаслари гўё тезлаша бошлагандек, сал-пал кўринган кўзлар қоронғида катталашгандек, сукунатда шивирлаб ай-

тилган ҳар бир сўз эса биллурсимем жараглаб ва беҳисоб акси садолар таратиб, қалб тубига чўкарди.

Ҳаво ёмон тунларда улар омборхона билан отхонанинг оралиғидаги кичик хонада, Шарль беморларни қабул қиласиган кабинетда биқиниб ўтиришарди. Эмма ошхонада турадиган шамдонга китоблар орасига яшириб қўйган шамни тиқиб ёқарди. Родольф худди ўз уйида ўтиргандек ўрнашиб оларди. Китоб жавони, ёзув столи, умуман, кабинетнинг кўрининши унинг кулгисини қистатар ва у тўхтовсиз Шарлни жалака қиласиди, бундан Эмма ҳижолат чекарди. У Родольфнинг жиддийроқ ва ҳаттоки, фожиалироқ бўлишини истарди, хусусан, бир кун унинг назарид ҳудди кимдир флигелга келаётгандек туйилганд 1 шундай бўлишини хоҳлаган эди.

— Бу ёққа келишяпти! — деди Эмма.

Родольф чироқни ўчириди.

— Тўппончанг борми?

— Нима учун?

— Шундай, ўзингни муҳофаза қилиш учун да, — тушунириди Эмма.

— Эрингданми? Ҳа, ҳа! Шўри қурсин!

Родольф шундай ҳаракат қилдики, унда: «Битта чертишлик ҳоли бор эрингнинг!» деган маъно бор эдъ.

Бу жасурликда Эммани ҳайратга соглан нарса шу бўлдики, унда қанақадир одобсиэлик, содда қўполлих бор эдъ, ундан Эмма беихтиёр ранжиди.

Родольф кейин тўппонча ҳақидаги гапларни жуда кўп ўйлади.— Агар у, шу гапни жиддий айтган бўлса,— деб мулоҳаза қиласиди Родольф, — бу кулгили ва ҳаттоки жирканч ҳол. Ахир у ҳеч қанақа рашк азоблари деб айтиладиган нарсани сезмайди-ку ва кўнгилчан бечора врачдан нафратланадиган ҳеч қанақа асоси ҳам йўқ унинг — мана шунинг учун ҳам Эмма ўзининг Шарль билан бўлган муносабати ҳақида гапириб, Родольфга тантанали қасамёд этганда, Эмманинг бу ҳаракатини андишасизлик, деб билган эди.

Бунинг устига Эмма ортиқ даражада ҳиссиятта бериладиган бўлиб қолган эди. Эммага албатта майдачуйда нарсалар бериб, олиб туриш, соч толаларини кесиб бериш керак эди, энди бўлса яна Родольфдан, сёвгиларининг абадийлиги белгиси симпатида чинакам

никоқ узуғи тақдим этишини талаб қиласди. Оқшом қўнғирори, «табиат садолари» ҳақида гапириш Эммага роҳат барашларди, кейин у ўзининг ва Родольфинг онаси ҳақида гап очарди. Родольфинг онаси бундан йигирма йил бурун вафот этганди. Бу эса Эммага Родольфи гўёки етимча боладек кўриб, бу ҳақда у билан тилини чучук қилиб гаплашишга халақит бермасди. Баъзан у ойга қараб туриб, ҳатто:

— Мен ишонаманки, улар иккаласи у ёқдан туриб бизнинг муҳаббатимизга оқ фотиҳа беришади! — деб қўярди.

Шунга қарамасдан у шу қадар гўзалки! Родольфга бунчалик оқ кўнгил аёл камдан-кам учраан! Бу, енгил табиат йигит учун унинг пок севгиси янгилик эди, бу ғайри оддий туйғу унинг иззат-нафсини ардоқлайдиган ва ҳиссиётларини уйғотадиган муҳаббат эди. Унинг мешчанларга хос идроки Эмманинг завқ-шавқидан нафратлантиради, аммо юрагининг чуқур ерида бу завқ-шавқ худди ўзгинасига тааллуқли бўлгани учун ҳам жозибадор кўринарди. Эмманинг севгисига ишонч ҳосил қилгач, у уят-номусни ҳам йиғиштириб қўйди, у билан бўлган муомаласи сезилмайдиган даражада ўзгариб борди.

У энди Эммага илгариgidек кўнглини эритиб, кўз ёшларини оқизадиган нозик сўзларни айтмас, жинни бўлиш даражасига олиб борадиган жўшқин эркалашлардан ўзини тияр эди. Эмма боши билан шўнриб кетган буюк муҳаббат худди дарёга ўхшаб қуриб, тагидан лойқаси кўриниб қолмоқда эди. Эмма бунга ишонгиси келмасди, Родольфга қаттиқроқ меҳр қўяр, у бўлса тобора ўзининг бепарволигини яширишга унча уринмас эди.

Эмма ўзи ҳам билмасди: ўшанда унинг талабига ён берганидан пушаймон қиляптими ёки бўлмаса аксина, унга ҳамон кучлироқ борланяптими? Ўзининг иродасизлигини, таҳқирланганини тушуниш унинг газабини қўзғатарди, лекин бу ғазабни унинг шаҳватпастлиги тийиб туради. Бу меҳр-муҳаббат эмас, йўқ, бу узлуксиз васвасадек нарса эди. Родольф уни қул қилиб олганди. Эмма ундан энди деярли қўрқарди.

Юзаки кўринишда ҳамма нарса ҳар қачонгидан ҳам тинчроқ кўринарди. Родольф бу ҳодисаларни ўзи истаган изига сола билади, қарабсизки, орадан ярим

йил ўтиши ва баҳор келиши билан улар рўзгорни бара-вар тебратадиган эр хотинидек бўлишди қолишиди.

Ҳар баҳор Руо ота одати бўйича битиб кетган оёғини нишонлаш учун Шарль билан Эммага курка товуқ юборарди. Совға ичига албатта мактуб солинган бўларди. Бу гал Эмма саватга боғлаб қўйилган мактубнинг ишини узиб, қуидагиларни ўқиди:

«Азиз болаларим!

Ишончим комилки, иккингиз ҳам саломатсизлар, умид қиласманки, бу курка ҳам аввалгилардан қолишмайди; у ҳатто мулойимроқ ва ёғлиқроқ деб айта оламан ҳам. Янаги йилга бошқачарогини, яъни ҳўрозини ёки истасангиз, пушти ўлдирилган оддий ҳўroz юбораман, худо хайр берсин, менинг саватимга аввалги иккитасини қўшиб қайтариб юборинглар. Уйимда фалокат юз берди: кечаси қаттиқ шамол туриб, отхонанинг томини кўчириб, дарахтлар устига обориб ташлади. Ҳосил ҳам айтарли даражада эмас. Ҳуллас, қачон сиалар билан дийдор кўришишимни билмайман. Уйдан қимирлашим жуда қийин бўлиб қолди, ахир энди мен ёп-ёлғизман, меҳрибон қизим, Эмма!»

Шу жойда, сатрлар орасида очиқ жой қолибди, бечора чол патқаламни ташлаб, анча хаёл суриб ўтирганга ўхшайди.

•Мендан ҳол-аҳвол сўрасангиз, худога шукур, сөғман, фақат яқинда тумов бўлиб қолдим. Иветога ярмаркага чўпон ёллагани борган эдим, аввалги чўпонимни ҳайдаб юбордим. Жудаям сурбет бўлиб олди. Бу қароқчилар билан муомала қилишнинг ўзи ит азоби дейсан! Ундан ташқари чўпоннинг қўли эгри эди.

Қишида сиз томонларга борган чакана савдогардан эшитдим, у ерда тишини олдирибди, ундан Бовари ҳамон ҳормай-толмай меҳнат қилаётганини эшитдим. Бунинг ҳайрон қоладиган жойи йўқ. Менга милкини кўрсатди, у билан биз қаҳва ичдик. Мен ундан, Эмма, сени кўрган-кўрмаганини сўрадим. Йўқ, деди, лекин отхонангизда иккита от турганини кўрибди, шундан маълум бўлдики, ишларингиз жойида экан. Офарин, азиз болаларим, худо мартабангизни бундан ҳам зиёда қилсин!

Суюкли неварагинам Берта Бовари билан шу чоққа ча танишмаганинг хафаман. Мен унга атаб бокқа, се шинг хонанинг рўбарўсига, Эмма, бир туп олхўри экдим, ҳеч кимга тегдирмайман. Кейин ўзим олхўри қиё: пишириб, шкафга бекитиб қўяман, набирам олдимг келганда хоҳлаганча ейди.

Хайр энди, болаларим! Қизгинам, сени ўпаман, Сизни ҳам азиҳ куёвим, кичкинтойнинг эса икки юзида ўпаман.

*Сог-саломат бўлинглар
Меҳрибон отанги
Теодор Руо*

Бу бир варақ дагал қофозни Эмма қўлида анчагач, ушлаб турди. Отасининг хатида имло хатолари гиж риж эди, бироқ улар орасидан эзилиб адо бўлган юрак нинг ноаниқ тепиши Эмма қалбининг чуқур ерига бориб тегди, бу худди буталар орасида яширинган курк товуқнинг қақоғлашига ўхшарди. Кекса Руо сиёҳ устистага каминдаги кулдан сепган эди, Эмма кўйлагига тушган кул ранг чангни кўриб, отасининг оташкуракка қўл чўзаётганини яққол тасаввур қилди. У кўпдан бери отаси билан камин олдидаги курсичада ўтиргмаган, оловнинг зўридан учи гуриллаб ёниб кетадиган косов билан шатир-шутир ёнаётган ўтиналарни ковламаган эди! Езниг ёруғ оқшомлари эсига тушди. Тойчоқлар бир-бирига кишинаб, қанақанги ўйноқлашарди!.. Эмманинг деразаси тагида асалари уяси турарди, асалари дераза ойналарига урилишар ва шу заҳоти сакраб кетишарди. Нақадар бахтиёр дамлар эди! Бегам, беташвиш! Умид-орзулар тўла дамлар эди! Қанчалар кўп эди ўшанди ширин хаёллар! Энди улардан ном-нишон ҳам қолмади. Эмма уларни руҳий жўшқинликда қизлик вақтида, турмушга чиққанда, муҳаббатда, ҳар меҳмонхонада бойлигининг бир қисмини қолдирган саёҳатчик-дек бир умр аста-секин барбод этди.

Бироқ унинг бетолелигига ким айбор? Ҳамма нарсани таг-томири билан сугуриб олган мана бу даҳшатли довул қаердан учиб келди! Эмма бошини кўтарди ва ўзининг алам-изтироблари манбанини қидираётган-дек хонани кўздан кечирди.

Этажерка устига териб қўйилган чинни асбобларда қуёш шуъласи жимжима қиласди, каминда ўтин ёнади, оёж остида майин гилам, кун серқуёш, ҳаво илиқима, боласининг қўнғироқдек кулгиси эшигилмоқда.

Қизи ўтлоқда, янги ўрилган ўт устида думалаб ўйнарди. Ҳозир у гарам устида муккасига тушиб ётарди. Энага унинг кўйлакчасидан ушлаб олганди. Шу ернинг ўзида Лестибудуа хаскаш билан похолларни тўпларди, ҳар гал у яқин келганда Берта энгашиб, қўялчалари билан чапак чаларди.

— Уни олиб келинг олдимга! — деб бақирди Эмма ва қучогини очиб у томон югурди. — Қандай яхни кўраман сени, қизгинам! Қандай яхши кўраман!

Унинг қулоқларининг кирини кўриб, Эмма иеен ѿ сув келтиришни буюрди, Бертани ювинтирди, ички кийимини, пайпоги, ботинкасини ўзгартди, гўёки ўзи узоқ сафардан ҳозиргина қайтгандек унинг соглиги ҳақида энагага устма-уст савол ёғдириди, ниҳоят кўзларида ёш билан қизини яна бир марта ўлди ва эркалашлардан анқайиб қолган энаганинг қўлига тутди.

Оқшом Родольф Эмманинг сал ўзгариб, жиддий бўлиб қолганини кўрди.

«Ха, ўтиб кетади,— деди у дилида.— Бу шунчаки фироқ».

У сурункасига учта учрашувга келмади. Ниҳоят у келганда Эмма уни совуқ, деярли адоват билан қарши олди.

«Мени бу билан қўлга ололмайсан, қизалоқ...» — деди ичида Родольф.

У Эмманинг чуқур хўрсанишларини ҳам, дастрўмолини қўлида гижимлаётганини ҳам сезмаётганга солди ўзини.

Мана шунда Эмма, қилмишидан минг-минг пушаймонлар еди!

У ўйланиб қолди. Нима сабабдан у Шарлии кўришга шунчалик кўзи йўқ? Қайтага уни севишга уриниб кўриш яхшироқ эмасмикин? Бироқ Шарль қайта жонлаган ўтмиш туйгуларнинг қадрига етмади, Эмманинг ўз-ўзини қурбон қилишга интилиши барбод бўлди, бу уни батамом алам-изтиробга дучор этди, бунинг устига дорихоначи нохосдац шундай бир иш кўрсатдики, ўт устига мой сепгандек бўлди.

Жаноб Оме жудди шу кунларда төвон қийшайишини даволашнинг янги усули ҳақида мақтолани үқиб чиққан эди, у тараққиёт тарафдори бўлгани сабабли шу заҳоти унда ватанпарварлик фикри уйғонди: «модомики шаҳарнинг шон-шуҳратини ошириш» керак экан, Ионвилда дарҳол стрефоподия операциясини қилиш ишини бошлаш керак.

— Хўш, биздан нима кетади? — деди у Эммага, — ўйлаб кўринг (бу ишнинг фойдаларини у бармоқлари билан ҳисоблашга тушди); ютуқ шундоққина қўлингизга кириб турибди, бемор енгиллик топади, маймоқликдан қутулади, жарроҳнинг шуҳрати ошади. Нима учун, масалан, эрингиз «Олтин ёр»даги бояқиши Ипполитга ёрдам кўрсата олмайди? Шу нарсага эътибор берингки, у келганиларнинг ҳаммасига, шубҳасиз, уни қандай қилиб даволаганларини гапириб беради, бундан ташқари, — овозини пасайтириб, атрофга кўз югуртириб қўшиб қўйди Оме, — мен бу ҳақда газетага мақола юборсан, бирор халақит берадими? Эй худо! Газета қўлма-қўл бўлиб кетади... Ҳамма ёқда шовшув... Булар ҳаммаси қор юмалогидек ўса боради! Хуллас, ёмон бўлмасди дейман-да!..

Ким билади, дейсиз, балки Шарлини ҳақиқатан ҳам омад кутаётгандир? Унинг истеъдодидан шубҳаланишга Эммада ҳеч қанақа асос йўқ. Бордию унинг таъсири остида Шарль шуҳрат ва пул келтирадиган шу ишга қадам қўйса, Эмма қандай мамнун бўларди! Ахир у ўзи учун севгидан кўра мустаҳкамроқ таянч қидиряпти-ку!

Шарль дорихоначи ва жуфти ҳалолининг ўгитларига таслим бўлди. У Руандан доктор Дювалнинг китобини олдириб келди ва энди ҳар оқшом бошини чангалилаганича ўқишига тушади.

Шарль то эквинус, варус ва вальгусларни, яъни стрефокатоподия, стрефандоподия ва стрефакзоподияни (оддийроқ қилиб айтганда, товон қийшайишининг турли хилларини: пастга, ичкарига ва ташқарига қийшайишини) ва шунингдек, стрефипоподия ва стрефаподияни (бошқа сўз билан айтганда товоннинг пастга буралиб кетиши ва юқорига қийшайиб чиқишларини) ўргангуича, жаноб Оме ҳар хил йўллар билан трактир

хизматкорини, оёгини операция қилдиришга кўндиришга уринарди:

— Эҳтимол, озгина оғир, шу-да бўлгани. Енгилгина қон олдирганда қилинадиган уколдай гап. Оёқдаги қадоқни олганда ҳам оғрийди-ку, ахир.

Ипполит анқовларча кўзларини бақрайтириб, ҳамон бир қарорга келолмасди.

— Менга барибир! — гапида давом этарди фармацевт.— Сен учун жон куйдиряпмиз! Фақат инсонпарварлик юзасидан! Мен, биродар, сени хунук қилиб турган, юрганингда бўксангни лапанглатадиган чўлоқлиқдан қутулишингни истайман, ахир нима демагин, чўлоқлик сенинг ишининг қаттиқ халақит беради.

Оме унинг операциядан кейин чаққонроқ, ҳаракатчан бўлишини гапириб кетарди ва ҳаттохи хотинлар ичида омади юриб кетишини шама қилганда, отбоқар эринчоқлик билан тиржайиб қўярди. Кейин дорихоначи унинг иззат-нафсига тегиб кўрмоқчи бўлди:

— Шундан кейин қанақа эркаксан, азбаройи худо! Агар сени ҳарбий хизматга чақирсалар, байроқ тагида жанг қилишга тўгри келса, қандай бўларди!. Эҳ, Ипполит, Ипполит!

Бунақа қайсарлик, илм-фанинг саҳоватидан фойдаланишдан нодонларча бош тортишнинг боисига асло тушуна олмаслигини айтиб, унинг олдидан кетарди.

Ахири бечора Ипполит рози бўлди, зероки унинг атрофини бир тўда авровчилар ўраб олишди. Аввалла-ри ҳеч қачон бироннинг ишига аралашмайдиган жаноб Бине, Лефрансуа хоним, Артемиза, қўшнилар, ҳатто жаноб мэр Тювашнинг ўзи унга ёпишиб олишди, ҳамма уни ишонтирди, уялтириди, лекин унинг қайсарлигини фақат «бу иш бепул қилинади», деган далил енга олди холос. Операция учун олинадиган асбобларнинг харажатини Бовари ўз гарданига олди. Бу олижаноб саҳоват Эммага тааллуқли эди. Шарль хотинини бир фаришта деб билгани туфайли рози бўлди.

Фармацевтнинг маслаҳатига кирган врачнинг буюртмаси билан чилангарнинг ёрдамида дурадгор оғирлиги саккиз қадоқча келадиган, яшикка ўхшаган бир нарса ясади, шуни қайд қилиш керакки, асбобни уч марта бузиб, уч марта тузатишди, унга темирни ҳам, ёғочни ҳам, тунука, чарм, шуруп, гайкаларни ҳам аямасдан ишлатишиди.

Бироқ ҳайси пайни кесиш кераклигини билиш учун энг олдин Ипполитнинг товони қандай қийшайганини аниჭлаш керак әди.

Унинг бир оёгида товон билан болдир деярли тўғри чизиқ ҳосил қиласарди, шу билан бирга у ичкарига буралган әди, демак, бу унча катта бўлмаган варус туфайли зўрайиб кетган эквинус¹ ёки бўлмаса очиқ кўриниб турган эквинус билан қўшилган кучсиз варус әди. Лекин мана шу ўзининг эквинусида, ҳақиқатан ҳам эни от туёгидек келадиган, дагал, пайдор, рўдано, тақанинг михига ўхшаган қоп-қора тирноқли оёгида бизнинг стрефопод куни бўйи тог эчкисидан ҳам илдамроқ чоларди. Қачон қарасангиз у майдонда оқсоқ оёгини силкита-силкита аравалар атрофида чопгани чопган. Шунинг учун бўлса керак, унинг касал оёги сөг оёгидан кучлироқ кўринарди. Мунтазам ҳаракат туфайли оёқда гўёки сабр-қаноат каби руҳий фазилатлар пайдо бўлгандек әди, Ипполит, айниқса оғир бир юмушни бажараётгандага кўпроқ шу оёғига қаттиқ босар әди.

Шарль бир вақтнинг ўзида икки операцияни қилишдан бош торти, у ўзига номаълум бўлган бирор муҳим аъзони бехосдан кесиб юборишдан қўрқиб титради, у энг аввал ахиллес пайини кесишга қарор қилди, яъни эквинусни бартараф қилиб туриб, шундан кейингина варусни ҳам бартараф қилиш учун болдиринг олдинги мушакларига қўл уришга қарор қилди.

Жаноб Бовари қўлида тепотома билан Ипполитга яқинлашаркан, унинг юраги ўйнаб, қўллари титраб, динқат-эътибори шундай таранглашган әники, ҳатто Іцельсдан ўн беш аср кейин биринчи марта қизил қон томирини бевосита боялаган Амбруаза Паренинг ҳам, бош мия ичидаги шишини ёриб, пасотини чиқариши керак бўлган Дюпютренинг ҳам, юқори жагни биринчи операцияси олдидан Жансулянинг ҳам шунчалик юраги уриб, қўли қалтираган эмасди. Худди ростдакам шифохоналардагидек ёндаги столда бир тўда титилмаган иплар, мумланган иплар ва дориҳоначи бисотида сонсиз-саноқсиз бинтлар — ҳаммаси шу ерда йигилган әди. Уларнинг ҳаммасини сканоб Оме эрталабдан бошлабоқ тайёрлаб қўйган, у фақат аҳолини

¹ Эквинус — лотинчада «от туёги» деган сўз.

ҳайратга солищ эмас, ўзини ҳам чалғитмоқчи эди. Шарль терига пичоқ санчди, шитир этган товуш эши-тилди. Пай қирқилди, операция тугади. Ипполит тааж-жубдан ўзига келмасди. У энгашиб Боварининг қўлини ўла бошлади.

— Бўлди, бўлди,— деди дорихоначи.— Ҳали ўзинг-нинг валинеъматингга миннатдорчилик билдиради-ган вақтлар келади.

Фармацевт ҳовлида тўпланиб, Ипполитнинг улар ол-дига оқсоқланмасдан, соппа-сог чиқиб келишини кутиб турган беш-олтита ҳангаматалабларга операция нати-жасини гапириб бериш учун чиқиб кетди, Шарль бе-морни меканик аппаратга боғлади-да, уйнга жўнади. Остонада уни ҳаяжонланган Эмма қарши олди. Унйиг бўйнига осилди. Иккаласи бирга овқатга ўтиришди. Шарль зўр иштаҳа билан овқатланди, ширинликдан кейин у ҳатто кофе келтиришларини сўради, одатда бундай тантисликка, фақат якшанба кунларида, меҳ-монлар келганда йўл қўярди.

Оқшом жуда кўнгилли ўтди, эр хотини қизгин суҳ-батлашиди, режалар тузишиди. Гап уларнинг кела-жак фаровон ҳаётлари, рўзгорга янги ашё олиш усти-да борди. Шарль кўз олдига шундай манзарани келтирди: беморлар кўпаяди, даромад ошаверади, меҳрибон хотини аввалгидек унинг хонадонига файз киргизди. Эмма эса ўзида аввалгидан қувватлироқ ва софроқ бўлган янги туйғулардан, ниҳоят уни оташин муҳаббат билан севган мана бу бояқиши эрига нисбатан қалбида пайдо бўлган меҳрга ўхшаш бир ҳисдан роҳат қилмоқда эди. У Родольфи эслади, лекин шу заҳоти Шарлга назар ташлади ва таажжубланиб унинг тишли-лари ажабтовор чиройли эканини пайқади.

Жаноб Оме ошиаз аёлнинг гапига қулоқ солмай, қўлида янгинина ёнилган қогозлар билан ётоқхонага шошилиб кириб келганда Шарль билан Эмма ўринда ётишган эди. Бу «Руан машъали» газетасига фарма-цевт томонидан тайёрланган эълоннома эди. Жаноб Оме уни кўрсатгани олиб келган эди.

— Ўзингиз ўқиб беринг,— деди Бовари.

Дорихоначи ўқий бошлади:

«Ҳали ҳам Европанинг бир қисмини ў-роғий зулматга қарамай, бизнинг хил мизга ҳам нур кира бошлади. Шундай к

ўтган сенакба бизнинг кичкина шаҳарчамиз Ионвиль яни бир вақтда олий инсонпарварлик бурчи ҳисобланган жарроҳлик тажрибасининг майдони бўлди. Бизнинг машҳур, тажрибакор врачларимиздан бирі бўлмиш жаноб Бовари...»

— Ҳаддан ташқари муболага қилиб юборибсиз! Ҳаддан ташқари! — Ҳаяжондан нафаси сиқилиб деди Шарль.

— Йўғ-эй, қўйсангиз-чи!.. «товор қийшайинши операциясини қилди...» — мен атайлаб илмий терминларни ишлатмадим, ўзингиз тушунасиз-ку: газета... Эҳтимол, ҳамма ҳам тушунавермайди, аммо лекин кўнчилик...

— Рост айтасиз,— деди Шарль,— давом этишини.

— Мен жумлани бошидан ўқийман,— деди фармацевт: «Бизнинг машҳур, тажрибакор врачларимиздан бирі бўлмиш жаноб Бовари товор қийшайиншини ҳасолаш мақсадида операция қилди. Операция қийинчи бемор, Иннолит Тотену, мана йигирма беъ йилдирки, Аслаҳа майдонидаги эгаси бева — Лефрансуа хенини бўлмиш «Олтин шер» трактирида отбоқарлик қўлиб келмоқда. Тажрибанинг янгилиги туфайли за берингга далда берни учун бино олдида одамлар тирбанд бўлниб кетди. Операциянинг ўзи айни сеҳгарликдек ўтди: ёға факат итоатсиз пай устидан врачлик маҳорати ташкана қилганинг кўрсатиш учунгина бир-икки томни ҳон чиқди, холос. Шуниси таажжубки, бемор (бис бури де visu¹ тасдиқлаймиз) оғриқдан бир оғиз ҳам шизофренияниң қўлмоди. Ушинг аҳволидан ҳозирча қиттак бўлсанда, ҳазотирланишга ҳожат йўқ. Ҳамма уши ташкана тузалиб истади, дейди. Ким билади, якин орада ҳам диган қишлоқ байрамларида бизнинг қадрдоҳ Ҳамидимис, бешка сзамат йигитларимиз қатор...» Ҳамидимислауде шитирок стиб, ўзининг жўнгин ўйни ташкана батамом тузалиб кетганини исбот этишни кечирмиз балки. Шундай қилиб, муруватни оли шарифларнига шон-шарафлар бўлсин! Одамзод гўзал во сенгни. «Хамидимис учун тушларни бедор ўтказсан ҳормас-толниас ҳаматкашларимизга шон-шарафлар бўлсин! Тасори-некор шон-шарафлар бўлсин! Экди ишонч бинан алтини мумкини, сўқирларининг кўзи очилади, чўлоқтар

¹ Гуюҳ тарижасида (лат.).

дадил қадам ташлайди! Мутаассиблик бир вақтлар фаяқат танланғанларга вазда жылған нарсларин әнди илм-фан барчага баравар шіршом қиласы! Биз ўқувчиларин мизни мана бу ажайып мұолажанинг колгуси босқичлари билан хабардор қилиб турамиз».

Бирок, орадан беш күн ўтгандан кейин капалаги учған Лефрансуа хола Һовари олдига докториб келди.

— Ердам беринг! У үляпти!.. — деб қычқирди у. — Нима қилишимин билмай қолдым.

Шарль «Олтин шер»га югурди, уннег бөші яланғ майдондан чопиб кетаётганини күриб, фармацевт ҳам дорихонани ташлаб орқасидан чопди. Ҳаллослаб, қизарыб кетган жаңоб Оме аранғ нафас олиб қовоқхона зинапоясида учраган ҳар бир кимсадан:

— Бизниң алмат стрефоподимизга нима бўлди? — деб сўрарди.

Бу вақт стрефопод даҳшатли оғриқдан тўлғанар, уннег оёғи боғлаб қўйилган механик асбоб деворин тешиб юборай дерди, шу қадар қаттиқ тепинарди шўрлик бемор.

Доктор беморниң оёқларининг ҳолатини ўзгартив маслиқ учун звайлаб қутини олди ва уннег кўзлари олдида даҳшатли манзара намоён бўлди. Товоң дўмбира бўлиб шишиб кетибди, тери шунчалик тараңг тортилибди, салга ёрилиб кетай дейди, аппаратдан ҳамма ёғи моматалоқ бўлиб кетибди. Ипполит аллақачон оғриқдан шикоят қила бошлаган эди, лекин бунга аҳамият бермадилар. Энди Ипполитниң шикоятида бирмунча асос борлигини рад қилиб бўлмасди, бир қанчи соат оёғини ўз ҳолига қўйишди. Бирок, шиши сал қайтиши билан иккала «олим», иш тезроқ битсин учун оёқни шунча тез аппаратга қаттиқроқ қилиб боғлаш көрак, деб тоиниди. Ниҳоят, уч куидан кейин Ипполитниң оғриқ зўрига чидамаганидан аппаратни яна ечиб олишга тўғри келди, очиб қарашса, кутилмаган бир ҳодиса: кўкинтири шиши болдиргача етибди, шишиниң устида, ҳар ер-ҳар срда яралар пайдо бўлиб, улардан қоп-қора мадда сизғиб ётибди. Бу ҳазилакам гап эмасди. Ипполит тажаңг бўла бошлади, бирор нарса билан уннег кўйглини очиш учун Лефрансуа хола уни оиҳона ёнидаги кичик залга жойлаштириди.

Лекин ҳар куни у ерда овқатланадиши солиқ инспектори бунақсанги қўшиничилликка қарши тўпо-

лон қилди. Шунда Ипполитни бильярдхонага кўчиришди.

Ранги бир ҳолатда, соқол-мўйлови ўсган, кўзлари ич-ичига тушган Ипполит қалин адёллар тагида ётар, бетўхтов инграр ва дам-бадам терлаб кетган бошини пашшалар ўтириб ташлаган кир ёстиқда у ёқдан-бу ёқса айлантирар эди. Бовари хоним уни кўргани келарди. Яраки ўраб қўйиш учун тоза латталар олиб келар, овутарди, далда берарди. Лекин Ипполитнинг улфатлардан камчилиги йўқ; айниқса, бозор кунлари бу срга дехқонлар йиғилишиб, бильярд соққаларини бильярд ёгочлари билан у ёқдан-бу ёқса юмалатишар, чекишар, қўшиқлар айтишиб, вагир-вуғур қилишарди.

— Ишлар қалай? — дейишарди беморининг елкасига қоқиб, — аҳволинг танг-ку, жўра! Начора, ўзинг айблисан. Сен ундоқ қилишинг керак, мундоқ қилишинг керак эди, — деб жаврашарди.

Унга одамлар, турли-туман дорилар билан даво топганлари ҳақида бутун-бутун воқеаларни гапириб беришарди, кейин уни юпатиш учун:

— Ўзинг ҳам тоза ваҳимачисан-да! Қани, бир туриб кўр-чи! Боёнга ўхшаб талтайиб ётишини қаранг-да! Оббо, муттаҳам-эй! Ҳидингга туриб бўлмайди! — дейишарди.

Ҳақиқатан қорасон боргаи сари юқорилашиб бормоқда эди. Бу ҳолдан Боварининг ўзи касал бўлиб қолаёзди. У беморининг олдига ҳар соат, ҳар дақиқа югуради. Ипполит унга қўрқуғ тўла кўзлари билан тикилар ва йигламсираб:

— Қачон тузаламан?.. Оҳ, қутқаринг мени!.. Пешанам қурсин! Пешанагинам қурсин! — деб ёлворарди.

Лекин доктор ҳар гал унга парҳез буюриб кетарди.

— Унинг гапига кирма, ўғлим, — дерди Лефрансуа хола. — Шунча кўргиликларни кўрдинг уларнинг дастидан! Бу аҳволда дармоннинг қуриб қолади. Ма, еб ол!

Шундай деб унга гоҳо бир тарелка қайнатма шўрва, гоҳо бир бўлак қовурилган гўшт, гоҳо бир бўлак ёғ, баъзан бир рюмка ароқ ҳам берарди. Лекин бемор ичишга журъят этмасди.

Ипполитнинг аҳволи оғирлашиб қолганлиги ҳақидаги хабар аббат Бурнзъенга етди ва у беморни кўргани келди. Энг олдин у Ипполитга ачинганини билдириди, бироқ, шу заҳоти Ипполит тақдирига тан бери-

ши кераклиги, зероки, бу тангри иродаси эканлигини, өнди ҳозироқ, ҳеч кечиктирмасдан фалак билан яратшиб олиши кераклигини уқтирди.

— Ахир, сен баъзан ўз бурчингни бажаришдан эринардинг, ўғлим,— дерди руҳоний оталарча меҳри-бонлик билан,— сен худонинг даргоҳига камдан-кам борардинг. Не сабабдан кўп йилдан бери муқаддас ерларга бориб ибодат қилмадинг? Ҳа, тушунаман, ишлар, бу дунёниг ташвишлари руҳ ва нажот ҳақидаги фикрлардан сени чалгитди. Энди руҳинг ҳақида ҳам ўйлаш пайти келди. Лекин сен умидсизланма: мен баъзи гуноҳи азимларни билардим, ҳар қалай улар тангри даргоҳига боришдан олдин (сенга ҳали анча бор, биламан) ундан шафқат тилаганлар ва шубҳасиз, гуноҳлардан фориғ бўлиб, дунёдан ўтганлар. Ишонамизки, сен ҳам шундай ўринак кўрсата оласан! Ҳар эҳтимолга қарши сен ҳам ҳар кун икки маҳал, эрталаб ҳам, кечқурун ҳам «Биби Марям илтифот кўрсат» ва «Қудратли эгам ўз паноҳингда сақла, омин!» дуосини ўқигин. Қани бошла-чи, ўғлим! Мен учун! Менинг айтганиларимни ёрда қолдирма! Сендан нима кетади? Бажарасанми?

Бояқишиш бажаришга сўз берди. Руҳоний унинг олдига ҳар кун кела бошлади. У қовоқхона бекаси билан гурунглашар, қизиқ-қизиқ воқеаларни гапириб берар, у билан ҳазиллашар, қочириқ гаплар айтар, Ипполит уларнинг маънисига тушунмасди. Бироқ қулай пайт келиши билан аббат юзига жиддий тус бериб, Ипполит билан диний мавзуларда гаплаша бошларди.

Руҳонийнинг уринишлари ахри натижа берди; стрефопод тузалиб кетса, дарҳол Бон-Секурга ибодатга боришга аҳд қилди. Аббат Бурнизье: «Шундай қилсанг ёмон бўлмасди, бунинг ҳеч қанақа хавф-хатари ҳам йўқ!» — деди.

Дорихоначининг эса, унинг ибораси билан айтганди, «полчасига одамларни калака қилишдан жигибийрони чиқар эди». Ипполит учун булар зарарли деб ҳисобларди.

— Уни ўз ҳолига қўйини! Уни тинч қўйини! — дерди у Лефрансуа хонимга.— Узингизнинг ҳақиқатдан бироқ сафсалаларингиз билан унинг кайфини бузасиз!

Бироқ оқ кўнгил аёл унинг сўзига кулоқ солмасди «акир ўша-ку бу балони бошлаган!» Тегажоғлиқ

қилиб, у ҳатто беморнинг бош томонига табаррук сув солинган идиш ва қорақайининг битта шохини осиб қўйди.

Лекин дин ҳам жарроҳлик каби ожизлигини кўрсатди — қон заҳарланиш процесси тобора қоринга қараб кўтарила берди. Ипполитга қанақа дорилар ичириш масин, нима қиздириб қўйишмасин, барибир тўқималарининг чириши тез суръат билан давом этаверди, шунда Лефрансуа хола даволардан ҳеч қанақа нағ бўлмаганини кўриб, ниҳоят Шарлдан, Нефшателги, ўша ернинг машҳур хирурги жаноб Канивега одам юборилса. бўлмасмикин, деб сўраганда, Боварининг сош қимирлатиб тасдиқлашдан ўзга ҳеч қанақа чораси қолмаганди.

Еши элликка боргани, ошиғи олчи, кеккайган, модчина доктори тиззагача чирий бошлиган оёқни кўрчб, хижолат ҳам тортмай, заҳарханда қилиб кулиб юборди. Кейин у марта оёқни кесиб ташлаш зарурлигидан қатъий оҳангда айтди, фармацевтницига борди ва у ерда бечора Ипполитни шу аҳволга солган эшакларни болохонадор қилиб сўкиб кетди. У жаноб Оменинг камзул тугмачасидан тортуб-тортуб бутун дорихоначи ёшига кўтариб шовқин солди.

— Мана у, Парижининг ихтиrolари! Мана у, мадар марказдаги жанобларнинг хом хаёллари! Бу ҳам ғинаи кўзини даволаш ёки хлороформ, ёки буйракдаги тошни олишга ўхшаган гал. Давлат бунақангি расвогарчиликларни аллақачон ман қилиши керак эди! Улар бўйса ў билармошлик кўшишади, оқибатини ўйламаси беморларга дори ячираверишиади. Улар билан биз олибатта бахслаша олмаймиз. Биз олимлар эмасмиз, олибатта эмасмиз, биз сўзажол эмасмиз: биз тажрибакор, даъвалоҳи ғизи пармиз, сопла-соғ юрған одамини олибатта қизалби билният хаёлнимизга ҳам келмайди! Е йаънгани товоини тўғрилаш-а! Ахчар қанақа қилиб товоин қийишайинини тўғрилаб бўлади? Бу буқрини тўғриланни деган гап эмасми?!

Бу гаплар дорихоначининг суяк-суягидан ўтиб кутмоқда эди, лекин у ўзининг саросималигини сожта шунга билан инцоббарди; гап шундаки, Казивенинг рецептлари Ионевиллача ҳам келарди, у билан сертекаллуф бўлиш керак эди. Мана шуннинг учун у Боварини ҳимоя қилмади, докторга бір оғиз сўз билан гап ҳай-

тармади, у муҳимроқ хизмат мандати йўлида ўз изза-
тини қурбон қилди.

Доктор Каниве қилиш керак бўлган ампутация¹
шаҳар ҳаётида муҳим ҳодисалардан бири эди. Шу кун
бутун шаҳар аҳолиси худди гаплашиб қўйгандек, өрта
туришди ва катта кўчада, гарчи одамга лиқ тўла бўл-
са ҳамки, худди ўлим жазоси ижро этилаётгандек
оғир сукунат ҳукм сурарди. Баққоллик дўконида як-
каш Ипполитнинг касали ҳақида гаплашишарди; ҳам-
ма дўконларда савдо тўхтади; мэрининг хотини Тюваш
хоним дераза олдиндан нари кетмас, у хирургнинг ўта-
ётганини кўришини жон-дилдан истерди.

Хирург ўзининг шахсий кабриолетида ўтди, у оти
ўзи ҳайдарди. Унг томондаги рессор унинг оғир гавда-
си узоқ вақтгача босиб туриши натижасида бўшашган,
шунинг учун экипаж доим бир томонга озгина жий-
шайиб турар эди. Доктор ёнидаги ёстиқда, усти қизил
саҳтиён билан қопланган, учта пухта ишланган, ял-
тироқ мис қулфли катта қути турарди.

Доктор «Олтин шер»га бўрондек бостириб кирди.
Йўлакининг ўзидаёқ шангиллаб экшишади отларни чи-
шаришга буюрди, кейин отга емни кам бермадиларми-
кин, деб ўзи отхонага бориб келди. Шуни қайд қилиб
ўтиш керакси, у bemорларни кўргани борганде энг ав-
вал оти ва кабриолети ҳақида ғамхўрлик қиласарди. Бу
қилиқлари учун ҳатто уни: «Жаноб Каниве — аломат
одам!» дейишарди. Лекин унинг шу тенса тебраижасли-
ги учун ҳам кўпроқ ҳурматлашарди. Агар дунёни сел
олиб кетса, унинг тўнингига чиқмас на энг оддий одати-
ни ҳам тарқ этмасди.

Омс келди.

— Мен сизнинг ёрдамингизга эмид боғланмоқда-
ман,— деди доктор.— Сиз тоййорингиз? Қені, иши
бошлиғич!

Бирорқ доринчичи кизориб-бўлариди, ўзининг шахо-
ятда кўйали бўшилган оқанинига яхудай операция вақ-
тида ҳозир бўломли оғигини билдириди.

— Биласнем, шунчаки томонлабин бўлиб турни-
нинг ўзи ҳуссийти жуда ѡзғариқ таъсир қиласади;—
тушултигиди у.— Рост, аспларим тенинг шунчали...

¹ Бир азсоннинг хасталанган срини кечиб ташлаш.

— Бўлди, бас қилинг! — сўзини чўрт кесди Каниве. — Менимча, сиз кўпроқ апоплексияга¹ мойилроқсиз. Бу эса менни ҳайратга солмайди. Сиз жаноб фармацевтлар уззукун ўз ошхоналарингда тимирскилайсизлар ва вақт ўтиши билан сизларнинг мижозингиз ҳам ўзгаради. Мана менга назар ташланг: мен эрталаб соат тўртда тураман. Соқол олишга совуқ сув ишлатаман (ҳеч қачон совқотмайман), фуфайка киймайман. Ҳар қанақа шароитда ҳам шамолламайман, ошқозоним яхши ишлайди! Бугун бундоқ яшасам, эртага ундоқ яшайман. Ҳамма нарсага фалсафий нуқтаи назардан қарайман, худо берганин ейман. Шунинг учун ҳам мен сизга ўхшаган нозик табиат әмасман. Чўқинтирилган одамними ёки қовурилган қушними кесиш мен учун барибир! Одатланиш — бу катта гап!..

Ипполит кўрпага бурканиб олиб, қўрқувдан терлаб кетди, бу жаноблар эса унга қиттак ҳам эътибор бермай гап сотишар, гап асносида дорихоначи хирургининг вазминлиги саркарданинг вазминлиги билан тенг эканини исботларди. Бу хилдаги таққослашдан доктор Каниве мамини бўлиб, тиббиёт буюк истеъодод талаб этади, деган фикрни кенгайтира бошлади. Ҳар хил қассоблар врачлик санъатини қанчалик ерга уришмасин, барибир унга муқаддас иш деб қарааш кераклигини сўзлаб кетди. Ниҳоят, бемор эсига тушиб қолиб, дорихоначи келтирган бинтларни (ўша биринчи операцияга олиб келинган бинтлар эди) кўриб чиқди ва ёрдамга, беморнинг оёғини ушлаб туришга битта одам беришини сўради. Лестибудуага одам юборишди, жаноб Каниве сингларини шимариб бильярдхонага равона бўлди, фармацевт Артемиза ва қовоқхона бекаси билан қолди; иккаласининг ранги устидаги халатидан ҳам оқариб кетган, ҳадеб эшикка қулоқ солишарди.

Бовари бўлса бу вақт уйига қамалиб олди. У пастда, залда, ўт ёқилмаган камин олдида бошини хам килганча қўл қовуштириб, бир нуқтага тикилиб ўтирасрар эди, «шунча ҳам пачаваси чиқадими ишнинг!» — деб ўйларди у. — Умидлар чилпарчин бўлди! •Ахир у ҳамма эҳтиёт чораларини кўрганди-ку. Бу қандайдир қазоини муаллақ! Шак-шубҳасиз, агар Ипполит ўлса, унинг қотили -- Шарль. Беморларни кўргани боргани

¹ Апоплексия — фалаж.

да, улар сўрашса, нима деб жавоб беради? Ёки у фалокат босиб бирор камчиликка йўл қўйдимикин-а? У ўйлаб тополмасди. Нима бўпти, ахир энг машҳур хирурглар ҳам хато қилишган-ку! Афсуеки, мана шуни ҳеч ким эътиборга олмайди! Акенчча, ҳамма энди унди бармогини бигиз қилиб кўрсатади, гап-сўз қилишади! Форжга бориб етади! Нефшателга, Руанга! Ҳамма ёққа тарқалади! Ҳали ҳамкаслари унинг устидан газетага ёзишмаса, гўргайди! Мунозаралар бошланади, жавоб беришга тўғри келади. Ипполит уни судга бериши мумкин. У шармандалик, хонавайронлик, ҳалокат ҳавфи остида!» Худди бўш бочкани тўлқинлар гоҳ у ёққа, гоҳ бу ёққа отиб ўйнагандек унинг хаёлотини шубҳалар галаси тинмай таъқиб қиларди.

Эмма Шарлнинг рўпарасида ўтирас ва унинг юзига тикиларди. Шарлнинг шарманда бўлганлиги Эмма қалбида ачиниш уйғотмасди — унинг ўзи ҳам ҳақоратланган эди, шу одамнинг қўлидан бир иш келади, деган бемаъни гапни у қаердан олди? Ахир эрининг бир чақага қимматлигини у неча бор синааб кўрган эди-ку!

Шарль у бурчакдан-бу бурчакка юрас, этиклари гижирларди.

— Ўтир! — деди Эмма.— Асабимга тегялсан.

У ўтирди.

Қандай қилиб у (шундоқ донолиги билан) яна бир марта эри ҳақида нотўғри қарорга келди! Умуман, устма-уст қурбонлар билан ўз ҳаётини заҳарлаш — қандай кечириб бўлмайдиган аҳмоқлик! Эмма дабдабани ўхши кўриши, қалбининг бўм-бўшлиги, иомуносиб ёрга турмушга чиққанини, оилавий ҳаётининг кўнгилсизлиги бамисоли яралангани қалдиргочдай тупроқда қоришиган орзулари ҳақида ўйларди, нимага интилгани, нимани өгаллай олиши мумкинлиги, нималардан воз кечгани тўғрисида ўйларди. Хўш, нима учун? Ким учун?

Бирдан шаҳарчанинг оғир сукунатини қулоқни қоматга келтирадиган қичқириқ бузиб юборди. Бовари докадек оқариб кетди. Эмма қошларини асабий чимириб, яна ўз хаёл дарёсига гарқ бўлди. Ҳаммаси шу учун, мана шу маҳлуқ учун, мана шу ҳеч нарсани тушунмайдиган, сезмайдиган ҳафтафаҳм одам учун! Ахир у хотиржам, ўзининг обрўсини йўқотиш билай

бүрг ҳотинини ҳам шармандаю шармисор қилгани унинг парвойига ҳам келмайди! Тагин Эмма уни севишга уринибди, бошқага кўнгил берганидан қон-қон йиғлаб юрибди-я!

— Балки бу вальгусдир, а? — бирдан унинг хаёлини бузиб деди Бовари.

Шарлнинг саволи, худди кумуш патнисга тушган қўргошин соққадай Эмманинг хаёлини бўлиб юборди. Эмма бу кутилмаган зарбадан чўчиб кетди ва Шарль ҳима демоқчи эканлигига тушунишга уриниб бошини кўтарди. Улар бир-бирларини энди кўрган одамлардек, унсиз тикилиб туришди, улар шу топда бир-бирларига ёт-бегона ва руҳан жуда ҳам узоқ эдилар. Шарль унга майхўрларникига ўхшаган хира кўзлари билан тикилар, шу билан бир вақтда операция қилинаётган кишининг охирги додлашига сергаклик билан қулоқ соларди, бу чўзиқ инграш бирдан ингичка чинқириққа айланар, шунда қаердадир, узоқ ерда бирор ҳайвонни бўғизлаётгандек туюлар эди. Эмма ўзининг оқариб кетган лабларини тишлар, маржон полипидан узиб олган бир бўлакчани қўлида айлантириб ўтириб, камондан отилишга тайёр турган ўтли ўқ каби ёниб турган кўз қорачигини Шарлдан усмасди. Ҳозир Шарлнинг ҳамма ёғи, юзи, костюми, ҳатто гиқ этмай туриши ҳам унинг жаҳлинини чиқарап, энг муҳими, Шарлнинг маҷудлиги унинг асабларини бузарди. У ўзининг аввали олижаноблигидан пушаймон ерди — бу энди ўзиги бир жиноятдек кўринарди. Иззат-нафсининг қақшатқич зарбаларидан иффатининг охирги қолдиқлари ҳам емирилиб кетмоқда эди. Бўлажак қассосдан маст-аласт бўлиб, хиёнатнинг вафодорликдан устун чиқишини олдиндан сезиб лаззатланмоқда эди. Айни чокда ошиғининг қиёфаси шу қадар зўр куч билан уни ўзигэ чорлардики, унинг кўз ўнги қоронғилашиб кетди. Муҳаббат ҳиссига янгидан тўлиб-тошган қалби ошиғи томон талпинарди. Шарль бўлса энди унга етти ёт бегонадек эди, у билан ора узилган, у энди Эмма учун мавжуд эмас ва абадийлик қаърига кириб йўқ бўлган, у жон беряпти, унинг кўзлари олдида сўниб тамом бўлдити.

Кўчадан оёқ товуши эшитилди. Шарль деразадан қаради. Дераза қолқоғининг тирқишидан доктор Каниве кўринди. У бозор ёнидан, кўчанинг офтобрўя томо-

нидан даструмоли билан пешаңасини артиб кетмоқда әди. Унинг орқасидан катта қизил қутини күтариб Оме борарди. Иккиси дорихона томон йўл олишганди.

Дилида жўш урган нозик туйғу ва ҳасратдан ўзини тутолмай Шарль хотинига ўгирилди:

— Бир қучгил мени, жонгинам! — деди у.

— Мени ўз ҳолимга қўй! — деди тутақиб нетиб Эмма.

— Сенга нима бўлди? Сенга нима бўлди? — сароси-мага тушиб деди Шарль. — Ўзингни тут! Тинчлай! Сени қанчалик севишимни биласан-ку!.. Кела қол олдимга!

— Бас! — даҳшат ичида қичқирди Эмма ва уйдан отилиб чиқиб, эшикни шундай тарақлатиб ёпдики, дөврдаги барометр ерга тушиб чил-чил бўлди.

Шарль ўзини креслога ташлади, эсанкираб, талвасага тушган ҳолатда бунинг сабабини у қандайдир бир асабий хасталикдан қидирди, йиглади ва оғир, аллақандай бир ғашлик вужудини чулғади.

Кечқурун Родольф боққа келганда, маъшуқаси уни шийпончанинг пастки зинасида туриб қарши олди. Бир-бирларининг қучоғига отилишди, қайноқ бўсалардан уларнинг барча аламлари бир сиқим қордек эриб кетди.

XII

Улар бир-бирларики яна севиб қолишли. Эмма унга кўпинча кундуз кунлари қисқа-қисқа мактублар ёзар, кейин ойнадан Жюстенга имлар, у бўлса шартта пешбоғини ечиб, Ла Юшетга чопарди, Родольф келар, Эмма унга усиз яшолмаслигини, эрининг қандай ярамас одамлигини, турмуши нақадар даҳшатли эканини гапиради.

— Бу масалада менинг қўлимдан нима келарди? — деди бир кун Родольф тажанглик билан.

— Оҳ, жоним, агар сен хоҳласанг бўлди-да...

Эмма соchlари паришон, унинг оёқлари остида, узоқларга маъносиз тикилиб ўтиради.

— Нимани хоҳлашим керак? — сўради Родольф.

— Бир ёққа бош олиб кетсакмикан, — деди Эмма уф тортиб.

— Эсинг жойидами! — деди кулиб Родольф.— Бунинг ҳеч иложи йўқ.

Кейин Эмма яна шу гапга қайтди, Родольф ўзини тушуммаганга солди, кейин гапни бошқа ёққа бурди.

Родольф севгидек шундай оддий бир нарсадан чиқиб келадиган мушкулотларни тан олмасди. Эмманинг ёса ўз важлари, ўз мулоҳазалари бор, унинг меҳрибонлиги албатта нима биландир қиздирилиб туриши шарт ёди.

Масалан, унинг эридан нафратланиши Родольфга бўлган ҳирсини кучайтирарди. Ўйнашига қанчалик нозу карашмалар билан берилса, эридан шунчалик қаттиқ нафратланарди. Родольф билан хуфия учрашувдан кейин бармоқлари йўғон-йўғон, ҳафтафаҳм, қилиқлари совуқ анави Шарль ҳеч қачон ҳозиргидек унинг кўзига бало-қазодек кўринмаганди.

Одамларнинг кўзида ўзини вафодор кўрсатган Эмма Родольфнинг офтобда қорайган пешанасига тушиб турган жингалак соchlари, унинг бақувват ва шу билан бирга келишган қадди-қомати, кўпни кўрган бўлса ҳам эркалашини жойига қўядиган ҳаракатлари ҳакида ўй лаганда эҳтиросдан вужуди қизиб кетар эди. Эмма учун тирноқларини сангтарошдек қунт билан учини ингичка қилиб тозаларди, у учун юзидан кольдкремни дастрўмолчасидан атирии аямасди, билагузук, узулар, зеб-зийнатлар билан безаниб юрарди. Родольф-келиши олдидан иккита катта кўк шиша гулдонга гулдасталар солар, уй йиғишириар, худди шаҳзодани кутаётган сарой хонимларидек ўзига зеб берарди. У хизматкор хотинни тинмай кир ювишга мажбур қиласарди. Фелисите куни бўйи ошхонадан чиқмас, кўп вақтини Фелисите билан ўтказадиган Жюстен унинг иши азбаройи кўплигидан ҳайрон қоларди.

Жюстен узун дазмол тахтасига тирсакларини қўйиб, олдида ёйилган аёл кийим-кечакларига қизиқиб ўтираси эди. Ғалати-ғалати юбкалар, дуррачалар, ёқалар, юқориси кенг, почаси ингичкалашиб борган, уқа қадалган лозимлар...

— Мана буниси нима учун? — деб сўрарди ўспирин кринолин ёки бандига ишора қилиб.

— Нима, умрингда биринчи кўришингми? — кулажула жавоб берарди Фелисите, — ўзингнинг беканг Оме хонимники ҳам худди шунақадир?

— Шунақадирмиш-а! — жавоб берарди Жюстен.— Менинг бекамни Бовари хоним билан тенглаштириб бўладими...

Бироқ Фелисите унинг хира паша бўлганидан жаҳли чиқарди. У Жюстендан олти ёш катта, унга энди жаноб Гильоменнинг хизматчиси Теодор ишқибоз бўлиб юради.

— Ҳой, мунча хирахандонсан, ахир! — крахмал солинган хурмачани суриб қўя туриб жеркиб ташлади у.— Бор, ундан кўра, бодом чақ, Қачон бўлоа хотинларнинг холаси, қизларнинг янгаси бўлиб юрасан! Ҳали мўйловинг сабза урмабди-ку! Қани, туёгинги шиқиллат!

— Ҳай, ҳай! Жаҳлингиз чиқмасин, келинг, яхшиси мен бекангизнинг ботинкасини қулинг ўргилсина қилиб тозалаб берай.

Жюстен дераза токчасидан Эмманинг ишқий учрашувларда лойга ботган туфличасини оларди, чақон қўлларида қуриб қолган лой чангга айлана бошларди ва унинг қуёш шуъласида аста-секин кўтарилаётганмага қараб турарди.

— Намунча авайламасанг! — дерди ошпаз хотин.— Ўзи уларни чалакам-чатти тозаларди, чунки бекаои Сотинкаси «эскиб» қолганини кўриб дарров унга совра қиларди.

Бир вақтлар Эмманинг шкафи оёқ кийим билан лиқ тўла эди. Энди бўлса қарийб ҳаммаси хизматчи хотинга ўтганди, лекин Шарль ҳеч қачон хотинига бунинг учун бир оғиз танбеҳ бермасди.

Эмманинг фикрича, Ипполитга тақдим ўтилиши керак бўлган сунъий оёқ учун ҳам гап-сўзсиз уч юз франк чиқариб берди. Протез пружина билан пробкадан ясалган мураккаб бир механизм эди, устидан кийилган қора шимнинг почаси амиркон ботинкага тиқилган эди. Бироқ Ипполит бунақанги чиройли оёқда ҳар куни юришни олифталик деб билди ва Бовари хонимдан бошқа соддароқ оёқ илтимос қилди. Шубҳасиз, доктор бунга ҳам пул тўлади.

Аста-секин отбоқар яна ўз иши билан шугуллана бошлади. Яна у шаҳар кўчаларининг ҳали у ерида, ҳали бу ерида кўринадиган бўлди. Шарль узоқдан протезнинг тош кўчада тақ-тақ овозини эшитиши билан кўчанинг у юзига шошиб ўтиб оладиган бўлди.

Бутун буюртмаларни бажаришни савдогар жаноб Лере ўз устига олганди, бу эса унга Эмма билан ҳар куни учрашиб туришга имконият түғдиради. У Эммага Парижда нимаики янгиллик бор, қанақа ажайиб нарсалар бор, ҳаммасини гапириб берар, ҳаддан ташқари сермулозамат бўлиб, ҳеч қачон пулини қистасди. Ўз инжиқликларини қондириш учун қулай бўлган осон йўл Эммани қизиқтириб қўйди. Масалан, у Родольфга жуда чиройли қамчин ҳадя қилгиси келди, уни Руан магазинларидан бирида кўрганди. Бир ҳафтадан кейин жаноб Лере шу қамчинни келтириб стол устига қўйди.

Лекин эртасига у икки юз етмиш франк, яна қанчаям саётимга счёт кўрсатди. Эмма гангиг қолди, ёзув столи тортмасида ҳеч вақо йўқ эди. Лестибулага ҳам яrim ойчадан бери ҳақ тўлашмаган, ундан бошқа қарзлари кўп эди, Шарль сабрсизлик билан Пётр ҳайитини кутарди, одатда жаноб Дерозере шу кун Шарлга бир йўла бир йиллик ҳақини тўларди.

Икки-уч марта Эмма йўлини қилиб савдогарни жўнатди, лекин савдогарнинг ҳам тоқати тоқ бўлди, ахир қарз берганлар ҳам уни ҳоли жонига қўйишмайди-ку, дастмояси ишга солинган, ҳеч бўлмаса яримёртисини тўламаса, нарсаларини қайтиб олишга мажбур эканлигини айтди.

— Олсангиз ола қолинг! — жеркиб ташлади Эмма.

— Қўйсангиз-чи! Ҳазиллашдим! — деди у. — Фақат мана шу қамчинга ачинаман. Майли, нима қилардик, орингиздан сўраб, қайтариб оларман.

— Йўқ, йўқ! — деди Эмма типирчилаб.

•Ха, ха, қўлга тушдингми?!• деди ичиди Лере.

Шу фикрга қаттиқ ишонч ҳосил қилган ҳолда у Эмманинг олдидан одати бўйича ҳуштак чалиб:

«Жуда соз... жуда соз! Кўрамиз!» деб пингиллаб чиқиб кетди.

Эмма шу мушкул аҳволдан қандай қутулиш йўлини ўйлаб, бош қотириб ўтирганда ошпаз хотин кирк келди ва «жаноб Дерозердан», деб кўк қоғозга ўроғлиқ тугунчани каминининг устига қўйди. Эмма ўрнида сапчиб туриб, тугунчани очди. Унинг ичиди ўн беш наполеондор бор экан. Демак, счётни тўласа бўлади Зинада эрининг оёқ товуши эшитилди — Эмма тил

лаларни ёзув столининг ғаладонига ташлаб, калити-
ни суруреб олди.

Уч кундан кейин Лере яна келди.

— Мен сизга битта битим таклиф қилмоқчиман,—
деди у,— талаб қилинган пулни тўлаш қийин бўлса,
сиз...

— Олинг!— деди унинг сўзини бўлиб Эмма ва
қўлига ўн тўрт наполеондорни тутқазди.

Савдогар ҳанг-манг бўлиб қолди, лекин ҳафсаласи
пир бўлганини яшириш учун устма-уст узр сўрай
бошлади ва яна хизматини таклиф қилди, бироқ
Эмма ҳаммасини қатъият билан рад этди. У кетгаидан
кейин Эмма бир неча дақиқа чўнтағидаги қайтимиға
олган икки юз сўмни тимирскилаб турди. Бундан
кейин тежаб-тергаб, ҳамма қарзидан қутулишга қасд
қилди. Аммо, бир оздан кейин,— «Э, бу пул Шарлнинг
эсига ҳам келмайди!»— деб хаёлидан ўтказди.

Сонига тилла суви югуртилган қамчиндан бошқа
Родольф Эммадан яна Amor nel sog' деб ёзилган
муҳр, шарф ва ниҳоят бир портсигар совға олди.
Худди шундай бир портсигарни бир вақтлар виконт
йўлда тушириб қўйган. Шарль уни топиб олган, Эмма
эса уни хотира учун яшириб қўйган эди. Родольф
Эммадан совға олишни ўзига ор деб биларди. Баъзиларини
олишдан бош тортарди. Лекин Эмма қистаб
туриб оларди, бора-бора Эмманинг ўқтамлиги ва бир
сўзли эканини билгач, итоат қилишга мажбур бўлди.

Кейин Эммада яна ғалати-ғалати орзу-тилаклар
туғилди.

— Тун ярим бўлганда мени эслагин.— деб илтимос
қилди.

Агар Родольф эсга олмаганига иқрор бўлса, боши-
га таъна тошлари ёғиларди, булар доим бир хилда:

— Мени севасанми?— деган сўзлар билан тугарди.

— Бўлмаса-чи!— жавоб берарди Родольф.

— Чинданми?

— Албатта-да.

— Бошқаларни ҳам севганимисан?

— Нима, мен жуда фариштамидим,— дерди кулги
аралаш Родольф.

¹ Қалбдаги муҳаббат (итальянча).

Эмма йигларди, у бўлса ҳавил аралаш ишонтириб, уни овутишга уринарди.

— Ахир севаман-да сени, нима қиласай! — деб боддларди яна Эмма.— Шундай севаманки, сенсиз яшай олмайман, тушунасанми? Баъзан сени шундай кўргим кеп кетадики, изтиробдан юрагим тарс ёрилиб кетадигандек туюлади. «Ҳозир у қаердайкин? Балки у ҳозир бошқалар билан гаплашиб турибдимикин? Улар кулиб боқадилар, у бўлса уларга яқинлашашаити...» деб ўйлайсан киши. Йўқ, йўқ, әнди сенга ҳеч ким ёқмайди, тўғрими? Мендан гўзалроқ ҳам жувонлар бор, лекин улар менга ўхшаб сева олмайдилар! Мен сенинг қулингман! Сенинг маъшуқангман! Сен менинг ҳокимимсан, менинг маъбудам! Сен оқ кўнгил, ажойиб одамсан! Сен доно, сен зўр одамсан!

Унинг гапларида Родольф учун бирорта янгилик йўқ әди, бунақа сўзларни у минг бора эшитганди. Эмма бошқа ўйнашларидан қилча фарқ қилмасди. Янгилик латофати худди либосга ўхшаб секин-аста сирғалиб тушиб кетди, ҳар вақт бир хил шакл, бир хил тилга эга бўлган ҳирснинг доимий бир турдалиги очилиб қолди. Гап тузилишидаги ўхшашлик бу идрокли одамдан ҳисларнинг нозик тафовутини тўсиб қўярди. Родольф шунга ўхшаган гапларни суюқоёқ, фоҳишларнинг лабларидан эшитган ва шунинг учун Эмманинг самимийлигидан гумонсиради. «Одатда жуда ҳам саёз ишқ-муҳаббат, дабдабали сўзлар билан ниқобланган бўлади», дерди Родольф. Худди тўлиб-тошган юрак ҳисларини қуруқ истиоралар билан изҳор этиб бўлмагандек! Ахир шу чоққача ўз орзу-умидларини, ниятларини, ҳасратларини ифодалаш учун аниқ сўз топишга ҳеч кимнинг қудрати етмаган-ку, зероки, инсон нутқи ёрилган қозонга ўхшайди, биз музикамия билан юлдузларни ҳаяжонлантирмоқни истасак, қулоққа ёқмас хунук овозлар чиқади.

Бироқ, ҳатто шавқ-завқнинг энг авжига чиққан вақтида ҳам ақлини йўқотмайдиган, бунга танқид кўзи билан қарайдиган кишилар қаторидан ўрин олган Родольф ўзи учун бу ишқ достонидан қанақадир роҳат топарди. Энди у Эммадан ҳеч қанчча тортинимас, у билан бетакаллуф муносабатда бўлар әди. У Эммани одобсиз, қўлга келадиган қилиб қўйди. Эмманинг

телба эҳтироси Родольфдан завқланиш ҳисси билан сугорилганди, Эмма учун бу ҳузур-ҳаловатнинг манбай, кайф-сафо, сархушлик манбай эди, унинг қалби худди мальвазий бочкасига тушган герцог Кларенсга¹ ўхшаб, маст-аластликдан бочканинг энг тагига чўкиб, кула-ла тушиб ётиб олган эди.

Эмма энди муҳаббат масалаларида тажрибакор бўлиб олди, бу эса уни ўзгартириб юборди. Боқин-лари дадил, сўзлари бурро бўлди. Энди² у Родольф билан бирга сайр этиш ва атайлаб одамларнинг жигига тегиши учун папирос чекишдан ҳам тортинмасди. Лекин кунлардан бир кун у «Қалдиргоч»дан эркаклар нимчасида тушиб келганини кўрганлар илгари фақат шубҳа қилиб юрган бўлсалар, энди ҳамма шубҳалар осмонга учди. Бу маҳаллий аёлларнинг қанчалик газабини келтирган бўлса, эри билан бўлган қаттиқ жаижалдан кейин ўрлинникига келган катта Бовари хоними ҳам шунчалик ғазаблантирган эди. Шуни айтиш керакки, унга яна бошқа кўп нарсалар ҳам ёқмасди: аввало, Эммага романлар ўқишини ман этиш ҳақидаги маслаҳатига Шарль қулоқ солмади; кейин умуман бу уйдаги кайфият унга ёқмасди. Бу ҳақда у оиз очиб кўрганди — қаттиқ норозиликка дуч келди, Фелисите туфайли бир кун қайнана-келин ўртасида жуда катта жанжал ҳам бўлиб ўтди.

Бир кун илгари, кечқурун катта Бовари хоним йўлакдан ўта туриб, Фелиситени бир эркак билан турганини кўриб қолди. Эркак қирқ ёшларга кирган, қора бакенбардлари бор, у оёқ товушини эшишиб, чопиб ошхонадан қочиб чиқиб кетди. Бу гаплардан Эмманинг кулгиси қистади. Лекин хонимойим тутақиб кетиб, фақат ахлоқсиз одамларгина хизматкорларнинг ахлоқсизлигига йўл қўядилар, деб юборди.

— Ўзингиз қаерда тарбиялангансиз? — сўради келин.

Бу саволни бераркан, Эмма қайнанаасига шундай бир ҳаёсизлик билан қарадики, катта Бовари хоним, одамходис ўзингни ҳимоя қилишга уриняпсанми, деб қолди.

¹ Инглиз қироли Эдуарднинг укаси герцог Кларенс (1449—1478) сунқасдда иштирок этганлиги учун ўлим жазосига ҳукм қилинганди, уни мальвазий (ширин вино наси) содиниган бочкага чўктириб ўлдиришларини сўраган экан.

— Йўқол бу ердан! — бақирди келин ва ўрнида иргиб турди.

— Эмма!.. Ойи!, — деди уларни яраптиришга ури ниб Шарль.

Лекин иккала аёл ҳам газабига чидолмай, хонадан ғизиллаб чиқиб кетишиди. Эмма ер тепиниб бақирарди:

— Узини тутишини қаранглар-у! Қишлоқи!

Шарль онаси олдига югурди, у тутақиб кетган эди.

— Юзсив! Енгилтак! Ундан ҳам баттарина! — пишқиради қайнана.

Катта Бовари хоним агар келини ҳозироқ келиб узр сўрамаса жўнаб кетишини дангал айтди. Шарль хотинига югурди. У хотинининг оёқларига йиқилиб ялиниди. Ниҳоят, Эмма рози бўлди:

— Ҳа, бўлти! Бораман! — деди.

Ҳақиқатан у қайнана насининг олдига келиб, маркизаларга хос кибр билан қўлини узатиб:

— Афв этинг, хоним! — деди. Лекин ўз хонасига қайтгач, каравотга мукка тушиб, ёстиқча юзини қўйиб, болалардай ҳўнграб-ҳўнграб йиглади.

Эмма Родольф билан келишиб қўйганди: агар бирор фавқулодда ҳодиса юз бериб қолса, пардага бир парча қоғоз ёпиштириб қўймоқчи эди; агар шувакт Родольф Ионвилда бўлса белги кўрингач, дарҳол уй орқасига ўтиши керак. Эмма қоғозни ёпиштириди. Чорак соат кутгандан кейин у бирдан растанинг бурчагида Родольфни кўриб қолди. Эмма деразани шартта очиб уни чақиришига сал қолди, лекин Родольф кўздан гойиб бўлди. Эмма яна умидсизликка тушди.

Лекин кўн ўтмай тротуарда оёқ товуши эшитилди. Шубҳасиз, бу ўша эди. Эмма зинадан пастга тушди, ҳовлидан чопиб ўтди. Родольф тор кўчада турган эди. Эмма ўзини униш қучогига отди.

— Эҳтиётсизлик қиляпсан, — деди у.

— Оҳ, ҳол-аҳволим нима кечганини билсанг эди! — деб юборди Эмма.

Эмма унга ҳаммасини гапириб берди, шошиб-пишиб, гапидан адашиб, бичиб-тўқиб, палапартиши гапирди, бу гаплар Родольфни батамом гангитиб қўйган эди.

— Бўлди, фариштам! Узингни қўлга ол! Тинчлан! Сабр қил!

— Ахир мен тўрт йилдан бери чидаб келяпман, қийналяпман! Орамиздаги муҳаббатимиз шундай бир муҳаббатки, мен худо олдида ҳам севганимга иқорор бўлган бўлардим! Улар мени қийнаб юбориши, ортиқ чидолмайман! Қутқар мени!

У Родольфнинг кўксига бош қўйди. Унинг ёшдан қизарган кўзлари гўё сувда аксланаётган оловга ўхшаб порларди, тез-тез нафас олишидан кўкраклари кўтариларади. Родольф уни ҳеч қачон ҳозиргидек қаттиқ севган эмасди. Батамом өсини йўқотган Родольф сўради:

— Нима қилиш керак? Нима истайсан, азизим?

— Мени бу ердан олиб кет! — деди. — Олиб кет!.. Ялиниб сўрайман!

У ўлич билан бирга қўшиб беихтиёр розилигини олмоқчи бўлгандай унинг лабларига интилди.

— Лекин... — бошлади Родольф.

— Нима демоқчисан?

— Қизинг-чи?

Эмма бир оз жим турди.

— Бирга олиб кетишга тўғри келади! — деди у.

•Бу қанақа хотин ўзи!• — деб ўйлади Родольф унинг орқасидан қараб қолиб.

У борг томонга чопиб кетди, уни чақирган эдилар.

Кейинги кунларда катта Бовари хоним келинидаги ўзгаришдан ҳайрон бўлиб гапнинг тагига етолмасди. Ҳа, ростдан ҳам Эмма юмшоқ кўнгил, иззат-ҳурматни жойига қўядиган бўлиб қолди, шунчалик жаҳлидан тушибдики, ҳатто қайнанасидан бодрингни қандай тузлашни сўради.

Бу ишлар қайнана ва эрининг кўзини шамғалат қилиш мақсадида қилинармиди? Еки бўлмаса бу ўз ҳолича кулфатларга сабот ва матонат билан қарши туришдан лаззатланиш, ўзи тарк этиб кетаётган ҳамма нарсаларнинг бир чақага арзимаслигини чуқурроқ ҳис этиш истагимиди? Йўқ, бу фикрлардан жуда узоқ эди, аксинча у, яқинлашиб келаётган баҳтнинг лаззатини олдиндан тотишга муқкасидан кетган эди. Родольф билан у фақат шу ҳақда гаплашганди. Бошини унинг кўксига қўйиб пичирларди:

— О, қачон биз сен билан почта каретасига ўтирамиз!.. Кўз олдингга келтира оласанми буни? Наҳотки айтганимиз бўлади-а? Отлар бизни елдай учирив

кетгандай менда шундай бир ҳис пайдо бўлса керакки, бамисоли биз ҳаво шарида осмонга кўтариляпмиз, булатлар томон үчапмиз. Биласанми, менинг кунларни санай бошладим... Сен-чи?

Охирги пайтларда Бовари хоним жуда кўҳлик бўлиб кетди. Бу шодлик, шавқ-завқ, ютуқ билан суғорилган, тил билан ифодалаб бўлмайдиган бир гўзаллик эди. Бу аслида жўшқинлик ва ҳаётий шароитларнинг бир-бири билан уйғулиги ифодаси эди. Ҳавас, изтироб, завқланишдаги тажриба, ҳамиша навқирон орзулар — булар барчаси унинг руҳининг тобора кўтарилишига, худди гулларга ўғит, ёмғир, шамол ва қуёш зарур бўлганидек зарур эди. У энди бутун борлиги билан кундай очилиб кетганди. Унинг кўз қийиги гўё ошиқона боқишлиар учунгина яратилганки, боққанда қорачиқлар йўқ бўлиб кетар, ҳаяжонли нафас олганда нозик бурун катаклари кенгаярди, ёргуда яхши билинадиган қора туклар соя солиб турган дўмбоқ дудоқчаларнинг чети эса юқорига кўтарилади... Унинг гарданидаги гажакларини тажрибакор рассом териб қўйгандек эди. Қалин соchlари мавжланар, хуфиёна севгининг инжиқликларига бўйин эгиб, сочилиб турарди. Эмманинг товуши ҳам, ҳаракатлари ҳам майинлашди, ҳаттоки, унинг кўйлак бурмаларидан, оёқ букикларидан ҳам ўткир ва лекин билинрабилинмас бир нима жилоланиб турарди. Шарль учун у ҳамон уйланган дастлабки кунларидагидек дилбар, жозибали кўринарди.

Шарль ишдан кеч қайтган пайтларида уни уйғотишга журъат этолмасди. Чинни тун чироғининг шульласи шипда доира шаклида пирпирав, каравотнинг оёқ томонидаги сояда эса беланчак устидаги оқ чодир пуфакланиб турарди. Шарль хотинига ва қизига тикиларди. Назарида худди қизининг енгил нафасини илгаётгандек бўларди. Энди у кунлаб эмас, соатлаб ўсади; йилнинг ҳар фаслида унда янги-янги ўзгаришлар пайдо бўлади. Шарль кечқурунлари унинг кулиб мактабдан қайтиб келишини, кўйлакларига сиёҳ теккан, қўлида саватча билан кириб келаётганини тасаввур қиласди. Кейин уни пансионга бериш керак, бу арzonга тушмайди. Нима қилиш керак? Шарль хаёл суриб қолди. У шу яқин атрофдан кичикроқ бир ферманни ижрага олишни мўлжаллади, ҳар куни әрталаб беморлар

олдига кетаётганданда ўзи кириб хабардор бўлиб туради. У ердан чиққан даромадни тўплаб, пулни омонат кассага қўяди, кейин акциялар сотиб олади, бу вақт ичидан унинг bemорлари ҳам кўпайиб қолади. Мана шунга у кўпроқ ишонарди. У Бертанинг яхши тарбия олишини, унда истеъод пайдо бўлишини ва у фортеяно чалишини ўрганишини истайди. Ўн беш ёшга киргандан у онасига ўхшаш ниҳоятда гўзал бўлади ва ёз кунлари иқкаласи кенг соябонли похол шляпа кийиб юришганда, уларни узоқдан кўрган одамлар опа-сингил деб ўйлашади. Шарлнинг кўз ўнгида Берта ота-онасининг олдида чироқ ёруғида ўтириб кашта тикаётгани гавдаланади. У отасига туфли тўқиб беради, рўзгор ишларига боқишиди, бутун уйни ўзининг хушчақчақлиги ва жозибаси билан тўлдиради. Ниҳоят унинг тақдирни ҳақида ўйлашга тўғри келади. Улар қизлари учун ҳар томондан ёлчиган, яхшигина куёв топишади, қизи у билан умрбод баҳтли ҳаёт кечиради.

Эмма ухламаса-да, ўзини ухлаганга солиб ётарди, Шарль унинг ёнида ётиб, кўзи уйқуга кетаётган пайтда у бошқа бироннинг хаёли билан бедор эди.

Мана, бир ҳафтадирки, тўрт от Родольф билан уни ҳеч қачон қайтиб келмайдиган номаълум элларга олиб учади. Улар ҳамон йўл юришади, индамай, қучоқлашиб йўл босишади. Тепадан, уларнинг кўзлари олдида бехосдан ажойиб бир шаҳар — гумбазлар, кўприклар, кемалар, лимонзорлар ва тепасига лайлак ин қўйган, учи қуббали, оқ мармар соборлар намоён бўлади. Улар нотекис тош кўчалардан аста ўтиб борадилар ва қизил корсаж кийган аёллар уларга гул сотиб олишини таклиф этишади. Қўнгироқлар даранглайди, хачирлар ҳанграйди, гитаралар жаранглайди, фонтанлар шовиллайди ва улардан сув чанглари атрофга сачраб, фавворалар орасидан жилмайиб турган, оқ ҳайкалчалар ўрнатилган, тамаллар устига териб қўйилган уюм-уюм мевалярни ҳўллайди. Кечқурин улар Родольф билан балиқчилар қишлоғига келишади, бу ерда қирғоқ қоялари бўйлаб кетган кулбаларнинг ойнаси тагида қорамтири тўрлар шамолда қуритилиди. Улар шу ерда яшашади; улар денгиз бўйида, кўрфазнинг энг четида, олдида хурмо дарахти ўсган, текис томлик пастаккина уйда яшашади. Қайиқда кезишади, тўр беланчакда тебранишади ва улар учун

ўзларининг ипакли кийимларига ўхшаган енгил ва әркин, ўзига мафтун әтган сокин юлдуали туиларга ўхшаган илиқ ва порлоқ ҳаёт бошланади. У ўз тасаввурнида гавдалантирган анави бепоён келажакда ҳеч нарса равшан ажралиб турмасди, ҳамма кунлар завқшавқли, худди тўлқинлар каби бир-бирига ўхшаш ва шу зангори, қуёш нурига бурканган, бир хил садо берувчи кенглик уфқда бир маромда тебранарди... Бироқ шу пайт беланчакда қиз йўталиб қолар ёки Бовари қаттиқ хуррак отарди, Эмма бўлса фақат тонг ёришига яқин, тонг ёруридан дераза ойналари оқара бошлагандагина, Жюстен дорихона дарпардаларини очгандагина уйқу қучогига гарқ бўларди.

Бир кун у жаноб Лереми чақиртириб шундай деди:

— Менга плаш керак, узун, астарли, катта ёқали плаш керак.

— Саёҳатга чиқмоқчимисиз? — қизиқиб сўради у.

— Йўқ, лекин... Хуллас, сизга ишонаман. Хўлми? Аммо тезроқ бўлсин!

Лере таъзим қилди.

— Менга яна чамадон керак... — давом этди Эмма, — унча оғир бўлмасин... Қулай бўлсин.

— Хўш, хўш, тушунаман. Тахминан узунлиги тўқсон тўққиз, эни эллик, ҳозир шунаقا қилиб ясашади.

— Кейин қопкўрпа ҳам.

«Уришиб қолишганга ўхшайди», — ўйлади дилида Лере.

— Мана,— деди, белидаги соатини узатиб Бовари хоним,— ҳақига шуни олинг.

Бироқ савдогар, бу нима деган гап, ахир бир-бири мизни биламиш-ку, наҳотки хонимга ишонмасам? Яхши эмас, деб Эмманинг қўлини қайтарди. Лекин Эмма ҳеч бўлмаса занжирини олишини сўради. Лере занжирни чўнтағига солиб, чиқиб кетмоқчи бўлганда Эмма уни чақирди.

— Буларнинг ҳаммаси сизникида туриб турсин. Плашни бўлса... — у ўйлаб қолди-да, кейин: — плашни ҳам олиб келманг. Лекин сиз менга тикувчининг адресини беринг-да, унга тайинлаб қўйинг, балки плаш менга яқин кунда керак бўп қолар,— деди.

Улар келаси ойда қочишлари керак эди. Эмма гўё бир нарса харид қиласидигандек Руангага боради.

Родольф билет олади, паспортларини тўғрилайди ва унга Марселгача карета тайёрлаб қўйишларини сўраб, Парижга хат ёвади, Марселда улар коляска сотиб олиб, тўппа-тўғри Генуя йўлидан кетишади. Эмма оддиндан юкини Лереникига юборади, у ердан тўғри •Қалдирғоч•га олиб келишади, шундай қилиб, ҳеч кимда шубҳа туғилмайди. Бу режаларнинг ҳеч қайсисида Берта тилга олинмасди. Родольф у ҳақда гапиргиси келмасди; Эмма балки уни хаёлига ҳам келтиргандир.

Ишларини бартараф қилиш учун Родольфга яна икки ҳафта керак эди. Саккиз кундан кейин у яна сафарни икки ҳафта орқага суришни сўради, кейин ўзини касалга солди, кейин қаергадир кетиб қолди. Шу билан август ҳам ўтди, ниҳоят сафар орқага сурилавериб-сурилавериб, охири маълум муддат — тўртинчи сентябрь, душанба кунига тайинланди.

Шанба келди, арафанинг арафаси.

Кечқурун Родольф анча барвақт келди.

— Ҳаммаси шайми? — сўради Эмма.

— Ҳа.

Улар гулзорни айланиб ўтиб, жарликинг тепасида, девор тагига ўтиришди.

— Ҳафадайсан? — сўради Эмма.

— Йўқ, нега энди?

Шу лаҳза у Эммага, айниқса меҳрибонлик билан тикиларди.

— Бунинг сабаби шуки, сен кетяпсан, ўргангани ҳамма нарсалардан, аввалги ҳаётингдан ажраляпсан, шундайми? — сўради ундан Эмма. — Ҳа, рост, мен аҳволингни тушунаман... Мана, мени боғлаб турган ҳеч нарса йўқ! Сен мен учун ҳамма нарсанинг ўрнини босасан. Мен ҳам сенга худди шундай. Оиланинг ҳам, ватанингнинг ҳам ўрнини босаман, бир умрлик ғамхўринг бўламан, сени севаман.

— Зебосан! Зебо! — уни бағрига маҳкам босиб деди Родольф.

— Ростдами? — бўшашиб товуш билан кулиб сўради Эмма. — Севасанми? Қасам ич!

— Тағин сўрайсан-а севасанми, деб? Мен сени жонимдан ортиқ севаман, севгилим!

Яйловлар ортида, уфқда қип-қизил ой гардиши

кўринди. У жуда тез кўтарилиди, ҳар ер-ҳар ерда уни увада пардалардек терак шохлари бекитарди. Кейин ой кўзни қамаштирадиган даражада оппоқ бўлиб бепоён осмон гумбазини ёритди ва ўз юришини секинчаштириб, дарёга шуъласини туширди, шуъла шулаҳза сувда сон-саноқсиз юлдузлар каби пирпирай бошлади. Унинг яллиги сув ичида, тангачалари йилтиллаётган бошсиз илондек тўлқинланиб, дарё тагида ҳам биланглар эди. Яна бу ҳар ёғидан эритилган олмоснинг томчилари оқиб турган ниҳоятда катта қандилга ҳам ўхшарди. Атрофда сокин тун ҳукм суради. Даражатларни ўргарди барглари соя чодирига ўралган. Шамол эсади, Эмма кўзларини ярим юмиб, унинг салқинини суқланиб ичига тортиди. Улар ўз хаёллари билан шу қадар банд эдиларки, гаплашиша олмасдилар ҳам. Бор этагида шовиллаётган дарё каби серсув, сокин боғда ўсган ясминнинг хушбўй иси каби хумор қилувчи ўтмиш нафосати қалбда тўлиб-тошар ва хотираларида қилт этмай турган толларнинг ўт устидаги соясидан ҳам узунроқ ва ундан ҳам мунглироқ соялар пайдо бўларди. Баъзан баргларни шитирлатиб, қанақадир тун ҳайвончаси: типратиконми, латчами овга чиқарди ёки оғир сукунатни бузиб бирдан пишган шафтоли ерга пақ этиб тушарди.

— Нақадар ажойиб тун! — деди Родольф.

— Олдимиизда бундай тунлар ҳали кўп! — сўзини илиб кетди Эмма, худди ўзи билан ўзи гаплашгандек.— Ҳа, сафаримиз ҳам гаштли бўлади... Бироқ, нима учун менинг кўнглим ғаш? Боиси нима экан: ҳали менга қоронғи бўлган келажакдан қўрқиши? Еки ўрганиш бўлиб қолган ҳаёт тарзидан кечеётганимданми?.. Еки... йўқ, бу бахт, толенинг ошиб-тошганидан! Юраксизлик қиляпман-а? Кечир мени!..

— Ҳали вақтинг бор! — деб юборди Родольф.— Яхшилаб ўйла, кейин пушаймон еб юрма.

— Ҳеч қачон! — тутақиб кетиб гапирди Эмма ва унинг пижига кирди.— Мени жин ҳам урмайди. Модомини, сен билан бирга эканман, на саҳро, на жаҳаннам, на океан қўрқинчли эмас мен учун. Бирга кечирадиган ҳаётимизни кўз олдимга келтираман: бу — кун сайин маҳкамлашиб борадиган қучоқлашишлар!.. Бизни ҳеч нарса чўчитмайди: на монеликълар, на машаққатлар! Биз танҳо... батамом... абадий

тандо бўламиз... Қани, сен ҳам гапир, бир нарса дегин ахир!

Родольф ҳар замон-ҳар замон: «Ҳа... ҳа...» деб жавоб берарди. Эмма унинг сочларини тарамлар, ёноқларидан эса йирик-йирик кўз ёшлари думалаб тушарди ва у ҳамон болаларча оҳангда:

— Родольф! Родольф!.. Эҳ, жонгинам, Родольфим! — деб такрорларди.

Бонг овози янгради.

— Тун ярмидан ошди! — деди Эмма. — Эртага кун бошынади. Демак, яна бир кун!

Родольф ўрнидан турди ва бу ҳаракат уларниг қочишига ишорадек бўлди, Эмманинг чеҳраси очилиб кетди.

— Паспортлар сендами?

— Ҳа.

— Ҳеч нарса эсингдан чиқмадими?

— Ҳеч нарса.

— Ростданми?

— Бўлмаса-чи?

— Шундай қилиб сен мени «Прованс» меҳмонхонасида кутасан-а?.. Чошгоҳда?..

У бош иргади.

— Хўп, эртагача, — деди уни охирги марта ўпиф Эмма, кейин унинг орқасидан анчагача қараб турди.

Родольф орқасига ўгирилиб қарамади. Эмма унинг орқасидан чопиб борди ва сувга энгашган буталарниг орасини очиб:

— Эртагача! — деб бақирди.

Родольф аллақачон дарёнинг нариги қиргогида, яйловда тез-тез қадам ташлаб кетмоқда эди.

Бир неча дақиқадан сўнг Родольф тўхтади Эмманинг оқ кўйлакда, худди арвоҳ каби аста-секин ориб зулмат қаърига кириб кетаётганини кўриб, юраги қаттиқ уриб кетди, боши айланди, йиқилиб тушмаслик учун дарахтга суюнди.

— Роса аҳмоқман-а! — деди у ва ёмон сўз билан ўқинди. — Майли, ҳечқиси йўқ, лекин ўйнаплижка жуда боп жувон эди!

Шунда у Эмманинг бор ҳусн-жамолини, бу севғи бажш этган барча шодиёналарни тасаввур қилди. Бу фикр аввал унинг кўнглини анча юмшатди, лекин бир оздан кейин қаҳри қайнаб кетди.

— Мен бутунлай чет әлга кетармишман! Ҳа, ҳалыңызниң пахса қилиб қаттиқ гапирди у.— Таги анари гүдак билан, анари ортиқча матоң билан!

У уа қарориңи шу биләз мустақамлашни истарді.

— Кейин машмаша... харажатлар... Йүқ, йүқ, ҳеч қачон! Бу үтакетган ахмоқлик бўларди!

XIII

Родольф уйига қайтиши билан бир дақиқасин ҳам бой бермай, ўлжа сифатида кийикнинг боши осишлиқ турган девор тагидаги ёзув столига келиб ўтириш. Лекин қўлига қалам олиши билан хаёлига келга ҳамма сўзлар учди-кетди, шунда у тирсагини столға қўйиб хаёлга чўмди. Эмма у учун гўё узоқ ўтмиш эди. У қабул қилган қарор бир зумда иккисининг ўрғасид жуда улкан масофа барпо этди.

Эмма ҳақидаги хотираларни биратўла йўқотиш юбормаслик учун Родольф каравот бошида турган шкафга бориб, одатда хотинларнинг мактубини яшириб қўядиган эски бисквит қутичани суғуриб олди, ундан нам чаңг ва сўлиган гулларнинг иси келарди. Кўзига энг аввал ўнгиб, доф-доф бўлиб кетган дастрўмол ташланди. Бу Эмманинг дастрўмоли эди, бир кун улар сайр қилиб юришганда Эмманинг бурнидан қон келган, шунда шу дастрўмолга артган эди, лекин қачонлиги Родольфнинг эсидан чиқиб кетибди. Енида тўрт бурчаги титилиб кетган Эмманинг кичкинагина сурати ётарди. Унинг кийиниши ўзига оро берганлигини кўрсатарди, боқишлиари, кўз сузишлиари Родольфнинг фикрича, гоят аянчли эди. Суратга тикилиб ўтириб, Родольф хаёлан Эмманинг олдига келтиринига уринди, аммо унинг расми билан жонли юзи бирбирига ишқаланиб, суркаланиб аста-секин ёйилиб кетди. Кейин Родольф, унинг мактубларини ўқий бошлади. Барчаси кетиш ҳақида, худди расмий қоғозларга ўхшаб, ҳисқа, жиддий ва қатъийлик билан ёзилганди. У Эмманинг авваллари ёзган, узун мактубларини ҳайтадан ўқигиси келди: улар қутичанинг энг тагида сақланарди, уни олиш учун қутичадан ҳамма нарсани ағдаришга тўғри келди ва шошилиб бир уюм қоғозни ва буюмларни титкилай боплади: уларнинг ичидан

ҳали кичкина гулдаста, ҳали резинка тасма, ҳали қора никоб, ҳали тўғнагич, ҳали соchlар чиқарди. Қора, сариқ соchlар... Баъзи соч толалари қутичанинг темир ҳошиясига илашар ва уни очганда увилиб кетарди.

Хаёллар оламида кевиб юаркан, у худди әгалари-га ўхшаган мактубларининг турли-туманлиги, услуб ва имлосига зеҳн соларди. Уларнинг ичида нозли ва шўхлилари, ҳазиломуз ва қайгуилари учрарди, бирида муҳаббат талаб қилсалар, иккинчисида пул сўрардилар. Баъзиларида битта сўзининг ўзи хотирасида мактуб әгасининг юзини, ҳаракатини, товушини жонлантирса, бошқалари аксинча, ҳеч нимани эслатмасди.

Аёллар бир-бирларига халақит бериб унинг хаёлини ўғирларди, бачканалашиб, севгининг умумий дараҷаси-уларнинг қиёфасини йўқотарди. Аralаш-қуралаш бўлиб кетган хатларни Родольф бир қанча вақт қизиқиб у қўлидан бу қўлига ташлаб ўтирди. Кейин бу унинг кўнглига урди, уйқусини келтирди, у қутичани қайтиб шкафга қўйди-да, ўз-ўзига:

— Ҳаммаси беҳуда гаплар!.. — деб қўйди.

Унинг ўйлаганича бор: ҳирс, айш-ишрат унинг қалбини ўқувчилар мактаб ҳовлисини шиббалагандек шиббалаб ташлади, у ерда бир дона кўкат қолмади, унда рўй бераётган аҳвол мактаб болаларидан баттарроқ енгилтакликтан иборат эдики, уларга қарама-қарши ўлароқ ҳатто деворга ўйиб ёзилган исмлар ҳам қолмаганди.

— Қани бошлайлик, жаноб Родольф! — деди ўзига ва ёза бошлади.

«Бардам бўлинг, Эмма, бардам бўлинг! Мен хаётингизнинг оғуси бўлмоқчи эмасман...»

«Рости ҳам шу-да,— деб ўйлади Родольф,— мен унинг фойдасини кўзлаяпман, вижданан иш қиляпман».

«Қилган қарорингизни яхшилаб ўйлаб кўрдингизми? Мен Сизни ўзим билан қанақа чуқур жарга олиб тушиб кетишимни тасаввур эта оласизми, менинг фариштам? О, йўқ, йўқ! Сиз яқинлашиб келаётган баҳтдан умидвор бўлиб лақмалик ва эҳтиётсиалик билан

**олга интилдингиз... О, бизларнинг нақадар толеимиз
нигун! Бизлар телбалармиз!..»**

**Родольф тўхтади. Қанақадир бир муҳимроқ баҳона
топиш керак эди.**

**«Унга мол-мулкимдан ажралдим, деб ёсаммикан?..
Йўқ, йўқ! Бу билан ҳеч нарса ўзгармайди. Бир оз
ўтгандан кейин ҳаммаси бошқатдан бошланади.
Унга ўхшаган аёлларга бирор гапни уқтириб бўла-
дими?»**

Бир оз ўйлаб ўтириб яна патқаламни қўлга олди:

**«Мен Сизни ҳеч қачон унутмайман, ишонинг, ме-
нинг Сизга бўлган садоқатим ҳеч ўзгармайди, бироқ
эртами, кечми бизнинг алангамиш (одамзод ҳис-туйғу-
сишинг қисмати шу) барибир совиб қолар эди! Унинг
ўрнига руҳий ҳоргинлик келарди, ким билади дейсиз!
Балки Сизнинг пушаймон бўлганингизни кўриб, мен
ҳам ҳасрат оловида ёнарман. Сизнинг азоб чекаётга-
нингизни кўриб пушаймон ерман. Сизга нақадар оғир
эканлигини ўйласам юрагим ўтдек ёнади, Эммаги-
нам! Мени унтунг! Нега мен Сизни учратдим? Нега
Сиз шунчалик гўзалсиз? Менинг жиноятим нимадан
иборат? Е, раббий! Йўқ, йўқ, ҳаммасига қисмат айб-
дор!»**

**«Шу сўз ҳамма вақт юракка бориб тегади», — деб
ўйлади Родольф.**

**«О, Сиз агар, ҳар қадамда учрайдиган ўша енгил
табнатли аёллардан бўлсангиз, шубҳасиз, ўз худбинли-
гим туфайлиёқ шу ишга қадам босган бўлурдим ва
ўшанда менинг ҳаракатим Сиз учун хавфли ҳам бўл-
масди. Бироқ Сизнинг жозибангизнинг сири ва шу бы-
дан бир қаторда чеккан изтиробларнинг манбай бўл-
ган ҳайратомуз шавқ-завқингиз, о, сеҳргар ёр, кела-
жакдаги аҳволимизнинг сохталигини тушунишга йўл
қўймади! Мен ҳам келажакни олдиндан кўрмадим,
ҳеч нарсани ўйламадим, гўё манценилла¹ соясида, бе-
қиёс бахт соясида ором олдим!»**

¹ Манценилла — меваси заҳарли шарбат берадиган да-
ражат. Ривоятларга қараганда, бу дараҳт тагида ухлаб қолган
одам ўлармини.

«Худо уриб, у хасиеликдан мендан юз ўгиряпти, деб ўйламасайди... Ҳа, бўлар иш бўлди! Тамом ҳулиш керак!»

«Аъёнлар шафқатсиз, Эммагинам! Улар бизни бетўхтов таъқиб этиши мумкин. Сиз эсангиз ҳаммасига чидашга мажбур бўлардингиз: бемаза саволларга ҳам, фисқи фасод, қарғишларга ҳам ва эҳтимолки, ҳақоратларга ҳам бардош беришингиз керак бўларди. Сизни ҳақорат қилсалар-а! О... Мен бўлсан аллақачон Сизни хаёлан арши аълога кўтарганман! Сизнинг хотирангизни мен бир умр тумор каби сақлаб юраман! Мана, энди Сизга ўтказган жабру жафоларим учун ўзимни қувгинликка ҳукм этаман. Мен бош олиб кетяпман. Қаерга дейсизми? Билмайман. Мен ақлимдан озмоқдаман. Алвидо, севгилим! Мени ёмонлик билан тияга олманг. Сиздан жудо бўлган бебаҳтни унутманг. Қизингизга ўргатинг: менинг ҳақимга дуо қиласин!».

Шамнинг олови пирпиради. Родольф турди, деразани ёниб келиб яна столга ўтирди.

«Етарли бўлди шекилли. Ҳа, бу гапни ҳам қўшиб қўйиш керак, фалокат босиб орқамдан эргашиб қолмасин...»

«Сиз мана бу қайгули сатрларни ўқиёттган пайтигизда мен Сиздан анча узоқда бўламан — Сизни кўрсан орзусига тушиб қолмаслик учун бетўхтов қочишга қарор қилдим. Битсин иродасизлик! Мен қайтиб келаман ва ўшанда ким билади дейсиз, эҳтимол, биз Сиз билан ўтмишдаги ошналикларимизни хотиржамлик билан ёдга олармиз. Алвидо!..»

«Алвидо» деган сўздан кейин у ундов белгиси ва кўп нуқталар қўйди — шуни у олий ҳашамдорлик белгиси деб топди.

«Қандай қилиб имзо чекай,— сўради у ўз-ўзидан,— «Вафодор дўстингиз», йўқ, «Сизнинг дўстингиз». Ҳа, мана шуниси соз.

«Сизнинг дўстингиз».

У хатни қайта ўқиб чиқди ва кўнгли тўқ бўлди.
«Бечора! — раҳми келиб ўйлади Родольф.— Мени бағ-

ри тош деб ўйлайди у. Шу ерда кўз ёш тўкиб қўйис керак эди, ҳамма бало шундаки, мен йиглаши бил майман, айбим нима?»

Родольф стаканга сув қўйди, кейин бармогини ботириб қофознинг устига бир томчи томизди, унда шу заҳоти каттакон, ним ранг сиёҳ доғи пайдо бўлди. У хатни нима билан муҳрлашини билмай, у ёқ-бу ёқни қидирди, унинг кўзи *Amor nel sog* — деб ёзилган муҳрга тушди.

«Унча тўғри келмайди-ку... Ҳа, ҳеч гапмас, шу ҳам бўлаверади!..»

Кейин уч марта трубка чекди, кейин ухлагани ётди.

Эртасига Родольф ўрнидан туриши билан (шунида соат иккига яқинлашиб қолган эди, у ухлаб қолибди) битта саватда ўрик теришга буюрди. Энг тагига мак тубни қўйди. Кейин уни узум барглари билан бекитди ва шу заҳоти хизматкори Жирарга саватни эҳтиёт қи либ Бовари хонимга олиб боришни буюрди. Родольф Эммага кўпинча шу тариқа хат етказар, унга йил фас лига қараб ҳўл мева ёки парранда гўштидан юбора эди.

— Агар у мени сўраса, кетдилар, дегин,— тайинлади у.— Саватни ўз қўлига бер... Уқдингми? Бўлти жўна!

Жирар янги блузкасини кийди, ўрик солинган саватни рўмолча билан боғлади ва нағал қоқилган кўпол этигини кийиб олиб, оғир қадам ташлаб, бамай лихотир Ионвилга равона бўлди.

У Бовариларнинг ошхонасига кирганда, Эмма билан Фелисите стол устида кирларни тахлашмоқда эди.

— Мана,— деди Жирар,— бу сизга, менинг хўжанимдан.

Эмманинг юраги «шув» этиб кетди. Чўнтаидан маъда пул қидира туриб, Эмма деҳқонга саросима била тикилди, у бўлса оддий совга хонимни шунчалик ҳаҷонга соганига тушунмай, Эммага анқайиб қараб турар эди. Ниҳоят у кетди. Фелисите ошхонада қолди Эмма чираб туролмай, ўрикни олиб кетган киши бўли залга чиқиб кетди, саватни ағдарди, баргларни титкилаб мактубни топди, очди ва худди орқасида даҳшатли ўт аланга олаётгандек, довдираб, ўз хонасига чопди.

У ерда Шарль бор эди, Эмма уни дарров кўрди. Эммага бирор нарса деди, бироқ Эмма унинг гапини-

шитмади — довдираган, ақл-ҳушини йўқотган бир ҳолда, ҳансира б зинадан чопиб кетмоқда эди, қўлида эса тахта тунука қалдирагандек анави шум қоғоз шитирлар эди. Учинчӣ қаватда чердакка кирадиган берк эшик олдида тўхтади.

Шу ерда у нафасини ростлади, хат эсига тушди, уни охиригача ўқиш керак эди, лекин юраги дов бермасди. Қаерда ҳам ўқисин? Қайси юрак билан? Уни кўриб қолишлари мумкин.

«Ҳа, йўқ, мана бу ёққа кира қолай! — ўйлади у.— Бу ерда мени ҳеч ким кўрмайди».

Ў эшикни итариб очди-да, ичкари кирди.

Шифер ёпилган том қизиб, чердакнинг ичи шунчалик димиқиб кетган эдики, Эмманинг чакка томирлари уриб кетди, нафаси қайтди. У берк турган болохона эшиги олдига зўрга борди, лўқидонни сурди ва чараклаган офтоб нури ярқ этиб унинг кўзига урилди.

Унинг шундоқ рўпарасида, томлар ортида, кўз илғамас далалар ястаниб ётарди. Пастда кимсасиз майдон кўринарди, офтоб нурида тош ялтирас, флюгер айланмас, бурчакдаги уйнинг пастки қаватидан гижирлаган озоз эшитиларди. Бу Бине токарлик станогида алланимани чархламоқда эди.

Эмма деворга суюнди ва заҳархандалик билан жилмайиб мактубни бошқатдан ўқий бошлади. Аммо у мактубни ҳанчалик диққат билан ўқимасин, шунчалик унинг фикрлари чалкашарди. У Родольфни кўрар, уни қучоқлар эди, юраги гурс-гурс қилас, тартибсиз ва тез-тез уради. У атрофга боқди ва ер ёрилиб унга маъзв бўлишни истади. Нега у ҳаёт билан ҳисоб-китобини тугата қолмайди? Уни нима ушлаб турибди? Ахир у Эркин-ку! Эмма бир қадам ташлаб, тош кўчага кўз қирини югуртиб, ўз-ўзига:

— Бўл! Бўл! — деди.

Пастдан тарапалётган нур унинг бирдан муаллақ бўлиб қолган танасини бўшлиққа тортарди. Унинг назарида тош кўча чархпалак бўлиб айланар, уйларнинг томига тирмасиб чиқаётганига ўхшар, худди пўртана вақтидаги кемаларнинг палубасига ўхшаб, ер ҳийшайиб бормоқда эди. Эмма томнинг энг четида, бепоён бўшлиқ билан юзма-юз, деярли бутун оғирлигини солиб энгашиб турарди. Кўм-кўк осмон уни чулғаб олмоқда, бўш қолган миясида шамол ғувилларди, Эмма фа-

ҳат иктиёр жиловини бўшатса бўлди эди. Токарлик станоги эса ҳамон гижирлар, уни кимдир жадъ билан чақиргандек бўларди.

— Хотин, ҳой хотин! — чақирди Шарль.

Эмма ўзини орқага ташлади.

— Каердасан? Бу ёқса кел!

Бир лаҳза бурун ҳаёти қил устида турганини ўйлашнинг ўзидан Эмманинг кўнгли озиб қолай деди. У кўзларини юмди, иктиёrsиз чўчиб тушди: кимдир унинг қўлига тегди. Бу Фелисите эди.

— Хоним, сизни хўжайин кутяптилар. Шўрва сумиди.

Ҳа, пастга тушишга тўғри келди! Овқатга ўтиришга ҳам тўғри келди!

У овқатланишга уринди, лекин томоғидан ҳеч нарса ўтмасди. Ниҳоят, у гўёки чокини кўрмоқчи бўлгандек бўлиб, сочиқчани ёйди, аммо беихтиёр ипларини санаб кетди. Бирдан хат эсига тушиб қолди. Наҳотки йўқотиб қўйган бўлса? Топиш керак! Лекин руҳий ҳоргинлик устун келди, у овқат устидан туриб кетиш учун ҳеч қанақа баҳона тополмади. Кейин уни қўрқув босди, Шарлдан қўрқар эди: у ҳаммасини билади, бунга шубҳа йўқ! Ростдан ҳам у тагдор қилиб:

— Энди яқин ўртада Родольфни кўрмасак керак,— деди.

— Ким айтди сенга? — ҳовлиқиб сўради Эмма.

— Менга ким айтди? — сўради Шарль унинг товушидаги кескинликдан хиёл ҳайратга тушиб.— Жирарада, мен уни ҳозир «Франция» қаҳвахонаси олдида учратдим. Родольф ё кетибди, ёки кетишга отланяпти

Эмма хўрсаниб қўйди.

— Бунинг нимасига ажабланасан? У кўнгил очиш учун тез-тез у ёқ-бу ёқларга кетиб қолади, мен уни яхши тушунаман. Бадавлат, бўйдоқ, унга нима... Узига ором беришга, хурсандчилик қилишга дўстими: анча тузук, охир у хушчақчақ йигит!.. Менга Ланглу: айтиб берган эди...

Шу вақт хизматчи хотин кириб қолди, Шарль одобюзасидан жим бўлди.

Фелисите этажеркада сочилиб ётган ўрикларни йигиб, саватга солди. Шарль хотинининг қизариб кетганини сезмасдан, уларни столга олиб келишга буюрди битта ўрикни олиб тишлади.

— Яхши! — деди у,— татиб кўр!

У ўрикни савати билан узатди, Эмма уни оҳиста итарди.

— Битта ҳидлаб кўргин! О, хушбўйлигини қара-я! — деди Шарль саватни Эмманинг худди юзига олиб бориб.

— Нафасим сиқиляпти,— ўриндан дик туриб қич-қирди Эмма. Лекин ўзини тутиб олди.— Ҳечқиси йўқ, ҳечқиси йўқ! Бу — асабнинг бузилишидан! Утириб овқатланавер!

Эмма Шарлнинг сўраб-суриштиришидан, меҳрибонлик қилишидан, уни тинч қўймаслигидан қўрқарди.

Шарль итоаткорлик билан жойига ўтиреди. Ўрикнинг данакларини олдин у кафтига туфлар, кейин тарелка-га қўярди.

Бирдан майдондан зангори тильбюри гириллаб ўтиб кетди. Эмма қаттиқ чинқириб мукласига йиқилди.

Узоқ мулоҳазалардан сўнг Родольф Руанга бориб келишга қарор қилган эди. Бироқ Ла Юшетдан Бюшига фақат Ионвиль орқали ўтиларди, бошқа йўл йўқ эди, Эмма Родольфнинг экипажини иккита чақмоқдай шуъласидан, зулматни ёриб ўтадиган фонуслар шуъласидан таниб қолди.

Бовари уйидаги шовқин-суронга фармацевт югуриб келди. Устидаги ҳамма идиш-товоқлари билан стол ағдарилиб ётарди; қайла идиш, қовурма, пичноқлар, туздон, прованс ёғи солинган идиш — ҳаммаси ерда ётарди. Шарль ёрдамга чақирап, қўрқиб кетган Берта чинқириб йигларди, Фелисите қўллари қалт-қалт титраб, бекасининг кўйлак боғичларини ечарди. Эмманинг бутун аъзойи баданининг томири тортишарди.

— Мен ҳозир лабораториямдан ўткир сирка оляб келаман,— деди дорихоначи.

Эммага уни ҳидлатишди, у кўзини очди, жаноб Оме шу заҳоти:

— Ишончим комил эди! Бу сиркадан ўлик ҳам тирилади,— деди.

— Бир нарса дегин! Бир нарса дегин! — деб ялинарди Шарль.— Ўзингни қўлга олгин! Мен, мен сенинг Шарлинг бўламан, севаман сени, жонгинам! Мени танияпсанми? Мана, мана, қизинг! Қани, уни бир ўпгин!

Қиз онасига интилди, жажжи қўлчалари билан

унинг бўйнидан қучоқламоқчи бўларди. Эмма тескари қаради, тўхтаб-тўхтаб:

— Йўқ, йўқ... Ҳеч ким керакмас! — деди.

Яна ҳушидан кетди. Уни каравотга олиб бориб ёт-қизишиди.

У, оғзи сал очилган, кўзлари юмуқ, чўзилиб ётарди, қўллари икки ёққа ташланган, жонсиз, ранглари мум қўғирчоқникидек сап-сағайиб кетган эди. Кўзидан ёшлари томчилаб, ёстиқча оқнб тушарди.

Каравот ёнида Шарль ва дорихоначи туришарди. Жаноб Оме бунингдек мусибатларда тақозо қилинадиган одатларга риоя қилиб, юзига чуқур маъниоли ифода бериб жим турарди.

— Безовта бўлманг! — деди у ниҳоят Шарлнинг тирсаги тагидан ушлаб. — Менимча пароксиzm¹ тамом бўлди.

— Ҳа, майли, эмди у дам олсин! — ухлаб ётган Эммага қараб гапирди Шарль. — Бояқиш!.. Бояқиш!.. Яна тоби қочиб қолди!

Оме қандай унинг ҳушидан кетганини сўради. — Урик еб турганда бирдан кўнгли озиб қолди, — деб жавоб берди Шарль.

— Қизиқ!.. — деди фармацевт. — Лекин худди шу ўрикдан кўнгли озган бўлиши мумкин! Шундай мижозли одамлар ҳам борки, уларга бир хил ҳид жуда қаттиқ таъсир қиласди. Бу ҳодисаларга патологик нуқтаи назардан, физиологик нуқтаи назардан қараш қизиқарли бўларди. Руҳонийлар бу нарсага кўпдан эътибор беришган — уларнинг диний маросимларни ижро этган маҳалларида шундай ҳидли нарсалардан фойдаланишлари бежиз эмас. Улар тоат-ибодатга келганларнинг бошини гангитиб, жазавасини туттирадилар, бу айниқса гўзал аёллар жинсига жуда тез таъсир қиласди, ахир нима деманг, улар эркакларга қараганда ожизлар. Баъзи бир аёлларнинг куйдирилган шохдан, янги ёпилган ноннинг ҳидидан беҳуш бўлишлари ҳам бизга маълум.

— Уни уйғотиб юборманг! — деди шивирлаб Бовари.

— Аммо лекин бу аномалия² фақат одамлардагина эмас, ҳайвонларда ҳам учрайди, — давом этарди дори-

¹ Руҳий касалликнинг тўсатдан қайтарилиши.

² Одатдаги ҳолдан четга чиқиш.

хоначи.— Сиз албатта, мушуклар жинсининг шаҳватини *pereta cataria*, яъни ўзимизча қилиб айтганда, чўл ялпизи қўзгатишни эшитгансиз. Мана сизга яна бошқа мисол, худо ҳақи, сўзимга ишонаверинг: менинг эски қадрдан дўстим Бридунинг (у ҳозир Руанда, Мальпалю кўчасида истиқомат қиласди) битта ити бор — ана шу итнинг тумшуғига тамакидонни олиб борсангиз бас, у шу заҳоти оёқ-қўли чангак бўлиб шайтонлай бошлайди. Бриду, Буа-Гильомдаги шийлончасида бу тажрибани дўстларига тез-тез кўрсатиб туради. Оддий бир аксиртадиган нарса тўрт оёқликнинг организмида шу қадар зўр ўзгариш беради, деган фикр кимнинг ақлига келибди дейсиз. Ажойиб савдолар, тўғрими?

— Ҳа, ҳа,— деди Шарль ҳеч нарсанни эшитмаган бўлса ҳам.

— Бу шуни исботлайдики,— ўз-ўзидан мағур ва самимий илжайиб яна гапириб кетди фармацевт,— асаб хасталиклари хилма-хил. Сизнинг рафиқангизга келсак, худо ҳақи, мен у кишини ҳамма вақт ортиқ даражада нозик табнатли деб ҳисоблардим. Мен ўрнингизда бўлсам, биродари азиз, мактоби зўр янги дорилардан бирортасини ҳам ишлатмасдим, улар касални туватмайди, лекин мижозга хатарли таъсир этиши турган гап. Йўқ, йўқ, битсин бефойда дорилар! Парҳез улуг иш! Огриқни босувчи, юмшатувчи, тинчлантирувчи дориларга кўпроқ мурожаат этиш керак. Сиз қандай деб ўйлайсиз, бордию, унинг хаёлига таъсир киргаб чалғитсак, қандай бўларкин?

— Нима билан? Қандай қилиб?— сўради Бовари.

— Ҳамма масала шунда-да! Бу масала ҳақиқатан ҳам ғоят мураккаб, газетанинг охирги сонида ёзилгандек *That is the question!*.

Шу чоқ Эмма ўзига келди.

— Мактуб! Мактуб! — деб ингради у.

Шарль ва Оме буни алаҳлаш деб ҳисоблашди. Ярим кечага бориб Эмма ростдан ҳам алаҳлай бошлади. Унинг мияси яллиғлангани аниқланди.

Кирқ уч кун Шарль Эмманинг олдидан жилмади. У

¹ Мана масала шу ерда-да (анг.) — Шекспир асаридаги Гамлетинаг сўзи.

беморларга қарамай қўйди, ётиб ухламади, у ҳадеб Эмманинг томирини ушлаб кўрар, горчичниклар, со-вуқ компресслар қўйиш билан овораи сарсон эди. У Жюстенни Нефшателга музга чоптирас; муз аса йўлда ариб кетар, Шарль уни тагин қайтариб юборарди. У консультация учун жаноб Канивени, Руандан ўз усто-зи доктор Ларивьерни чақиртирди. У тамоман гангид қолган эди. Эмманинг тамоман дармонсизланиши уни қўрқитарди. Эмма бир оғиз гапирмас, ҳеч нарса эшит-масди. Кўринишдан у ҳеч қанақа азоб чекмаганга ўх-шарди, гўё у ҳамма ташвишлардан кейин ҳам руҳан, ҳам жисман ором олаётгандек эди.

Ниҳоят, октябрнинг ўрталарида у ёстиққа суюниб ўрнида ўтира бошлади. У биринчи марта бир бурда понга қиём суртиб еганини кўриб, Шарль ҳўнграб йиглаб юборди. У қувватга кира бошлади. Кундуз кунлари у бир неча соатга ўрнидан туради, кунлардан бир кун, Эмма анча тузалгандан кейин Шарль у билан богда айланниб юрмоқчи бўлди. Йўлкалардаги қумнинг усти тўкилган барглар билан қопланганди. Эмма туфлисини судраб босиб, бутун оғирлиги билан Шарлга суюлиб, табассум билан секин-секин юриб борарди.

Шу ҳолда улар бояннинг этагига етишди — нарёги жарлик эди. Эмма зўрга-зўрга бошини кўтариб, кафтлари остидан атрофга тикилди. Унга олислар кўринар, Бироқ шу бўм-бўш ялангликда тутаб ётгай гулжонлар кўзга ташланарди, холос — тепаликда касчўпларни ёндиришмоқда эди.

— Узилиб қоласан, жонгинам,— деди Шарль.

У Эммани астагина шийпончага олиб келди.

— Утир скамейкага, бу ерда ором оласан.

— Иўқ, иўқ! У ёққа бормайман! Бормайман! — деди Эмма нафаси ичига тушиб.

Унинг боши айланди. Кечқурун у яна ётиб қолди. Лекин унинг касалини аниқлаш энди жуда қийин эди. Хасталик белгилари ниҳоятда хилма-хил эди. Эмманинг гоҳ юраги санчар, гоҳо кўкраги, гоҳо боши, гоҳо оёқ-қўллари оғрирди. Кўнгил айнаб, қусиш ҳам бошланди, Шарль буни ракнинг дастлабки белгилари, деб ҳисоблади.

Улганнинг устига тепгандек, бу орада Шарль бечора пулдан ҳам сиқилиб қолди.

Аввало Шарль жаноб Омега дориларнинг пулими қандай қилиб тўлашни билмасди. У врач бўлганлиги учун тўламасликка тўла ҳақли эди, лекин қарз эсмига тушса баданидан тер чиқиб кетарди. Ундан ташқари уйларидаги рўзгор ишларини идора қилиш ошпаз хотинга ўтганди ва хўжалик чиқимлари ҳаддан зиёд ошиб бормоқда эди; счёлар ёмрирдек ёғилар, мол берувчиilar вайсашарди; айниқса, Шарлни жаноб Лере қонига ташна қилиб юборди. Эмманинг касали энг авжига чиққан маҳалда у, вақтни ранимат билиб, қарзларни кўпайтириш учун плаш, қопкўрпа, биттанинг ўрнига икита чамадон, яна анча-мунча нарсалар олиб келиб ташлашга шошилди. Шарль унга бу нарсаларнинг асло кераги йўқлигини шунча тушунтиrsa ҳам савдогар сурбетлик қилиб, ҳаммаси илгари буюртирилган, энди қайтиб олмайман, деб туриб олди. Бовари қонимни безовта қилиб бўлмайди — бу у киши учун заарли. Жаноб Бовари нима қилсалар қилсинларки, Лере молни қайтиб олиб кетмайди, керак бўлса, ўзининг ҳақ эканини судда исбот қиласди. Шарль бу нарсаларни бетўхтов магазинга олиб бориб ташлашга буюрди. Бироқ бу Фелиситенинг эсидан чиқиб кетди. Шарлнинг усиз ҳам ташвишлари бошидан ошиб ётарди, шунинг учун нарсалар шу қолганча қолиб кетди. Шунда жаноб Лере яна бир уриниб кўрди. Гоҳ ёлвориб, гоҳ дўй-пўписа қилиб, ниҳоят, Боваридан яrim йиллик муддат билан вексель олволди. Бироқ векселга қўл қўйиб улгурмасдан Шарлда жаноб Лередан минг франк қарз олиш фикри туғилди. У журъатсизлик билан, минг франкни бир йилда тўлаш шарти билан қаердан олса бўларкин, ҳар қанча процент бўлса ҳам тўлашга тайёрман, деди. Жаноб Лере оёғи олти, қўли етти бўлиб дўконига чопди, пул олиб келди ва яна битта векселни ўзи айтиб туриб ёзди. Бу вексель бўйича, Бовари келаси йилнинг биринчи сен-тябрига тўлаш шарти билан бир минг етмиш франкка қўл қўйди, шундай қилиб, биринчи векселдаги бир юз саксон франк билан қўшилиб бир минг икки юз эллик франк қарз бўлди. Шундай қилиб, олти процент билан пул берган жаноб Лере ҳамма пулнинг чорак қисми-ни комиссия учун ўмарид ва моллари учун ҳамма

пулнинг учдан бир қисмини олиб, бир йилга бир юз ўттиз франк нақд фойда олишни мўлжаллаган эди. Яна у иш бу билан битмаслигидан умидвор: Бовари ҳеч қачон пулни вақтида тўлай олмайди, у векселни бошқатдан ёпишга мажбур бўлади ва жаноб Леренинг сармояси докторнинг қўлида бўрдоқига боқилгандек, ажойиб кунларнинг бирида, ўз хўжайинига семириб қайтиб келади, ана шунда кўрасиз, муллажирингни қўйишга жой тополмай қолади.

Умуман, кейинги вақтларда жаноб Леренинг ошиги олчи: у Невшатель касалхонаси учун сидр етиштириб туришга киришди, жаноб Гильомен Грюменъель торф қазиб чиқарадиган ширкатнинг акциясини олиб беришга ваъда берди, ўзининг бўлса Аргейль билан Руан ўртасида киракаш дилижон юргизиш нияти бор, бу жуда тез кунларда «Олтин шер»нинг катта, оғир аравасини ситиб чиқаради, деган сўз эди; дилижон тез юради, арzon туради, юкин кўп олиш мумкин, шундай қилиб, сал вақтдан кейин Ионвиль савдо ишларининг барча калаваси жаноб Леренинг қўлига ўтади-қўяди!

Шарль келаси йилига мана шунча пулни қаердан топа олишини ўйлаб узоқ бош қотирди. У пул топишининг хилма-хил йўллари устидаги хаёл сурди. Отасига мурожаат этмасмикин ёки бирор нарса сотсамикин? Лекин отаси ўлса ҳам унга пул бермайди, сотишга ҳеч вақо йўқ. Аҳвол ниҳоятда мушкул эди, ғам еяверишнинг фойдаси бўлмагандан кейин у кўнгилсиз фикрларни миясидан ҳайдашга уринди. Ўй-рўзғор ғам-ташвишлари Эммадан чалғитгани учун у ўкинар, айни вақтда, бутун фикр-зикри Эммада бўлиши керак, бошқа бирор нарса ҳақида ўйлаш ундан бир нарсанни тортиб олмоқ демакдир.

Қиши қаттиқ келди. Бовари хонимнинг тузалиши ҳам чўзилиб кетди. Ҳаво очиқ кунлари уни креслога ўтқазиб, майдонга қараган дераза тагига олиб келишар, боғ томонга қараган деразага энди доим парда тутилган эди. Бовари хоним боғни эсга олмасди. Отни сотиб юборишга буюрди — олдинлари севган нарсалардан унинг кўнгли қолган эди. Фикри зикри ўзи атрофида айланарди. Ўринда ётиб енгил овқат еяр, хизматчи аёлни қўнгироқ чалиб чақириб, декокт¹ тайёр бўлган-

¹ Декокт — қайнатма шўрва.

лигини сўрар, у билан гап сотишиб ўтиради. Раста бо-
зорниг томида ётган қордан уйнинг ичи эртадан-кеч-
гача ёруг эди. Кейин тўхтовсиз ёмғир ёга бошлади.
Эмма ҳар кунги шаҳар янгиликларини қизиқиб куза-
тиб борарди, лекин бирор арзигулик воқеа рўй бермас,
бири бирита ўхшаган, такрорланадиган ҳодисаларнинг
Эммага ҳеч қанақа алоқаси йўқ эди. Ҳаммадан қизи-
қарли воқеа «Қалдиргоч»нинг кечқурун Ионвилга қай-
тиб келиши эди. Қовоқхона бекаси бақириб-чақирав,
бошқа овозлар унга жавоб беришар эди. Экипажнинг
устидаги брезентдан тугунларни олаётган Ипполитнинг
фонуси бўлса зулматда юлдуздек милтилларди. Пе-
шинда Шарль уйга келиб кетарди. Кейин Эмма қай-
натма шўрва ичади, кечқурун, соат бешларга яқин
мактабдан қайтаётган болалар ёғоч кавушларини тў-
қиллатишиб, бирин-кетин чизгичлари билан дераза дар-
пардасини қилдиратиб ўтишарди.

Мана шу соатларда одатда аббат Бурнизъен Эмма-
ни кўргани келарди. У Эмманинг саломатлигини сў-
рар, янгиликлардан гапирав, тортинмай Эммани ҳая-
жонлантирмайдиган, шу билан бирга анча қизик бўл-
ган гаплардан гапириб ўтириб, билинтирмасдан унинг
хаёлини диний масалаларга буриб кетарди. Сутанаси-
нинг кўринишининг ўзи Эммани тинчлантиради. Ка-
салининг энг оғирлашган кунлардан бирида Эмма ўл-
япман деб ўйлади ва диний маросимлардан бирини
қилишни, яъни руҳонийнинг қўлидан вино ичиб, ион
еийшини истади. Бу маросимга тайёргарлик кетаётганда,
унинг дорилар билан тўлиб кетган комодини минбарга
айлантирганларда, Фелисите картошкагулларни ерга
сошиб ташлаётган вақтда, Эммада шундай бир ҳиссиёт
уйғонди: гўё ақл бовар қилмайдиган бир куч бадани-
га тарқалаётгандек бўлди, назарида бу куч уни энди
ҳамма ғам-ғуссалардан озод қиласди, гўё у энди ҳеч
нарсани қабул қилмайди ва ҳеч нарсани сезмайди ҳам.
Ҳамма нарсадан мосуво бўлган тан ортиқ ҳеч нарса-
ни орзу қилмайди, гўёки Эмма учун янги ҳаёт бошла-
ниади. Эмманинг фараз қилишича, унинг жони самога
парвоз этиб, худди бухўрдан чиққан тутун ҳавода тар-
қалиб кетганидек, гўзал севги ичидаги эриб кетаётган-
дек туюларди. Үрин-кўрпаларга табаррук сув сепишди,
руҳоний сирли тұхфалар солинадиган идишдан оқ
ғилофни олди ва мўъжизавий роҳатдан толиққан Эмма

Исонинг тани деб билган ионни тишлаш учун лабини чўзди. Унинг атрофида булутга ўхшаган енгил пардалар товланиб айланди, комод устида ёниб турган икки дона шам унга абадиятнинг чақнаб турган тожи бўлиб кўриди. Эмма бошини ёстиққа ташлади ва унинг назарида қаердадир, олисларда қанотли фаришталарнинг чилтор садолари янгради, гўё феруза осмон унга қучогини очди, самода эса, олтин тахт устида атрофини қўлларида хурмо дарахтининг зумрад шоҳларини тутган авлиёлар қуршаб олган шавкатли парвардигорнинг ўзи пайдо бўлди ва гўёки унинг ишораси билан олов қанотли фаришталар ерга тушадилар ва ҳадемай унинг жонини бағриларига босиб олиб кетадилар.

Мана шу кўзга кўринган ажойиб нарсалар унинг хотирасида бекиёс бир гўзаллик каби сақланиб қолди. У ҳозир, бир вақтлар ўзини қамраб олган ҳамон кўнглини банд этиб турган, илгаридан бир оз сусайган бўлса-да, шу чоққача таъсир кучини йўқотмаган ҳаяжонини қайта тиклашга интиларди. Гуурдан тилка-пора бўлган унинг қалби христианларга хос мулоҳимликдан ором топарди. Шахсий ожизлигидан ҳузур қилиб, Эмма ўзининг иродасизлигини худди роҳат-фарогатга кириб борадиган кенг дарвоза деб биларди. Демак, оламда ҳеч ким билмайдиган роҳат бор экан-ку, унинг олдида бу дунёдаги баҳт хоки тупроқ экан. Ҳамма муҳаббатлардан аъло, узлуксиз, поёнсиз бетўхтов ўсиб борувчи муҳаббат бор экан! Эмма алдамчи орзуларни ардоқлаб, инсон қалби такомиллашиб бориб, ер тарк этиб, фалак билан қўшилиб кетиши қобилиятига эга деб тасаввур қиласиди. У мудом шуни орзу қиласиди. У авлиё бўлиб қолишини истарди. У ўзига тасбеҳ сотиб олди ва ёнида тумор олиб юрадиган бўлди. У ўз хонасида, бош томонга, зумрад тошлиари билан безатилган Нуҳ кемасининг кичкинагина нусхасини илиб, ҳар оқшом уни ўпиб қўйса савоб бўларди, деб ўйларди.

Эмманинг кайфияти руҳонийни қувонтиради, бироқ унинг ҳаддан зиёд художўйлиги билан бидъатга берилиб кетиши ва ҳаттоқи ақлдан озиши мумкинилигидан хавотир оларди. Эмманинг худодан қўрқишилиги маълум бир доирага сигмас эди, бу эса руҳонийнинг ҳуқуқ доирасига кирмасди, шунинг учун у

руҳий-аҳлоқий мазмундаги китоблар сотадиган савдо-гар жаноб Буларга хат ёзиб, «битта ниҳоятда доно жувоннинг диққатига сазовор бирор асар» юборишини ундан сўради. Китоб сотувчи занжиларга темир-терсак моллари юборишга қанчалик бепарво қараса, унинг илтимосига ҳам шунчалик бепарво қараб, ўша вақтларда бозори юрган ҳамма нажотбахш китобларни бирваракайига жўнатиб юборди. Улар ичида савол-жавобли ўқув китоби ва жаноб де Местр¹ услубида ёзилган аччиқ памфлетлар² ва зангори пайпоқлар³ томонидан чалакам-чатти ёзилган, пушти муқовалик чучмал, романсимон китоблар бор эди. Нима десангиз топиларди булар ичида: «Чарчамай фикр юритиш учун мавзу» деган китоб, ҳар хил орденлар кавалери жаноб де***нинг «Оқсуяклар Биби Марям оёқлари остида» деган китоби ҳамда «Ёшлар учун Вольтернинг хатолари ҳақидаги китоб» ва ҳоказолар бор эди.

Бовари хоним ҳали бирор нарса устида диққатини тўплашга ожизлик қиласарди — бунинг учун мияси старли даражада равшанлашмаганди, лекин юборилган китобларга ҳаддан ташқари ҳавас билан ёпишиди, Черков ақидапарастларига қарши шу заҳотиёқ ўзида нафрат сезди: умрида эшитмаган шахсларга қарши қаттиқ ҳужум этган мунозарали асарлар уни зериктирди: ниҳоят, киборлар ҳақида ёзилган диний руҳдаги асарларни ўқиганда, улар ҳаётдан бутунлай бехабар эканини пайқади: жонфизо китоблар баъзи бир ҳақиқатларнинг бузилмас эканини исбот этади деб ишонганди, лекин улар аксинча таъсир этди: ҳақиқат Эмма учун аста-секин ўз жозибасини йўқотди. Аммо лекин ҳали Эмма ўз билганида қаттиқ турарди, қўлидан китоб тушиб кетганда, мана бу каби дилрабо қайғуни фақат энг олий кайфиятга эга бўлган католик аёл ҳис қилишга қодир, деб ўйлар эди.

Шуни айтмоқ керакки, Родольф ҳақидаги хотира қалбнинг чуқур ерларига бориб яширинди, мақбараға қўйилган шоҳи султоннинг мумиёланган жасадидан

¹ Де Местр Жозеф Мари (1753—1821) — француэ файлласуфи ва ёзувчиси, католицизм ва монархиянинг маддоҳи.

² Памфлет — бирор киши ёки бирон ижтимоий ҳодисаним фош қилиб ёзилган қаттиқ тақирий мақола.

³ Зангори пайпоқлар — ўзини олимга деб билувчи кадтафаҳм хонимлар.

ҳам тинчроқ ва улугворроқ бўлиб ётарди унинг хотираси. Унинг мумиёланган мұхаббати ўзидан ажо-йиб муаттар ис таратар ва бу хушбўй ис мавжуд ҳамма нарсага сингиб, Эмма яшашга итилган ўша пок мұхитни меҳр-муҳабbat билан тўлдиради. Ўзининг готик скамейкасида тиз чўкиб ўтириб, Эмма қачонлардир эрига хиёнат қилган чоқларида ўйнашига пичирлаган ширин сўзларни такрорлаб, худога илтижо қиларди. Шу билан эътиқодини мустаҳкамламоқчи бўларди ва лекин дуолардан кўнгли таскин тоғмасди — ҳориб-чарчаб ўрнидан туар ва ички бир садо: сен қанақадир катта фирибгарликнинг қурбони бўлдинг, деб унга шивирларди. Лекин бу синовларни худонинг ўзи юборяпти, деб ўзига тасалли берарди. Эмма художўйлиги билан гуурланиб, ўзини ўтган замонларнинг асилзода аёллари билан таққосларди. У де Лавальер чизган суратларга тикилиб ҳаар. этагига зарҳал уқа тутилган узун-узун кўйлакларда улугвор кўринган бу аёллар Исонинг оёғи остига йиқилиб, юракларида йиғилиб қолган дард-ҳасратларини айтиб йиғлаш учун хилватга чекинган эдилар, уларнинг шон-ширафига Эмманинг ҳаваси келарди.

Эмма хайр-эҳсон ишларига берилиб кетди. Кам бағаллар учун қийим тикарди, туққан хотинларни кига ўтин юборарди. Бир кун Шарль уйига келиб ошхонада учта муттаҳамнинг шўрва ичиб ўтиргани устидан чиқиб қолди. Эмма касал вақтида Шарль қизини энаганикига юборган эди, энди Эмма уни қайтариб олиб келди. У қизини ўқишига, ёзишига ўргатар, Бертанинг кўз ёшлари энди Эмманинг жаҳлини чиқармасди. Бу — ўз-ўзини сабр-тоқатга ўргатиш, ҳамма нарсага тамомила тан бериш демак эди. У энди нима ҳақида гапирмасин, гапи баландпарвоз бўлиб чиқарди. У Бертадан:

— Қорнигинанг энди оғримаяптими, менинг фариштам? — деб сўрарди.

Катта Бовари хонимнинг энди Эммага ўчакишишига ҳеч қанақа баҳона йўқ эди, факт унга келинининг 3ўр бериб етимларга фуфайка тўқиши ёқмасди, ундан кўра ўзининг йиртиқ-ямоғига қараса бўлмайдими, дерди. Лекин эри билан бўлган келишмовчиллик бу ҳурматли аёлнинг жонига теккан, энди у ўғлининг тинч уйида сром олмоқда эди; у ўтакетган даҳрий

эрининг рўза кунлари колбаса еб ўтирганини кўрмаслик учун рўзада ҳам, пахса байрамида ҳам шу ерда бўлди.

Ўзининг ростгўйлиги ва мағрур қадди-қомати билан Эмманинг руҳини кўтарувчи қайнана унинг биттаю битта ҳамсуҳбати эмасди албатта, у ҳар куни ким биландир уришиб турарди. Уни кўргани Ланглуа хоним, Карон хоним, Дюбрёйль хоним ва Тюваш хонимлар бир-бир келиб-кетиб туришарди ва худонинг берган куни соат иккidan бешгача меҳрибон Оме хоним келарди, битта шунинг ўзи қўшниси ҳақидаги гийбат гапларнинг бирортасига ҳам ишонмасди. Эмманинг олдига Оменинг болалари ҳам келиб-кетиб туришарди, уларни Жюстен бошлиб келарди. У болалар билан иккинчи қаватга кўтаришарди ва қайтиб кетгунларигача қимир этмай остоноада турарди. Баъзи вакъларда Бовари хоним Жюстендан тортина масдан пардоз-андозини қилаверарди. Энг аввало у сочидан тарогини оларди ва кейин бошини силкитарди. Бечора бола, Эмманинг соchlари ҳалқасимон буралиб-ёйилиб, тиззасидан пастига тушганини биринчи бор кўрганда, у ўзининг зеболиги билан қўрқитувчи ажойиб бир янги оламга бехосдан қадам босгандек бўлган эди.

Шубҳасиз, Эмма унинг ички кечинималари, хўрсаниб боқишиларини сезмасди ҳам. У мана шу ернинг ўзгинасида, унинг ёнгинасида, хонаки бўз кўйлак тагидаги навқирон юракда ҳусни жамоли нури таъсири остида, Эмманинг ҳаётидан гойиб бўлган муҳаббат барқ уриб уйғонганини пайқамасди. Ҳолбуки, Эмма энди ҳамма нарсага беларбо, гўёки дунёни сел олиб кетса, унинг тўпигига чиқмасди, барчасига баравар хушмуомала, лекин шу билан бирга унинг чеҳрасида, қанақадир бир нафрат ифодаланиб турарди, у шунчалик тез ўзгариб турардики, худбинлик қаерда тамом бўлиб, меҳрибонлик қаерда бошланганини, қаерда ёвузлик тугаб, яхшилик бошланганини тушуниб олиш қийин эди. Чунончи, бир кун кечқурун хизматчи аёл, уйдан чиқиш учун тузукроқ бир баҳона тошишга уринди. Эмма уни уришиб ташлади, кейин бўлса афтига тикилиб туриб бирдан:

— Нима, сен уни яхши кўрассанми? — деб сўради.

Қип-қизариб кетган Фелисите жавоб беришга улгурмасданоқ туриб, Эмма юзига ғамгин тус бериб:

— Бер, ўйнаб кела қол! — деди.

Кўклам бошидаёқ Эмма эри билан маслаҳатлаш-масдан борни чопиқ қилдирди. Лекин эр хотининг ўз айтганида қаттиқ турганидан хурсанд эди. Эмма анча қувватга кириб қолди ва кун сайин матонатли эканини кўрсата бошлагани сезилиб турарди. Аввало, касал маҳалида ошхонасига иккита чурвақасм ва наҳанг балиқка ўхшаш очкўз пенсионер билан пашшахўрда бўлиб олган энага хотин — Роле холадан қутулишга мусассар бўлди. Кейин у Омелар оиласининг келиб-кетишига чек қўйди, бошқа меҳмонларнинг ҳам аста-секин оёғини уза бошлади ва черковга ҳам кам борадиган бўлди, бу билан у дорихоначининг мақтавига сазовор бўлди, бир куни у Эммага дўстона оҳангда:

— Тақводор бўлиб кетишингизга сал қолувди-я! — деди.

Аббат Бурнизең аввалгидек ҳар куни катехизис дарсидан кейин келиб турарди. У очиқ ҳавода, ший пончада, «ўрмонча»да ўтиришни яхши кўрарди — борни у шундай деб атарди. Бу вақт Шарль ҳам қайтарди. Иккиси ҳам иссиқдан қийналишарди, уларга ширин сидр келтиришар, улар Бовари хонимнинг батом тузалиб кетиши учун ичардилар.

Шу ернинг ўзида, яъни пастда, шийпончанинг тўғрисида жаноб Бине қисқичбақа тутарди. Бовари уни муздаккинадан ичиб кетишига чақираварди; шиша оғзини жуда қойил қилиб очади-да Бине!

— Шишани қийшайтириш керакмас,— дерди маминун қарашиб билан атрофни кўздан кечириб Бине.— Энг аввал симини қирқамиз, кейин авайлаб, астагина пўкагини тортамиз — ресторанларда сельтер солинган шишаларни шундай қилиб очадилар, ҳа!

Бироқ баъзан Бине тажрибасини кўрсатаётганда, сидр ўтирганларнинг устига сочилар, бундай вақтларда руҳоний ўзига хос кулги билан доим бир хилда аския қилиб:

— Кўриниб турибди бунинг олий навлиги! — дерди.

Аббат Бурнизең ҳақиқатан ҳам жуда беозор одам эди. Бир кун фармацевт Шарлга, рафиқасининг кўнглини ёзиб келиш учун Руан театрига олиб боришига маслаҳат бериб, у ерда ҳозир машҳур тенор Лагарди гастролга келганини айтганда, руҳоний норо-

ви бўлганини билдирамади. Унинг совуққонлигидан ҳайратга тушган жаноб Оме тўппа-тўғри унга қараб, бу таклифга қандай қарайсиз, деб сўради, руҳоний унга жавобан музика адабиётчалик заарли эмас, деб жавоб берди.

Фармацевт ижодиётни ёқлаб кетди. У театр томошабинларига панд-насиҳатни жуда қизиқарли шаклда етказади, шу билан эски урф-одатларнинг илдизига болта уради, деб ҳисобларди.

— Castigat rīdendo mores¹, жаноб Бурнизье! Масалан, Вольтернинг деярли ҳамма фожиаларини олинг; улар фалсафий фикрлар билан лиқ тўла, халиқ учун бу ахлоқ ва дипломатиянинг чинақам мактаби-ку!

— Мен бир вақтлар «Париж боласи» деган пьесани кўргандим,— деб гапга аралаши Бине.— У ерда кекса ажойиб генерал типи берилган, шундоқ турмушдан олинган: ўша генерал битта бойваччани шунақанги боллаб сўқадики, асти қўяверасиз! Бойвачча бир хизматкор қизни йўлдан оздирган экан, у қиз бўлса охирида...

— Шубҳасиз, ёмон фармацевтика бўлганидек, ёмон адабиёт ҳам бор,— давом этди Оме.— Лекин санъатда бўлган ҳамма яхши нарсаларни инкор этиш, менимча, беҳуда ишдир, бундан ўрта асрнинг, Галилейнинг умри зинданда ўтган ўша муджиш замоннинг иси келади.

— Яхши асарлар, яхши ёзувчилар борлигини мен инкор қилмайман, албатта,— эътиroz билдириди руҳоний.— Лекин шуниси борки, эркак ва аёл оқсуяклар санъатининг энг янги зийнатлар билан безатилган ажойиб бинода тўпланишларнинг ўзи кўш нарсаларга олиб боради, кейин мана бу мажусий давридан қолган маскарад, упа-элик, ёруг чироқлар, нозли товушлар, шулар ҳаммаси бора-бора ахлоқнинг заифлашишига олиб боради, бачкана фикрлар, нопок истаклар қўзғатади. Ҳар қалай черков пешволари шундай фикрда бўлганлар. Модомики, шундай экан,— қўшиб қўйди руҳоний бирдан юзинга сирли ифода бериб, бу эса унга бош бармоғи билан тамаки эзишга халақит бермасди,— черков бундай тамошаларни қо-

¹ У аҳмоқни кулги билан савалайди. (лат.)

раларди, демак, бир сабаби бордир да... Бизнинг ишимиз — унинг амрини бажариш.

— Биласизми, нима учун черков актёрларни муртад деб ҳисоблайди? — сўради дорихоначи. — Чунки узоқ ўтмиш даврларда уларнинг томонлари черковники билан рақобат қилган! Ҳа, ҳа! У вақтлар хорларда мистерияларнинг, яъни диний темалардаги пьесаларни саҳналаштирилар эди, аслини олганда улар енгил, ўйноқи пьесалар бўлиб, кўпчилиги ахлоқсиз бўлган.

Руҳоний жавоб ўринига қаттиқ хўрсиниб қўйди, фармацевт бўлса, ҳамон тилини тиймасди.

— Бу худди тавротдагидек. Унда шунаقا нарсалар бор... Мен сизга айтсан... ҳирсни қўзғатадиган тафсилотлар бор, ишонаверинг... У ерда ҳамма нарса ўз номи билан аталади!

Шу ерга келганда Бурнизываенинг гижини келиб кетди, лекин дорихоначи унинг оғзини очирмай қўйди:

— Ахир ўзингиз ҳам бу китоб ёш қизлар учун мос эмаслигини инкор этмайсиз-ку. Масалан, менинг Аталиям шунақанги китобни ўқиса, севинмасдим.

— Ахир тавротни биз эмас, протестантлар тавсия қилади-ку! — деди тоқати тоқ бўлиб аббат.

— Эй, барибир эмасми? — гап қайтарди Оме. — Мен, илму маърифат тараққиёт этган асримизда ҳали ҳам ақлий ҳордиқ чиқаришга қарши турадиган одамлар борлигига асло чидаб тура олмайман, ахир бу заарсиз, ундан ташқари, руҳий ва ҳаттоки жисмоний томондан соғлом ҳордиқ-ку. Тўғри эмасми, доктор?

— Ҳа, албатта,— ноаниқ жавоб берди врач, ёки у Оменинг фикрига қўшиларди-ю, лекин Бурнизываенин хафа қилишни истамасди, ёки умуман бу ҳақда ҳеч қачон ўйламаган эди.

Гап шу билан тугагандику-я, қаниди, лекин фармацевт ўзини тўхтата олмади ва рақибига охирги зарбани берди:

— Мен шундай руҳонийларни билардимки, киборларча кийиниб олишиб, раққосаларнинг оёқ силкитишларини кўргани боришарди.

— Бўлди-ей! — жаҳл қилди аббат.

— Йўқ, мен билардим! — такрорлади Оме ва яна бир марта чертиб-чертуб қайтарди:

— Мен билардим!

— Хўш, нима бўпти, яхши қилишмаган албатта,—
хулоса қилди Бурнизъен; чамаси у ҳамма ганини кў-
таришга қарор қилди шекилли.

— Ҳа, у жин чалгурлар шунақанги гуноҳ ишлар
қилишадики,— деди дорихоначи.

— Эй, тақсир!..

Бу гапни айта туриб, руҳоний фармацевтга шундай
ўқрайиб ҳарадики, у чўчинқиради.

— Мен шуни айтмоқчийдимки,— бутунлай бошқа
оҳангда гап бошлади Оме,— қалблардан динга йўл
очиш учун сабри тоқатдан ортиқ ишончли омил йўқ.

— Мана бу тўғри! Мана бу тўғри!— қўшилди очиқ
кўнгилли аббат ва қайтиб жойига ўтирди.

Лекин у уч минутдан ортиқ ўтирмади. У кетгандан
кейин жаноб Оме врачга қараб:

— Мана буни қизғин жанг дейдилар,— деди.—
Хўш, бопладимми!.. Хуллас, мекинг маслаҳатимга
киринг, Бовари хонимни спектаклга олиб боринг,
умрингизда бир марта мана бу қузғуларнинг жонини
чиқаринг, абраҳамларни! Агар ўрнимда қоладиган одам
бўлса, ўзим сизлар билан бирга борардим. Лекин
шошилинг! Лагарди фақат битта томоша бераркан.
Унинг Англияда ангажементи¹ бор, у срда унга катта
пул тўлашади. Уни шундай юлғич дейишадики, тил-
лаларни сугуриб олармиш! Ҳамма ерга учта ўйнаши ва
ошлазини олиб бораркан! Ҳамма атоқли артистлар
беш панжасини оғзига тиқади. Улар бузуқлик билан
ҳаёт кечиришлари керак, бу эса уларнинг фантазия-
ларини ишга солади. Лекин улар гарифхонада ўлиша-
ди. Ёшлика қора кунга атаб беш-үн танга йигиб
қўйиш хаёлларига ҳам келмайди. Ҳў, хайр... ош
бўлсин! Биз кетдик. Эртагача!

Спектакль ҳақидаги фикр Шарлнинг миясига ўрна-
шиб қолди. У шу заҳоти бу ҳақда хотини билан
гаплашди, лекин Эмма энг олдин киши чарчайди,
овора бўлади, кейин ортиқча чиқим бўлади, деган
баҳоналарни айтиб рад қилди. Шарль одатига қарши
ўз сўзида туриб олди, театр унга фойда етказишига
ишонарди. Унинг фикрича, бормаслик учун ҳеч қана-

¹ Ангажемент — артистларни маълум муддатгача шарт-
нома асосида ишлашга таклиф этиш.

қа жиддий сабаб йўқ, онаси яқинда уларга уч юз франк юборди, бу худди осмондан тушгандек бўлди, майда-чуйда қаралар унча катта суммани ташкил қилмасди, векселлар бўйича жаноб Лерега тўланадиган ҳарзга келсак, эҳе, ҳали унга анча вақт бор, бу ҳақда ўйлашнинг ҳам кераги йўқ. Эмма шунчаки одоб юзасидан боришни истамаяпти, деб ўйлаб Шарль гапиравериб, жонига тегди, ниҳоят у рози бўлди. Эртасига эрталаб соат саккизда улар «Қалдирғоч»га ўтириб жўнаб кетишиди.

Дорихоначини Ионвилда ҳеч нарса ушлаб турмасди, лекин у ўз постини ташлаб кетмасликни бурчи деб деб ҳисобларди; эр хотин Бовариларни кузата туриб, у чуқур хўрсинди:

— Оқ йўл, бахтиёр бандалар! — деди Оме ва Эмманинг тўрт қўш этакли ҳаво ранг шойи кўйлагига зътибор бериб: — Бугун сиз жуда мафтункорсиз. Сиз Руанда ҳамманинг ҳавасини келтирасиз! — деб қўйди.

Дилижон Бовуазин майдонида, «Қизил яримой» меҳмонхонаси олдида тўхтади. Ҳар қанақа вилоят шаҳарларининг четида худди мана шунақангি меҳмонхонани кўрасиз; бундай яхши, қадимий меҳмонхоналарнинг отхоналари кенг, номерлари тор бўлади, ҳовлида, коммивояжерларнинг лой чаплашиб ётган коляскалари тагида товуқлар дон териб юришади, чирий бошлаган тахта галереяларнинг устунлари ҳиш тунларида совуқдан чирсиллайди, бу ер ҳамиша гавжум, сершовқин, овқат сероб, қаҳва билан коњяк тўкилаверганидан столлар қорайиб кетган, ҳўл дастурхонларнинг ҳамма ёғи қизил, арzon винодан доғ-дуғ бўлиб кетган, деразаларнинг қалин ойналарига пашшалар ўтириб ташлаган; бу ерда кўча томонда қаҳвахона, ҳовли томонда эса полиз бўлиб, худди шаҳарча кийиниб олган батраклардай бу ердан доимо қишлоқнинг иси келиб турди. Шарль шу заҳотиёқ билетга чопди. У анчагача литерли ложаларни галерка билан, партер креслоларини ложа креслолари билан адаштириди, эзмалик билан суриштираверди, унга тушунтирсалар, у ҳеч нарсага тушунмасди, ҳамма ёқни, контролёрдан тортиб директоргача айланиб чиқди, кейин меҳмонхонага қайтиб келди, яна кассага чопди ва шундай қилиб, театр билан меҳмонхона орасида бир неча бор қатнади.

Бовари хоним ўзига шляпа, қўлқоп, бир даста гул согиб олди. Жаноб Бовари томошанинг бошланишига кечикиб қолишдан жуда қўрқарди, қайнатма шўрвани ҳам охиригача ичмай, ҳали эшиклари очилмаган театр олдига келишди.

XV

Балюстрада¹лар билан иккига бўлинган одамлар тўдаси деворларга сиқилиб туради. Яқин-яқин кўчаларнинг чорраҳасига осиб ташланган катта афишаларда кунгурадор ҳарфлар билан: «Лючия де Ламермур... Лагарди... Опера...» деган сўзлар ёзилганди. Кун очиқ, иссиқ, тердан соchlар бир-бирига ёпишар, ҳавода дастрўмоллар ҳилпирав, қизариб кетган пешаналарни артишарди. Аҳён-аҳёнда дарёдан эсган илиқ шамол қовоқхона эшиклари тепасидаги тик соябонларни салпал ҳилпиратарди. Бир оз нарироқда нафас олиш енгилроқ эди — ёғ, тери ва ўсимлик мойларининг ҳиди аралашиб кетган ҳавонинг муздек оқими кишини жонлантирав эди. Бу — ичидан бочкаларни юмалатиб чиқариладиган, катта, қоронғи омборлар қуриб ташланган Шарет кўчасининг нафаси эди.

Эмма ноқулай аҳволда қолишдан қўрқиб, қирғоқ томонга боришга қарор қилди, ҳар ҳолда театрнинг берк эшиклари олдида туришдан бу яхшироқ. Шарль ҳар эҳтимолга қарши билетини кафтида маҳкам сиқиб олди, қўлини шимининг чўнтағига тиқди ва шу тиққанича қўлини чўнтақ ичидан қорни устида ушлаб юрди.

Вестибулга киргандаёқ Эмманинг юраги гурсиллаб уриб кетди. Бир тўда одам бошқа фойедан ўнгга бурилди, Эмма бўлса зинапоядан биринчи яруснинг ложасига кўтарилди, шунинг ўзи унинг юзида беихтиёр мағрур жилмайиш пайдо қилди. Устига мато қопланган кенг эшикларни ушлаш унга худди ёш болалардек ҳузур бағишлиарди, у театр чангларидан зориқиб нафас оларди. Ниҳоят у ложадаги ўз жойига ўтирди ва герцогиналарга хос хотиржамлик билан қаддини ростлади.

¹ Балюстра́да — панжара (балкон, зинапоя ва шу каби-ларни безаш учун устунлари кунгурадор қилиб ясалган панжара).

Зал аста-секин тўла бошлади. Томошабинлар дурбинларини ғилофларидан олдилар. Театр шинавандалари узоқдан турибоқ бир-бирларини танишар ва эгилиб саломлашишар эди. Бу одамлар санъатга савдо-сотиқ ташвишидан ҳалос қиласиган бир дам олиш деб қарайдилар, лекин шу ерда ҳам ўз «ишларини унтишмас, пахта, спирт, нил бўёклари ҳақида сұхбатлашишар эди. Кексаларнинг кам ҳаракат, ифодасиз ружсорлари кўринар, рангпар юzlари ва оқ соchlари уларга усти хира, қўргошин доги билан қопланган кумуш медаллар тусини берарди. Бовари хоним юқорида туриб, партернинг биринчи қаторларида ўзларига зеб берган ёш олифталарга завқланиб қаради. Улар олди очиқ жилетларидан пушти ёки пистоқи ранг галстукларини кўз-кўз қилиб ва сариқ қўлқоп кийган қўллари билан ҳассаларининг олтин суви югуртирилган тутқичига сялиб турардилар.

Шу орада, мусиқачилар ўтирадиган ерда чироқлар ёқилди. Шипда осиғлиқ қандилларнинг кўп қиррали шилдироқлари пирпираб кетди ва зал шу заҳотиёқ шодликка тўлди. Кейин олдинма-кетин созандалар кириб келишди ва какофония бошланди, контрабаслар гувиллар, скрипкалар чийиллар, корнет-а пистонлар хириллар, найлар ва флажолетлар чийиллашарди. Мана, ниҳоят саҳнадан уч марта қаттиқ зарба¹ эшитилди, ногоралар гумбурлади, карнайлар гувиллади, парда кўтарилди ва орқадан манзара кўринди.

Саҳна ўрмон этагини кўрсатарди, чап томонда эман шохлари соя солган ариқ жилдирамоқда. Қишлоқилар елкаларига қалин жун рўмол ташлаган помешчиклар хор билан овчилар қўшигини ижро этишди. Кейин овчи пайдо бўлди ва қўлини осмонга кўтариб ёвуз руҳни чақира бошлади. Унга яна бошқаси қўшилди, кейин улар чиқиб кетишли, шунда овчилар янгидан қўшиқ айтишли.

Эмма ўзининг ёшлиқ даврларига, Вальтер Скотт салтанатига хаёлан парвоз этди. Унинг назарида, гўёки арча гуллар, чакалакзорлари орқасидан, туманлар ора-

¹ Француз театрларида томошабинларга томоша бошланиши қўнгироқ билан эмас, уч марта полга қаттиқ уриш билан эълон цилинарди.

сидан унга такрор-такрор акси садо бергани шотланд сурнайининг ноласи эшитилаётгандек туюларди. Роман эсида яхши қолганди, бу эса унга операни тушунишга енгиллик берар, у ҳодисаларининг боришини кузатишга уринар, бироқ қулоқни қоматга келтирувчи овозлар унинг фикрини чалғитар эди. Эмма музика дарёсига ғарқ, унинг бутун вужуди ҳаяжонлантирувчи одангарга жўр бўлиб куйларди. Назарида гўё камонча унинг асабларини чертмоқда эди. Унинг кўзлари ўйнар, костюмларга, декорацияларга, иштирок этувчиларга, бирор киши олдидан ўтса силкинадиган дараҳт суратларига, баҳмал беретлар, плашлар, қиличларга, хуллас, тоглар тепасидаги оқиш ҳаво тўлқинларидагидек ҳамоҳангликнинг тўлқинларида тебранаётган фантазия яратган барча нарсаларга қараб тўймасди. Мана, саҳна олдига ёш жувон чиқди ва яшил кийимли кишига ҳамёнини иргитди. Кейин ўзи ёлғиз қолди, шунда сувларининг жилдирашига ёки қушларнинг сайрашига ўхшаш садо чиқариб най чалинди. Бир нуқтага тикилганча Лючия баланд овозда қисқа ария бошлади. У севгининг шафқатсизлиги ҳақида куйларди ва тангридан унга қанот ато этишни илтижо қиласди. Акир Эмма ҳам ҳаётни тарк этиб, фаришта қучогида учиб кетишга интилган эди-ку. Бирдан саҳнага Эдгар — Лагарди чиқди.

У кишини мафтун этувчи рангпар юзли эди, рангпарлик қизиқон жанубликларнинг юзига нимаси биландир мармарнинг совуқлигини эслатувчи қатъиятлик бахши этади. Унинг бакувват гавдасини жигар ранг куртка хипча қилиб қисиб турарди. Чап ёнида ўймакор кичкина ханжар осиглиқ. Лагарди кўзларини хумор қилиб боқар, оппоқ тишлари кўринниб турарди. Унинг ҳақида шундай мишишлар юардими, гўё у бир вақтлар биарриқ пляжида қайиқ тузатиш иши билан шурууланаар экан, кунлардан бир кун, оқшом пайти унинг қўшиғинч поляк хоним эшишиб қолиб, унга ошиқ бўлиб қолган экан. У аёл унга бор давлатини сарф этган, Лагарди бошқа хотинларга айланишиб, уни ташлаб кетган. Хотинбозлик шуҳрати унинг артистлик обрўсини мустаҳкамлаган эди. Айёр актёр ўз рекламаларида албатта ўзининг скозибадорлиги ва ҳассос қалби ҳақида қанақадир чиройли бир жумлани қўшиб қўярди. Чиройли овози ўзига мустаҳкам ишонч, ўткир

ақли бўлмаса ҳамки, жўшқинлик, самимий ҳисснёт-нинг йўқлигини яшириб турган баландпарвозлик — ма-на шу фазилатлари билан қаеридир сартарошга, ни-масидир тореадорга ўхшаб кетадиган бу ўтакетган қал-лоб томошабинларнинг муҳаббат ва ҳурматига сазовор бўлганди.

Биринчи кўринишдаёқ у томошабинларни мафтун этди. У Лючияни бағрига маҳкам босар, нари кетар, яна қайтар, дод-фарёд қилар, қаҳр-газаб оловлари унда чуқур меҳри вафони ифодаловчи зорли нолаларга ай-ланар, йиги ва бўса овозлари эштилаётган очиқ то-могидан ноталар отилиб чиқарди. Эмма барьердан эн-гашиб, тирноқлари билан ложанинг бахмал сирилган жилдини чангллаб, ундан кўзини узмасди. Унинг қал-би мана бу хушнаво нолалар билан тўлиб-тошар, бу нолалар гарқ бўлаётган одамнинг бўроннинг гувилла-ши ҳам босолмаган дод-фарёдига ўхшаб контрабаслар-нинг жўрлигида ҳамон янграр эди. Бу завқланиш, бу руҳий азоб унга таниш эди — ахир унинг ўзи бу ру-дий азоблардан кўз юмишига сал қолган эди-ку. Хо-нанда аёлнинг овози ўз фикрларининг акси садосидек туюларди, хаёлни мафтун әтувчи бу афсонада ўз ҳаёти-дан бир қисми акс эттирилгандек эди. Лекин ҳақиқат-ни олганда, уни ҳеч ким бу қадар севгаи әмас. Родольф охирги оқшом, ойдин кечада бир-бирларига: «Эртага-ча! Эртагача!..» деб хайрлашган вақтларида ҳам Эд-гарга ўхшаб йигламаган эди. Зал гулдурос олқишлилар-дан ларзага келди, арияни бошидан қайтаришга тўғри келди: ошиқ-маъшуқлар ўз қабрлари устидаги гуллар ҳақида, қасамёд, жудолик, тақдирнинг буйруги, орзу-умидлари ҳақида куйлашарди. Охирги қисмда «алви-до!» сўзи янграганда, Эмманинг кўксидан қаттиқ чин-қириқ отилиб чиқди ва унинг мана шу фарёди охирги аккордларнинг титроғи билан қўшилиб кетди.

— Нима сабабдан анави синьор бу аёлни тинч қўй-маяпти? — сўради Бовари.

— Йўғ-е, йигит унинг ошиғи,— жавоб берди Эмма.

— Лекин, йигит учинг оиласидан қасос олишга қа-сам ичяпти-ку, анави, ҳозир келгани бўлса: «Лючия-ни мен севаман, у ҳам мени севади», — деди. Тагин қизнинг отаси билан қўлтиқлашиб чиқиб кетди. Ахир шляпасига жига қадалган тараққос қизнинг отаси-ку, тўғрими?

Эмманинг тушунтириши ҳам фойда бермади — речитатив¹ дуэт вақтида Гильберт ўзининг хўжайини Эштонга мудҳиши ҳийла-найранглар тузатганини айтадиган маҳалда, Шарль Лючияни чалғитиш учун керак бўлган никоҳ узугини кўриб қолди ва бу Эдгарнинг ҳадяси, деб ўйлади. Шуни айтиш керакки, Шарль саҳнада нималар бўлаётганини тушунмаётганига, сўзларни илраб олишга музика халал бераётганига иқрор бўлар эди.

— Варибир эмасми сенга? — деди Эмма. — Жим ўтири!

— Биласан-ку, менга ҳамма нарса очиқ-равshan бўлишини яхши кўраман, — деди Шарль унга энгашиб.

— Жим ўтири! Жим ўтири деяпман! — деди Эмма жаҳл билан шивирлаб. Сочларига оқ гуллар қистирган Лючияни хизматкор аёллар қўлтиғидан ушлаб олиб чиқишиди, унинг ранги устидаги оқ атлас кўйлагидан ҳам кўра оппоқроқ кўринарди. Эмма ўзининг тўй кунини хотирга келтирди. Хаёли у ерларга — буғдорзорлар, черковга олиб чиқадиган сўқмоқларга учди. Нега у ўшандаги қаршилик кўрсатмади, Лючияга ўхшаб йирлаб ёлвормади? Аксинча, у шод эди, олдида тубсиз жарлик борлигини билмади. О, ўшандаги ҳали унинг ҳусн-жамоли ўзининг латофатини йўқотмаган, ҳали унча оилавий ҳаёт ботқоғига ботмаган, ҳали у хуфиёна севгидан панд емаган чоғда бирор киши унга ўзининг улкан, содиқ қалбини бахш этгандайди, шунда эзгулик, меҳр-вафо, умид-орзу ва бурч — барчаси қўшилиб ҳамоҳанг бўлардики, унда Эмма бу мислсиз бахт тахтидан йиқилмасди ҳам! Афсус! Бу ҳузур-ҳаловат тилкапора бўлган қалбни баттарроқ поралаш учун ўйлаб топилган фирибгарлик! Санъат эҳтиросларни бўёқларга бўяйди, бироқ у шавқ-завқнинг ҳеч нарсага арзимаслигини татиб кўрган-ку! Эмма бу ҳақда ўйламасликка ҳаракат қилди, ўз ғам-руссаларини хаёлида тиклаб, уларни саҳнада ижро этилаётган, одамни қувонтирадиган орзу деб билишни истарди, колос ва саҳнанинг охирида барқут пардаларнинг орқаси-

¹ Речитатив — баъзи бир вокал музика асарларининг, асосан операларнинг муҳим бир қисми — куй билан ёки қисқа оҳангда айтиладиган сўзлари.

дан қора плашлик киши пайдо бўлганда у ҳатто ичдан кинояли табассум билан жилмайиб қўйди.

Ашулачининг кескин ҳаракатидан кенг соябонли испанча шляпаси ерга тушиб кетди. Оркестр ва ашулачилар шу заҳоти хор бошлаб юбориши. Газаб оловинда ёнаётган Эдгарниң янгроқ овози бошқаларни босиб кетди. Эштоннинг баритони Эдгарга ўлим даҳшатини соларди, Лючия ўз иолаларини энг баланд ноталарда изҳор этар, Артур ўз ариясини ўртача овоз билан ижро этар, руҳонийнинг биринчи баси худди органга ўхшаб гувиллар ва унинг сўзларини хотин-қизларнинг ажойиб хори илиб кетарди. Актёрлар қатор туришиб олиб зўр бериб қўллари билан ҳаракат қилишарди. Уларнинг лабларидан газаб, қасос олиш иштиёқи, рашик, даҳшат, азоб ва ҳайрат — ҳаммаси бир вақтда отилиб чиқарди. Ҳақоратланган ўйнаш қилич кўтарар, тез-тез нафас олишидан кўкрагидаги тўр ёқаси паст тушиб, кўтарилиб турар эди. Оғзи кенг юмшоқ этикларининг тўпифидаги олтин суви юритилган шпорларни жаранглатиб, у катта қадамлар билан саҳнада у ёқдан бу ёққа юрарди. Ашулачига қараб туриб, Эмма унинг қалбида битмас-туганмас севги булоғи бўлса керак, йўқса ҳаяжонини шундай шиддат билан ифода этолмасди, деб ўйлади. Эмманиң қаҳрамонни таҳқирилашга бўлган барча интилишлари барбод топганди — ижрочининг маҳорати уни қойил қолдирган эди. Қаҳрамоннинг хусусиятларини у актёрнинг ўзига кўчирди: унинг ҳаётини — хушчақчақ, ажойиб, дабдабали ҳаётини кўз олдига келтиришга уринди ва ихтиёрсиз, худо ярлақаб иккиси учраб қолган бўлса, у менинг тақдирим нима бўлардийкин деб ўйларди. Улар танишишарди ва бир-бирларини севиб қолишарди! Улар Европа бўйлаб саёҳат қилишар, у пойтактдан бу пойтактга ўтиб, шаҳарма-шаҳар юриб, унинг ғамига ҳам, шодлигига ҳам шерик бўлиб, унга ташланган гулдастларни териб, ўз қўли билан унга костюмлар тикиб берарди. Ҳар оқшом у залдан тилла ранг панжара билан ажратилган ложада бекиниб ўтириб, нафасини ичига ютиб, унинг қалб изҳорини тингларди, унинг қалби эса фақат Эмма учунгина куйларди, саҳнада ўйнаб туриб унга қараварди. Лекин ростдан ҳам Лагарди унга тикилаётган эди — бу шайтоннинг вассасасига ўхшарди. Эмма унга ўзини отишга тайёр, севгини мужассам-

лаштирган шу құдратли одамнинг қучогига яшири-ниши истарди, унга: «Мени олиб кет! Олиб қоч мени! Тезроқ! Қалбимнинг олови сенга, менинг бутун орзуларим сенинг ҳақынгда!» деб қичқирғиси келарди. Парда тушди.

Газнинг ҳиди одамларнинг нафасига аралашиб кетди, елшиғичлар димликни баттарроқ оширди. Эмма фойега чиқди, лекин у ерда гуж-гуж одам, унинг юраги қаттиқ уриб кетди, оғзи билан нафас олиб, ўз ложасига аранг қайтиб келди ва креслога ўзини ташлади. Унинг күнгли озиб қолишидан қўриқиб кетган Шарль чонганича буфетга оршад олиб келишга кетди.

Бир оз ўтгандан сўнг у ит ҳасратда суқила-сурила ўз жойига келди. У стаканни икки қўллаб ушлаб олган, одамлар унинг тирсагига дам-бадам тегиб кетишарди. Окири шу бўлдики, у бир стакан оршадни кўйлагининг ёқаси катта ўйилган бир руанлик аёлнинг елкасига тўкиб юборди. У аёл орқасига суюқ нарса тўкилганини сезиб, худди уни бирор пичоқлагандек овзининг борича чинқириб юборди. Унинг эри, йигириув фабрикасининг эгаси, бесўнақай одамни уриша бошлади. Хотини қизил тафтадан тикилган оҳорли кўйлагини дастрўмоли билан арта бошлади, эри бўлса ҳамон қанақадир мукофот ва етказган зарарни тўлаш ҳақида тўнғиллар эди. Ниҳоят Шарль хотини олдига келди.

— Худо ҳаққи, етиб кела оламан деб сира ўйламовдим. Ҳамма ёқ гуж-гуж одам!.. — ҳансираф, зўрга зўрға гапирди Шарль ва Эммага савол берди: — Биласанми мен у ерда кимни кўрдим? Леонни!

— Леонни?

— Ҳа-да! У ҳозир сен билан кўришгани келади.

Шарль гапини тугатиб улгурмаган эди ҳамки, ложага Ионвиль нотариусининг собиқ ёрдамчиси кириб келди.

У аристократларга хос бетакаллуфлик билан Эммага қўлини чўзди. Бовари хоним ҳам худди кучлироқ иродага бўйсунгандек, ўз қўлини тезда узата қолди. У ўша баҳор оқшомидан кейин, дераза олдида туриб, ёмғирнинг яшил баргларга урилиб шовиллаши остида хайрлашганларидан бери унинг қўлини ушламаган эди. Бироқ одоб эсига тушиб, у хотираларни ўзидан ҳайдади ва чўзиб-чўзиб:

— А, саломатмисиз?.. Кутилмаган бир тасодиф! Қаёқдан сизни шамол учирди? — деди.

— Жим-м! — деди кимдир партердан: учинчи күримниш бошланган эди:

— Шундай қилиб, Руандаман, денг?

— Ҳа.

— Анча бўлдими?

— Чиқиб кетинг!

Уларга қарай бошлиши. Улар жим бўлиб қолиши. Бироқ энди Эмманинг қулорига музика кирмасди. Меҳмонлар хори, Эштоннинг хизматкори билан бирга чиқиши, икки овоз билан ижро этилган куй — булар ҳаммаси Эммага қаёқлардандир — олислардан эшити-лаётгандек, гўёки, музикалар ўз овозини йўқотган, ашулачилар бўлса садна орқасига ўтиб кетгандек туюларди. У фармацевт уйидаги карта ўйинларни, энаганикига борган вақтини, шийпончада ўтириб овоз чиқариб ўқишлар, кичкина камин ёнида ўтирган вақтларини эслади, мана шу ҳодисаларга қашшоқ бўлган, шундай тинч ва шундай давомли, шундай камтарин, шундай нафосатли, аммо унинг хотирасидан кўтарила бошлиған муҳаббат ҳақида ўйларди. У нега яна наайдо бўлди? Тақдирнинг қанақа тақозоси билан у яна Эмманинг ҳаётига кирди? Леон орқада, тўсиққа кўкрагини бериб ўтиради. Вақт-вақти билан унинг илиқ нафаси Эмманинг соchlарини ҳилпиратарди ва бундан Эмманинг баданлари жимиллаб кетарди.

— Сиз учун жуда қизиқми шу? — деб сўради Леон. У саволни бераркан Эммага шундай яқин энгашдики, шўйловининг уни унинг ёноқларини қитиқлаб юборди.

— Йўқ! Унча эмас! — бепарво оҳангда жавоб берди Эмма.

Леон театрдан кетишини ва бирор ерда мороженое ейишни таклиф қилди.

— Бирпас тўхтайлик! — деди Бовари. — Унинг соchlари паришон — ҳозир энг қизиқ ери бошланса керак!

Бироқ ақлдан озиш саҳнаси Эммани ҳаяжонлантиришади, ашулачининг ўйини гайри табиий кўринди.

Шарль диққат билан тингларди.

— Ҳаддан ташқари қаттиқ қичқирапкан у, — деди Шарлга мурожаат қилиб Эмма.

— Ҳа... рост... ошириброқ юборяпти... — қўшилди унинг фикрига Шарль, ашулачининг ўйини унга ёқقا-

ни амиқ күрмениб турарди. Лекин у хотининг фикри билан ҳисоблашишга ўрганиб қолганди.

— Жуда ҳам дим-а бу ер!.. — деди чуқур нафас олиб Леон.

— Ҳа, рост, одам чидай олмаяпти дамлигидан!

— Сен қийналяпсанми? — сўради Шарль.

— Нафасим қайтиб кетяпти, кетдик!

Леон узун оқ тўр рўмолни унинг елкасига авайлаб ташлади, учалалари қирғоқ бўйига чиқишиди ва қаҳвахона олдида, очиқ ҳавода ўтиришиди.

Аввал Эмманинг касали ҳақида гаплашиши, лекин у ҳар дақиқа бу гаплар жаноб Леонни зериктириб қўяди, деб Шарлнинг сўзини бўлиб турди. Леон, Нормандияда нотариус орқали Париждагидан бутунлай бошқа турдаги ишлар ўтишини, у бўлса икки йилга Руанга келганлиги ва бу ердаги катта нотариал конторасида ишлаб кўзини пишитмоқчилигини гапирди. Кейин Бертани, Оме оиласини, Лефрансуа холанинг ҳол-аҳволини сўради. Боварининг олдида улар бошқа нарсалар ҳақида гаплаша олишмасди, шу билан гап тугади.

Уларнинг олдидан, тротуарда театрдан қайтган томшабинлар ўтишарди, улардан баъзилари «Менинг фариштам Лючия!» ни ғингиллаб, бошқалар овозларининг борича куйлашарди. Леон ўзини кўрсатиш учун музика ҳақида гап очди. У Тамбуринини, Рубинини, Персианини, Гризиларнинг қўшиқларини эшитга, уларнинг олдида мақталган Лагарди иш ечоямайди!

— Ҳар қалай, охирги пардада у жуда ҳам ажойиб дейишади,— шарбатни ром билан қўшиб шимириб туриб деди Шарль.— Мен охиригача кўрмасдан кетганимга ачиняпман. Менга у тобора ёқиб бормоқда эди.

— Ахир яқинда тагин битта томоша бўлади-ку,— деди Леон.

Унга жавобан Шарль эртага жўнаб кетишларини айтди.

— Балки менсиз шу ерда бир оз қоларсан, жонгинам? — сўради у Эммага мурожаат қилиб.

Кутилмаган бу қулай вазият йигитчага ўз тактикасини ўзгартиришга мажбур қилди, у Лагардининг охирги саҳнадаги ўйинини кўкларга кўтариб мақтай бошлади:— Бу ажойиб ўйин, қиёмат! — деди. Шунда Шарль Эммани қолишга қистай бошлади.

— Якшанба куни қайтиб борарсан. Кел, қўй, кўп тиҳирлик қиласкерма! Модомики, сен учун қиттак бўлса ҳам нафи бор экан, демак, ўжарлик қилишнинг ҳам ўрни йўқ.

Бу орада одамлар сийраклаша бошлади. Улардан нарироқда официант қаққайиб туарди — Шарль унинг шамасига тушуниб чўнтагини ковлади, Леон унинг қўлини ушлади, ўзи тўлаб, официантга икки кумуш танга чойчақа қолдирди, уни атайлаб столниң мармар тахасига жиринглатиб ташлади.

— Мени поқулай аҳволда қолдирдингиз... биз учун... тўлаб... — деб ғўлдиради Шарль.

Леон писанд қилмагандек унинг гапини бўлди ва шляпасини олди.

— Демак, шундай, эртага соат олтига?

Шарль яна қололмаслигини, агар хоҳласа Эмма қолиши мумкинлигини айтди.

— Гап шундаки... — тутилиб-тутилиб гапирди Эмма, қанақадир ғалати бир кулги билан, — ўзим ҳам билмайман...

— Ҳа, майли, ўйлаб кўришга ҳали вақтинг бор, кўрамиз. Эртагача худо пошшо, — деди Шарль ва уларни кузатиб бораётган Леонга қараб: — демак, сиз тагин бу томонларга келиб қолибсиз, бизникига бориб турарсиз, деб ишонаман.

Йигитча жон-жон, деб рози бўлди, идоранинг иши билан барибир Ионвилга бориши керак. Собор соати худди ўн бир яримга бонг урганди Леон, жаноб Бовари ва Бовари хоним билан Сент-Эрлан пассажи ёнида хайрлашди.

УЧИНЧИ ҚИСМ

I

Леон ҳуңук фанини ўрганаётганда тез-тез «кулбага»¹ ҳам бориб туарди, ҳаттоқи гризеткаларга² манзур бўлди. Гризеткалар уни «сипо йигит» деб мақташарди. Студентлар орасида энг тузукроғи ҳам шу эди: сочини калта ҳам эмас, узун ҳам эмас, ўртамиёна қилиб олдиран, уч ой учун юборилган пулни ой бошидаёқ саб қўймасди ва профессорлар билан яхши алоқада эди. Узининг юраксизлиги ва эҳтиёткорлиги туфайли ортиқча исрофгарчиликка йўл қўймасди.

Леон кундуз кунлари хонасида ёки оқшомлари Люксембург бояидаги аргувон дарахтлари тагида дарсларни такрорлаб ўтирганда Эмма кўз олдидан ўтаверди, у хаёл суриб қолар ва Қонун мажмуаси қўлидан тушиб кетарди. Бироқ шунга қарамай, Эммага бўлган туйгу-ҳислари оз-оздан заифлаша борди, ўзга орзулар бу ҳисларни бўғиб ташламаса ҳам қат-қатланиб борди. Лекин Леон умидини тамом узиб юборган эмас, худди афсонавий даражат тепасида тебраниб турган олтин мевадек қанақадир ноаниқ бир илинж уни ҳамон ўзига имлаб туарди.

Уч йиллик ҳижрондан кейин Эмма билан учрашганда унинг эҳтироси уйғонди. Бу аёлнинг висолига еттиш пайти келди деган қарорга келди. Бунинг устига шўх улфатчилик уни анча сурбет қилиб қўйган. Мана ёнди вилоят шаҳрига қайтиб келиб унча-мунча одамни, айниқса, амиркон туфлиси билан катта шаҳарлар-

¹ «Кулба» — Парижда, кўнгил очадиган ерлардан бири. Ву ерда бўлиб турадиган очиқ баллар студентлар, гризеткаларни қизиқтиради.

² Гризетка — француза бружуа адабиётида бир тур шаҳар қизлари, чунончи, чевар, машиначи, сотувчи қизларни шундай атайдилар.

нинг асфальт кўчаларида юрмаган одамларни назар-
писанд қилмасди. Албатта, тўрларга беланган Париж
аёллари олдида ёки бўлмаса қўш-қўш орденли, қўш
извошли машҳур олимларнинг салонига кирганда,
шўрлик нотариус ёрдамчиси ўзини мактаб боласидек
йўқотиб қўярди. Лекин бу ерда, Руан қирғоқларида та-
бибнинг хотини билан юришдан асти тап тортмайди,
бу аёлни ўзига шайдо қилишини у олдиндан биларди.
Кишининг ҳаддан ташқари ўзига бино қўйиши униг
атрофини қуршаб турган мұхитга боғлиқ; ҳар қалай
антресол билан бешинчи қаватнинг тафовути бор-ку,
бадавлат аёлнинг фазилати униг пуллари билан ҳи-
моя қилинади.

Кечқурун эр-хотин Боварилар билан хайрлашган-
дан сўнг Леон уларнинг орқасидан кетди. Улар «Қизил
зимой» меҳмонхонасига тушганликларини билиб ол-
гандан кейин, уйига қайтди ва тонг отгунча турли ре-
жалар тузди.

Эртасига, соат бешларга яқин у ўзини худди томо-
гини бир нарса бўғаётгандек ҳис қилиб, ранги бўзариб,
яланғоч сувдан тоймайди қабилидаги ҳолатда мек-
монхона ошхонасига кирди.

— Хўжайн йўқлар,— деди хизматчи.

«Бу омад албатта!» — дилидан ўтказди Леон ва
зинапоядан юқорига кўтарилди. Униг келиши Эмма-
ни ажаблантирмади, аксинча, у қаердан номер олган-
ликларини айтиш эсидан чиққани учун узр сўради.

— Мен бўлсам ўзим топиб олдим! — деди Леон.

— Ие, қандай қилиб?

У кўнгли сезганини, тусмоллаб шу ёққа келаверга-
нини айтди. Эмма кулимсираб қўйди, шунда Леон ио-
жўя гапирганини тушуниб, шу заҳотиёқ бошқа баҳона
топди: у эрталабдан бери ҳамма меҳмонхоналарга
бориб уни қидирганини айтди.

— Шундай қилиб, қолишга қарор қилдингизми? —
сўради у.

— Ҳа,— жавоб берди Эмма,— лекин афсус! Бекор
қолдим. Ишиг бошингдан ошибб ётган бир вақтда ети-
шиш қийин бўлган ҳузур-ҳаловатни орзу қилиш яхши
эмас...

— О, азизим, мен сизни яхши тушунаман!..

— Йўқ, сиз буни тушуна олмайсиз, сиз аёл эмас-
сиз!

Эркакларнинг ҳам ўзига яраша ғам-ташвишилари бор.

Шундай қилиб, фалсафа сотиб сұхбатта тушиб кетиши, Эмма бу дунё майдан икир-чикирлардан иборатлиги, инсон қалби агадий танқоликка маҳкум экани ҳақида узоқ гапирди.

Сипогарчилик учунми ёки бўлмаса ўзининг севимили, ғам-ғуссали қаҳрамонларига соддадиллик билан таъсир қилибми, Леон ҳам машғулотлар кўнглига текканини гапирди. Ҳуқуқ фанини жинидан ёмон кўриб қолганини, бошқа соҳа уни қизиқтирганини, лекин онаси ҳар хатида насиҳатгўйлик қилавериб зериктирганини гапирди. Сұхбат асносида улар қанчалар машиқат чекканларини очиқроқ гапириша бошлиши ва мана бу тобора кучайиб бораётган ўзаро ишонч уларда ҳаяжон уйғота бошлади. Лекин шунда ҳам юрак сирларини очиқроқ айтишга журъат этишмади — улар маълум бир фикр түғдирадиган сўзларни топишга уринишарди. Эмма бошқа бирорни севганини айтмади, Леон бўлса уни унутиб юборганига иқрор бўлмади.

Эҳтимол, баллардан кейин ниқоб билан ўтириб овқатланганлари Леоннинг ҳозир эсига ҳам келмаётгандир, Эмма бўлса каллаи саҳардан туриб, шудринг босган кўкатлар устидан ўйнашиникига чопганларини албатта ҳозир ўйламасди ҳам. Кўча шовқини буларга деярли эшитилмасди. Бу хона ҳаддаи ташқари тор бўлгани учун улар ўзларини жуда хилватда ҳис қиласдилар. Эмма эрталабки нафис кўйлагида, эски креслода ўзини ташлаб ўтирас, деворнинг сариқ гулқогозлари унинг орқасида олтиндек товланарди, кўзгуда эса унинг тўғри очилган соч фарқи чизиқ бўлиб аксланаар, соч толалари остидан бунагўши кўриниб турарди.

— О, кечиринг! — деди у. — Битмас-туғанмас ҳасратларим жонингизга теккандир!

— Йўғ-э, нега ундан дейсиз?

— Мен доимо нималарни орзу қилганимни билсангиз эди! — деди Эмма, бирдан ёшга тўлган чиройли кўзларини шипга тикиб.

— Мен-чи, мен! О, шунча азоблар чекдимки! Мен кўпинча уйдан чиқиб кетардим, юардим, соҳилларда кезардим, одамларнинг шовқин-суроки билан дардларимни босмоқчи бўлардим, лекин барибир кўнгил армонини босолмасдим. Бир кун хиёбонда, бир савдо-

гарда санъат маъбудаси тасвири солинган итальян гравюрасиқи кўриш олдим. У оқ либосда, паришон сочларида бўтакўз гуллар, ойга боқиб турарди. Алла-қандай ифодалаб бўлмайдиган бир куч мени у томон тортарди. Мен ўша расм олдида соатлаб турардим. У сал-пал сизга ўхшарди,— деб қўшиб қўйди Леон титроқ овоз билан.

Эмма, беихтиёр кулимсираётганини сездирмаслик учун тескари қаради.

— Сизга тез-тез хат ёзардим ва шу заҳоти йиртиб ташлардим,— яна гап бошлади Леон.

Эмма индамасди.

— Мен бирдан Парижга келиб қолсангиз-а, деб хаёл суардим. Кўчаларда кўпинча сизни кўраётганга ўхшардим. Мен дуррачанинг учи кўриниб қолган ҳамма фиакълар орқасидан чопардим, сизникига ўхшаган ўртукнинг учини кўрсам ҳам...

Чамаси Эмма унинг сўзларини бўлгиси келмасди шекилли, қўлларини қовуштирганича, бошини қўйи солиб, атлас туфлисининг бантларига тикилиб ўтирас, оёқ бармоқларини ҳар замон-ҳар замонда қимиirlатиб қўярди.

Ниҳоят Эмма уҳ тортди.

— Ҳа, ҳар қалай менинг қисматимдан қайгулиро; нарса йўқ; ҳаётимнинг ҳеч кимга кераги йўқ. Агар бизнинг азобларимиздан бирор кимсанинг мушкули осон бўлсайди, у ҳолда биз, ҳеч бўлмаса бошқалар учун ўзимизни қурбон қилилмиз-ку, деган фикр билан ўзимизни овутардик.

Леон, саховат, бурч ва тарки дунёчиликни кўкларга кўтарди; у ҳам ўзида шу нарсага қаттиқ талаб сезибди, лекин бунинг уддасидан чиқолмабди.

— Мен ҳамшира бўлишини жуда ҳам истардим,— деди Эмма.

— Ҳайҳот!— деди Леон,— эркакларда бундай табаррук қобилият йўқ. Мен ўзим учун тиббиётдан бошқа бирор машғулот...

Эмма елкасини сал қимтиб, ўз касалини гапира кетди; у бир ўлимдан қолди! Лекин афсус! Ўлим уни истироблардан қутқаради! Леон ҳам шошиб, «гўрдагина ором олиш»ни орзу қилишини айтди. Кунлардан бир куни кечқурун гўёки у васиятнома тузиш хаёлига желибди ва бу васиятномада унинг тобутига, бир

вақтлар унга Эмма ҳадя қилган, барқут ҳошияли ажойиб гиламни солиб қўйишларини сўрабди. Улар ростдан ҳам ўзлари тасвир этган одамдек бўлишни истардилар: иккиси баравар ўзлари учун олий мақсад барпо этишди ва бу олий мақсадга ўтмишларини боғлашди. Сўз— бамисоли йигирув чархи, унда ҳар қандай ҳис-туйғуни йигириб чўзса бўлаверади.

Бироқ гилам ҳақидаги уйдирма гап Эммага гайри табинийдек кўринди.

— Нега энди? — деб сўради у.

— Нега дейсизми?

Леон гап тополмай қолди.

— Негаки, мен сизни севардим-да!

Энг қийин тўсиқдан ҳатлаб ўтганидан севиниб кетган Леон кўз қири билан Эммага қараб қўйди.

Унинг аҳволи руҳиясида шундай бир ҳолат юз берардики, буни тўсатдан эсган шамол булутларни тарқатиб юборган пайтга таққосласа бўлади. Бири биридан қайғули бўлган ва Леоннинг феруза кўзларини маъюслаштирган хаёллар гўёки тарқалиб кетгандек бўлди; унинг чехраси баҳтдан чараклаб кетди.

У кутарди.

— Мен буни илгаридан сезган эдим... — деди ниҳоят Эмма.

Шундагина улар бири қўйиб, бири олиб қайтиб келмайдиган ўша даврнинг майда-чуйда ҳодисаларини, улар учун энди биргина сўзга айланган барча шодликлар, қайғулардан гапиришди. Леон печакгуллар чирмашган шийпон, Эмманинг кўйлаклари, унинг уй жиҳозлари, унинг бутун ҳовлисини эслади.

— Бизнинг қадрдон кактус гулларимиз нима бўлди.

— Қишида совуқ уриб кетди.

— Мен улар ҳақида қанчалар ўйлаганимни билсангиз эди! Мен уларни худди ўша ёз эрталаридағидек, дарпардаларингизда қуёш нури ўйнаган... ва сизнинг очиқ билакларингиз гуллар ичida кўзга ташланган вақтдагидек тасаввур этардим...

— О, азизим! — деди Эмма ва унга қўлинни узатди.

Леон унга лаблари билан ёпишди. Кейин чуқур хўрсинди.

— Ўшанда сизнинг борлиғингиздан ажойиб бир куч барқ уриб турарди ва у менга мафтункор таъси-

этарди... — давом этди Леон.— Бир кун мен отдингизга келдим... Бироқ, сиз буни эслай ол айсиз, албатта.

— Йўқ, эсимда бор,— эътиroz билдириди Эмма.— У ёги-чи?

— Сиз пастда, йўлакда, зинапояда аллақаёққадир кетмоқчи бўлиб турган эдингиз. Бошингизда ҳаво ранг гулли шляпангиз бор эди. Сиз мени кузатиб қўйишга токлиф этмадингиз, мен бўлсам қасдма-қасдликка орқангиздан кетавердим. Одобсизлика йўл қўйганим дақиқа сайин ойнилашмоқда эди. Орқангиздан эрганиб кетавердим. «Кузатиб қўяй», деб хирадик қилиш ўнгайсиз эди, лекин кетай десам, кетолмасдим. Сиз дўконга кириб кетганингизда, мен кўчада қолиб, қўл-қопингизни ечганингизни, пул санаб бераётганингизни деразадан кўриб турдим. Кейин сиз Тюваш хонимнинг эшигини қоқдингиз, эшикни очдилар, кириб кетганингиздан кейин катта, оғир эшик тарақлаб бекилди, мен бўлсам эшик олдида аҳмоқдек турибман.

Бовари хоним унинг сўзларини тингларкан, қанчалик қариб қолганига ажабланарди; назарида барча тафсилотлари билан такрорланаётган бу хотира-лар унинг ўтган умрини чўзаётгандек туюларди, у ўзида сезаётган ҳиссиётларнинг охири йўқдек кўринарди.

— Ҳа, рост!.. Тўғри!.. Тўғри!.. — дерди ҳар замонда Эмма кўзларини ярим юмган ҳолда.

Ҳар қадамда пансон, черков ёки ярим хароба ҳовлилар учрайдиган Бовуазин маҳалласининг ҳамма соатлари кечки соат саккизга бонг урди. Леон за Эмма сукут сақлашар, лекин кўзлари бир-бирига тўқнашганда, гўё беҳаракат кўз қорачиғларидан аллақандай садо чиққандек қулоқлари шангиллай бошларди. Қўллар қовушди... ўтмиш, келажак, хотира ва орезулар барчаси улар учун оҳиста қувонч туйғусига айланди... Хонанинг деворлари қорайди, лекин тўртта гравюранинг ёруғ бўёқлари қоронғиликда ҳам ялтираб кўринар: уларда Ажал минораси¹ пьесасидан парчалар акс эттирилган бўлиб, гравюра тагида испан ва француз тилларида изоҳотлар ёзилган эди. Деразадан усти

¹ Француз романisti ва драматурги А. Дюма-станинг пьесаси (1803—1870).

чўққили томлар орасидан қоронги осмоннинг бир парчаси кўринарди.

Эмма ўриидан турди, комод устидаги иккита шамни ёқди ва яна келиб жойига ўтири.

— Шундай қилиб? — сўради Леон.

— Шундай қилиб? — тақрорлади Эмма.

У, бўлинниб қолган сұхбатни қандай қилиб бошлашни ўйларди, бироқ Эмманинг ўзи бирдан савол бериб қолди:

— Не сабабдан ҳеч ким менга шу чоққача ҳистуйгусини бунчалик изҳор этмаган эди?

Йигит унга жавобан: олижаноб кишиларнинг табиатларини тушуниш осон эмаслигини айтди. Ҳолбуки унинг ўзи Эммани бир кўришда севиб қолганди ва кейин тақдирнинг амри билан илгарироқ учрашганда нақадар бахтли бўлишарди ва бир-бирларига узилмас ришталар билан боғланишарди, деган фикридан қанча изтироблар чекди.

— Мен ҳам баъзан шу ҳақда ўйлардим, — иқрор бўлди Эмма.

— Нақадар қувончили орзу! — шивирлади Леон ва унинг узун, оқ белбогининг зангори попукларини аста-секин титиб, қўшиб қўйди: — Ҳаммасини бошқатдан бошлашга ким халақит беради бизга?..

— Йўқ, дўстим, — деди Эмма, — мен энди қаришим. Сиз ҳали ёшсиз... Мени унутинг! Сизни севадиганлар кўп бўлади ҳали... Сиз ҳам севасиз...

— Лекин сизни севгандек эмас, — оғзидан чиқиб кетди Леоннинг.

— Ҳали қандай ёшсиз-а! Келинг, қўйинг, ақл билан иш қиласлил! Мен шуни истайман.

Улар бир-бирларига муҳаббат қўйиншлари мумкин эмаслигини, аввалгидек дўстлик чегарасидан чиқмасликлари кераклигини Эмма уқтира бошлади.

Эмма самимий гапиряптими? Буни, албатта ўзи ҳам билмасди, шайдо этиш қувончи ва эҳтиёт бўлиш зарурияти борлигини эгаллаб олганди. У йигитчага назокат билан тикилиб, унинг қўрқа-писа тегизаётгани титроқ қўлларини астагина итариб қўйди.

— Кечирасиз! — деди Леон, сурилиб.

Леоннинг мана бу тортинчоқлигидан Эмманинг юраги тинчсизланиб хавотир ола бошлади, бу тортинчоқлик ҳув ўшанда қулочини ёзиб, Эмма томон юриб

келавергаи Ҷодольфнинг жасоратидан хавфлироқ эди. Леон унга оламдаги ҳамма одамлардан чиройли кўринди. Унинг борлиғидан ажойиб қалб поклиги барқ уриб турарди. Унинг узун, ингичка, қайрилма киприклари дам-бадам пирпириарди, нафис ёноқлари ёнарди — Эммага бу ҳирс бўлиб туюлди ва шу ёноқлардан унинг ўпгиси келарди. Ниҳоят Эмма соатига қаради.

— Вой, худо, кеч бўп қопти-ку! — деди у. — Эзмаланиб ўтираверибмиз!

Леон шамага тушунди, шляпасини қидира бошлади.

— Спектакль ҳам эсимдан чиқиб кетибди! Бечора Бовари мени атайлаб қолдириб кетган эди! Мен Лормо ва унинг хотини билан борищим керак эди, улар Гран-Пон кўчасида туришади.

Имконият қўлдан бой берилди; әртага у жўнаб кетиши керак.

— Ростданми? — деб сўради Леон.

— Ҳа.

— Мен сиз билан яна бир бор кўришишим зарур, — деди у. — Сизга айтадиган сўзим...

— Сўзингиз?

— Битта... жуда зарур ишим бор. Йўқ, сиз кетмайсиз, бу мумкин эмас! Билсангиз эди... Гапимга қулоқ солинг... Наҳотки мени тушунмадингиз? Наҳотки фаҳламадингиз?..

— О, сиз шундай яхши гапирасизки, — деди Эмма.

— Сиз бўлсангиз ҳазилга оласиз! Илтимос! Шафқат қилинг, яна сиз билан кўришишга ижозат беринг... фақат бир марта... фақат бир марта гина...

— Ҳа, майли!.. — Эмма тутилиб қолди ва дарров ўзини қўлга олиб: — Лекин бу ерда эмас! — деди.

— Сизга маъқул бўлган ерда.

— Истасангиз...

Бир зум ўйланиб туриб, тез-тез гапирди.

— Эртага әрталаб соат ўн бирда, соборда.

— Келаман! — деди у ва Эмманинг қўлини жонжаҳди билан ушлади. Лекин Эмма тортиб олди.

Иккиси ҳам әнди — Леон унинг орқасида — тикка туришарди; Эмма бирдан бошини қуйи солди, шунда Леон ҳам әнгашди-ю, унинг гарданидан узоқ ўпди.

— Вой, жинни бўлдингизми? Жинни бўлдингизми? — деб такрорлади Эмма қўнғироқдек ўткир товуш

билан хандон ташлаб, Леон бўлса уни тинмасдан ўнади.

Ниҳоят Леон унга өлкаси оша қаради, гўё унинг кўзларида розиллик аломатини ахтарарди. Лекин Эмманинг кўзларида такаббурлик ифодаланаарди.

Леон чиқиши учун орқага уч қадам ташлади. Остоңда тўхтади. Титроқ овоз билан:

— Эртагача хайр! — деб шивирлади.

Эмма бош иргади-ю, қушдек учиб бошқа хонага кириб кетди.

Кечқуруй Эмма Леонга узундан-узоқ хат ёзди, хатда у учрашувдан воз кечгакини ёзди, оралари очин иккисининг тинчлиги учун улар ортиқ учрашмасликлари кераклигини маълум қилди. Бироқ хатни ёпиштириб, кейин унинг адресини билмаслиги эсига тушиб тима қилишини билмай қолди.

«Ваъдалашган ерга келганида қўлига топшираман», деб ўйлади Эмма.

Эрталаб Леон деразани очди, балконга чиқди, хиргойи қилиб туфлисини йилтиллатиб тозалади. Оқ тор шим, оёғига нафис носки, яшил фрак кийди, дастрўмолига атирни қолдирмай қўйди, кейин сартарошга бориб соchlарини қўнғироқ қилдирди, соchlарига табиийлик бериш учун шу заҳоти титиб-титиб қўйди.

«Ҳали жуда әрта», — деб ўйлади сартарошхонадаги какку қушли соатга қараб.

Соат тўққиз эди.

Леон эски мода бўлган журнални ўқиди, кўчага чиқиб, сигара чекди, уч кўчани айланди ва энди вақт бўлгандир, деб собор томон тез-тез юриб кетди.

Ажойиб ёз әртаси эди. Заргарларнинг витриналарида кумуш йилтираб туарди. Қуёшнинг соборга қия тушиб турган нури кул ранг ғадир-будур тошлар устида сирғалар, уни найзали мікоралар атрофида мовий осмонда қалдирғочлар қанот қоқар, сершовқин майдонда гулларнинг иси гуркиради. Бу ерда тош кўчанинг атрофи бўйлаб атиргуллар, ясмин, қалампирмунчоқ ва хушбўй оқ гуллар, чўлялпиз, қўноқ-ўтлар орасида бетартиб ўсиб ётади; майдоннинг қоқ ўртасида фонтан отилиб туарди, атрофига қовун ўйилган кенг зонт тагида ялангбош савдогар аёллар бинафшаларни дасталаб қоғозга ўрашарди.

Иигит гулдаста олди. Умриде биринчи марта у аёллар учун гул олиши эди. У бинафшани ҳидлади ва түёки бу гулни Эммага эмас, ўзига тақдим этмоқчи бўлгандек беихтиёр қаддини роствлади.

Бу туришда уни кўриб қолишлари мумкинлигини ўйлаб дадил қадам ташлаб собор томон кетди.

Соборнинг ўртадаги кирадиган қисмининг чап эшиги олдида рақсга тушаётган Марям¹ тагида қўлида турзи билан дарвозабон турарди, унинг бошида жигали шляпа, ёнида қилич, кардинал каби улугвор, сирли тұхфалар солинадиган қути каби ҳамма ёғи йилтйилт әтар эди.

У Леонга пешвоз чиқди ва черков хизматчилари нинг юзида болалар билан муомала қилганда пайдо бўладиган сохта кулги билан сўради:

— Жаноб, ҳойнаҳой, мусофир бўлсалар керак? Ибодатхонамизниң дикқатга сазовор жойларини зиёрат қилишни истайдиларми?

— Иўқ,— жавоб берди Леон.

У ён томонларни айланиб, черковнинг эшиги олдига чиқди. Эмма кўринмасди. Шунда у очиқ болохонага кўтарилди.

Табаррук сув солинган идишларда неф билан чўқишли гумбазларининг пастки қисми ва деразаларнинг рангдор шиша парчалари акс әтарди. Нақшларнинг акси идишларнинг мармар четларида парчаланаар, нарироқда бўлса полнинг тошларида аксланиб, рангбаранг гилам каби ёйниб кетарди. Учта очиқ турган өшиклардан учта узун шуъла тушиб турарди. Вакти вакти билан ибодатхонанинг ичкарисида, ризница² бошлиги минбар рўпарасига келиб шошилиб турган художўй одамлардай галати қилиб ёнламасига тиз чўкарди. Биллур қандиллар қимир этмай осилиб турар. Болохоналарда кумуш лампалар ёниб турарди. Баъзан ён томонлардан, қаёқдандр қоронги бурчаклардан, худди хўрсинганга ўхшаган товуш келар, кейин туширилган панжараларнинг тарақлаши баланд гумбазлар остида барака эшитиларди.

¹ Марям — таврот оятларига кўра, Мусо ва Хоруннинг синглиси, яҳудийларнинг Чермное денгизидан ўттанига багишлаб, худо шаънига ҳаяжонли қўшиқ яратган пайғамбар аёл.

² Ризница — попларнинг ибодат вактида киядиган кийини, черков асбоб-анжомларини сақтайдиган хона.

Леон худди деворнинг таққинасида кеккайиб, ёққа, бу ёққа юриб турди. Унга ҳаёт ҳеч қатон ҳозир гидек кулиб боққан әмас. Ҳадемай унга ҳавас билан тикилувчиларнинг боқишиларини зиддан кузатиб, кўкси тўлқинланиб жозибадор Эмма кириб келади ва Леон унинг олтин дастали кўзойнагини, қўш этакли кўйлагини, қошиқдек ботинкасини кўради. У Леоннинг ҳузурида ўзининг хилма-хил, аёлларгагина хос, йигит учун янги бўлган нафосати, барча фазилатлэр олдида тиз чўкадиган беқиёс жозибаси билан намоён бўлади.

Бутун ибодатхона улкан бир пардозхонага ўхшар, гумбаалар оетимда у ўз севгисини изҳор этсин деб бош эгадилар, рангдор ойналар унинг юзини ёритиш учун аввалгидан ҳам ярқираб кетдилар, у фаришта каби, муаттар ислар орасида намоён бўлсин деб, бухўр идишларда аланга баланд кўтарилади.

Бироқ у ҳамон келмасди. Леон курсичага ўтириди ва қўлида сават тутган балиқчиларнинг сурати солинган ҳаво ранг ойнага кўзи тушди. У дикқат билан уларга тикилди, балиқларнинг тангачаларигача, кийимларидаги тугмачаларигача санади, фикр-зикри эса Эмманни қидириш билан банд әди.

Дарвозабон нарироқда туарар ва ичида, ўзи соборни айланишга журъат этган анави одамдан ғазабланарди. Леон ҳақида, у ўзини ножӯя тутяпти, бу эса ўз ҳолича ўғрилик, деярли шаккоклиkdir, деб ҳисобларди.

Мана, тош тахталар устида шойи шилдиради, шляпанинг соябони ва қора ёпинчиқ кўринди... У! Леон ўрнидан иргиб турди ва у томон югурди.

Эмманинг ранги ўчган. У тез юриб келди.

— Ўқинг, буни!..— деди Эмма, унга бир парча қоғозни узата туриб,— оҳ, йўқ, керакмас!

У қўлини тортиб олди, Биби Марям хонасига борди ва стул олдида тиз чўкиб, чўқина бошлади.

Энг аввал бу риёкорона художўйлик билан йигитнинг ғашига тегди, кейин у Эмманинг, худди ошиғи билан учрашувга келиб бутун борлиғи билан ибодатга берилган Андалус марказаси каби ўзига хос бир латофати бор деб топди, аммо бу жуда чўзилиб кетди, Леон тезда зерикиб қолди.

Эмма ибодат қилар, тўғрироги, ибодат қилишга уринарди, бу унга мадад беришига, ўзи бир қарор-

га келишга ишонарди. Фалакнинг кўмагидан умидвор Эмма назрхона нақшининг йилтиrogига кўз тикар, қатта вазаларда очилиб ётган оқ гулларнинг хушбўй ҳидларини мириқиб ҳидлар ва ибодатхонанинг сукунатига қулоқ солар эди, бироқ бу сукунат унинг юрак ваҳимасини оширап эди.

Ниҳоят у ўрнидан турди ва иккиси дарвоза томон йўл олишган эди ҳамки бирдан уларнинг олдига дарвозабон югуриб келди ва:

— Хоним, ҳойнаҳой мусофир бўлсангиз керак? Бизнинг ибодатхонанинг диққатга сазовор ерларини кўришни истайсизми? — деб сўради.

— Йўқ! Йўқ! — деди Леон жеркиб.

— Нега энди? — эътиroz билдириди Эмма.

Ўзининг барча беқарор фазилати билан у Биби Марямга, ҳайкалларга, қабр мармар тошларига, ҳар хил баҳоналарга ёпишаверарди.

•Ҳаммасини бир бошдан» кўрсатишни ният қилган дарвозабон уларни ибодатхона олдига бошлаб чиқди ва асоси билан қора тош тахталар ётқизилган, ёзув ва нақшлари бўлмаган катта доирани кўрсатди.

— Мана бу гоят ажойиб Амбуаз қўнгиригининг айланаси,— деб гап бошлади дарвозабон тантана билан.— Унинг оғирлиги минг пуд эди. Бутун Европада бунга тенг келадигани бўлмаган. Буни қўйган уста шодлигидан юраги ёрилиб ўлган...

— Кетдик,— деди Леон.

Дарвозабон нари юрди. Момохудо номидаги хона томонга ўтгандан кейин атрофдаги ҳавас қилса бўладиган нарсаларга назар ташланг, дегандек қулочини кенг очиб ва ўзининг мевазор богини кўрсатаётган боғбоннинг гурури билан қайтадан тушунтира бошлади:

— Мана бу қалин тош тахта остида Пьер де Брезе, сеньора де Ла Варен ва де Брисак, буюк, маршал Нуату ва бир минг тўрт юз олтмиш бешинчи йил ўн олтинчи июлда Монлери жангига ҳалок бўлган нормандиялик губернаторнинг жасади ётибди.

Леон лабларини тишлар ва депсиниб турарди.

— Ўнг томонда сиз, оёгини кўтариб турган от устида, совут кийган рицарни кўряпсиз, бу унинг набираси Луи де Брезе, сеньор де Бреваль ва де Моншове, граф де Молеврие, барон де Мони, саройнинг ка-

мергери, орден кавалери ва у ҳам нормандиялик губернатор, ривоятларга кўра, бир минг беш юз ўттиз биринчи йил, йигирма учинчи июль якшанба куни вафот этган. Тепароқдаги, қабрга тушишга тайёр бўлиб турган одам ҳам ўшанинг ўзи. Фонийликни бундан яхшироқ тасвир этиш қийин, хўш, сиз нима дейсиз?

Бовари хоним кўзига дастали кўзойнагини қўйиб қаради. Леон унга миқ этмай қараб турарди, у бирор ғап айтишга ҳам, бирор ҳаракат қилишга ҳам уринмасди — у мана бу кулгили ва ростини айтганда, bemaza сафсатадан шунчалик эсанкираб қолган эди.

— Унинг ёнида,— давом этди, худди бураб қўйилган машинадек дарвозабон,— тиз чўкиб йиглаб ўтирган хотин: унинг рафиқаси Диана де Пуатье, графиня де Брезе, герцогиня де Валентинуа, бир минг тўрт юз тўқсон тўққизинчи йилда туғилиб, бир минг беш юз олтмиш олтинчи йилда вафот этган. Ёнида — Момоҳавво гўдак билан. Энди мана бу ёққа қаранглар — мана Амбуазларнинг қабри. Уларнинг иккаласи ҳам Руан архиепископлари ва кардиналлари бўлишган. Мана бу Людовик Ун иккинчи даврида министр бўлган. У собор учун кўп инъом қилган, камбагалларга тилла билан ўттиз минг экю васият қилиб қолдирган.

Жаги бир дақиқа ҳам тинмаган дарвозабон Леон ва Эммануэл ризницага олиб кирди ва ғовни суриб қўйиб, катта бир тошни кўрсатди, эҳтимол қачонлардир бу бесёнақай бир ҳайкал бўлган.

— Ўтган замонларда,— чуқур хўрсиниб деди дарвозабон,— бу ҳайкал Англия қироли ва Нормандия герцоги — Ричард Шер Юракнинг қабрини безаб турган. Бу кальфинистлар, уни шу ҳолга туширганлар. Улар аламзадаликдан уни ерга, епископ курсиси тагига кўмганлар. Қаранглар: мана бу эшикдан олий ҳазрат ўз қароргоҳларига ўтадилар.

Энди музaffer Георгий ўлдирган аждаҳонинг сурати солинган рангли ойналарни кўринглар.

Бироқ шу ерга келганда Леон шошилинч билан чўнтағидан кумуш танга олиб дарвозабонга қистирди-ю, Эмманинг қўлидан ушлаб олиб кетди.

Дарвозабон серрайиб қолди — бунақанги элдан бурун кўрсатилган сахийлик унга эриш туолган эди— ахир бу мусоғир ҳали қанчадан-қанча нарсаларни кўриши керак эди-ку! Унинг орқасидан:

— Тақсир тепаси-чи! Тепаси! — деди баланд овоз билан.

— Йўқ, ташаккур,— деди Леон.

— Бекор қиласиз, тақсир! Унинг баландлиги тўрт юз қирқ футга тўғри келади, у катта миср пирамидасидан атиги тўққиз фут пастроқ, холос. У ҳаммаси қўйма, у...

Леон чопарди. Унинг назарида икки соат мобайнида, соборда тош бўлиб қотиб қолай деган севгилиси, энди мана бу узунасига чўзилган катакнинг кесик трубасидан, мана бу тентак мисгарнинг бемаъни ишига ўхшаган, ўймакор каминнинг собор устидан чиқиб турган ажи-бужи трубасидан тутун бўлиб чиқиб кетаётгандек туюларди.

— Қаерга кетяпмиз? — сўради Эмма.

Жавоб ўрнига Леон қадамини тезлаштириди ва Бовари хоним бармоғини табаррук сувга ботириб оловди ҳамки, бирдан уларнинг орқасидан асонинг бир текис тўқиллаши билан бўлинаётган қаттиқ ҳансираш эшилди. Леон ўгирилди.

— Жаноб!

— Тагин нима?

Дарвозабон йигирматага яқин катта-қатта жилдларни кўтариб келмоқда эди, тушиб кетмаслиги учун уларни қорни билан тираб олган эди. Булар «собор ҳақида»ги асарлар эди.

— Каллаварам! — тўнгиллади Леон ва черковдан юрганича чиқиб кетди. Черков айвончасида бир бола ўйнаб юрганди.

— Менга извошчи чақириб кел!

Бола Катр-Ван кўчасидан ўқдай учиб кетди. Бир неча дақиқа Леон билан Эмма иккиси ёлғиз, юзма-юз қолишиди, улар иккиси ҳам бир оз хижолатда эди.

— Оҳ, Леон!.. Қайдам... Менга мумкин эмас.

Эмма ноз қиласди. Кейин жиддий қилиб гапирди:

— Тушунасизми, бу яхши иш эмас!

— Нега? — эътиroz билдириди Леон. — Парижда ҳамма шундай қиласди!

Бу Эмма учун энг катта далил эди.

Извошчидан ҳамон дарак йўқ, Леон Эмма яна черковга кириб кетмасайди деб қўрқарди. Охири извошчи келди.

— Ҳеч бўлмаса шимолий дарвозадан чиқинглар! —

бақирди уларга остоида туриб дарвозабон.— Рўзи маҳшарни, қиёмат қойим, жаннат, Довуд подшо ва гуноҳкорларнинг дўзах оловида ёнаётганларини кўрасизлар.

— Қаёққа юрай?— сўради кучер.

— Хоҳлаган томонингизга!— Эммани каретага ўрқаза туриб жавоб берди Леон.

Оғир извош йўлга тушди.

У Гран-Пон кўчасидан кетди, Деэ Ар майдони, Наполеон қирғоги, Янги кўприкдан ўтиб борди йа кучер худди Пьер Корнел ҳайкалининг тўппа-тўғрисига келиб от бошини тортди.

— Юравер!— деди овоз карета ичидан.

От қўзгалди ва Лафайет кўчасидан бошланадиган баландликдан вокзал томон чолиб кетди.

— Йўқ, тўғрига!— деди яна ҳалиги овоз.

От қоровулхонага етгандан баланд қайрагочлар орасидаги йўлдан йўргалаб кетди. Извошли пешанасини артди, чарм фуражкасини тиззалири орасида қисди ва отни дарё томонга буриб, қирғоқ бўйлаб, ўтлоқлар ёнидан ҳайдаб кетди.

Бир қанча вақт экипаж дарё ёқалаб тош ётқизилган йўлдан кетди, кейин Уасель яқинидаги ороллар орқасида анча айланиб юрди.

Бироқ бирдан Катрмар, Сотвиль, Гранд-Шоссе, Эльбеф кўчасидан чоптириб кетди ва учинчи марта Ботаника багининг ёнида тўхтади.

— Юравер деяпман-ку!— бақирди ҳалиги овоз бу гал ғазаб билан.

Экипаж яна жойидан қўзғалиб Сен-Север, Кюрандье, Мёль қирғоги орқали яна бир марта кўприкдан ўтди, кейин Марс майдонидан ва кўм-кўк тепаликда ястаниб ётган, қора куртка кийган чоллар офтобда сайд әтиб юрган шифохона боғи олдидан ўтди. Кейин кучер Буврэйль хиёбонига кўтарилиб, Кошуаз хиёбонидан ва бутун Мон-Рибудедан то шаҳарга кираверишгача отни елдириб келди.

Кейин карета орқасига қайтди, яна узоқ, лекин энди тусмоллаб бемақсад айланиб юраверди. Экипажни Сен-Поль ва Лекюр кварталида, Гарган тепалигида, Руж-марда, Гайярбуа майдонида, Маладрери, Динандери кўчаларида, Роман, Вирнана, Маклу, Никезе авлиё черковлари олдида, божхона, пастки Кўҳна

минора, Труа-Пип ва Катта қабристон олдидан ўтаётгандан кўрдилар. Вақти-вақти билан извошли ўтирган еридан қовоқхоналарга мўлтайиб кўз ташлаб қўярди. Бетўхтов юраверишнинг нима ҳожати борлигини тушунолмай гаранг эди. У бир неча бор экипажни тұхтатиб ҳам иўрди, лекин шу заҳоти ҳалиги дўқни ёшитарди. Шунда у яна иккита кўпикланиб кетган қирчангни отини хивчинлар, силкинишдан ҳам әҳтиёт қилмас, ўнқир-чўнқирга ҳам қарамай ҳайдар, ҳар ер-ҳар ерда бир нарсага урилар эди. Унинг нашъаси пасайиб кетди, азрабойи ташна бўлганидан, чарчаганидан, алам қилганидан йиглаб юборай-йиглаб юборай дерди.

Бочкалар, аравалар тиқилиб ётган қирғоқда, ҳамма кўчаларда, ҳамма чорраҳаларда одамларнинг кўзи вилоят шаҳрида кўрилмаган ғалати бир манзарага ажабланиб тикилар эди: пардалари туширилган, тобут каби ҳамма ёғи берк экипаж тўлқин устидаги кема каби у ёқдан-бу ёққа чайқалиб бетўхтов айланиб юрар эди.

Фақат бир марта, шаҳар четида, қуёш қоқ тепага кўтарилиб, унинг ўтқир тиғлари кумуш суви югуртирилган эски фонусларни йилтиллатган чошгоҳ маҳалда, сариқ бўз парда ичиде яланғоч қўл чўзилиб, майдамайда қоз парчаларини отиб ташлади, шамол уларни учириб кетди ва кейин улар гуллаётган бедапоялар устига оқ капалаклар каби қўнишди.

Карета Бовуазин кварталининг тор кўчаларидан бирига келиб тўхтаганда соат олтига яқинлашиб қолган эди, унинг ичидан юзига тўр тутган хотин чиқди ва ҳеч қаёққа қарамай олдинга юриб кетди.

II

Меҳмонхонага келиб Бовари хоним, ҳовлида дилижон йўқлигини кўриб ҳайрон бўлди, Ивер уни эллик уч минут кутиб, жўнаб қолган эди.

Шошилишнинг унча ҳожати йўқ бўлса-да, у Шарльга шу бугун кечқурун уйга етиб келишга ваъда берган эди, Шарль уни кутади ва Эмма ўз қалбида аллақачон кўпчилик аёллар учун хиёнат эвазига жазо шу билан бир қаторда гуноҳини юниш учун пайдо бўладиган

журъатсизлик, итоаткорлик ҳиссиии сеамоқда эди.

Эмма шошиб-лишиб нарсаларини йиғиштириди, мәҳмохона пулинин түлади, шу ерда, ҳовлида турган кабриолетни ёллади ва кучерни шошириб, унга далда бериб, ҳар дақиқа вақтни ва қанча йўл юрганларини сўрай-сўрай, ниҳоят Кенкампуанинг атрофида «Қалдирғоч»га етиб олди.

Бир бурчакка тиқилиб олиб кўзларини юмди ва дилижон тепаликдан туша бошлагандагина кўзини очди, шунда ҳали узоқдан туриб тақачилик олдида қоровул бўлиб турган Фелиситени кўрди. Ивер от бошини тортди ва ошпаз хотим оёғининг учидаги туриб ойнадан сирли пичирлади:

— Хоним, тўппа-тўғри жаноб Омеларникига боринг. Жуда зарур иш бор.

Шаҳарчада одатдагидек осойишталик ҳукм сурарди. Тротуарлардаги жомларда қиём кўпириб пишмоқда эди. Бу вақт қиём пишириш мавсуми эди ва бутун ионвилликлар бир йиллигини гамлаб оларди. Лекин дорихонанинг олдида жуда катта жом қўйилган эди, у дорихона қошидаги лаборатория оддий хонадонлардаги ошхоналардан катта ҳамда жамият эҳтиёжи шахсий талаблар устидаги ҳукмрон бўлганидек, бу қиём қайнаётгиз ўчиқ ҳам катталиги билан бошқалардан ажралиб турарди.

Эмма уйга кирди. Катта кресло ағдарилиб ётар, ҳатто «Руан машъали» газетаси ерда, икки ховонча дастасининг орасида ётарди. Эмма ошхона эшигини итарди ва қарагат солинган сопол идишлар, шакар, қанд ва стол устидаги тарозиллар, ўчиқка осилган жомлар олдида Оме оиласининг каттадан-кичигини кўрди, ҳаммасининг устида иягигача чиққан фартуқ, қўлларида қошиқлари бор эди. / Жюстен бошини қуйи солиб турар, фармацевт унга бақирав эди:

— Ким сени омборга юборди?

— Ҳа, нима бўпти? Бир гап борми?

— Нима гап эмиш? — илиб кетди гапни дорихоначи.— Биз қиём пиширяпмиз. Қиём қайнаяпти. Унда жуда суюқлик кўп. Сал анқайсанг, тошиб кетади, мен яна битта жом келтиришга юбораман. Бу ялқов, ношуд одам лабораториямдаги миҳдан омборининг калитини олади!

Жаноб Оме дориҳона асбоблари, дори-дармонлар уйилиб ётадиган том тагидаги ҳужрани шундай деб атарди. Кўпинча, ёлғиз ўзи у ерда, куни билан ўтириб, шишаларга дори қуяр, қоғоз ёпишти́рар, қопқоғини бекитар эди ва бу кулбага бир омбор сифатида эмас, чинакам ибодатхонага қарагандек қаради, зероки у ердан ўз қўли билан тайёрланган ва шон-шуҳратини узоқ-яқинга таратган катта-кичик хабдорилар, декоктлар, примочкалар, қуруқ дорилар ҳар томонга тарқалар эди. Унинг ўзидан бошқа ҳеч кимниг бу муқаддас ернинг остонасидан ҳатлаб ўтишга ҳаки йўқ эди. Жаноб Оме у ерга шунчалик ихлос билан қарадики, ҳатто у ерни ўзи супурарди. Хулласи камом, ҳамма учун очиқ бўлган дориҳонада у шуҳратпрастлик кайфини сурса, омбор унга, худбинларча тиришиб, ўзининг яхши кўрган иши билангина шуғулланишга имкон берадиган бошпана хизматини бажаарар эди. Мана, нима учун Жюстеннинг bemuloҳаза ишини у мисли кўрилмаган сурбетлик деб ҳисоблаётган эди, У шолғомдек қип-қизариб кетган, ҳамон бақи-рарди:

— Ҳа, омбордан-а! Кислота ва аччиқ ишқорларнинг калитини-я! Ҳар эҳтимолга қарши сақлаб қўйилган тогорани олиб чиқилди-я! Қопқоқлик тогорани! Энди мен, балки уни ҳеч қачон ишлатмасман! Бизнинг ҳунаримиз шу қадар нозикки, бунда қиттак нарса ҳам катта аҳамиятга эгадир! Ахир шу нарсаларга тушуниш керакки, фармацевтика эҳтиёжи учун ишлатиладиган бирор нарсани рўзгор эҳтиёжига шилатиш керакмас! Бу, демак, семиз товуқни скальпель билан сўйиш демакдир, худди судъя...

— Ўзингин босиб ол! — деди Оме хоним.

Аталия унинг сюргуги этагидан торти.

— Дада! Дада!

— Эй, қўйсаларинг-чи мени ўз ҳолимга! — жаҳлидан тушмасди дориҳоначи,— Ҳудо ҳаққи, сен ундан кўра бақол бўлиб ола қол! Ҳўп, майли, буз ҳаммасини! Синдир! Ур! Зулукларни чиқариб юбор! Доривор, тумагулларни ёқиб юбор! Шишаларда бодринг тузла! Бинтларни йиртиб ташла!

— Сиз мени...— бошлиди Эмма.

— Ҳозир!.. Биласанми, сен қанақа хавф-хатарга йўл қўйгансан?.. Сен чап томондаги, учинчи токчада

ҳеч нарсани кўрмадингми? Гапир, жавоб бер, тилинг танглайнига ёпишиб қолганми?

— Йў-ҳ... Ҳеч нарса кўрмадим,— гўлдиради бола.

— Билмайсанми?! Мен биламан! Қопқоги сариқ мум билан муҳрланган, устига ўз қўлим билан «Хавфли!» деб ёзиб қўйган оқ порошокли банкани кўрдингми? Биласанми, унинг ичидагима бор? Маргимуш! Сен унга теккансан! Сен ўшанинг ёнида турган тогорани олгансан!

— Маргимуш! Ёнида-я? Вой ўлмасам!— чапак чалиб бақирди Оме хоним.— Ҳаммамизни тирракдек қотириб қўярдинг!

Шунда болалар худди ҳозироқ қоринлари бураб оғриётганини сезгандек, бақириб йиглаша бошлади.

— Ёки беморни заҳарлардинг!— давом этди дори-хоначи.— Нима, сен мени судга тушишимни истаганинг? Менинг дорга осишларини хоҳларнинг? Молларни сақлашда шунча тажрибамга қарамасдан, ниҳоятда эҳтиёткор бўлганим сенга номаълуммиди? Бўйнимда қанчалик масъулият ётганини ўйласам, ҳатто юрагим орқамга тортиб кетади! Давлат бизни таъқиб этади ва бизда ҳукм сурган бемаъни қонунлар эса бошимиз устида қилидек туради!

Эмма нима учун чақирганларини энди сўрамасди ҳам, фармацевт бўлса жигибийрони чиққанидан ҳансира бўкирарди:

— Мана, сен биз кўрсатган яхшиликни нима билан қайтардинг! Сенга нисбатан қилган оталарча ғамхўрлигимга шуми миннатдорчилигинг? Мен бўлмасам, сен қаерларда юардинг? Ким эдинг ўзининг? Сени ким едирипти, ким кийинтирипти? Вақти келиб жамиятда яхши ўрини эгаллашинг учун сендан ҳеч нарсан: аямаётган ким ўзи? Лекин бунинг учун тер тўкиб ишлаш керак — ҳормай-толмай ишлаш керак. *Fabri-
cando fit bafer ,age quod agis!*¹

Азбаройи жаҳли чиқиб кетганидан латинчасига гапириб юборди. Агар билса хитойча, грендланча гапириб юборарди. У ҳозир шундай аҳволда эдик, беихтиёр киши юрагидагини очиб солади қўяди — бўрон вақтида океан қирғоқ бўйи йўсинларни ҳам,

¹ Меннат билан уста дунёга келади, шундай бўлгандан кейин, ишингни қил (лат.).

қаъридаги қумларни ҳам худди шундай соҳилга чиқариб ташлайди.

— Сени тарбиямга олганимга минг-минг пушаймон ейман! — деб вайсар эди фармацевт, — исқиртиликда, қашшоқликда ўсдингми — ўша ерда ис босиб ётавер эди! Сендан фақат молбоқар чиқади, холос. Сенга илм юқмайди! Шу битта шишага этикетка ёпишириш қўлингдан келмайди! Менинида тайёрга айёр, еганинг олдингда, емганинг кетингда!

Ниҳоят Эмма Оме хонимга мурожат қилди:

— Мени чақиртирганимидингиз...

— Эй, худо-ей! — ғамгин оҳангда унинг сўзини бўлди оқ кўнгил аёл. — Тилим ҳам бормайди.. Шундог мусибат!.. — У охиригача гапиролмади. Дориҳоначи ҳамон заҳрини сочарди.

— Тозала буни! Юв яхшилаб! Олиб кет! Бўл, қимирла тезроқ!

Шу сўзлар билан у Жюстенини қаттиқ бир туртган эди, унинг чўнтағидан битта китобча тушиб кетди.

Бола энгашди. Фармацевт ундан илдамроқ энгашиб китобни олди ва китобга тикилиб кўзларини чақчайтириди, оғзи очилиб қолди.

— Э р-х о т и н... м у ҳ а б б а т и! — жўрттага чўзиб ўқиди у.— Жуда соз! Жуда ажойиб! Тағин суратлари бор!.. Йўқ, бу ёғи энди ортиқча.

Оме хоним яқинроқ келди.

— Қўл тегизма!

Болалар суратларни кўргилари келди.

— Кетинглар! — буйруқ қилди ота.

Болалар нарироқ кетишли.

Бир ҳанча вақт фармацевт қўлида очиқ китоб билан ҳансираф, шолғомдек қизариб, кўзларини чақчайтириб, уйнинг у бошидан бу бошига юрди. Кейин шогирди ёнига яқин келиб, қўлларини қовуштириди:

— Бунинг устига тагин бузилган ҳам экансан, она сути оғзидан кетмаган бадбахт! Эҳтиёт бўл, ёмон йўлга кирибсан. Бу китоб менинг болаларимнинг қўлига тушиб, уларда нопоклик учқунини уйғотишини, Аталиянинг соғ қалбини қабиҳлаштиришини, Наполеоннинг бузилиб кетишини ўйламадингми? Ахир энди у ёш бола эмас-ку! Улар ўқимаганлигига аминмисан? Кафил бўла оласанми?

— Менга қаранг, жаноб Оме,— ялинди Эмма.— ахир сиз менга бир гап айтмоқчийдингиз-ку...

— Тўппа-тўғри, хоним... Сизнинг қайнатангиз ўлди.

Дарҳақиқат, икки кун бурун кекса Бовари столдан туралётганда қони бошига уриб, тўсатдан вафот этганди, Эмманинг нозик табиатлигидан қаттиқ ташвишланган Шарль бу мудҳиш хабарни мумкин қадар эҳтиётлик билан унга айтишни жаноб Омега топширганди.

Фармацевт Эммага айтадиган сўзларни олдиндан ўйлаб, ҳар бир жумлани тартибга солди ва эҳтиётлик, одоб, мақсадга ёста-секин кўчиш, нутқнинг ибораларидағи нафосат нуқтаи назаридан ҳақиқий санъат асари эди, лекин энг охирида қаҳр-ғазаб унинг барча дабдабали нутқини учирив юборди.

Тафсилоти Эммани қизиқтирмасди, у чиқиб кетди. Фармацевт бўлса яна Жюстенинг пўстагини қоқди. Бироқ у оз-оз тафтидан туша бошлади ва фескаси билан ўзини елпиб, энди оталарча насиҳат қила бошлади:

— Мен айтмайманки бу китоб ҳар жиҳатдан ҳам заарли деб. Буни врач ёзган. Унинг асари бир қатор илмий ҳақиқатларни ўз ичига олганки, ҳар бир эркак уни билса ёмон бўлмайди. Ҳар бир эркак билиши шарт дердим ҳам. Лекин ҳамма нарсанинг ўз вақт-соати бори Улгайиб эркак бўласан, сенда ҳам эҳтирос деган нарса пайдо бўлади, ана ўшандада ихтиёр ўзингда!

Шарль Эммани кутиб ўтирган эди. У эшикни тақиллатиши билан, Шарль қучогини очиб, хотинига югорди ва кўзлари тўла ёш билан:

— Оҳ, жонгинам!.. — деди.

Шарль уни ўпиш учун астагина энгашди. Лабларининг тегиши унга бошқа одамнинг ўличини эслатди ва унинг аъзойи бадани қалтираб кетди, қўли билан юзини бекитди.

Ҳар қалай Эмма ўзини мажбур қилиб:

— Ҳа, биламан... биламан... — дея олди.

Шарль унга онасидан келган мактубни кўрсатди, онаси ҳеч қанақа ҳиссиётга берилмай, бўлган воқеани ёзган эди. У факат эрининг вафоти олдидан тавбатазарру қилмаганига ачинчарди. У Дудвилда, ўзининг мактабдошлари — истеъфодаги офицерлар билан бўлган зиёфатдан кейин, қаҳвахона остонасида жон берганини билдирган эди.

Эмма мактубни Шарлга қайтариб берди. Овқат маҳалида у фақат одоб юзасидан ўзини ҳеч нарса ел олмасликка солди. Шарль уни қистай бошлади, шунда Эмма торгинмасдан овқатни тушира бошлади, Шарль бўлса дарди дунёси қоронғи, қимир этмасдан унинг рӯбарўсида ўтиради.

Ҳар замонда у бошини кўтариб Эммага узоқ ва гамгин боқарди.

— Яна бир марта кўрсам өди! — гапирди Шарль чуқур хўрсиниб.

Эмма гиқ этмаоди. Ниҳоят ахир, бир нима дейиш керак-ку.

— Отанг нечага кирганди? — деб сўради.

— Эллик саккизга!

— Э!

Шу билан гап тамом бўлди.

Чорак соатдан сўнг Шарль:

— Бечора ойим!.. Энди унинг бошига нима келади! — деб хўрсинди.

Эмма елжасини қисди.

Эмманинг жим ўтиришини Шарль қаттиқ хафаликдан деб тушунди, унинг сохта қайғусидан Шарлнинг кўнгли бузилиб хотинининг ярасини тимдаламаслик учун ўзини тийишга ҳаракат қилди ва жим ўтиради. Ниҳоят ўзини қўлга олиб сўради:

— Кечаги кун сенга ёқдими?

— Ҳа.

Дастурхонни йиғиширишганда Эмма ҳам, Шарль ҳам столдан туришмади. Эмма эрига тикиларди, мана бу ҳамиша бир хил кўринган турқ-башара унинг эрига нисбатан бўлган охириги ачинишларни ситиб чиқарди. Назаридан Шарль кўримсиз, ожна, ҳеч нарса-га арзимайдиган одам бўлиб кўринди, қисса килиб айтганда, икки пулга ҳам арзимасди! Унинг дастидан қаерга қочса бўлади? Мунча чўзилди бу оқшом ўлгур! Нимадир уни қимирлашга қўймас, худди қорадори еган одамдек карахт эди.

Йўлакда қўлтиқтаёқнинг тўқиллагани ошитилди. Ипполит Эмманинг нарсаларини олиб келган эди, уларни ерга қўйишдан олдин ниҳоятда қийналғиб, ёғоч оёғи билан ярим доира ҳосил қилди.

«Унинг эсидан ҳам чиқиб кетди!..» — деб ўйлади Эмма эри ҳақида, бечора ногироннинг сариқ соchlари-

дан кешанасига оқиб тушаётган катта-катта тер томчига қараб.

Бовари ҳамёнини ковлаб, чақа ахтарарди. Унинг бедаво ношудлигининг тимсоли бўлиб турган мана бу одамнинг кўриниши ёқ унинг учун таъна эканлигини у фаҳмламасди.

— О ҳанақа ажойиб гулдаста-я! — деди Шарль, каминда турган Леон ҳадя этган гунафшани кўриб.

— Ҳа,— хотиржамлик билан жавоб берди Эмма.— Мен бугун уни гадой хотиндан сотиб олувдим.

Шарль гулдастани олиб, гунафшани астагина ҳиддлай бошлади, гул ҳиди унинг ёшдан қизариб кетгани кўзларига ором бағищлади. Эмма гулни унинг қўлидан юлиб олиб, сувга солиб қўйди.

Эртасига катта Бовари хоним келди. Улар она-ўғил узоқ йиглашди. Эмма уй ишларини баҳона қилиб чиқиб кетди.

Яна бир кундан кейин таъзияга тайёргарлик кўришга тўгри келди. Иккала аёл кашта қутиларини олишиб, дарё бўйидаги айвончага бориб ўтиришди.

Шарль отаси ҳақида ўйларкан, унга куяётганидан ўзи таажжубланарди: назарида, илгарилари отасига унчалик меҳрибон әмасди. Катта Бовари хоним эри тўгрисида ўйлар эди. Энди у эри билан биргаликда кечирган энг оғир кунларни ҳам жон-жон деб қайтаришини истарди. Узоқ йиллар давомида ўрганиб, қадрдон бўлиб кетган нарсалари ҳақидаги афсуслар беихтиёр ҳаммасини босиб кетарди. Игна унинг қўлида бетўхтов лип-лип этар, ўқтии-ўқтии кампирнинг кўзидан оқсан ёш юзидан тушиб, бурнининг учиди осилиб турарди. Эмма бундан икки кунгина муқаддам Леон билан дунёнинг ташвишларидан мосуво бўлиб ишқ-муҳаббатга берилиб, бир-бирларига тўёлмай юрганлари ҳақида ўйларди. У ўтган куннинг энг майда тафсилотларигача эслашга ҳаракат қиласди. Лекин қайнана билан эрининг борлиги унга халақит берарди. Кошкийди у ҳеч нарсани эшитмаса, ҳеч нарсани кўрмаса, у ўз ҳиссиётларининг бир бутунилиги йўқолишидан қўрқарди, лекин шунга қарамай атрофдаги таассуротлар остида бу туйгулар аста-секин таралиб борарди.

Эмма кўйлагининг астарини сўкмоқда, атрофини қийқимлар босиб кетган эди. Кампир бошини кўтармай қайчини чақиллатарди. Шарль бўлса каноп туфлида,

өнди унга жалат хизматини ўтаётган эски жигар рані сюртугидә қўлини чўнтағига солганича чурқ этмай ўтирад эди. Оқ пешбанд кийган Берта Йўлда ёйилган қумларни белчаси билан куарди.

Тўсатдан эшик очилди ва газламафуруш жаноб Лере кириб келди. У «қайгули кунларда» ўз хизматини аямаслигини айтгани келганди. Эмма деярли ҳеч нарсага муҳтож эмаслигини айтди. Лекин бу савдогарга таъсир этмади.

— Мени афв этгайлар,— деди у Шарлга,— мен сиз билан холи гаплашишим керак.— У овозини пасайтириб: — Анави иш ҳақида,— деб қўшиб қўйди.— Эсингизда борми?

Шарль қулоқларигача қизариб кетди.

— Ҳа, айтгандек!.. Тўғри, тўғри!— гудранди, у саросималик билан хотинига қараб:— Сен ўзинг... сен гаплаша қолмайсанми... жонгинам?..

Эмма эрининг гапига тушунди шекилли, шу заҳоти ўрнидан турди. Шарль онасига қараб:

— Шунчаки арзимаган гаплар! Майда-чуйда рўзгор ишлари-да,— деди.

Ғиди-биди гап чиқмаслиги учун, вексель воқеасини онасидан яширишга қарор қилган эди Шарль.

Эмма ва жаноб Лере иккиси ёлғиз қолиши билан у такаллуфсиз Эммани мерос олиши билан табриклиди кейин бошқа гапларга ўтиб кетди, чунончи: мевалі даражатлар, ҳосил, ўзининг соглиги ва ҳоказо... Леки: соглигини гапирганда: «Бизда соглиқ нима бўларди», деб қўйди. Ҳа, қаёқданам унинг соглиги яхши бўлсин? Ташибиши бошидан ошиб ётса-да, даромади ҳалигидек — уч-учига зўрга етади.

Эмма унинг сўзини бўлмади. Шу икки куннинг ичida у одамларни шундай согиниб кетдики, асти қўяверасиз!

— Хўш, тамом согайиб кетдингизми?— давом этди Лере.— О, ўшанда эрингизнинг куйганини кўрсангиз! Мен ўз кўзим билан кўрдим! Гарчи орамизда анча гаплар ўтган бўлса ҳам, барибир у жуда ажойиб одам!

Эмма нима гаплар ўтганини сўради. Шуни айтиш керакки, Шарль Эмманинг харажатларини эшитиб ҳант-манг бўлиб қолганини ҳали ўзига айтмаган экан

— Ўзингиз биласиз-ку!— деди Лере.— Ҳаммаси

ўзингизнинг инжиқлигигиз — сабил чамадонлар туфайли бўлди.

Лере шляпасини бостириб кийиб олиб, қўлларини орқасига чалиштириб, тиржайиб ва ҳуштак чалиб, унинг юзига сурбетларча тикилиб турар эди. Эмма, «наҳотки у бирор нарсанинг шарпасини сезган бўлса-я?», деб бош қотиравар эди.

— Нихоят биз у киши билан келишиб олдик,— яна гап бошлади Лере.— Мен ҳозир ҳам унга битта қулинг ўргилсан ишни таклиф қилгани келдим.

У векселни қайтадан кўчириб ёзиши назарда туваётган, у ёғини жаноб Боварига ҳавола қилаётган эди. Бу тўғрида бош қотиришга унинг тоқати йўқлиги, бунингсиз ҳам ўзининг мияси ачиб ётганини гапирди.

— Яхиси, у бу ишни бошқа бирор одамга топширса бўларди, масалан, мана, сизга. У фақат ваколатнома ёзиб берса бўлди, бу ёғини сиз билан қотириб юборардик,— деди Лере.

Эмма тушунмади. Лере жим бўлиб қолди. Кейин у ўзининг савдо-сотиқ ишларидан гапирди ва бирдан— Эмма албатта ундан бирор нарсанни олиши кераклигни айтди. У Эммага ўн икки метр енгил жун кўйлакли қора мато юборади.

— Устингиздаги — уйга яхши. У ёқ-бу ёққа кийишингиз учун сизга бошқачаси керак. Мен буни кўришим биланоқ тушундим. Кўзим пишиб кетган-да!

Матони у юбормади, ўзи олиб келди. Орадан бир оз вақт ўтгач, у яхшироқ ўлчаб олиш учун яна келди. Кейин уни-буни баҳона қилиб, тез-тез келиб турадиган бўлиб қолди ва ҳар сафар ҳам у хушмуомала, сертакаллуф эди. Оме ибораси билан айтганда, хушомадгўйлик қиласиди ва қулай пайт топиб Эмманинг қулогига ваколатнома ҳақида бир-икки оғиз гап шивирлаб қўйишини унумасди. Вексель ҳақида оғиз очмасди. Эмма ҳам уни эсламасди. Эмма энди тузалиб келаёттан маҳалда, Шарль унга шу ҳақда шама қилиб ўтган эди, лекин у вақтлар Эмманинг дарди дунёси қоронги, кўнглига қил ҳам сифмасди. Шунинг учун Шарлнинг шамаси ҳам бир зумда хаёлидан кўтарилиб кетди. Умуман, у ҳозир пул ҳақида гап очмасликни афзал кўради. Қайнанаси бу ҳолдан таажжуబланди ва бу ўзгаришни Эмма бетоб маҳалида диндор бўлиб қолганига йўярди.

Бироқ қайнанаси кетиши биланоқ Эмма ўзининг улдабуронлиги билан Боварини ҳайрон қолдирди. У зрига ҳали сўраб-сурштиришни, ҳали гаров хатларни текшириб кўришни, ҳали уй-жойни ким ошди савдоси билан сотиш керакми ёки сотмасдан, қарзларни ўз бўйнига олиш фойдалироқми — шуларни ўйлаб кўришни тавсия қиласди. У керак бўлса-бўлмаса маҳсусо ибораларни, пул масаласида, айниқса, пухта бўлиш керак, ҳаммасини олдиндан кўра билиш керак, келажакни ўйлаш керак деган дабдабали жумлаларни ишлатар, меросхўрлик ҳуқуқига эга бўлиш билан боғлиқ бўлган ингидан-янги қийиничиликларни топар эди ва охирида Шарлга «Барча ишларни бошқармоқ ва идора қилмоқ, қарз бермоқ, векселларни тўлаш ва бериш, ҳар қанақа пулни тўлаш ва ҳоказо...» деб ёзилган умумий ваколатноманинг нусхасини кўрсатди. Жаноб Леренинг йўл-йўриқлари бекор кетмаганди.

Шарль соддалик билан бу қогоzioni унга ким берганлигини сўради.

— Гильомен,— жавоб берди Эмма ва безрайи туриб қўшиб қўйди: — Мен унга ишонмайман. Умуман, нотариусларга ишониш қийин. Маслаҳатлашиш керак эди... Бироқ биз нотариуслардан кимни биламиз... йўқ, ҳеч кимни танимаймиз!

— Биз биладиган фақат Леон-да...— деди ўйлаб туриб Шарль.

Унга хат ёзиб юборилса ҳам бўларди-ку, лекин бу анча машмашали иш. Эмма ўзи Руанга бориб келишини айтди. Шарль миннатдорчилик билдириди-ю, лекин розилик бермади. Эмма ўз гапида туриб олди. Ширин гаплардан сўнг Эмма ўзини қаттиқ раңжиганга солди.

— Қўйсанг-чи, мен барибир бориб келаман! — деди у.

— Қанақа ажойиб хотинсан, жонгинам! — деди Шарль ва унинг пешанасидан ўпди.

Эртасигаёқ Эмма «Қалдирғоч»нинг кетишидан фойдаланиб, Леон билан маслаҳатлашиш учун Руанга равона бўлди. У ерда у уч куни қолиб кетди.

III

Бу чинакам асал ойининг энг тўлиб-тошган, оромбахш, ажойиб кунлари эди.

Эмма билан Леон қирғоқдаги «Булонь» мәжмон-хонасида турардилар: дарпардалар туширилган, әшик-лар берк, полда гуллар; әрталаб — муз солинган сироплар...

Кеч кириши олдидан улар усти берк қайиқ олишар ва овқатланиш учун оролга йўлланар әдилар.

Тешик-тирқишлиарни лос билан бекитадиган ишчи-лар қўлларида болғачалар билан докларда¹ кемаларнинг корпусларини тақиллатиб юрган соат бўларди. Даражтлар орасида қора мумнинг буги сузиб юрар, сувда эса шафоқнинг қип-қизил нурида катта-катта ёғ дөглари чайқалиб Флорент бронзасининг тунука тахтасига ўхшаб сузиб юради.

Қайиқ пастга, оқимга қараб силжир ва уст томони билан қирғоққа бойланган баркаслардан қиялаб тушган узун арқонларга тегиб ўтарди.

Шаҳар шовқин-сурони, араваларнинг гижирлаши, товушлар, палубаларда итларнинг вовиллагани аста-секин орқада қоларди. Эмма шляпасининг лентасини ечарди ва кўп ўтмай қайиқ оролга келиб тўхтарди.

Кичик рестораннинг эшиги олдида, сувдан қора-йиб кетган балиқчилар тўрлари қуриб ётарди. Эмма ва Леон пастки қаватдаги хоналардан бирига кириб, қовурилган балиқ, қаймоқ, олча буюришарди. Кейин майсазорда юмалаб ётишар, тераклар остида ўпишишарди. Бу ерда улар худди қўш Робинзон бўлиб бир умр яшашлари мумкиндек кўринарди — улар иккиси шу қадар баҳтиёр әдиларки, гўё бутун оламда мана шу оролчадан гўзалроқ ер борлигини тасаввур ҳам этолмасдилар. Улар даражтларни, зангори осмон, майсалар, тўлқинларнинг шовиллашини, шамолдан баргларнинг шитирлашини биринчи бор кўриб, биринчи бор эшитаётганлари йўқ, бироқ авваллари ҳеч қайсисини пайқамаганлар, табиат шу чоққача улар учун гўёки мавжуд бўлмаган, тўгрироғи, хуморлари босилгандақ кейингина табиатнинг гўзаллигини қадрладилар.

Қоронги туша бошлиши билан улар шаҳарга қайтардилар. Қайиқ орол атрофида узоқ сузади. Атроф

¹ Док — кемалар туэтилодиган жой.

зулмат билан қопланади, улар ичкарида жимгина ўтиришади. Темир ҳалқали тўрт бурчак эшқақлар сукунатни сезиш туйғусини кучайтириб, худди соат механизмидек бир маромда тақилларди, орқа томонда ҳаракатсиз руль тагида сув бетўхтов жилдирарди.

Бир вақт ой кўринди. Эмма ва Леон бу мудосабат билан, нақадар ҳазин ва нақадар гўзал ой, деб юбордилар. Эмма ҳатто: «Тун чори сузганларимиз ёдингдами», деб ашула ҳам айтди.

Унинг кучсиз, аммо ёқимли овозини тўлқинларнинг шовиллаши босиб кетди. Унинг оҳанги эса худди қушларнинг қанот қоқиши каби Леон ёнидан учди, өл уни узоқларга олиб қочди.

Очиқ дарчадан тушиб турган ой ёруғида Эмма тўсиққа суюниб олиб, Леон қарисида ўтиради. Этак томони елиғич каби ёйилиб кетган қора кўйлаги уни озғин ва новча қилиб кўрсатарди. Бошини орқага ташлаб, қўлларини қовуштириб, осмонга тикилиб ўтиrar эди. Баъзан қирғоқ бўйидаги оқ толларнинг сояси уни бекитарди, кейин яна ой нурига беланиб худди шарпа каби зулмат ичидан чиқиб келарди.

Қайнқининг тагидан, Эмма ўтирган ердан Леон тўққизил лента топиб олди.

Қайнқчи унга анча синчиклаб қаради ва ниҳоят:

— Яқинда бир тўда улфатларни томоша қилдиранган эдим, шулардан бирортаси тушириб қолдирангандир. Жаноблар ҳам, хонимлар ҳам шундоғ шўх одамлар эканки, пирожное, сомсалар, шампань винолари, музика асбоблари билан келиб, чунонам хурсандчилик қилишдики, ана томоша! Айниқса, биттаси бор экан дент, баланд бўйли, чиройли, мўйловлари ўзига ярашади — шуниси жуда ҳам қизиқчи экан! Ҳаммаси баравар ўшанга ёпишишади: «Айтиб бер, бирор нарса айтиб бер!..» — деб қўйишмайди, унинг отини бир нарса ҳам дейишган эди, ҳақ нима ҳам эди? — Е Адольф, ё Додольф...

Эмма сесканиб кетди.

— Шамоллаб қолмадингми? — яқинроқ сурилиб сўради Леон.

— Ташвиш қилма! Тун совуқроқ, шундан бўлса керак.

— Шундоғам кўриниб турибдики, ўша йигит, битта ҳам аёлни қўлдан чиқармайди, — гапни бўлиш одобдан

бўлмаса керак, деб ўйлаб, секингина қўшиб қўйди кекса денгизчи.

Кейин у қўлларига туфлаб, яна өшкакларни ишга солди.

Начора, айрилиқ дақиқалари етиб желди! Ажралиш улар учун осон бўлмади. Леон Роле холанинг номига хат ёзиб турадиган бўлди. Эмма уига қўши конверт ҳақида маслаҳат бериб, ўзининг ишбилармонлигини кўрсатди. Леон унинг ишқий ишлардаги пишиқлигига ич-ичидан ҳайрон қолди.

— Демак, у ёқда ҳамма иш жойнда дегин? — уни охирги марта ўпа туриб сўради Эмма.

— Ҳа, бўлмаса-чи!

•Шу ваколатномани у бошига урармикан?... — бирпастдан кейин, кўчада ёлғиз кета туриб ўйлади Леон.

IV

Кўп ўтмай Леон ўртоқлари олдида ўзини катта тута бошлади. Уларнинг йигилишларидан ўзини олиб қочадиган, ишига ҳам қўл силкиб қўрайдиган бўлиб қолди.

У Эммадан мактублар кутар, уларни такрор-такрор ўқир эди. Ўзи ҳам ёзарди. Ўзининг бутун эҳтироси ва хотиралари билан унинг сиймосини кўз олдида гавдалантирас эди. Айрилиқ унинг дийдорини кўриш ташналигини камайтирмади, аксинча, кучайтирди. Бир кун, шанба куни эрталаб у ишхонасидан туёғини шиқиллатиб ҳам қолди.

Тепаликдан водийни, қўнгироқҳиснани ва унинг устидаги пириллаб айлангаётган флюгерининг тунука байрогини кўриб у ўзида ғалати бир ҳис борлигини, қаноатланиш, иззат-нафсини қондириш, хумордан чиқиши ҳисси, худбинларча меҳр борлигини сезди, эҳтимол миллионер ўз она қишлоғига қайтиб келганда шундай нарсани ҳис этса керак.

Леон унинг уйини айланаб ўтди. Ошхонада олов ёнарди. Шардаларга унинг соясни тушиб қолмасникин, деб пойлаб турди. Лекин соя шу кўйи кўринмади.

Лефрансуа хола уни кўриб оҳ-воҳ қилди, «бўйинг чўзилибди, озиб қолибсан», деди; Артемизанинг гапига қараганда у тўлишибди ҳам қорайибди.

Эски одатини қилиб у кичик залда овқатланди, лекин бу гал солиқ инспекторисиз ёлгиз ўзи овқатланди. Жаноб Винениг энди «Қалдирғоч»ни кутишга тоқати йўқ, шунинг учун у энди роса бир соат вақтлироқ, яъни худди соат бешда овқатланар, лекин барибир «Эски шалдироқ арава кечикаверади»,— деб бетўхтов вайсагани вайсаган эди.

Ниҳоят Леон юрак ютиб, докторнинг уйига келди ва эшикни қоқди. Бовари хоним ўз хонасида ўтирган эди, фақат чорак соат ўтгандан кейингина чиқди. Жаноб Бовари Леонни кўрганидан ғоят хурсанддек кўришиди, лекин шу оқшом ҳам, эртаси кун ҳам уйдан жилмади.

Леон Эмма билан фақат кечқурун боғнинг орқасидаги йўлакда, Эмма бошқа жазмани билан учрашиб турган ўша жойда учрашиши! Улар момақалдироқ гулдураб, чақмоқ ёруғида, соябон тутиб туриб гаплашиши.

Жудолик улар учун ниҳоятда оғир эди.

— Бундан ўлим яхши!— дерди Эмма бармоқларини сиқимлаб, қон-қон йиглаб.— Хайр!.. Хайр, жонгинам!.. Кўришмоқ бизга насиб бўлармикин?..

Улар бир-биридан ажralиб, икки томонга кетишди-ю яна бир-бирларининг огушига ташланиши. Шунда Эмма унга бирор йўл ўйлаб топишга, ҳеч бўлмаса ҳафтада бир марта монесиз учрашиб туриш учун қацақадир бир баҳона топишга ваъда берди. Эмма бу юш қўлидан келишига ишонар эди. Ҳа, умуман, у келажакка ишонч билан боқарди. Яқин кунларда унинг кўлига пул тушиши керак эди.

Шуни назарда тутиб, хонасига иккита кенг уқалик сариқ парда сотиб олди, жаноб Леренинг гапига қараганда бу парда «сув текин» эди. Эмма гиламни орзу қилувди, жаноб Лере «жудаям қиммат эмас» деди-ю, ўзига хос илтифот билан топиб беришни бўйнига олди. Энди Эмма унинг ёрдамисиз туролмасди. У бир кунда йигирма мартадан уни чақиртирас, у ҳам гинг демай, ҳар қанақа иши бўлса ҳам ташлаб келаверарди. Яна бир нарсага тушуниш қийин эди: негадир Роле хола ҳар куни Бовари хонимницида ионушта қиласди, бальзан шундай ҳам келаверарди.

Мана шу пайтларда, яъни қиши бошланишида Эмма музыка билан қизиқа бошлади.

Кунларнинг бирида кечқурун унинг чалган куйини Шарль эшитиб ўтириди. У битта куйни тўрт марта бошлаб, ҳар гал гижиниб тўхтаб қоларди. Шарль унинг фарқига бормай:

— Офарин!. Жуда ажойиб!. Нега тўхтаб қолдинг?
Чал, чала қол! — деб тилтимос қиласарди.

— Йўқ, жуда ёмон чаляпман! Бармоқларим қовушмаяпти.

Эртасига Шарль яна «бирор нарса» чалиб беришини сўради.

— Агар сен шундан баҳра олаётган бўлсанг, марҳамат! — деди Эмма.

Шарль, чалишни анча унугиб қўйибсан, деб айтишига мажбур бўлди. Эмма ҳадеб янгилишиб кетар, бузиб чалар эди, кейин бирдан чалишдан тўхтади.

— Ҳеч бало чиқмаяпти! Дарс олсам бўларди, ҳа... — Эмма лабини тишлаб қолди. — Аммо бир ойга йигирма франк-а. Бу жуда қиммат! — деб қўшиб қўйди.

— Ҳа, ростдан ҳам қимматроқ!.. — деди Шарль аҳмоқона кулимсираб. — Лекин ҳар ҳолда арzonроқ оладиганини топиш ҳам мумкин. Ҳозирги замонда унча номи кетмаган музикачилар ҳам донгдор музикачилардан қолишмайди.

— Ҳаракат қил, топ! — жавоб берди Эмма.

Эртасига Шарль уйга келганда хотинига айёrona қараб қўйди, кейин ичига сиғдиролмай:

— Ўзингга етганча ўжарсан-а! — деди у. — Бугун мен Барфешерга борган эдим. Буни қара-чи, Лъежар хоним, учала қизи Шафқат ҳамшираси монастирида ўқишини айтди, улар эллик судан тўлаб музикадан дарс олишар эмиш, музика муаллимаси ҳам жуда яхши эмиш!

Эмма кифтини қисиб қўйди. Шундан кейин у фортельяносини очмади қўйди.

Лекин унинг олдидан ўта туриб, агар Бовари шурда бўлса, ҳар гал хўрсиниб:

— Бечора фортельяном! — деб қўярди.

Меҳмонларнинг олдида у албатта музика ҳакида гап очиб, уни ташлашга мажбур эканидан ҳасрат қиласарди. Ҳамма унга ачинар, «Эсизгина, эсизгина! Шундоқ ажойиб қобилият йўқ бўлиб кетаверадими?» деб қўйишарди. Бу ҳақда Боварига таъна қилишар, уялти-

ришар, айниқса фармацевт жаги жағига тегмай жавраб кетарди:

— Бу — сизнинг хатоингиз! Тұғма қобиляйтни ўстирмоқ даркор. Бундан ташқари, биродари азиз, шу нарсани эътиборга олингки, сиз рафиқангизни музика билан шуғулланишга күндирсангиз, шу билан қизингизнинг музика билимінде кетадиган маблағни тежаган бўласиз! Шахсан мен шундай ўйлайман — оналар болаларини ўзлари ўқитишлари керак. Бу Руссонинг фикри, бу ҳозиргача ҳаддан ташқари жасоратдек кўринади, лекин мен шунга аминманки, болаларга она сути фойдали экани ва чечакка қарши эмлаш қанчалик тантана қилган бўлса, келажакда бу тоя ҳам шундай тантана қиласи.

Шундан кейин Шарль яна музика масаласига қайтди, Эмма маъюсланиб, яхшиси шу инструментни — чолғу асбобини сотиб қўя қолиш ҳақида гапирадиган бўлиб қолди, гарчи неча мартабалар ўзини овутадиган, хурсанд қиласидиган қадрдон фортеъянодан ажralиш аста-секин ўзини-ўзи ўлдириш билан, юрагининг бир чеккасини узиб ташлаш билан баравар бўлса ҳамки, начора!

— Бўлмаса сен... вақт-вақти билан дарс олиб турало, шу билан давлатимизнинг бир чеккаси ейилиб қолмас,— деди Шарль.

— Муттасил машғулот қиласидагина нафи бўлади,— эътиroz билдириди Эмма.

Шундай қилиб, Эмма ҳар ҳафтада бир марта ўйнаши билан кўришиб туриш учун шаҳарга боришга эридан рухсат олди. Орадан бир ой ўтгандан кейин музикадан катта муваффақият қозонаётганини айтишиди.

V

Бу ҳар пайшанба бўларди. Эмма ўрнидан туриб, Шарлни уйготиб юбормаслик учун секин-секин кийинарди, ахир Шарль унинг каллайи саҳардан туриб отланишидан норози бўлиши мумкин эди-да. Кейин уйда бир оз юрарди, деразадан майдонга қаарди. Тимнинг устунлари орасидан гира-шира тонг ёруғи тушив турар, дорихонанинг ёпиқ дарпардалари тепасидаги лавжалар

бэилган катта-катта ҳарфлар аста-секин билина бошларди.

Соат худди еттидан чорак ўтганда Эмма «Олтин шер»га борар, Артемиза эснаб-эснаб унга эшик очарди, Хоним учун у пеккадаги кул босиб қолган чўгларни ковларди. Кейин Бовари хоним ошхонада ёлғиз ўзи қоларди. Ўқтин-ўқтин ҳовлига чиқиб турарди. Ивер шошилмасдан экипажга отларни қўшар ва айни замонда Лефрансуа холанинг гапини тингларди, у бўлса бошида тунги чепчиги билан деразадан бошини чиқариб кучерга ҳар хил топшириқлар берарди, ҳар қайси топшириқни шундай батафсил гапирадики, кучердан бошқа одам бўлса аллақачон ҳаммасини чалкаштириб юборарди. Ёғоч таг чарми билан Эмма тош ётқизилган ҳовлида у ёқдан бу ёққа юриб турарди.

Ниҳоят Ивер, шўрвани ичиб бўлиб, плашини елкасига ташлаб, трубкасини оғзига солиб қамчинини қўлида ушлаб бамайлихотир шоти курсисига чиқиб ўтиради.

Отлар енгилгина йўргалаб кетишади, яrim лъегача «Қалдиргоч» ҳадеб тўхтайверарди. Кучер «Қалдиргоч» ни йўл четларида, әшиклар олдида кутиб турган йўловчиларни оларди. Кеча ўрин буюриб қўйганлар кўпроқ куттиришарди. Баъзиларини ҳеч ҳам уйғотиб бўлмасди. Ивер чақирав, бақирав, сўкинар, кейин ерга тушиб, жонининг борича дарвозаларни қоқарди. Диличоннинг синик ойналаридан шамол ғувиллаб киради.

Мана, ниҳоят, тўртта скамейканнинг ҳаммаси тўлди, энди дилижон тўхтамасдан кетади, олма дарахтлари бирин-сирин орқага чопиб кетаётганга ўхшайди. Йўл тобора торайиб, ичи сап-сариқ сувва тўлган икки томондаги ариқлар ўртасидан кетади.

Эмма йўлларни беш панжасидек билади. Яйловдан кейин симёгоч, ундан кейин қайрагоч, хирмон ва йўл устасининг уйи келишини билади. Ўқтин-ўқтин у ўзини чалғитиш учун кўзини юмиб олади. Лекин масофани билиш туйгуси уни ҳеч қачон тарк этмайди.

Ниҳоят ғиштлик уйлар яқинлашади, ғилдирак остида йўл гумбурлай бошлайди. «Қалдиргоч» боғлар ва панжара қилиб ажратилган йўллар орасидан ғилдираб боради, ҳайкалчалар, чирмовуқ гул учун қурилган панжаралар, учи қирқилган буталар, аргимчоқлар

кўзга ташлақади ва бирдан кўзингиз олдида манаман деб шаҳауз намоён бўлади қолади.

Шаҳар ҳали тонг қоронғисига бурканган тепаликлардан зиннатахлит пастга туша боради. Кўприклар ортида кенгайиб, бетартиб ястаниб ётиди. Шундок-қинна шаҳар четидаги далалар уфқ томон аста-секин кўтарилиб, олисларда ҳали четлари ноаниқ кўринаётган оппоқ осмонга бориб тақалади. Бу ердан тепадан, бутун манзара худди суратдагидек ҳаракатсиз кўринади. Бир бурчакда лангар ташлаб турган кемалар тиқилишиб ётади, кўм-кўк тепаликларнинг ҳтагида илон изи бўлиб дарё оқади. Чўзинчоқ орнлчалар, худди сувда қимир этмай турган катта қора балиқларга ўхшаб кўринади. Фабрика трубалари атрофи титилган жигаларга ўхшаш қорамтири турун чиқариб туради. Пўлат қуювчи заводлар қаттиқ нафас олади, туман ичидан гира-шира кўринаётган черков қўнғироқхонасидан эса шодиёна бонг овози эшитиларди. Хиёбонларнинг баргиз дарахтлари ҳовлилар орасида кўкимтири буталар каби қорайиб кўринар, ёмғирдан ҳўл бўлиб кетган томлар, уйларнинг паст-баландлигига қараб бир ерда ярқирар, бир ерда хиравоқ йилтириар эди. Вақт-вақти билан шамол-булутларни Сент-Катрин тепалигига олиб учиради, улар ҳаво тўлқинлари билан тепа ён бағирларида овозсиз парчаланаарди.

Бу зич уйларни кўришдан Эмманинг боши айланар, юраги кўксига сиғмай кетарди: Эмма узоқданоқ ҳис қилган бир юз йигирма минг жоннинг ҳар биринда ўзига хос эҳтирос борлигини кўради ва уларнинг шавқ-завқлари уйга таъсир этаётгандек бўларди. Кенг эркинликни ҳис этишдан унинг муҳаббати ошарди, ноаниқ ғовур билан тўлиб-тошарди. Эмма бу муҳаббатни ташқарига — майдонларга, хиёбонларга, кўчаларга тўкиб сочарди.

Бу қадимиј Нормандия шаҳрига у худди қанақадир Вавилонга, кўз илғамас бир пойтахтга келгандек кириб келарди. Икки қўли билан ромга ёпишганича ойнадан бошини чиқаради ва шамолдан нафас оларди. Уч отли дилижон қушдек учив борарди, от туёқлари тагидан, лойдан чиқиб турган тошлар чарсилларди, дилижон силкинарди, Ивер узоқдан туриб олдинда кетаётган кучерларга ҳайқирар, Руан бойлари кечани Буа-Гильомда ўтказиб, энди оиласий

шажларида олифтагарчилик билан тапаликдан тушиб келаётган бўлардилар.

Қоровулхона ёнида «Қалдирғоч» бир тўхтаб оларди. Эмма ёғоч таг чармини ечар, қўлқопини алмаштирас, рўмолини тузатар ва йигирма қадамча юргандан кейин «Қалдирғоч»дан тушарди.

Бу орада шаҳар уйгона бошларди — феска кийган гумашта магазин ойналарини артар эди. Чорраҳаларда сават ушлаган савдогар аёллар баланд овоз билан молларини мақтардилар.

Эмма қора тўрини юзига тушириб олиб, оёқлари тагига қараб девор тагидан юриб кетарди ва шодликдан табассум қиласди.

Уни таниб қолицларидан қўрқиб одатда қулай йўлдан кетмасди. У қоронги, тор кўчаларга ўзини ураг ва Насьональ кўчаси тугаб, фонтанга етгандан унинг аъзойи бадани терлаб кетарди. Бу театр, қовоқхоналар ва суюқоёқ қизлар яшайдиган квартал эди. Эмманинг олдидан кўпинча декорацияларни лиқиллатиб олиб бораётган аравалар ўтарди. Фаррошлар фартуқ кийиб олиб четига яшил ниҳоллар ўтқазилган тротуарларга қум сепишарди. Спиртли ичимликлар, сигаралар, устрицаларнинг ҳиди анқирди.

Эмма бурилишга чиқиши билан Леоннинг шляпаси тагидан чиқиб турган жингалак соchlаридан дарров таниб оларди.

Йигит тўхтамасдан кетаверарди. Эмма унинг орқақасидан меҳмонхона томон борарди, Леон зинадан кўтарила, эшикни очар, ичкари киради. О, бу оғушини тил билан ифодалаб бўладими!..

Бўсалардан сўнг сўзлар қўйилиб кетарди. Иккиси ўтган ҳафта чеккан ҳасратларидан, юрак сиқишлиридан, мактуб учун ташвишланганларидан гапиришарди. Бир оздан кейин булар ҳаммаси унутилар ва улар ҳаяжондан ўзларини тутолмай кулишиб, бир-бирларини эркалашга чорлаб, бир-бирларига узоқ тикилишиб қолишарди.

Каравот катта, қизил ёғочдан қилинган, қайиқقا ўхшатиб ясалган эди, Қизил левантиндан тикилган чодир шифтдан осилиб тушиб турар, унинг этаги кенгая борган каравот суянчиғида қайириб қўйилганди. Дунёда гўзаллик бобида ҳеч нарса мана шу ёқут ранг чодир фонида, Эмманинг қора соchlарию оппоқ баданига

етмасди, айниқса у ялангоч қўллари билан кўкрагини уятчанлик билан бекитиб, бошини кафтларига қўйган дақиқалари чиндан ҳам жон олғувчи бўларди.

Илиққина хона, оёқ товуши эшитилмайдиган юмшоқ гилам, деворлардаги шўх-шўх суратлар, майин ёғду — бу шинамликда ҳирс ўзини эркин сезарди. Камон ўқи шаклидаги парда ёғочлари, улардаги мис ҳалқачалар, камин панжарасидаги қуббачалар, қуёш ўз нурини сочиши билан йилтираб кетар эди. Камин ўстида, шамдонлар ўргасида агар қулоққа тутсанг денгиз шовқини эшитиладиган иккита катта-катта. Гўшти ранг чиганоқ турарди.

Озгина оҳори кетганига қарамай, улар бу шўхчанг ва жонон хонани шунчалик севишардики, ҳар гал келганларида улар ҳамма нарса бояги-боягисидек турганлигига қаноат ҳосил қилишарди, агар Эмма соат тагида соч тўғнагичини эсидан чиқариб қолдирган бўлса, келаси пайшанбагача ўша турган ерида туразверарди. Камин олдида, четларига мис ҳошиялар қилинган кичкина палисандр столида нонушта қилишар эди. Эмма гўшти тўғрар, Леонга хуошмад қилиб тарелкасига уст-устига гўшт парчаларини соларди. Шампан виноси кўпикланиб, нафис қадаҳ четидан унинг ўзуклар тақилган панжаларига тошиб тушса, у жарангдор ва ҳирс уйғотадиган кулги билан куларди. Улар бир-бирларига шу қадар қаттиқ bogланишган эдиларки, гўё бу уй улар учун ўла-ўлгунча ёш эр хотин бўлиб бирга яшайдиган ўз уйларидек бўлиб кетган эди. Улар: «Бизнинг хонамиз, бизнинг гиламимиз, бизнинг кресломиз» деб гаплашишарди. Ҳатто Эмма: «Менинг уйда киядиган туфлим», дерди. Бу унинг нози эди, бу туфли Леоннинг ҳадяси, уйда кийилладиган, четига оққуш паридан уқа қилинган, пушти атлас туфли эди. Эмма Леоннинг тиззасига ўтирга да, унинг оёғи ерга тегмасдан осилиб турар ва гулчини бўлмаган нозик туфлича фақат унинг яланг панжаларидагина илиниб турарди.

Леон умрида биринчи марта аёл жозибасининг бекиёс латофатидан баҳраманд бўлмоқда эди. Гапга чечанлиги, пардоз-андоздаги юксак диidi, ухлаб ётган кабутар сумбатлиги — булар барчаси у учун ҳеч кўрилмаган нарсалар эди. Эмманинг табиатидаги хушчақчақлик ҳам, унинг кўйлагидаги тўр уқа ҳам унга

ёқарди. Буларнинг устига Эмма «палаги тоза аёл» эди, яъни эрлик хотин! Хулласи калом, чинакам маъшуқа!

Эмма ўзининг ҳали хаёлчан, ҳали хушчақчақ, ҳали сергап, ҳали индамас, ҳали жўшқин, ҳали бепарво — хуллас, ўзгариб турувчи кайфияти билан Леоннинг ҳирсини қўзғатар, савқи табиий ва хотираларни уйғотар эди. Леон учун Эмма ким эди? Барча романлардаги аёл рамзи, бутун драмаларнинг қаҳрамони, ҳамма шеърий тўпламларнинг илҳом париси эди у. Леоннинг фикрича, унинг елкаси ўзининг каҳрабодек товланинши билан чўмилаётган одалиска¹нинг елкасими эслатар, бели феодал саройи маликаларининг белларидан ҳам хипча, у рангпар барселон аёлларига ҳам ўхшайди. Қисқа қилиб айтганда, у фаришта эди!

Леон Эммага тикилар экан, назарида қалби маъшуқаси томон ошиқаётгандек ва унинг боши узратулиб-тошиб, оппоқ сийнасига қўйилаётгандек туларди.

Ерга ўтириб, тирсакларини Эмманинг тиззасига қўйганича, унга табассум билан боқар ва пешанасини тутарди.

Эмма унга энгашар ва шавқ-завқа тўлганидан энтикиб шивирларди:

— Қимиirlама! Жим! Менга қараб тур! Кўзларини шунчали меҳрибон боқадики, сен билан жоним ором олади!

У Леонни «болагина» деб атарди:

— Болагина, мени севасанми? — Эмма унинг жавобини эшитмасди, йигитнинг лаблари унинг лаблари билан қаттиқ муҳрланганди. Эмма билан Леон кўпинча соат устига ўрнатилган, қўлинни тилла суви югуртирилган гулчамбар тагига қўйиб турган бронза купидонга² қараб кулишарди. Бироқ айрилиқ дақиқалари етганда иккисининг ҳам дарди дунёси қороғишаар эди.

Қарама-қарши турган ҳолда жойларидан қўзғала олмай:

— Пайшанбагача! Пайшанбагача!.. — деб такрорлашарди.

¹ Одалиска — канизак.

² Купидон — севги худочаси.

Кейин бирдан у икки қўли билан Леоннинг бошини маҳкам чангларди-ю, лабларини бир дақиқа унинг пешанасига ёпишириб турарди ва «Яхши қол!» деб зинадан югуриб тушиб кетарди.

У соchlарини тартибга солиш учун Театрал кўчасидаги сартарошхонага кетарди. Қоронги туша бошлэр, сартарошхонада газ чироқлар ёқиларди.

Эмма, актёрларни саҳнага чақираётган қўнғироқларни эшитарди. Деразанинг ойналаридан, кўчанинг нариги томонида эскигина кийимларда, ранглари оппоқ эркаклар, аёллар саҳна орқасига ўтиб кетаётгандар кўриниб турарди. Улама соchlар, ёғупалар солинган банкалар қалашиб ётган пастаккина ва тор хонада темир печка гувиллар, хона ичи иссиқ эди. Қайноқ қисқичлар ва Эмма гажакларини тераётган ёғлиқ қўлларнинг иси уни элитиб қўярди. Кўп ўтмай у халатига ўралиб олиб мудрай бошларди. Сочини жингалак қилаётган уста кўпинча унга бал-маскарадга билет таклиф қиласарди.

Кейин Эмма жўнаб кетарди! У яна ўша кўчалар билан кетар, «Қизил яримой» қаҳвахонасига келиб, эрталаб «Қалдиргоч» дилижоннинг скамейкаси тагига яшириб қўйган ёғоч таг чармини қайтадан боғлаб оларди ва бетоқат йўловчилар орасидан ўтиб ўз жойига бориб ўтиради. Тепаликка чиқиш олдидан ҳамма тушарди. Эмма битта ўзи дилижонда қолаверарди.

Ҳар бир бурилишдан кейин тартибсиз қалашиб ётган бинолар тепасида улқан нурафшон булут ҳосил қилувчи қатор кўча фонусларининг манзараси тобора кенгайиб бораради. Эмма дилижон ўринидига чўккалаб олар, ёғдуга тикилиб, ҳўнграб йиглар, Леонни чақирав, шивирлаб ширин сўзлар айтар, унга ғойибона бўсалар йўллар ва шамол уларни учқириб кетар эди.

Тепалик бўйлаб у ёқдан бу ёққа қатнаб турган дилижонлар орасида ҳассасини дўқиллатиб бир гадой юради, устидаги жулдур кийими баданини зўр-базўр бекитиб турарди, бошидаги таги тешик, тогорачага ўхшаган юм-юмалоқ мовут шляпаси кўзига тушиб кетаверарди. Аммо шляпасини ечганда қовоқларининг ўрнида қонли чуқурча кўриниб турарди, қип-қизил гўшт парча-парча бўлиб осилиб ётарди; кўз косасидан

то буригача селава оқиб, күм-күк қалоқ ҳосил қилғанди; қоп-қора бурун катаклари асабий пириллар эди. У бирор киши билан гаплашганда бошини орқасига ташлаб гаплашар ва маъносиз кулар эди, бетўхтов қимирлаб турган кўкимтири кўз оқи бўлса пешана-сига кўтарилиб йиринг бойлаб ётган яраларга бориб тегарди.

Гадой экипаж орқасидан чопиб, қўшиқ айтарди:

Ез ойи, кун иссиқ, гўзал бир қизча
Ерини ўйлашдан эринмас сира.

Бу қўшиқининг давоми — қушларнинг сайраши, қуёш нури ва яшил барглар билан тўла эди.

Баъзан бу гадой бош яланг Эмманинг олдида пайдо бўлиб қоларди. Эмма чинқириб юборар ва дилижоннинг бурчагига тиқилиб оларди. Ивер сўқирии масхара қиларди. Унга ярмарка бозорида томоша-хона ижарага олишини маслаҳат берар ёки хаҳолаб кулиб, унинг жазмани қалай юрганини сўрарди.

Кўпинча тез юриб кетаётган дилижоннинг ойнасидан кўрнинг шляпаси суқилиб кирав эди, бўш қўли билан у тахланма шотини ушлаб олар, ғилдираклар тагидан унга лой сачтарди. Унинг аввал чақалоқининг овозига ўхшаб чиқаётган ингичка овози бора-бора ўткирлашиб кетарди. Тун зулматида бу овоз қандайдир тушуниб бўлмайдиган дард-аламнинг чўзиқ, дудмал дод-фарёдидек жарангларди. Худди олислардан, дарахтларнинг шовиллаши, қўнгироқларнинг жиринглаши, бўш экипажнинг тарақлаши орасидан Эмманинг қулоқларига чалинаётган бу юракни әзувчи куйда битмас-туганмас бир ғурбат оҳангি бор эди. У овоз худди чуқур тог оралирига урилиб кирган қуюндеқ Эмманинг қалбига урилиб кириб уни алам-изтиробни белоён бўшлиқларига олиб қочарди. Бироқ Ивер шу орада дилижоннинг бир ёққа қийшаяётганини сезиб, сўқирини қамчи билан аччиқ-аччиқ тушириб қоларди. Қамчи учидаги тугунча сўқирининг яраларига тегар, гадой вой-войлаб лойга йиқиларди.

Кейин «Қалдирғоч»нинг йўловчилари аста-секия пинакка кетишар: бири оғзини очиб ухласа, иккинчи-си бошини кўксига эгиб ухлар, кимдир ҳамроҳининг елкасига бошини қўйиб, яна кимдир қўли билан тасмани ушлаб олиб ухлар, шу аҳволда ҳаммаси дили-

жон билан бирга бир маромда силкнишарди. Фонуснинг милтиллаган ёруғи ўртадаги отнинг сағрида сирғалар, тўқ жигар ранг чарм пардалар орқали дилижоннинг ичига кирап ва ухлаб ётганларниң беҳаракат юзига қонли шуъла ташларди. Эмма ўлгудек зерикиб, совуқдан қалтирас, оёқлари қаттиқ совқотар, қалбида зулмат ҳукмрон эди.

Уйда Шарль уни сабрсизлик билан кутар — доимо пайшанба кунлари «Қалдирғоч» кечикиб келарди. Ниҳоят «хоним» уйларидалар! Эмма саросималик билан қизини ўпарди. Овқат ҳали тайёр эмас, ҳечқиси йўқ! Эмма ошпаз хотиндан хафа бўлмади. Бундай кунларда хизматчи қиз нима қилса ҳам кечирилаверади.

Эмманинг ранги оқарганини кўриб эри унинг соглигини сўради.

— Яхши! — деди Эмма.

— Нега бўлмаса бугун ғалатироқ кўринасан?

— Ҳа-йўқ, шунчаки ўзим.

Баъзан у қайтгандан кейин тўғри ўз хонасига ўтиб кетарди. У ерда Жюстен ўтирган бўларди. У оёқ учida юрар ва унинг хизматини энг одобли хизматчи аёллардан ҳам яхшироқ бажаради: гугурт, шамнитоблар келтирас, тунги кийимини тахлаб қўяр, ўрини солиб берарди.

Шундан кейин Жюстеннинг икки қўлини ёнинга солиб қотиб турганини, кўзларини бўлса худди қанақадир тўсатдан миясига келиб қолган беҳисоб хаёл иплари ўраб олгандек бақрайиб турганини кўриб одатда Эмма:

— Майли, яхши, энди бора қол! — дерди.

Эртасига Эмма ўзини ниҳоятда ёмон ҳис қилар, кейин кундан-кун ўзини қўярга жой тополмай қолар, кечирган ҳузур-ҳаловатини яна бир марта тотиш шашналигига ёнар ва хотиралар билан қизиб тобга келаётган бу ҳирс алангаси фақат еттинчи кун — Леоннинг эркалашларидан кейин гувиллаб ёнарди. Леоннинг қалб ҳарорати эса зўр қувонч ва миннатдорчилик билан ифодаланаарди. Эмма Леоннинг севгисидан — вафоли чуқур севгисидан роҳатланар ва ундан ажралиб қолишдан қўрқиб аёл меҳр-муҳаббати қодир бўлган барча ҳийла-найрангларни қўлларди.

Кўпинча у Леонга қараб мулойим, ғамгин овоз билан:

— Йўқ, сен мени ташлаб кетасан!.. Уйланасан!,
Ҳамма нима қиласа, шуни қиласан,— дерди.

— Ҳамма деганинг ким?— сўрарди Леон.

— Умуман эркаклар-да!

Шу сўзлар билан у кўзларини хумор қилиб Леонга боқар ва уни итариб қўяр эди:

— Барингиз баттолсизлар!

Кунлардан бир кун бу оламнинг бебақолиги ҳақида фалсафий мунозара қилиб ўтиришганда, Эмма унда рашк ўтини уйғотиш учунми ёки юрагини ёзиш эҳтиёжини қондириш учунми, бир вақтлар, унга қадар бир одамни севганига иқорор бўлди... •Лекин сени севганимдақа эмас!• деб қўшиб қўйди шошилиб, илло, •яқин алоқада бўлмаганилигига• қизининг соғлигини шафе келтириб қасам ичди.

Леон унга ишонди, у одам нима билан шуғулланганини суриштира бошлади.

— У кема капитани эди, дўстим,— деди Эмма.

Бу жумла билан у кейинги сўроқларга чек қўйишини истадими, ё шу билан бирга унинг жозибаси шундай жанговар ва иззат-ҳурматга ўрганиб қолган одамини ҳам ўзига мафтун этганини билдириб Леоннинг кўзи олдида ўзини баландроқ кўтармоқчи бўлдими?

Мана шунда йигит ўз ҳолининг қанчалик афтодалигини тушунди! У шап-шалобларга, нишонларга, амалларга ҳавас қила бошлади. Эмманинг исрофгарчилигига бу нарсаларнинг ҳаммаси унга ёқиши керак лигидан далолат берарди.

Лекин Эмма кўпгина ҳаваслари ҳақида гап очмасди; масалан у Руанга қатнаш учун зангори тильбюри, инглиз оти ва қайтарма этик кийган сайис олмоқчи. Бу фикрни унинг эсига солган Жюстен бўлди. У ўзини малай қилиб олишини ёлвориб сўрарди. Шулар бўлмаса учрашувга бориш шодлиги камаймайдигина эмас, қайтаётгандаги аламларини ошириши турган гап эди.

Улар Париж ҳақида гаплашишганда Эмма кўпинча:

— Оҳ, қани энди, сен билан бирга Парижда яшасак қандай яхши бўларди!— деб шивирларди.

— Бу ерда бахтли эмасмизми?— унинг соchlарини силаб, мудойимгина эътироz билдиради йигит.

— Албатта бахтлимиз!— дерди Эмма.— Мен аҳмоқлик қилиб айтдим: мени ўпиб қўй!

Эри олдида у жуда сертакаллуф әди, унга писта кремлар қилиб берар, овқатдан кейин вальслар чали берар әди. Шарль ўзини дунёда энг бахтиёр одамлардан ҳисоблар ва Эмма ҳам тинч, хотиржам әди, лекин бу тинчлик ахирни бузилди, бир кун кечқуруя Шарль:

— Сен мадемуазель Лампрердан дарс сласан-а? — деб сўраб қолди.

— Ҳа.

— Бўлмаса гап бундай,— давом этди Шарль,— мен ҳозиргина у билан Лъежар хонимни учраши қолдим. Сенинг ҳақингда гаплашдик, у оулса сен танимас экан.

Бу куттилмаган ҳол әди. Лекин Эмма жуда ҳатабиши бир оҳангда жавоб берди:

— Шунчаки, фамилияни әсидан чиқариб қўйга бўлса керак!

— Балки Руанда бир неча Лампрер музика муаллималари бордир, тўғрими? — деб тахмин қилди қўйди врач.

— Эҳтимол,— деб унинг гапига қўшилди Эмма ва шу заҳоти қўшиб қўйди: — Ахир менда унинг тилхати бор-ку. Ҳозир мен сенга кўрсатаман.

У ўзининг баланд ёзув столи олдига югуриб борди ҳамма тортмаларни титди, ҳамма қоғозларни ағдариди бир тўда қилиб қўйди ва ниҳоят шунчалик ҳовлини қолдики, Шарль арзимаган бир тилхат учун тажянг бўлмаслигини ялинниб сўради.

— Йўқ, мен уни топаман! — қайта-қайта дерди Эмма.

Ростдан ҳам, келаси жума куни, қоронги бурчакда, кийимлари тўдаланиб ётган ерда этигини кия туриб Шарлнинг оёғи қоғозга тегиб, шилдираганини эшилди ва этигининг ичидан олиб уни ўқиди:

«Уч ойлик машғулот ва ҳар хил харидлар учун олтмиш беш франк олиниди.

*Музика муаллини
Фелиси Лампрер»*

— Бу нима бало? Қанақа қилиб у менинг этигининг ичига тушиб қолибди?

— Эҳтимол, тилхат токчанинг четида ётган, счётлар турадиган ёски цапкадан тушгандир,— жавоб берди Эмма.

Шу кундан бошлаб унинг бор ҳаёти, кетма-кет баҳона ўйлаб топишга айланниб қолди, гўё улар билан ўз муҳаббатини пардаламоқчи бўларди.

Бу иш әнди у учун эҳтиёжга, власасага, ҳузур-ҳаловат манбаига айланди, башарти у кеча ўнг томондан юрганини айтса, ўнгдан эмас чап томондан юрган бўларди.

Бир кун Эмма, одатдагидек енгил-елли кийиниб Руангага кетди, тўсатдан қор ёғиб қолди. Шарль дeraзадан аббат Бурнизъенни кўриб қолди. У Тюваш экипажида Руангага кетаётган эди. Шарль зинадан чопиб тушди ва руҳонийнинг олдига бориб ундан хотинини «Қизил яримой» дан топиб, унга иссиқ рўмолини бериб қўйини илтимос қилди. Карvon саройга кириши билан руҳоний Ионвиль докторининг хотинини қаердан топса бўлади деб сўради. Унга «Қизил яримой» бекаси:

«Бовари хоним бу ерга аҳён-аҳёнда келади», деб жавоб берди. Бурнизъен дилижонда Эмма билан учрашиб қолиб, қийин аҳволда қолганини гапириб берди, лекин чамаси бунга унча эътибор бермаган эди шеъили, шу заҳоти собор руҳонийсини мақтаб кетди. У ўзининг ваъз-хутбалари билан шунчалик шуҳрат қозонган эканки, барча хонимлар уни эшитгани соборга югуришаркан.

Хўш, айтайлик Бурнизъен ҳеч нарса ҳақида сўрамади, лекин ахир ҳамма ҳам унга ўхшаш нозик таъб бўлавермайди-ку. Шунинг учун Эмма мўътабар ҳамшаҳарлари уни зиналарда учратиб туришлари ва ундан ҳеч қанақа шубҳа қилмасликлари учун бундан буён «Қизил яримой»да қўнишга қарор қилди.

Лекин ажойиб кунларнинг бирида у Леон билан қўлтиқлашиб «Булоњ»дан чиқиб келаётганда жаноб Лерега тўқнаш келиб қолди. Бу учрашув Эммани қўрқитиб юборди: Лере уни гап-сўз қилиб юборишига амин эди. Бироқ жаноб Лере қувроқ чиқиб қолди.

У Эмманинг олдига уч кундан кейин келди, эшикни ичидан бекитиб:

— Менга пул керак! — деди.

Эмма, қўлида ҳеч нимаси йўқлигини айтди. Шунда Лере мижговланиб, ўзининг хизматларини бирма-бир санай бошлади.

Унинг норозилигида ҳам асос бор эди, исгаки, Шарль қўл қўйган иккита векселдан ҳозирча факат

биттасини тўлаган эди. Энди иккинчи векселга келсак, савдогар Эмманинг илтимоси билан уни иккита яхги векселга алмаштиришга рози бўлган эди, улар ҳам неча мартадан қайта ёзилган ва қарзни тўлаш анча узоқ муддатга узайтирилган эди, кейин жаноб Лере чўнтағидан ҳақ тўланмаган счёtlарни олди, унда пардалар, гилам, креслолар учун авралар, кўйлакли газламалар, пардоз-андозга доир моллар ёзилган бўлиб, ҳаммаси тахминан икки минг франк эди.

Эмма бошини қуви солди.

— Майли, айтайлик, нақд пулингиз йўқ, лекин ср-мулкиклиз бор-ку,— эсига солди Лере.

Лере, Омаляга яқин Барневилдаги арзимаган бир фойда келтирадиган кўхна кулбани кўзда тутяпгэн эди. Қачонлардир бу унча катта бўлмаган мулкнинг бир қисми эди, лекин катта Бовари мулкини сотиб юборган эди. Жаноб Лерега у ерда неча гектар ер борлиги ва қўни-қўшниларнинг исмигача маълум эди.

— Мен сизнинг ўрнингизда бўлсан, ўша мулкнинг масаласини ҳал қиласдим,— деди жаноб Лере.— Қарзларни тўлаганингиздан кейин яна ўзингизга пул ортиб қоларди.

Эмма ўша мулкка харидор топилиши қийинлигини айтди. Жаноб Лере бу ишни ҳам ўз зиммасига олди. Шунда Бовари хоним сотиш ҳуқуқига қандай эга бўлиш йўлини сўради.

— Ахир сизда ваколатнома йўқми?— деб сўради Лере.

Эмманинг кўз олди ёришиб кетгандек бўлди.

— Счёtlарни менга қолдиринг,— деди Эмма.

— Қўйсангиз-чи! Нима учун? — деди Лере.

Бир ҳафтадан кейин у яна келди ва анча сарсонгарчиликдан сўнг Ланглуа деган одамга дуч келганини, у анчадан берн шу кўчмас мулк илинжида юрганини ва лекин нархини ҳозирча айтмаётганлигини мақтаниб гапирди.

— Нархи билан ҳисоблашиб ўтирмайман ҳам! — деди Эмма.

Лекин Лере бирмунча кутиш, у одамнинг қўйнига қўл солиб кўриш кераклигини маслаҳат қилди. Леренинг фикрича, у ерга бир бориб келинса ҳам ёмон бўлмасди, лекин Эмма боролмаса, ўзи бориб Ланглуа билан гаплашиб келишга вазъда берди. Орадан бирмунча

вакт ўтгач, қайтиб келиб, у жой учун харидор тўртминг франк бераётганини айтди.

Эмманинг юзи ёришиб, гулдек очилиб кетди.

— Тўғрисини айтганда, жуда яхши баҳо берилди,— деди Лере.

Пулнинг ярмини Эмма нақд олди. Энди у счёт ҳақида гап очувди, Лере унинг сўзини бўлди:

— Сиздан шунча мўмай пул олиш инсофсиэлик бўлади, хоним, худо ҳаққи!

Шу гапни эшита туриб, Эмма қоғоз пулларга кўз ташлади ва мана бу икки минг франк қанчадан-қанча ишқий учрашувларнинг гарови эканлигини беихтиёр хаёлидан ўtkазди.

— Нима деяпсиз! Қўйинг-э! — деб ғудирлади Эмма.

— Счёtlарни нима қилсангиз ўз ихтиёргизда, гапимга ишонинг! — мулойимгина кулиб давом этди Лере.— Рўзгор — гор дейдилар, мен биламан бу харжатларни.

Панжалари орасидан икки узун қофозни ўтказа туриб, у Эммага тикилиб қаради. Кейин ҳамёнидан ҳар биттаси тўрт минг франкли тўртта вексель чиқариб, стол устига ёйиб қўйди.

— Буларга қўл қўйинг, пулларни ўзингиз олаверинг,— деди у.

Эмманинг фигони чиқиб кетди.

— Ахир мен сиздан пулнинг қолганини олмаяпман-ку,— сурбетлик билан гапирди Лере.— Сизга шунчалик яхшилик қилаётганимни тан олмас эканси-а?

У патқаламни олиб, счёtnинг тагига «Бовари хонимдан тўрт минг франк олинди», деб ёзиб қўйди.

— Сиз нимадан хавотир оляпсиз, тушунмайман, Яrim йилдан кейин сиз ўз кулбангизнинг ҳамма пулини оласиз, мен кейинги векселда яrim йилдан ҳам ошиқроқ муддат қўйдим.

Барча бу чалкаш, мураккаб ҳисоб-китоблар Бовари хонимнинг миясини ачитиб юборди. Қулоқлари шангиллар, назарида атрофидан тилла ёғилиб ерга сочилаётгандек эди. Ниҳоят Лере унга Руанда Венсар деган битта ошиаси — банк хўжайини борлигини, мана шу тўртта векселни ҳисобга олишини, мавжуд қарзни тўлагандан қолганини Лере Бовари хонимга қайтиб беришини тушунтирди.

Аммо икки минг франқ ўрнига у бир минг саккиз юз франк олиб келди: унинг биродари Венсар «қонуний улуши»ни, яъни икки юз франкни, векселни ҳисобга олгани ва ўртада тургани учун ўшлаб қолганини айтди.

Кейин жаноб Лере парвосизлик билан тилхат беришини сўради:

— Узингиздан ўтар гап йўқ... Савдо-сотиқ шунаقا иш. Кутимаган ҳодисалар рўй бериши мумкин... Санани ҳам қўйининг. Ҳа, марҳамат, санасини ёзиб қўйининг!

Эмма олдида кўнглига келганини қилиш учун кенг имконият очилди. Лекин шу пуллардан бир минг экюни эҳтиётдан олиб қўйишга идроки етди ва бу пулларни у олдинги учта вексель бўйича вақтида тўлади, лекин тўртинчи вексель гўё тасодифан Шарлнинг бўйнига тушиб қолди. Шу кун пайшанба эди, тамоман эсанкираб қолган Шарль сабр билан хотинининг келишини пойлади, у келиб буни тушунтириб беришини кутди.

Ростдан ҳам Эмма бу вексель ҳақида эрига ҳеч нарса айтган эмасди, бундай майда-чуйда ишлар билан унинг бошини қотиришни истамаганди. Эмма эрининг тиззасига ўтирди, эркаланди, ширин-ширин сўзлар айтди, насияга олишга тўғри келган нарсаларни бирма-бир санаб чиқди.

— Нафси ламр, мен сотиб олган нарсалар ҳисоблаб чиқилса, улар жудаям қимматга тушмаган,— деди.

Боши гангид қолган Шарль ўша Леренинг ўзига мурожаат қилди, савдогар ҳаммасини тўғрилашини бўйнинг олди, лекин шу шарт биланки, деди у, жаноб доктор иккита вексель бериғчи керак, шулардан биттаси уч ой муддати билан етти юз франкли вексель бўлади. Шарль бу оғир мушкулотдан қутулиш учун онасига илтижо билан хат ёзди. Катта Бовари хоним узоқ ўйлаб ўтирмай ўзи етиб келди. Эмманинг уни «кўндира олдингми?» — деб берган саволига Шарль:

— Ҳа, лекин у счёти кўрсатишимизни талаб қиляпти,— деди.

Эртасига эрталаб Эмма жаноб Лерега юкурди ва ундан бошқа, минг франкдан ошиқ бўлмаган счёт ёзиб беришини илтимос-қилди. Тўрт минг франкли счёти кўрсатиш бу сумманинг учдан икки қисми тўланганли-

гига иқорор бўлиши билан барабар эди, бинобарин, мулкнинг сотиб юборилгани ҳам маълум бўлиб қоларди, ваҳоланки бу найрангни савдогар қаттиқ сир сақларди. Бу ишлар кейинроқ бориб очилди.

Гарчи ҳамма молларга энг арzon нарх қўйилган бўлса ҳам катта Бовари хоним, харажатлар ҳаддан зиёд катталигини айтиб ўтди.

— Наҳотки гиламсиз кун кўриб бўлмаса? Креслоларнинг жилдларини ўзгартиришнинг нима ҳожати бор эди? Бизнинг вақтимизда биттагина кресло бўларди, у ҳам бўлса қариялар учун, бошқаларни билмайман, менинг онамницида шундай тартиб бор эди. Лекини хоҳ ишонинг, хоҳ ишонманг, менинг онам анча бообрў аёллардан эди, «Қарғанинг юришини қиласман деб чумчуқнинг тути йирилган» дегандек бойларга стиб бўладими! Пулни бунақангি сарфласангиз, ҳар қанча пул ҳам сизларга етмайди! Мен сизга ўхшаб бемаъни орзуларимни қондиришдан уялган бўлардим, бўлмаса, мен кексайиб қолган одамман, сиздан кўра менга парвариш кўпроқ керак... Сизга ясаниб-тусаниб юриш бўлса, кўзбўямачилик бўлса бас! Ахир, бу нақадар ноинсофликки, астар учун икки франклик шойи олсангиз... ахир энг яхши жаконет ўн су ва ҳатто саккиз су туради-ку!

— Бас қилинг, хоним, бас!.. — дерди Эмма, диванга ёнбошлиб олганича, ўзини зўрга босиб.

Аммо қайнана ҳамон Эммани койирди, агар шу алфозда кетса Шарль ҳам, Эмма ҳам хонавайрон бўлиб, гарибхонага тушишлари турган гаплигини айтиб вайсади.— Айб Шарлнинг ўзида. Яхшики, у ваколатномани йиртиб ташлашга сўз берди.

— Яъни, қанақа қилиб?

— Менга оит ичди,— деди мўътабар хоним.

Эмма деразани очиб, Шарлни чақирди. Бечора Шарль онаси қийин-қистоқ қилиб оит ичирганига иқрор бўлди.

Эмма чопиб чиқиб кетди, лекин шу заҳоти қайтиб кириб, калондимоғлик билан қайнанасига қалин қофоз узатди.

— Қуллуқ,— деди кампир ва ваколатномани оловга ташлади.

Эмма ўзини тўхтата олмай хаҳолай бошлади; унда асабий тутқаноқ бошланган эди.

— Э, худо-ей! — деди Шарль.— Сиз ҳам ноқақсиз ойи! Нега у билан жанжаллашаверасиз?..

Она елкасини қисди, «булар ҳаммаси шайтонлик» деб қўйди.

Бироқ Шарль умрида биринчи марта шунчалик ту-тақиб кетдикни, хотинини зўр бериб ҳимоя қила бошлиди, онаси бир дақиқа ҳам тўхтамасдан қайтиб кетишга қарор қилди. Эртасига эрталаб у ростдан ҳам жўнаб кетди; ўғли остонаяда туриб онасини олиб қолишга уринган эди, у:

— Йўқ, йўқ! Сен уни мендан ортиқ яхши кўрасан, шундай бўлиши ҳам керак, бу табиий ҳол. Бунинг ҳеч қанақа чораси ҳам йўқ! Бир кунмас-бир кун кўрармиз!.. Омон бўл!.. Энди сенинг тилинг билан айтганда, у билан тортишиб ўтирмайман.

Шарль ҳар ҳолда Эмма олдида ўзини айбдор сезарди, Эмма бўлса Шарль унга ишонмаганидан жаҳли чиққанини яширмасди ҳам. Ваколатномани янгидан Эмманинг номига ёэдириш учун унга анча ялинишга тўғри келди; шу мақсадда Шарль Эмма билан биргаликда жаноб Гильоменнинг олдига борди.

— Тушунаман, жаноб Бовари,— деди нотариус,— жон-жаҳди билан илмга берилган одамни турмушдаги икир-чикирлар чалғитмаслиги керак,— деди Гильомен.

Бу риёкорона жумла Шарлнинг кўнглини кўтарди, бу гап унинг гўё жиддий ишларга майл-муҳаббати борлигини таъкидлаётгандек эди.

Келаси пайшанба Эмма Леон билан ўз номерларига келганда шундай қилиқлар қилдики, у куларди, йирларди, қўшиқ айтарди, рақс тушарди, шарбат буюрар, чекиб ҳам кўрар эди. Лекин Леон бу қилиқларни кўриб, Эмма девонатабиат бўлса ҳамки, тенги йўқ жозибадор аёл деб хулоса чиқарди.

Леон энди Эмманинг қалбида нималар кечётганини, бир нарса айш-ишратнинг ҳар дақиқасини жон-жаҳди билан қадрлашга мажбур этаётганини фаҳмлас мас эди. Эмма сержаҳл, ашаддий шаҳватпарат бўлиб қолди. У бошини магрур кўтариб, Леон билан қўлтиқлашиб шаҳарда юраверар, иснодга қолишдан қўрқмаслигини айтарди. Фақат Родольф билан учрашиб қолишдан қўрқарди, холос. Гарчи бир умрга бир-бirlаридан ажралишган бўлишса ҳам, Родольфнинг ўзи устидан ҳукмронлигини сезиб турарди Эмма.

Бир кун Эмма уйга қайтиади. Шарль бутунлай гангиб қолди, кичкинтой Берта бўлса онасисиз ўринга ётишга унамас, тўхтовсиз йигларди, Жюстен ҳар эҳтимолга қарши хонимни кутиб олгани кетди. Жаноб Омे дориҳонасини ёпиб қўйди.

Соат ўн бирга бонг урганда Шарлнинг тоқати тоқ бўлиб шарабанини қўшди, ўтириб отини қамчилади ва кечаси соат иккита «Қизил яримой»га етиб келди. У ерда Эмма йўқ эди. Шарлнинг хаёлига уни тасодифан Леон кўрмадимикин, деган фикр келди. Лекин унинг уйи қаерда? Шарлнинг толеига Леоннинг бошиғининг адреси эсига тушиб қолди ва ўша ёққа равона бўлди.

Тонг ёриша бошлади. Эшик тепасидаги тахтачани кўриб Шарль тақиллатди. Кимдир эшикни очмасдан туриб, пўнғиллаб Леоннинг қаерда туришини айтди ва ярим кечада одамларнинг тинчлигини бузадиган хиракандонларни болохонадор қилиб сўкди.

Леон истиқомат қиласидиган уйда на қўнғироқ, на ҳалқача, на эшикбон бор эди. Шарль кучининг борича эшикни тақиллатди. Енидан полициячи ўтиб кетди. Шарль капалаги учиб, жуфтагини ростлади.

«Мен жинни бўлиб қолдим,— дерди у ўз-ўзига,— эҳтимол у Лормоларникида овқатланиб, ўша ерда ётиб қолгандир».

Бироқ шу заҳоти Лормо оиласи Руандан кўчиб кетгани эсига тушди.

«Демак, у Дюбрейль хонимга қараш учун қолгандир... Ҳаҳ, эсим қурсин! Дюбрейль хоним бундан ўн ой олдин вафот этган-ку!.. Хўш, Эмма қаерда бўлади?»

Шунда унинг миясига бир фикр келди. У кафеда адрес-календарни сўради, тезда мадемуазель Лампрернинг адресини топди, у Ренель-де-Марокинъе кўчаси, етмиш тўртиинчи ҳовлида туришини зниклади.

Лекин Шарль шу кўчага кириши билан узоқдан Эммани кўриб қолди — у рўпарадан келмоқда эди. Шарль уни қучоқлаш ўрнига шовқин солиб уриша кетди:

- Нега кеча уйга бормадинг?
- Тобим қочиб қолди.
- Нима касал бўлдинг? Қаерда? Қанақа қилиб?..

— Ламперникида,— деди у қафти билан пешансини силаб.

— Үзим ҳам шундайдир, деб ўйлагандим! Униги кетаётувдим.

— Бекор қилибсан,— деди Эмма.— У ҳозиргина уйдан чиқиб кетди. Ўтинаман, иккинчи марта бундай ташвишланма! Сал кечга қолганим учун жазаванг ту-таверса мен ҳам асабийлашаман, уқдингми?

Мана шундай қилиб, у ўзига хоҳлаганича юриштуришга йўл очиб олди ва бундан у тўла фойдаланди. Леонни согиниб қолиб ҳар хил баҳоналар билан у Руанга жўнайверарди, ўша куни уни Леон кутиб ўтирганлиги учун тўппа-тўғри ишхонасига бораверарди.

Аввал бошда Леон учун бу катта шодлик эди, лекин кейинроқ унинг ҳатти-ҳаракатидан бошлиғи норози бўлаётганини Эммага очиқ айтишга мажбур бўлди.

— Э, аҳамият берма! — дерди Эмма.

Леон гапни буриб юборарди.

Эмма Леоннинг қора костюм тиктиришини ва соқол қўйишини истарди, шунда у Людовик XIII га ўхшармиш. Эмма унинг хонасига кирди ва хона унга ёқмади. Леон қизариб кетди. Эмма буни сезмади ва униги ўхшаган дераза пардалари сотиб олиши масҳалат берди, Леон ҳамён кўтармайди, деб жавоб берган эди, Эмма:

— Вой қуримсог-эй! — деди кулиб.

Ҳар гал Леон унга Эммасиз кунларини қандай кечиргани тўғрисида ҳисоб бериши керак. У, Эммага атаб шеърлар ёзишини, «ишқ-муҳаббат ҳақида» шеър тўқиб, Эммани тавсиф қилишини талаб этарди. Бироқ Леон битта ҳам қофия тополмасди, ҳеч иложи бўлмагач, кинсекдан сонет кўчириб ёзиб олди.

Буни Леон ўз иззат-нафси учун эмас, Эмманинг кўнгли учун қилди. У ҳеч қачон Эммага эътиroz билдирамас, унинг дидига мослашар, тўғрисини айтганда, маъшуқа Эмма эмас, у Эмманинг маъшуқаси эди. Эмма шундай ширин сўзларни биларди ва ўпишга шунчалик уста эдики, Леоннинг бадани жимирилашиб кетарди. Ажабо, бу хуфиёна, бузуқлик қандай қилиб Эммага ўринашиб қолган? Ўришга ҳам шунчалик чуқур сингиб кетганини, гўё унда ҳеч қанақа шаҳвоний ҳис сезилмагандек кўринарди.

Леон Эмма билан учрашиш учун Ионвилга келганды, кўинича фармацевтнинг уйида овқатланар эди. У бир кун илтифот юзасидан фармацевтни ўз уйига таклиф қилди.

— Жоним билан! — деди жаноб Оме... — Илгарироқ бир яйраб келишим керак эди, мен бу ерда занг босиб кетдим. Театрга, ресторанга борамиз, бир хурсандчилик қиласиз!

— Сенга нима бўлди, азизим? — меҳр билан шивирлади Оме хоним. У ҳар қанақа кутилмаган хавф-хатарлардан қўрқарди.

— Сен, узлусиз дорихона ҳиди билан нафас олиш соғлигим учун хавфли эканини ўйламайсан-а? Хотинлар ҳаммаси бир гўр, энг аввал илму фанга рашк қилишади, кейин энг арзимаган ўйин-кулгига ҳам қарши исён кўтаришади. Ҳечқиси йўқ! Кўнглингиз тўқ бўлсин, тўсатдан Руанга бориб қоламан, шунда иккаلامиз ҳамённинг оғзини катта очиб қўямиз.

Илгари вакъларда дорихоначи ўла қолса ҳам бунақангি ибораларни ишлатмасди, аммо энди у учун олий шукуҳнинг белгиси ҳисобланган ўйноқи Париж оҳангига бажону дил таассуб қиласди. Қўшниси Бовари хонимга ўхшаб у ҳам Леондан, марказдан яшайдиганларнинг одатларини қизиқиб суриштирас, ўз нутқини жаргон сўзлар билан бойитган эди, чунончи: қаланг-қасанг, ҳаромзода, сурбет, суллоҳ Бред-Стритнинг ўрнига Бред-гастрит, кетишининг ўрнига туёгини шиқиллатиш каби сўзлар билан одамларни ҳайратга соладиган бўлиб қолганди.

Мана, пайшанба кунлардан бирида Эмма, жаноб Омени «Олтин шер»нинг ошхонасида учратиб қолиб ҳайрон бўлди. У сафар кийимида, яъни эски плашда эди, бу плашни у олдин ҳеч киймасди, бир қўлида чамадон, иккинчи қўлида ўз дорихонасидан олган грелка бор эди. У ўз сафари билан мижозларини безовта қилмаслик учун яширинча йўлга чиққан эди.

Жаноб Оме йўл-йўлакай ўз-ўзи билан муҳокама қилиб келди; чамаси ёшлигида ўсиб-унган ерларини ҳадемай кўриш фикри уни ҳаяжонлантиради шекилини. Дилюжон тўхтаб ҳам улгурмасдан у зинапоядан сакраб тушди ва шошганича Леонни қидиргани кетди.

Леон бормайман деб ҳар қанча қаршилик қиласа ҳам барибир фармацевт уни қўярда-қўймай «Нормандия» номли катта кафега бошлаб кетди ва улугворлик билан бошидан шляпасини ечмасдан кафега кириб борди, зероки жамоатчилик ўртасида шляпани ечиш фақат гирт қишлоқининг иши деб ҳисобларди.

Эмма Леонни меҳмонхонада чорак кам бир соат кутди. Охири чидамасдан унинг идорасига юурди, эна қайтиб келди ва хилма-хил хаёлларга бориб, мендан кўнгли совиб қолган деган фикрдан қийиалиб, ўзини бўлса лақмаликда айблаб, пешанасини дераза ойнасига тираганча ярим кун кутди.

Соат иккида ҳам Леон билан жаноб Оме ҳамон ресторанда рўпарама-рўпара ўтиришарди. Катта зал бўшаб бормоқда. Хурмо дарахти шаклидаги мўри, оққа бўялган шипда олтинсимон барглар ёзиб ётарди, хўраидалардан нарироқда, ойнабандли тўсиқ орқасида кичкина фонтандан отилиб чиқаётган сув томчилари мармар ҳовузга қўйиларди. Ҳовузчада, кресс-салат ва сарсабиллар орасида, бор бўйича чўзилиб ётган учта мудроқ дengиз қисқичбақаларининг думи, ҳовуз четига қатор қилиб терилган беданаларга тегиб турарди.

Оме маза қиласди. Ичкиликдан кўра кўпроқ зебзийнат, ҳашамат унинг кайфини оширмоқда, лекин ичкилик ҳам ўз таъсирини кўрсатмоқда эди, қуймоқ билан ром келтирғанларида у хотинлар ҳақида ҳаёсиз гаплар гапира бошлади. Ҳамма нарсадан кўра ҳам аёлларда у «олифталик»ни қадрларди. У нафосатли кийимларни, яхши жиҳозланган хоналарни жон-дилидан яхши кўради, ташқи кўринишга келганда эса у «увоққиналар»ни афзал кўради.

Леон ҳар замонда ташвиш тортиб, жавдираган кўзларини девор соатига тикар, фармацевт бўлса ҳамон ер, иchar, гап сотарди.

— Руанда ҳеч кимнингиз бўлмаса керак,— худди томдан тараша тушгандек гапирди Оме.— Аммо лекин сизнинг жазманингиз шу яқин орада туради.

Леон қизариб кетди.

— Ҳа, ҳа, ўзингизни гўлликка солманг! Инкор этмасангиз керак, Ионвилда...

Йигит нимадир деб гудирлади.

— Сиз Бовари хонимникда ҳеч кимнинг орқасидан илашиб юрмайсизми?..

— Кимнинг орқасидан?

— Хизматчи аёлнинг орқасидан! .

Оме жиiddий гапирмоқда эди, бироқ Леондаги эҳтиёткорлик устидан иззат-нафси зўр чиқди ва у беихтиёр норозилик билдириди — ахир унга қорачадан келгандар ёқади-ку!

— Мен сизга қўшиламан,— деди фармацевт.— Улар шўхроқ бўлишади.

Леоннинг худди қулогига энгашиб у хотинларнинг табиатидаги белгиларни санай бошлади. У ҳатто буларга этнографияни ёпиширади: немис аёллари асабий, француз аёллари бузук, Италия аёллари серзавқ бўлишини айтди.

— Заниж аёллари-чи? — сўради ундан ҳамсуҳбати.

— Бу ҳар кимнинг дицига боғлиқ,— жавоб берди Оме,— эй, одам! Иккита ярим порциядан келтир!

— Кетайлик! — деди тоқати тоқ бўлган Леон.

— Yes!¹

Аммо кетишдан олдин у ресторан хўжайнини чақириб бир неча ширин сўз айтишни унутмади.

Омедан қутулиш учун Леон ишим бор, деб баҳона қилди.

— Ҳа, нима бўпти, мен сизни кузатиб қўяман! — меҳрибонлик кўрсатди Оме.

Йўлда у ўз хотинидац, болаларидан, уларнинг кслажаги, ўзининг дорихонаси, дорихона аввал хароб ҳолда эканлиги, энди уни гуллатиб, яшинатиб юборгани ҳақида гапирди.

«Булоң» меҳмонхонасига етиши билан Леон кутилмаганда дорихоначини ташлади-ю, зиналардан югуриб чиқиб кетди ва ўз ёрининг кучли ҳаяжонда ўтирганини кўрди.

Фармацевтнинг номини эшитиши билан Эмма тулақиб кетди. Аммо Леон бирин-кетин асосли далиллар келтира бошлади: ахир унинг айби нимада? Ахир, у Оменинг кимлигини билмайдими? Наҳотки Эмма, Леон учун унинг суҳбати афзалроқ, деб ўйлай олади? Эмма шунда ҳам ундан юз ўгираверди, ниҳоят Леон уни бағрига тортиб, оёқлари остига тиз тўқди ва унинг белидан қучганича эҳтирос ва илтижони ифодаловчи қиёфа билан қотиб турди.

¹ Ҳа. (ингл).

Эмма қимир этмасдан туар, у ўзининг катта-катта, чақнаб турган кўзлари билан унга қаттиқ тикилганди. Бироқ кўп ўтмай унинг кўзлари ёш билан қопланди, пушти қовоқлари титраб кетди. У қўлини тортиб олишдан тўхтади, Леон энди уларни лабларига олиб борувди ҳамки, бирдан эшик тақиллаб қолди. Хизматкор уни қанақадир жаноб сўраётганини айтди.

— Тез қайтасанми? — сўради Эмма.

— Албатта.

— Яъни, қачон?

— Ҳозир, ҳозир.

— Мен қувлик қилдим, — деди фармацевт Леонга.

— Назаримда бу хона соҳибини зиёрат қилиш сизга оғир бўлди чамаси. Мен сизни бу аҳволдан қутқаришга қарор қилдим. Юринг, Бридуникига борамиз, бир стакандан Гарюс шарбатидан ичамиз.

Леон, аллақачон идорага бориши кераклигига қасам иди. Шунда дорихоначи расмиятбозлик, қозибозлик устидан кула бошлади.

— Эй, қўйсангиз-чи ўша Кующий ва Бартоларингизни! Нега сиз улардан қўрқасиз! Тупурдим ўшаларга! Юринг, кетдик Бридуникига! У сизга итнин кўрсатади. Бу жуда қизиқарли!

Леон бўш келмасди.

— Бўлмаса мен ҳам бораман идорангизга, — деди фармацевт. — Сиз бўшагуningизча, газета ўқиб ўтираман. Қонунлар мажмуасини кўздан кечираман.

Эмманинг ғазабидан, фармацевтнинг эзмалигидан чарчаган Леон, яна буниң устига тўйиб овқат еб бўшашганиданми, иккилана бошлади, жаноб Оме бўлса гўё уни сеҳрлаб қўйигандек эди.

— Юринг Бридуникига! У бу ердан иккиси қадамгина нарида, Мәльпалю кўчасида туради.

Ўзининг бўш-баёвлиги, калтафаҳмлиги, бизни энг бемаъни ишларни қилишга судрайдиган, нфодалаш қийин бўлган ҳислар вассасаси туфайли Леон Омега эргашиб кетаверди. Бриду ҳовлида турган экан, у сельтер суви тайёрлайдиган машинанинг оғир чархини терлаб-пишиб, ҳансираб айлантираётган уч йигитни ку-

¹ Куюций — (Жак Кюжас, 1520—1590) машҳур француз юристи. Бартол — (Бартоло да Сассо — Ферратто, 1314—1357) ўрта асринг йирик юристларидан.

затиб турган эди. Оме уларга маслаҳат бера бошлади, кейин Бриду билан қучоқлашиб кўришди, кейин учалари эликсир ичишди. Леон кетишга шунча уринди, лекин Оме унинг қўлидан шаппа ушлаб:

— Ҳозир, ҳозир! Мен ҳам кетаман. Сиз билан «Руан машъали»га кирамиз, журналистларни кўрамиз. Мен сизни Томасен билан таништираман,— дерди.

Ниҳоят Леон бир илож қилиб унинг қўлидан қочиб қутулди ва чопганича меҳмонхонага келди, лекин у ерда Эмма йўқ эди.

Қаттиқ ғазабланган Эмма ҳозиргина Ионвилга жўнаб кетганди. Энди унинг Леонни кўришга кўзи йўқ эди. Унинг келмаганлигини ўз шахсига ҳақорат деб билди ва у билан оранн очиқ қилиб қўйиш учун янги янги сабаблар ахтарди: у оддийгина, кўнгилчан, аёлларга ўхшаш иродасиз, ҳеч бир иш қўлидан келмайдиган, буларнинг устига қурумсоқ ва қўрқоқ одам, деб ўйларди у Леон ҳақида.

Бир оз шаҳидан тушгандан кейин унга нисбатан адолатсизлик қилаётганини тушунди. Бироқ биз яқин одамни қоралар эканмиз, бу маълум бир даражада бизни ундан узоқлаштиради. Санамларга қўл тегизиб бўлмайди, панжаларга зарлари юқади.

Шу кундан бошлаб Эмма ва Леон ёт нарсаларга кўпроқ эътибор беришадиган бўлиб қолишиди. Эмма ўз мактубларида ташқаридан қўллаб-қувватлашга муҳтож бўлган ва сўниб бораётган эҳтироснинг оддийгина таянни бўлмиш гуллар, шеърлар, ой ва юлдузлар — шу кабилар хусусида мулоҳаза юритарди. Ҳар бир янги учрашуудан Эмма одатдан ташқари бир нарса кутар, шунинг учун ҳам ҳар гал мисли йўқ бир лаззатдан баҳраманд бўлолмаяпганига ўзи иқрор бўларди. Бироқ ҳафсала пир бўлиш шу заҳоти умид билан алмашинар ва Эмма янада жўшқинлик, ташнилик билан Леон олдига қайтиб келарди. У устидан кўйлагини олиб ташлар, корсетидаги ингичка шнур шувиллаб тушиб унинг сонига илондек чирмашарди. Сарпойчан, оёғининг учинан юриб яна бир бор остонаяга борар ва эшикнинг берклигига қаноат ҳосил қилиб, бир зумда устидан қолдан либосларини ечиб ташлар, бирдан ранги оқарап, индамасдан, жиддий қиёфада Леоннинг бағрига маҳкам ёпишар ва аъзойи баданини узоқ титроқ босарди.

Бироқ мана бу совуқ тер босган пешанада, мана бу

пичирлаётган лабларда, жавдираган кўз қорачиқларида, мана бу чирмашган қўлларда гайри табиий, англаб бўлмайдиган маъюслик бор эдики, Леоннинг назарида ана шу нарса уларнинг орасига кириб, иккисини иккى ёққа ажратиб юборадигандек эди.

Леон унга савол беришга журъат этолмасди, лекин у Эмманни кўпни кўрган хотин деб ҳисоблар ва у ҳаётнинг барча аламларини ҳам, роҳатини ҳам татиб кўрганилигига имони комил эди. Бундан ташқари, Эмма унинг шахсини тобора асорат остига олиб бормоқда эдики, бу Леонда ички норозилик қўзғатар эди. Леон Эмманинг, доимо ўз гапини ўтказишини кечира олмасди. У ҳатто Эммадан совишга ҳам уриниб кўрди, лекин унинг туфлисининг ғижир-ғижирини эшиши билан худди майхўр ичкиликни кўрганда ўзини тутолмагандек, ўзини йўқотиб қўярди.

Тўғри, Эмма аввалгидек унинг кўнглини кўтариш учун ҳали ҳам унга кўзларини сузиб боқар, меҳрибонлик кўрсатар, энг тансиқ таомлардан тортиб то модали зеб-зийнат буюмларини аямас эди. Ионвилдан кўкрагида гуллар олиб келарди ва Леоннинг устидан сочарди. Унинг соғлигига қарап, яхши одатларга ўргатарди, уни ўзига қаттиқроқ боғлаш учун, илоҳий қудратдан мадад истаб унинг бўйнига Биби Марям суратини тақиб ҳам қўйди. Меҳрибон оналардек, Эмма, унинг ўртоқларини ҳам суриштирасди.

— Улар билан улфатчилик қилма,— дерди у,— ҳеч қаёққа борма, фақат ўзимизнинг бахтимиз ҳакида ўйла, мени сев! — дерди.

Эмма унинг ҳар бир қўйган қадамидан воқиф бўлишини истарди, унинг юриш-туришини билиш учун орқасидан битта пойлоқчи қўйишини ҳам ўйларди. Меҳмонхона олдига, келган-кетганларга хира бўлиб илашаверадиган битта ирkit бор эди — шунга айтиб кўрса жон-жон деб рози бўлардику-я... Лекин бунга ўзининг ғурури йўл қўймасди.

«Эй, бўлганича бўлар, алдаса, алдайверсин! Ӯшанг муҳтожмидим?» — деб ўзига тасалли ҳам берарди Эмма.

Кунлардан бир кун Леон билан одатдан ташқари вақтли ажралишиди ва Эмма ёлғиз хиёбонлардан кетај экан, кўзлари олдида ўзи ўқиган монастирнинг деворлари оқариб кўринди. Эмма қайрагоч тагидаги скамей

кага ўтирди. Қанчалик жони тинч эди ўша вақтларда! Ўша вақтларда китобларда ўқиб, кўз олдига келтиришга ҳаракат қилган, ажойиб гўвал муҳаббатни қанчалик қўмсайди!

Турмушга чиққанининг дастлабки кунлари, ўрмондаги от микиб сайр қилгандари, вальсга тушган виконт, Лагарди — ҳаммаси-ҳаммаси кўз олдидан бирма-бир ўтди. Бирдан Леон ҳам пайдо бўлди, лекин худди ўщалардек узоқдан кўринди.

«Йўқ, мен уни севаман!» — дилидан ўтказди Эмма.

Начора, энди барибир! У бетоле ва аввалда ҳам, ҳеч қачон унинг бахти бўлмаган. Ҳаётдан қаноатланмаслик ҳисси унга қаердан келди? Нима учун у таяномоқчи бўлган ҳар бир нарса шу заҳоти чирий бошлайди?.. Бироқ, модомики, бу оламда зўр ва ажойиб, гайратли, шу билан бирга нозиктабиат, фаришта каби соф кимса бор экан, майин оҳангли, жарангдор торли лира бор экан, нима учун улар унга учрамайди? Йўқ, йўқ, бунинг асло иложи йўқ! Исташнинг ҳам ҳожати йўқ, негаки, бу дунёнинг ишлари ҳаммаси ёлғон! Ҳар бир табассум остида хунобгарчилик, диққинаfasлик яширинган, ҳар бир севинч ортида ғам-ғусса, ҳар бир ҳузур-ҳаловат ортида мириқиши, ҳатто энг завқли бўсалардан кейин ҳам маст-аласт қилувчи ишратга бўлган ташниалик қолади, холос.

Бирдан ҳавода бўғиқ товуш янгради — монастырь қўнгироқхонасида тўрт марта бонг урилди. Энди соат тўрт бўлти-я! Унинг назарида бўлса шу скамейкага ўтиргандан бери бир аср ўтгандек туулганди. Бироқ кичкина бир бўшлиққа қанчадан-қанча одам сиғиб кетганидек, бир дақиқа ўз ичига бир талай эҳтиросларни қамраб ола олади. Эммани ўз эҳтирослари шу қадар қамраб олгандики, у пул ҳақида эрцгерцогиня қанча ўйласа, шунча ўйларди, холос.

Бироқ... бир кун унинг олдига, тепакал, юзи қипқизил, бадбашара одам ташриф буюрди, у Руандан, жаноб Венсар ҳузуридан келганилигини айтди. Узун, яшил сюртугининг ён чўнтағига қадаб қўйган тўғнағичини чиқариб, енгига қадаб қўйди-да, Эммага тавозе билан қандайдир қороз узатди.

Бу Эмма берган етти юз франкли вексель эди — Пере ичган барча қасамларини бузиб, унга даъвогар бўлибди.

Эмма савдогарга хузматчисини юборди, аммо Лерс «бандман» дебди-қўйибди.

Нотаниш кишининг чимирилган оқиш қошлар тагига яширинган синчков кўзлари билан хона ичини тимирскилар эди.

— Жаноб Венсарга нима деб айтай? — сўради соддалик билан.

— Гап шундай... — бошлиди Эмма. — Унга айтині ки... ҳозир менда пул йўқ... Келаси ҳафтага... кут син... Ҳа, рост. Келаси ҳафта бераман.

Юборилган одам индамай чиқиб кетди.

Шўнга қарамай, эртасига соат ўн иккида Эмма раддия олди. Бир неча ерида, катта-катта ҳарфла билан: «Бюши шаҳрининг суд пристави жаноб Аран деб ёзилган маркали қофознинг кўринишининг ўзида. Эмманинг юраги така-пука бўлиб кетди, у оёгини қўлга олиб газламафурушнинг олдига чопди.

Жаноб Лере ўз дўконида пакет боғлаш билан овор эди.

— Ердамга тайёрман,— деди у.— Хўш, хизмат?

Лекин у, ҳар ҳолда, ўз ишини охиригача олиб борди, унга чамаси ўн уч ёшлардаги букри қиз ёрдамлашарди, бу қиз ҳам гумаштаси, ҳам ошиазлик вазифасини бажаарди.

Кейин у зинанинг пиллапояларидан ёғоч бошмонларини тақиллатганича Эммани иккинчи қаватга олиб чиқди. Устидан осма қулфнинг тўрт қиррали темири билан кўндалангига бостириб қўйилган, идора дафтарлари уйилиб ётган ва арчадан ясалган катта ёзув столи бор бир тор кабинетга бошлаб кирди. Девор тагидо, чит парда орқасида катта пўлат сандиқ кўринарди. У шу қадар бесўнақай эдикни, унинг ичида қофоз пул ва векселлардан ташқари йирикроқ нарсалар ҳам сакланса ажаб эмас. Дарҳақиқат, жаноб Лере берган қарзларнинг эвазига олинган гаров буюмларни сандиқка соларди, Бовари хонимнинг тилла занжири ҳам бора-бора корхонасини сотиб Кенкампуада баққолли дўкони сотиб одишга мажбур бўлган ва у ерда рангруйи харидорларга сотиладиган шамдан ҳам сарғайиб, сил касалдан аста-секин ўлиб бораётган ношуд Телье амакининг зирагини ҳам худди шу сандиқка солиб қўйган эди.

Лере походдан тўқилган катта креслога ўтирди.

— Хўш, нима дейсиз? — сўради у.

— Мана, кўрниг ўзингиз.

Эмма унга қоғозни кўрсатди.

— Қўлимдан нима келади?

Эмма жигибийрон бўлиб, векселларни вақтида тўламасанг ҳам «раддия» эълон қилмайман, деб берган ваъдасини эслатиб ўтди, аммо Лере бу ҳақда баҳслашиб ўтирмади.

— Бошқа иложиҳи йўқ эди, ўзимга ҳам пул совуқ сувдек зарур бўлиб қолган эди.

— Энди нима бўлади? — сўради Эмма.

— Ҳаммаси ўз навбати билан кетаверади — олдин суд, кейин мулклар хатланади... тамом, вассалом!

Эмма уни тарсакилаб солиб юборишдан ўзини аранг ушлади. Аммо энг беозор товуш билан ундан, бир бало қилиб Венсарни юмшатишнинг иложи йўқми, деб сўради.

— Қандай қилиб! Венсарни юмшатиб бўлибсиз! Уни билмас экансиз — у худонинг балоси-ку.

Ахир Эмманинг бутун умиди жаноб Лере-ку!

— Менга қаранг! Менимча, муруват қилиш шунчалик бўлади-да, тагин нима керак?

Шу сўзлар билан у ўзининг дафтарларидан бирини очди:

— Мана, марҳамат, кўринг!

Ва бармогини бигиз қилиб саҳифа устидан юргиза кетди:

— Ҳозир... Ҳозир... Учинчи августда икки юз франк, ўн еттинчи июнда бир юз эллик... Йигирма бешинчи марта қирқ олти... Апрелда...

Лекин шу ерга келганда панд еб қолишдан қўрқиб тутилиб қолди.

— Булар ҳаммаси, жаноб Боварининг биттаси етти юз франк, иккинчиси уч юз франкли векселлардан ташқари! Сизнинг майдо-чўйда қарзларингиз, процентларнинг боши-кетини аллақачон йўқотиб ҳам қўйдим, бу ерда иблис ҳам чалкашиб кетади. Йўқ энди, каминанинг қўлидан келгани шу!

Эмма йирлади, ҳатто уни бир марта «жон, жаноб Лере», деб ҳам атади. Аммо Лере ҳамма айни ўша «Йиртқич Венсар»га тўнкайверди. Бунинг устига у ҳозир бир чақасиз, қарзни ҳеч ким тўламайди, у бўл-

са ҳамма учун соғин сигир, бечора бир дўкондор, шунча қарз бериш қўлидан келадими?

Эмма жим бўлиб қолди, жаноб Лере патқалам учи-ни тишлиб ўтирас, ниҳоят Эмманинг жим бўлиб қолганидан хавотирланиб, яна гап бошлади:

— Аммо шу яқин кунларда менга пул тушгудек бўлса, шунда...

— Ҳарқалай мен Барневиль учун қолган пулни олишим билан... — деди Эмма.

— Нима, нима?

Ланглуанинг ҳали қарзни узмаганини билиб, Лере жуда таажжублангандек бўлди.

— Иккаламиз келиша оламиз деяпсизми?.. — тил-ёгламалик билан шивирлаб сўради Лере.

— О, бу фақат сизга боғлиқ!

Жаноб Лере кўзларини юмди, ўйлади, бир неча рақам ёзди, кейин энди боши ғалвадан чиқмаслигини, бу ниҳоятда нозик ишлигини, «бу аҳволда яқинда бошида сочи, оғзида тиши қолмаслигини» жаврай-жаврай, Эммага тўртта, ҳар биттаси икки юз әллик франкли векселни айтиб туриб ёздирди, шу шарт биланки, булар бирин-кетин бир ой ўтказиб тўланиши керак.

— Ишқилиб, Венсарни кўндирай-да! Энди фойдаси нима, айтилган сўз — отилган ўқ! Мен айтганимнинг устидан чиқаман, менинг бўлганим шу!

Кейин бепарволик билан унга янги моллар кўрсатди, лекин улардан бирортаси ҳам Леренинг фаҳмича, Бовари хонимнинг кўнглига ёқмасди.

— Буни қаранг-а, мана бу матонинг метри атиги етти су турди, унинг устига айнимаслигига кафилман! Одамлар талаб кетяпти! Ўзингиз тушунасиз, мен уларга бунинг сирини айта олмайман-ку!

Бошқа харидорларга домули қилишига очиқ иқрор бўлиши билан Эммага нисбатан чин қалдан содиқ өканлигини билдиришга уринар эди.

Шундан кейин Эммага гипюр кўрсатди, бу мато-дан уч метргинасини аукционда олган экан.

— Жуда соз! — деб завқланарди у. — Энди уни креслоларнинг устига қоплаш учун кўп олишади. Жуда мода бўлган мато-да!

Шу он у худди кўзбўямачиникига ўхшаган эпчил

қўллари билан гипюрини кўк қоғозга ўраб, Эмманинг қўлига берди.

— Қанча туради бу?..

— Ҳисоблашамиз! — деб сўзини бўлди Лере ва ўзиши билан шугуллана бошлади.

Шу оқшомнинг ўзидаёқ Эмма эрини онасига меросдан қолган ҳамма нарсани бетўхтов юборишини сўраб хат ёзишга мажбур қилди.

Қайнана энди ҳеч нарса қолмагани, мол-мулк таркана қилинганини ва Барневилни ҳисобга олмаганди уларнинг ҳиссасига олти юз ливрлик йиллик даромад тушишини ва шу пулни мунтазам тўлаб туриш мажбуриятини ўз устига олишини ёзиб юборди.

Шунда Бовари хоним bemорларнинг баъзи бирларига счёtlар юборди ва яхши натижа берган бу чорани тез кунда кенг қўллай бошлади. Счёtnинг охирида у албатта: «Бу ҳақда эrimга оғиз очманг — унинг иззат-нафсини биласиз... Безовта қилганим учун кечиринг... Хизматингизга тайёр...» — деб қўшиб қўярди. Бир-икки норози мактублар келган эди, уларни Эмма йўқ қилди.

Пул тўплаш учун Эмма эски қўлқопини, эски шляпаларини, темир-терсакларини сотди; жон-жаҳди билан савдолашарди. Бирдан мужнклигига тортди-қўйди. Бу камлик қилгандек у Руандан майдачуда нарсалар сотиб олиб, уларнинг устига нарх қўйиб жаноб Лерега ва эҳтимол яна бошқа савдогарларга сотиш фикрига тушди. Эмма туюқуш натлари, хитой чиннилари, пардоз қутичалари сотиб олиб келди. Фелиситетан, Лефрансуа хонимдан, «Қизил яримой» меҳмонхонасида, тўғри келган одамдан қарз олди. Ниҳоят Барневилнинг охирги пулинни олиб иккита вексел бўйича қарзини тўлади. Лекин бу вақт яна битта векселнинг, бир ярим минглик векселнинг ҳам тўлаш муддати етиб келди. У яна қарз олди, томогигача қарзга ботди.

Тўғри, у энди вақт-вақти билан счёtlарни текшириб туарди, лекин бунда шунчалик даҳшатли нарсаларга дуч келиб қолардики, унинг аъзойи бадани музлаб кетарди. У яна қайтадан санар, янглишиб кетар, «уҳ» деб ташлаб қўяр, ортиқ бу ҳақда ўйламасди.

О, энди у серҳашам уйнинг шунчалик файзи кетдики, асти иложи йўқ. У ердан тўхтовсиз ғазаблан-

ган мол етказиб турувчилар чиқишар эди. Камининг ҳар ер-ҳар срида Эмманинг дастрўмоллари сочилиб ётарди. Кичкинг Берта, Оме хонимнинг кайфини учирив, чурук-чурук пайпоқларда юради. Шарль хотинига қўрқа-писа андак ташиб берса, бунда менинг айбим йўқ, деб жеркиб ташларди.

Бу тувақишиларнинг асли сабаби қаерда? Шарль буларнинг барчасици Эмманинг ўша бир вақтдаги асабий хасталиги билан изоҳларди. Хасталикни унинг характерига боғлаганидан ўзини койпреди, ўзини худбинликда айбларди, уни әркалатиб кўнглидан чиқаргиси келади, лекин шу заҳоти:

«Йўқ, йўқ, ҳозир унинг жонига тегиш керакмас! — деб ўзини тиярди.

Шундай қилиб, ёнига йўламасди.

Овқатдан кейин ҳам боғда битта ўзи сайр этарди. Баъзан у тиззасига Бертани ўтқазиб, медицина журналини очиб ҳарфларни кўрсатарди. Бироқ ўқишига ўрганмаган Берта катта-катта ғамгин кўзлари билан отасига тикиларди-да, йиғлай бошларди. Отаси уни қўлидан келганча юпатар, лейкада сув олиб йўлга шилдиратиб оқизар, дарахтлардан новдалар синдириб келиб, уларни гўё булар дарахтдек, гулхона четларига ўтқазиб қўярди, лекин бу ниҳоятда хароб аҳволга тушган боғнинг ҳуснини унча бузмасди ҳам, ахир қачонлардан бери боғбон Лестибудуага пул тўлашмасди! Кейин, қиз совуқ ҳотар, ғингшиб онасининг қаердалигини сўради.

— Энагангни чақир,— дерди Шарль.— Биласан-ку, болажоним, онаиг жонига теккан одамни ёмон кўради.

Куз келди, барглар тўкилди. Эмма бундан икки йил бурун худди шунаقا вақтда касал бўлган эди. Ахир, қачон, қачон тугайди бу ҳасрат-надомат?.. Шарль қўлини орқасига чалиштириб боғда юради.

Бовари хоним ўз хонасидан чиқмас, унинг олдига киришига ҳеч ким журъат этолмасди. У бу ерда наридан-бери кийиниб, силласи қуриб кунни ўтказар ва фақат ҳар замонда ўзи Руанда жазоирликдан сотиб олган хушбўй шамни ёқишига буюради. Кечаси эри унинг ёнида ётмаслиги, ухламаслиги учун инжиқлик қилавериб, Шарлни шу аҳволга келтирди, у учинчи қаватга кўчиб чиқишига мажбур бўлди, ўзи бўлса аzon-гача ҳонли фожилар билан тугайдиган, айш-ишратлар

тасвир этилган аҳмоқона романларни ўқир әди. Баъзан уни даҳшат ўраб олар, у чинқирав, Шарль югуриб тушар әди.

— Йўқол! — дерди Эмма.

Эмманинг қалби алангаи оташ бўлиб, пинҳоний шиқнинг ўтида куйиб жизғанак бўлган пайтларда унинг нафаси оғзиға тиқилиб кетарди, ҳаяжонланган, ҳирс билан тўлиб-тошган Эмма дeraзаларни очиб ташлар ва салқин ҳаводан мириқиб-мириқиб нафас оларди, шамол унинг қалин соchlарини тўзғитар, ўзи бўлса юлдузларга тикилиб романларда тасвир этилган шҳ-муҳаббатни қўмсарди. Эмма у ҳақда — Леон ҳақида ўйларди. Шундай дақиқаларда у битта қониқ-ирадиган учрашув учун бор-йўғини қурбон қилишга ҳам тайёр әди.

Бу учрашувлар Эмма учун байрамга айланар әди. Бу учрашувларнинг иложи борича дабдабали бўлишини хоҳларди. Башарти Леон харажатларни тўлай олмаса, у пулни кулдек совуради ва бу аҳвол деярли ҳар гал такрорланаарди. Леон бошқа бирор, ўртачароқ чехмонхона ҳам улар учун ёмон бўлмаслигини учиришга ҳаракат қилса ҳам, у ўз сўзида туриб оларди.

Бир кун Эмма сумкачасидан беш-олти зарҳалли қошиқлар олди. (Бу Руо отанинг тўёнаси әди) ва Леондан уларни шу заҳотиёқ ломбардга¹ Эмманинг номига топширишни сўради. Леон топшириқни унча ёқтирибай бажарди. У ўзини маломатга қўйишдан қўрқарди.

Леон чуқур мулоҳазадан сўнг шундай бир холосага кела бошлади, маъшуқаси тобора галатироқ қилиқлар чиқаряпти, аслида ундан бир илож қилиб қутулса ёмон бўлмасди.

Булардан ташқари кимдир аллақачон унинг онасига: «Леон эрли хотин билан алоқада бўлиб, ўзининг ҳаётини хароб қилишини» маълум қилувчи узундан узоқ юмалоқ мактуб ёзибди. Мўътабар хоним ҳамма оиласаларнинг бошига битган бало бўлган абадий «олабўжи»нинг қанақадир ёвуз ишятли тирик жоннинг, ишҳ-муҳаббат гирдобига яшириниб олған сув парисининг, дengiz алвастисининг ноаниқ қиёфасини кўз олдига келтирди-ю, дарҳол ўғликнинг бошлиғи Дю-

¹ Бирор нарсани гаровга олиб, қарзга пул берадиган жой.

бокажга мактуб ёэди, Дюбокаж ҳам қараб турмади У Леонни ўз кабинетида бир соатча олиб ўтириди, наси ҳатлар билан унинг кўзини очди ва жаҳаннам ёқаси да турганини англаиди. Бу хилдаги алоқа унинг кела жагига доф туширишини айтди. У Леондан, тездан ора ни очиқ қилиб қўйишни сўради, ўзи учун ҳаракат қил маса, буни — Дюбокажнинг кўнгли учун қилишини ёлвориб сўради.

Ниҳоят Леон Эмма билан учрашмасликка сўз берди. Ундан кейин ҳам анчагача сўзининг устидан чиқолмаганидан ўз ёғига ўзи қоврилиб юрди, яна гап сўз кўпайишини, бу хотин юзасидан ҳали тағин қанча кўнгилсизликлар юз беришини ўйларди, у билан бирга ишлайдиган хизматчилар бўлса ҳар куни эрталаблар печка ёнида исиниб, унинг устидан кулишарди. Бунинг устига Леонни бош иш бошқарувчилик лавозимига кўтаришга ваъда қилинган, ахир қуюлиши ҳам керак-ку! У энди най чалишдан ҳам, кўтаринки ҳислардан ҳам, орзу-умидлардан ҳам воз кечди. Дунёда бирор мешчан йўқки, у ёшлик гурури қайнаган бир пайтда бир кун, бир дақиқа бўлса ҳам, ўзини чуқур ҳиссиятларга ва жасур бир қаҳрамонлик кўрсатишга қобилиятли деб ҳисобламасин. Оддий бир ишратпарастнинг ҳам қачондир кўнгли маликада бўлади, ҳај қанақа ногариус ҳам шоир бўлишни орзу қиласди.

Энди Эмма Леоннинг кўксига бош қўйиб бирдан йиглаб юборса ғашни келади. Шундай одамлар борки, улар музикани маълум бир меъёрда эшита оладилар — шунга ўхшаиш Леоннинг қалби энди эҳтирос оҳангларини эшитмас, ҳислар ўртасидаги нозик фарқни илгаб ололмасди.

Леон билан Эмма бир-бирларини шунчалик билиб олишган здики, энди улар қовушиш севинчи юз бора оширувчи ҳаяжонни сезмасдилар ҳам. Эмма уларга тўйиб кетди. Леон улардан чарчади. Эмманинг оиласвий ҳаётида таъқиб этилган ўша қабиҳлик, хуфёна севгида ҳам юзага телиб чиқмоқда эди.

Бироқ қандай қилиб буларнинг барчасига барҳам бериш керак? Бу аянчили бахтнинг қанчалик тубан эканини Эмма равшан тушунарди, шунга қарамай ўрганиш туфайлими ёки ўзининг ахлоқсизлиги туфайлими, уни қўлдан бермасди. Кун сайин унга жонжажди билан ёпишарди ва қалбаки кайф-сафо билан

ўзини заҳарлар, оламда йўқ ҳузур-ҳаловатларни қўм-саб юрак-багрини қон айларди. У оразуларининг ушалмагани учун Леонни айбор, деб ҳисоблар, гўёки Леон уни атайлаб йўлдан оздирган эди. У ҳатто бир ҳалокат юз бериб, шу туфайли ундан жудо бўлишини истарди, лекин алоқани узишга унинг руҳий кучи отмасди.

Бу — Леонга аввалгидек ошиқона мактублар ёзишга халақит бермасди, хотин киши ўз ошиғига хат ёзиши шарт эканига имони комил эди.

Лекин у ёзув столида ўтирганда кўзлари олдида бошқа бир одам, ўзининг энг ёрқин таассуротларидан, китобларда ўқиган энг гўзал тасвирлардан, ўзининг энг зўр орзуларидан тўқилган хаёлий бир сиймо гавдаланаар эди. Бора-бора у шунчалик ҳақиқатга яқин ва унга эришиш ўнгайга ўхшаб кўринардик, Эмма таажжубланиб сесканиб кетди.

Лекин уни аниқ тасаввур эта олмас, у худди худо каби ўз сифатларининг кўплигидан кўзга чалинмасди. У болохоналаридан ипакли нарвонлар тушиб турадиган ложувард оламда, ой нури тушиб турган муаттар истарқатувчи гуллар ичидаги яшарди. Эмманинг назарида у шу яқингиинада, ҳозир келади ва биттагина ўпич эвазига Эмма унга борлигини бағишлайди, Эмма бирдан худди оёғидан бирор чалиб юборгандек йиқиларди: бу беҳуда ҳаяжонлар уни энг ашаддий ишратлаастликдан ҳам ортиқ мадорини қуритарди.

Жисмоний ва руҳий тушкунлик ҳисси уни тарқ отмасди. У судга чақириқ ва ҳар хил расмий қофозлар олди, лекин уларга кўз қирини ташлаб қўярди, холос. У ҳаётдан бутунлай кетишни ёки қаттиқ уйқу дарёсига гарқ бўлишни истарди.

Буюк рўзанинг ўрталарида у бир кун Ионвилга қайтмади, кечқурун маскарадга борди. У бахмал тор шим, оёғида қизил пайпоқ, бошида кокили бор парик, цилиндрни эса қия қилиб кийиб олганди. Бутун тун бўйи у тромбонлар ҳайқириқ оҳангига рақсга тушди, әркаклар унинг орқасидан илашишарди, тонг отишга яқин у «ҳаммол» ва «денгизчи» ниқобини кийган Леоннинг ўртоқлари ҳамроҳлигига театрдан чиқди, улар Эммани овқатга таклиф қилишган эди.

Яқин ўрталардаги кафеларда одам лиқ тўла эди. Нижоят улар қиргоқ бўйида битта жўнгина ресторон

толишиди, хўжайин уларни бешинчи қаватдаги биттторгина кабинетга бошлаб чиқди.

Эркаклар бурчакка тўпланишиб олиб, пичир-пичи қилишиди, чамаси бўладиган харажатни ҳисоблашарди Буларнинг ичида битта котиб, иккита фельдшер ви битта гумашта бор эди. Келиб-келиб Эмманинг топга улфатини қарангү! Аёллар-чи! Уларнинг овозида ҳаммаси энг тубан, бузуқ аёллар эканини Эмма дарро пайқади. У қўрқиб кетди ва улардан нарироқи сурилиб, ерга қараб ўтириди.

Ҳаммалари овқат ея бошлади, Эмма туз тотмади. Боши қизиб, қовоқлари оғирлашди, эти увишиди. Уни назарида калласи бал бўлаётган залда айланди-поли ўйинга тушаётган жуда кўп оёқларнинг би маромда урилишидан силкинаётганга ўхшарди. Кейи пуншнинг ҳидидан, сигараларнинг тутунидан кўнгли беҳузур бўлди, ҳушидан кетди, уни дераза олдиги олиб келдилар.

Тонг ёриша бошлади. Оқиши осмонда, Сент-Катрии тепалиги устида қизил аланга тобора кенгайиб бормоқда. Совуқдан кўкариб кетган дарё шамолда кўпирарди. Кўприк устидан ҳеч ким ўтмасди, фонуслар бирин-кетин сўна бошлади.

Шу орада Эмма ўзига келди ва дафъатан эсига келган нарса Ионвилда, энаганинг қўйнида ухлаб ётган Берта бўлди. Шу дақиқада устига узун-узун тунука тахта ортилган арава ўтди, тунукаларнинг даранг-дуринг овозидан уй деворлари зирилларди.

Эмма иргиб ўрнидан турди, бошқа хонага кириб кийимини ўзгартирди, Леонга, уйга кетишими керак, деди ва ниҳоят «Булоњ» меҳмонхонасида ёлғиз ўзи қолди. У атрофдаги ҳамма нарсадан, ҳатто ўзидан ҳам нафратланарди. У қуш каби узоқ-узоқларга, соғ бўшлиқлар томон қанот қоқиб учгиси, руҳан ва жисман ўзини ҳалоллагиси келарди.

У кўчага чиқди ва хиёбон билан Кошуаз майдонидан ўтиб, уйлардан кўра боғлар кўп бўлган шаҳар чеккасига чиқди. У тез-тез қадам ташлаб кетаркан, салқин ҳаво унга ором бахш этди ва унинг кўзлари олдида гувиллашаётган тундаги башаралар, ниқоблар, рақслар, паға-паға тумандан тарқаб кетди... «Қизил яримой» меҳмонхонасига етиб келиб, у учинчи қаватдаги «Ажал минораси» кўринишларидан олинган расм-

лар осиғлиқ хонасига күтарилиди ва ўзини каравотга отди. Кундузи соат тўртда уни Ивер уйғотди.

Уйда Фелисите соатнинг орқасига яшириб қўйилган бир варақ қоғозни кўрсатди. Эмма ўқиди:

«Суд қарорининг нусхаси...»

Қанақа суд тағин? Кечаки кечқурун яна битта қоғоз келтирганларини у билмаган эди, шунинг учун бу сўзлар унинг энка-тенкасини чиқариб юборди:

«Подшо, қонун номидан Бовари хонимни...»

У бир неча сатрларни ташлаб ўтди.

«... Йигирма тўрт соат ичида...»

Нима, йигирма тўрт соатнинг ичида?

«...Саккиз минг франкни тўлиқ тўлашга буюради».

Давоми:

«Акс ҳолда қонунга мувофиқ бутун кўчма ва кўчмас мулки хатланади».

Нима қилиш керак? Йигирма тўрт соатдан сўнг! Демак эртага! У ўзича Лере шунчаки пўписа қиляпти деган холосага келди. Назарида унинг барча хатти-ҳаракатларининг фарқига энди борди, бу «саҳийликлардан» кузатилган мақсадни энди тушунди. Лекин пул миқдорининг жуда катталиги уни бир қадар кўнглини тинчитди.

Шуни ҳам қайд қилиб ўтиш керакки, насияга мол олавериб, уни вақтида тўламай, қарз олавериб, қайта-қайта векселлар беравериб, муддати ўтган сари проценти ошавериб, Эмма жаноб Леренинг фойдасига салмоқли капитал тўплаб берди, энди бу йигилиб қолган капитал жаноб Леренинг бошқа маккорона ишларига кор келарди.

Эмма ҳеч нарсани билмаган киши бўлиб унинг олдига борди.

— Нима бўлганини билдингизми? Албатта, бу ҳазил-а?

— Йўқ.

— Хўш, бўлмаса нима?

У бутун гавдаси билан аста Эмма томон бурилди қўлларини кўкрагида чалишибириб:

— Наҳотки, мұхтарама хоним, сизнинг шаҳло кўзларингиз учунгина бир умр мол етказиб берувчи ва банкир бўлиб хизмат қиласи деб ўйласангиз? Ахир менинг аҳволимга ҳам тушунинг-да! Қачон бўлса ҳам пулларимни қайтаришингиз керакми-йўқми?

Эмма шулнинг жуда катталигидан норозилик билдиримоқчи бўлди.

— Ҳеч иложи йўқ! Суд тасдиқлаган! Ҳукм бор! Сизга у расмий равишда эълон қилинган. Кейин бу менинг ишим эмас, Венсарнинг иши!

— Сиз бир илож қилиб...

— Мен ҳеч нарса қилолмайман.

— Ҳар ҳолда... Келинг, бир ўйлашиб кўрайлик.

Эмма бўлмагур гапларни гапирди: гўё ҳеч нарсадан хабари бўлмаган, булар ҳаммаси томдан тараша тушгандек кутилмаган нарсалар...

— Ким айбли? — Энгашиб масхараомуз сўради Лере.— Мен ҳолдан тойгунча уринаман, сиз бўлсангиз ўйин-кулгидан бўшамайсиз.

— Ақл ўргатмасдан гапиришнинг иложи йўқми?

— Ақл ўргатишининг ҳамма вақт фойдаси бор,— ётироz билдириди Лере.

Эмма унинг олдида ўзини пастга урди, ёлворди, ҳатто ўзининг чиройли, узун, оппоқ бармоқларини унинг тиззасига тегизиб қўйди.

— Қўйсангиз-чи! Нима, мени йўлдан оздирмоқчимисиз?

— Ифлос! — деб бақирди Эмма.

— О-ҳо! Бирпасда ўзгариб қоласиз-а,— кулиб туриб гапирди Лере.

— Мен айбингизни бўйнингизга қўяман. Эримга айтаман...

— Мен бўлсам эрингизга баъзи бир нарсаларни кўрсатаман!

Шу сўзлар билан Лере пўлат сандиқдан, Венсар векселларини ундиримоқчи бўлгандаги берган бир минг етти юз франкли тилхатни олди.

— Бечора эргинангиз, сизнинг бу муттаҳамлик қилганингизни тушунмайди деб ўйлайсизми? — сўради у.

Эмманинг бошига тўқмоқ келиб тушгандек кўзи тиниб кетди. Лере бўлса дераза билан стол оралиғида у ёқдан-бу ёққа қадам ташлаб, ҳамон такрорлади:

— Мен албатта унга кўрсатаман, албатта унга кўрсатаман...

Кейин у Эмманинг олдигинасига келиб, бирданига тилёғлама оҳанг билан гапира бошлиди:

— Тушунаман, албатта, бу яхши иш эмас, аммо тўғрисини айтганда, бундан ҳеч ким ўлган эмас, ваҳо-

ланси, пулимни қайтариб бериш учун сизда бошқа йўл бўлмаганлиги учун...

— Қаердан олай ахир? — бармоқларини қисирлатиб сўради Эмма.

— Эй, қўйсангиз-чи! Ахир ёр-дўстларингиз бор-ку!

Бу гапни айта туриб у Эммага шу қадар қаттиқ, шу қадар даҳшатли назар ташладики, Эмманинг вужуди титраб кетди.

— Баъда бераман, вексель ёзинг, қўл қўяман... — гудирлади у.

— Қўл қўйишингиздан ҳам тўйиб кетдим!

— Мен яна бирор нарса сотаман...

— Бас қилинг! Энди ҳеч нарсангиз қолмади! — елкасини учириб, унинг сўзини бўлди савдогар ва дўконга қараган туйнукдан:

— Аннета! Ун тўртинчи рақамли газламадан уч кийимли олиб кел! — деб бақирди.

Хизматчи қиз келди. Эмма ҳамма нарсага тушунди ва фақатгина ишни бости-бости қилишга қанча пул керак эканлигини сўради.

— Кечикдингиз!

— Агар мен сизга бир неча минг франк олиб келсан-чи! Чорагини, учдан бирини, деярли ҳаммасини?

— Йўқ, йўқ, бефойда!

У Эммани оҳиста зина томон итарди.

— Утиниб сўрайман, жаноб Лере, ҳеч бўдмаса яна уч-тўрт кун муҳлат беринг!

Эмма ҳўнграб йиглаб юборди.

— Эй, кўз ёшга бало борми?

— Шундай оғир аҳволда қолдимки!

— Тупурдим аҳводингизга! — деди эшикни бекита туриб жаноб Лере.

VII

Эртасига суд пристави жаноб Аран ёнида иккита гувоҳ билан унинг мол-мулкини хатлагани келганда Эмма ўзини жуда дадил тутди.

Улар Боварининг кабинетидан бошлишди, лекин бош суюкни хатга олишмади, негаки, уни «медицина асбоби» қаторига қўшишди. Лекин ошхонада лаганлар, хурмачалар, стуллар, шамдонларни, ётоқхонада бўлса этажеркадаги майда-чуйда безакларни хатлашди. Эм-

манинг кўйлакларини, ички кийимлар, пардоз-андоз хонасини кўздан кечиришди. Эмманинг бутун ҳаёти, барча хилватгоҳлари билан, худди ўликни ёриб кўргандек, мана шу уч эркакка намойиш қилинган эди.

Жаноб Аран бошдан-оёқ тугмаси қадалган қора фракда, оқ галстук, почасида тасмаси бор шим кийиб олган, ҳар замон-ҳар замонда Эммага қараб:

— Рухсат этгайсиз, хоним! Рухсат этгайсиз! — деб қўярди.

Ҳар дақиқа унинг товуши эшитилиб туради:

— Қанақа чиройли нарса-я! О, ажойиб!

Кейин жаноб Аран чап қўлида ушлаб турган шохдан ясалган сиёҳдонга патқаламни ботириб, яна ёзишга тутинарди.

Туар жойни айланиб чиқишгандан кейин чердакка чиқиши.

У ерда Эмманинг пюпитри¹ туар, унда Родольфинг мактублари сақланарди. Пюпитри очишга тўғри келди.

— Э, бу ерда хат-мактублар кўп ækан-ку,— деди кулиб жаноб Аран.— Шундай бўлса ҳам у ерда бошка нарса йўқлигига қаноат ҳосил қилишим учун текширишга рухсат берасиз!

У худди ичидаги тилла тангаларни тўқмоқчи бўлгандек конвертларни аста-аста қийшайтира бошлади. Бир вактлар юрагини ўйнатган саҳифаларга Аранинг семиз, қип-қизил, шиллиққуртдек иргамчик панжалари тегаётганини кўриб, Эмма ўзини аранг босиб турди.

Ниҳоят улар кетиши. Фелисите кирди. Эмма унга Боварининг йўлини тўсиб, уни чалгитиб туришини буюрди. Хатланган молларни пойлаб ўтириш учун қолдирилган қоровулни эса у ердан чиқмасликка сўз олиб, чердакка чиқариб юбориши.

Кечқурун Шарль Эмманинг назарида бир нарсадан ташвиш тортаётгандек кўринди. У Шарлни ҳаяжон билан кузатиб борар, унинг юзидағи ҳар бир бурушиқда ўзига қораловчи ҳукм ўқирди. Усти хитой экранни билан безалган каминга, кенг пардалар, кресло, унинг ҳаётини безаб турган мана шу нарсаларга кўзи ту-

¹ Пюпитр — иста ва китоб қўядиган қия мослама.

Шарқан, у пушаймон еди, тұғрироғи, алам-изтиробни босиш үрнига баттарроқ аламга киритувчи қаттиқ үкінч уни қамраб олди. Шарль оғини панжарага құйыб, бамайлихотир каминдаги чүгларни титиб ўтирар эди.

Қоровул панада ўтириб зерікиб кетди шекилли, бир нарсаны тарақлатиб юборди.

— У ерда бирор юрибдими? — сўради Шарль.

— Йўқ, — деб жавоб берди Эмма, — туйнукнинг қопқоғини бекитиш эсимиздан чиқибди, шамолда тарақлаялти, — деди.

Эртасига якшанба куни Эмма Руанга кетди ва ўзи билган ҳамма банкирларнинг уйига бир-бир кириб чиқди. Бироқ улар ё қишлоқда, ё бирор ёққа кетган әдилар. Бу ҳам Эмманни тұхтата олмади. Агар улардан баъзиларни уйларида топса, қийналиб қолганини, тезда қайтариб беришини айтаб пул сўрарди. Баъзи бирлари унинг башарасига қараб туриб кулишарди. Ҳаммаз унинг илтимосини рад қилди.

Соат иккода у Леоннинг уйига борди, эшикни қоқди. Уни киритмадилар, ниҳоят Леоннинг ўзи чиқди.

— Нега келдинг?

— Нима, келганим сенга ёқмаяптыми?

— Йўқ... лекин...

Хўжайнини уйда истиқомат қилувчиларнинг олдига •аёллар келишини» ёмон кўришини айтди.

— Сен билан гаплашишим керак, — деди Эмма.

Леон уни киргизиш учун эшикни очмоқчи бўлганди, лекин Эмма тұхтатди:

— Йўқ, йўқ! Юр, бизникига борамиз!

Улар «Булоњ» меҳмонхонасидаги ўз хоналарига боришиди.

Кириши билан Эмма стаканин тўлдириб сув ичди, унинг ранги бўздей оқарган эди.

— Леон, менга кўмак бер, — деди у Леонга қараб.

Эмма унинг қўлларини қисиб силкита бошлади.

— Менга қара, менга саккиз минг франк пул керак!

— Жинни бўлиб қолибсан!

— Ҳали жинни бўлганимча йўқ!

У Леонга бор-йўғи хатлангани, ўзининг кўлфатларини гапириб берди; Шарлнинг ҳеч нарсадан хабари йўқ, қайнанаси уни кўргани кўзи йўқ, отасининг қў-

лидан ҳеч нарса келмайди. Бироқ Леон ҳаракат қилиши керак ва қандай бўлмасин талаб қилинаётган пулни ернинг тагидан бўлса ҳам топиши керак.

— Аммо мен, қандай қилиб...

— Сен эркак әмас, латтасан! — бақирди Эмма.

Бунга у ўта аҳмоқона жавоб қилди:

— Жуда ошириб юбординг! Бир минг экюнинг ўзи билан ўша чолингнинг оғзига уриш мумкин бўлса керак.

Бир чора топиш учун Леонда кўпроқ имконият бордек кўринарди. Уч минг франк топиш мумкин эмаслигига Эмма ҳеч қачон ишонмайди. Бундан ташқари Леон ўзи учун әмас, Эмма учун қарз олса бўлади-ку.

— Бор энди! Ҳаракат қил! Бу жуда ҳам зарур! Чоп... Ҳаммасини қил! Ўлгунимча севаман сени!

Леон чиқиб кетди, бир соатдан кейин қайтиб келиб, тантана билан;

— Мен уч киши ҳузурида бўлдим... ҳеч нарса чиқмади,— деди.

Улар юзма-юз каминнинг икки томонида қимиралий жим ўтиришди. Эмма елкаларини қисар, сабрсизликдан пошнасини тиқиллатар эди. Кейин бирдан Леон ўнинг шивирлаганини эшитди:

— Мен сенинг ўрнингда бўлсам, албатта топардим!

— Қаердан оламан, ахир?

— Идорангдан!

Эмманинг кўзлари ваҳшиёна жасурлик билан ёнар, кўз қовоқлари шаҳват уйготиб, рағбатлантираётгандек сузилар эди, йигитча уни жиноятга тортаётган мана бу аёлнинг унсиз иродасига қарши эътиroz билдиришга мажоли йўқлигини сезарди. Уни даҳшат босди, лекин ҳамма нарсага хотима бермаслик учун пешанасига бир шапатилади:

— Вой, ахир бугун кечаси Морель қайтиб келадику! Ишонаманки, у менга «йўқ» демайди. (Морель бадавлат савдогарнинг ўғли, Леоннинг ошнаси эди.) Мен ёртага пул олиб бораман,— деб қўшиб қўйди у.

Эмма, афтидан, унча қувонмади. Балки ёлгон деб гумон қилдимикан? Леон қизариб кетди.

— Лекин соат учгача етиб боролмасам унда мени кутмагин, азизим.— Огоҳлантирди у.— Энди, мени кечир, мен боришим керак. Саломат бўл!

Леон ўнинг қўлинини қисди, лекин унга жавобан қў-

лини сиққанини сезмади. Эмма энди руҳий тушкунликдан ўзга ҳеч нарсани ҳис этмади.

Соат тўртга бонг урди. У одатланиб қолганлиги учун худди автомат каби ўрнидан турди — Ионвилга қайтиб кетиш керак эди.

Ҳаво жуда ажойиб, қуёш бўздай осмонда чарақлаб турадиган март ойининг очиқ ва салқин кунларидан бири эди. Руанликлар якшанба муносабати билан ясанишиб ўйнаб юришар, ҳаётдан завқ олаётганга ўхшар әдилар. Эмма черков майдонигача борди. Ҳозиргина ибодат тугаган, халқ тарқалмоқда эди. Одамлар худди уч тўғонли дарё каби ибодатхонанинг уч эшигидан оқиб чиқмоқда эди, катта эшик олдида эса дарвозабон қоядай қимир этмай турарди.

Шунда Эмма, қалби умид-орзулар, шубҳалар билан тўлиб-тошган ҳолда мана бу гумбазлар остига кирган кунини эслади, унинг муҳаббати эса ўша кезларда бу улкан қасрлардан ҳам улкан эди... Эмма ҳоли нима ке-чаётганини яхши аниқлай ҳам олмасди, лекин оёқлари чалишиб кетаётган бўлса ҳамки, ҳамон юришида давом этарди, кўзларидан эса тўр тагида ёшлари дувиллаб оқарди.

— Пўшт! — бақирди ланг очиқ дарвозадан кимдир.

Эмма тўхтади ва тильюри шотиси орасида ўйноқлаб бораётган қора отни кўрди, уни сувсар пўстин кийган олифта киши ҳайдаб кетмоқда эди. Ким әкан у? Эмманинг кўзига иссиқ кўринди... От бир олдинга ташландии-ю, чопиб кетди.

Эҳа, бу виконт-ку! Эмма орқасига ўгирилиб қарди, аммо кўча бўм-бўш эди. Тинка-мадори қуриган Эмма йиқилиб кетмаслик учун деворга суянди.

Кейин у, балки янгишгандирман, деб ўйлади. Умуман, энди ҳеч нарсага тушунолмасди. У ўзининг хароб бўлаётганини, жаҳаннам ёқасида турганини сезарди. Шу чоқ Эмма қадрдон Омени кўриб қувониб кетди. У қўлида хотини учун сотиб олган беш-олтита «саллачалар» тугилган рўмолини ушлаб «Қизил яримой» ҳовлисида дорихона моллари солинган катта қутини «Қалдирғоч»га ортишларини кузатиб турарди.

«Саллачалар» — бу рўзада ва албатта тузли мой билан ейиладиган оғир тешик кулчалар эди, буни Омехоним жуда яхши кўради. Бу балки салиб юришлари давридан сақланиб қолган ягона ўрта аср таомла-

ридан бири бўлиши ҳам мумкин: эҳтимол, бу оғир кулчаларни еб паҳлавон нормандияликлар қорин тўйдиришгандир, бу кулчалар машъалларнинг сарғинш ёруғида уларнинг кўзига столдаги кўза-кўза шароблар ва катта-катта сон гўштлари орасига ейиш учун сарцинлар¹нинг каллалариdek кўрингандир. Дорихоначи хоним тишларининг бузуқлигига қарамай «саллачалар»ни қисирлатиб ғажигани ғажиган, шунинг учун жаноб Оме ҳар гал Руанга келганда Масакр кўчасидаги энг яхши новвойхонадан хотини учун шуларни сотиб оларди.

— О, нақадар ажойиб учрашув! — деди у Эммани «Қалдирғоч»га ўтқаза туриб.

Кейин «саллачалар»ни юк тўрхалтасининг қайнишга боғлаб қўйди, шляпасини ечди ва қўлларини қовуштириб, юзига наполеончасига хаёлчан тус берди. Лекин тоғ этагида ҳамма вақтдагидек сўқир пайдо бўлганда у жим туролмай:

— Асло тушунолмайман, нима учун маъмурлар шу чоққача бундай номақбул ишга йўл қўйишиади! Мана бунақангি бадбахтларни жамиятдан йироқ тутиш ва меҳнатга ўргатиш керак! Худо ҳаққи, тараққиёт тошибақа юриш билан имиллаб ҳаракат қиляпти. Ваҳшийлардан фарқимиз ҳали жуда оз!

Сўқир шляпасини узатди, у худди кўчиб кетган гулқоғоздек парда ёнида силкинарди.

— Ву ширинча касалингнинг натижаси! — деди фармацевт.

Оме бу шўрпешанани яхши танирди, лекин ўзини уни умрида биринчи марта кўраётганга солди ва кўз соққасининг устки пардаси, склераси, габитус, фациес деган каби маҳсус ибораларни ёғдира бошлади, сўнг оталарча меҳрибон оҳангда сўқир билан таплашиб кетди:

— Кўпдан бери оғрийсанми, биродар, бу дарди бедаво билан? Қовоқхоналарда тентираб юргандан кўра, парҳезга риоя қилиб, ўзингни даволасанг бўларди.

У сўқирга яхши вино, яхши пиво ичиншга ва яхши қовурдоқ ейишга маслаҳат берди. Сўқир эса ҳамон

¹ Европа мамлакатларида ўрта асрда арабларни, кейин, умуман, мусулмонларни шудай деб аташтан.

ашуласини айтарди. Умуман, у овсарроқ кўринарди. Никоят жаноб Оме ҳамёнини очди.

— Ма, мана сенга бир су, менга икки лиар қайта-риб бер. Менинг маслаҳатларимни өсингдан чиқарма, уларнинг фойдаси тегади сенга.

Ивер бу сафсалаларга ишонмаслигини айтишдан тортинмайди. Лекин дорихоначӣ сўқирнинг яраларини ўз қўли билан ясаган, яллиғланишга қарши ишлатида-диган дори ёрдамида тузатишни ўз зиммасига олиши-ни айтди, унга ўз адресини берди:

— Жаноб Оме, бозор ёнида мени ҳамма танийди,— деди.

— Энди,— деди Ивер,— жанобларни беовта қил-ганинг эвазига бир масхарабозлик қилиб бер.

Сўқир чўққайиб ўтирди, бошини орқасига ташлаб тилини чиқарди ва кўкимтири йиринг йигилиб қолган сўқир кўзларини айлантириб, икки қўли билан қорини силай бошлади ва оч итдек бўғиқ овоз билан ирилла-ди. Кўнгли айнаб кетган Эмма елкаси оша беш франкли танга ташлади. Бу унинг бор-йўқ давлати әди. Ўзи шу заҳоти, бу пулни бундан яхшироқ сарфлаб ҳам бўл-масди, деб ўйлади.

Дилижон йўлида давом этди, бироқ жаноб Оме бирдан ойнадан бошини чиқариб:

— Хамир овқат, сутли овқат емал Жун кийим кий, яра чиққан ерларингни қора арчанинг тутунига тут!— деб бақирди.

Кўзлари олдидан лип-лип этиб ўтаётган таниш ман-зара Эмманни қайғули хаёллардан чалғитди. У бутун вужудида оғир ҳорғинлик сезди; уйига овсар одам-дек дармонсизланган, мудроқ босган ҳолда кириб келди.

«Нима бўлса бўлар», деди ўзича.

Кейин, ким билади? Ажаб эмас — бирор тасодифий ҳодиса юз берса, масалан, Лере тўсатдан ўлиб қолса.

Соат эрталаб тўққизда у майдондан эшитилаётган шовқин-сурондан уйғониб кетди. Бозорда, катта эълон ёлишириб қўйилган симёғоч олдида одамлар йиғил-ган, Жюстен бўлса тумбочка устига чиқиб олиб эълонни йиртарди. Лекин шу чоқ қоровул унинг ёқасидан ушлаб олди, дорихонадан жаноб Оме чиқди. Лефрансуа хола оломоннинг қоқ ўртасида туриб олиб бир нималарни гапираварди.

— Бекам, бекам! — деб бақирди уйга чопиб кира туриб Фелисите,— бу қандай ярамас иш-а!

Шу сўзлар билан бечора қиз ҳаяжонидан даг-даг титраб, ҳозиргина эшикдан кўчириб олган бир тахта сариқ қоғозни Эммага узатди. Эмма қотозга кўзи тушниши билан ҳамма нарсани тушунди: бу унинг мол-мулки сотилиши ҳақидағи эълон эди.

Хоним билан хизматчи аёл бир-бирларига қараб қўйишди. Уларнинг ўртасида сир йўқ эди. Фелисите уҳ торти.

— Мен сизнинг ўрнингизда бўлсам, бекам, Гильоменга борган бўлардим.

— Шунақами?

Бу савол билан Эмма:

— Хизматкор туфайли сен ҳамма нарсадан хабардорсан. Наҳотки унинг хўжайини бирор марта менинг дақимда гапирган бўлса? — демоқчийди.

— Ҳа, ҳа, унинг олдига боринг, яхшиси шу,— деди Фелисите.

Бовари хоним қора кўйлагини ва нозик мунчоқлардан ҳошия қилинган шляпасини кийди. Уни ҳеч ким кўрмаслиги учун (майдонда ҳамон одамлар тўдалашиб туришарди) орқа кўчадан, кейин дарё ёқалаб кетди.

Эмма нотариуснинг эшигига етганда зўрга нафасини ростлади. Ҳаво булут, қор учқунларди.

Қўнгироқ овозига қизил нимча кийган Теодор чиқди. Эммани у худди ўзининг эски ошинаидек бетакаллумфлик билан қарши олди ва тўғри овқатхонага бошлиб кетди.

Бутун тахмонни тўлдириб турган кактус тагида каттакон, кошинкор печка ғувиллаб ёниб туради, эман рангидаги гулқоғозлар ёпиширилган деворларда қора ёроч рамкаларга солинган Штейбеннинг «Эсмеральда»си ва Шопеннинг «Потифаранинг хотини» деган суратлари осилиб туради. Стол ясатиб қўйилган, иккита кумуш грелка, эшиклардаги биллур тутқичлар, паркет, жижозлар ҳаммаси-ҳаммаси инглизларга хос сараштак билан парпираради. Чиройли бўлиш учун деразаларнинг бурчакларига рангли ойналар солинган эди.

•Шу емакхона менда бўлса» — деб ўйлади Эмма.

Нотариус кириб келди. У чап қўли билан хурмо барглари шаклида гул тикилган халатини ушлаб, бошқа қўли билан жигар ранг духоба шапкачасини олиб,

сиза бошқатдан кијарди, шапкача таниозлик билан ўнг тесонга — гарданида иккى ёқса ажралыб, уч тутам оши соч кал бошини ўраб осилиб турган томонга сурнаганди.

Гильомен Эмманни креслога ўтиришга таклиф қилди, такаллуғенлизиги учун узр сұраб, нонушта қилишга ўтируди.

— Сиздан бир илтимосым бор эди, жаноб... — деб гап бешлади Эмма.

— Хүш, хизмат, хеним? Қулоғым сизда.

Эмма шининг моҳиятині блән эта бошлади.

Жаноб Гильомен аллақачон газламағурушининг ўзидан ҳамма гапни биліб олған эди. Гильоменнинг ўзи Ләре билан тил бириктириб иш қилар, потариусдан гаров хат устидан қарз сұраганларида жаноб Лере ундан пул аямасды.

Щундай қилиб, бу аччиңиңдең узун воқеаларнинг ҳаммаси Эммадан ҳам күра унга аён эди: Эмманнің аввалига майда, ҳар хил одамлар томонидан түлдирилған векселлари такрор-такрор күчириб ёзилганини, ахирі бир күн келіб, савдогар ҳамма раддияларни түплаб судга беришни ўз дүсті Венсарга топширганини, лекин ҳамшаҳарлари орасида очоғат деб ном чиқариш яхши эмаслигини ҳисобға олиб, ўз номидан судга беришни дүстидан сұраганини биларди.

Эмма ўз арз-додини ора-сира Леренинг шаънига айтилған таъналар билан бўлиб турарди, бунга потариус онда-сонда сих ҳам куймасин, кабоб ҳам қабилица жавоб қайтариб қўярди. Олтин занжир билан қўшилған иккита брильянт тўғнагич қадаб қўйган кўк галстути унинг иягига тиради турарди. У котлет ер, чой ичар ва ҳадеб қанақадир галати, чучмал, коски жилмайиш билан кулиб ўтиради. Кейин бирдан меҳмоннинг оёғи ҳўл бўлиб қолганига әътибор берди.

— Печкага яқинроқ ўтиринг... Оёғингизни бўлса юқорироқ кўтаринг... Кафелга яқинроқ,— деди.

Эмма кафелларни ифлос қилишдан қўриди,

— Гўзал нарса ҳусн бағишлийди, холос.— Хушумомалалик билан деди потариус.

Эмма унинг кўнглида меҳр-шафқат қўсегатишга уринди ва аста-секин ўз ҳаётидан нолиб, камбагаллигидан, оиласвий можаролардан, ўзининг эҳтиёжларидан гапириб кетди.

— У ҳаммасига тушунади, Эмма шундай зебо жувон,— оғзидағи овқатини чайнаб деди нотариус. У Эмма томонга ўгирилган эди, тиззаси Эмманинг печкага тутиб ўтирган ва тагидан буғ чиқаётган ботинкасига тегди.

Эмма ундан бир минг экю сўраганда у лабини бурди ва афсусланиб нега илгарироқ ўз мөл-мулкини идора қилишни унга топширмаганини, зеро, фойда олишда аёллар учун жуда кўп йўллари бор эканлигини айтди. Ҳеч қанақа хавф-хатарсиз Грюомениль торф қазишерларида, Гавр ер участкаларида пул топиш мумкин эди. У Эммага қанча даромад кўришини айтиб, эсанкиратадиган рақамларни келтирди, бундан Эмманинг жони ҳалқумига келаёзди.

— Нега сиз менга мурожаат этмагансиз? — сўради Гильомен охирида.

— Ўзим ҳам билмайман,— жавоб берди Эмма.

— Хўш, нега? Наҳотки мендан қўрқсан бўлсангиз? Демак, қисматдаи сиз эмас, мен нолишим керак! Сиз билан унчалик яқин таниш эмасмиз! Аммо мен сизги бутун қалбим билан содикман. Ишонаманки, сиз энди бу ҳақда шубҳа қилмайсиз, шундайми?

У Эмманинг қўлини ушлаб, уни жон-жаҳди била, ўпди, кейин қўлини ўз тиззасига қўйди ва унинг бармоқларини оҳиста силаб ўтириб, муҳаббат изҳор қила бошлади.

Унинг бир оҳангдаги товуши сув жилдирашига ўхшаб бир маромда чиқарди, кўзойнаклари тагидан унинг кўз қорачиглари чўғдек ёнаётгани кўриниб турар, бармоқлари эса юқорига кўтарилиб Эмманинг ёнига кириб борарди. Эмма ўз ёноқларида унинг ҳансираган нафасини сезди. Эмма учун у жирканч эди.

— Мухтарам жаноб, мен кутяпман! — деди ўрнидан иргиб туриб Эмма.

— Нимани кутяпсиз? — сўради нотариус, унинг ранги шу топда мурдадек оқариб кетган эди.

— Пул...

— Бироқ...

Нафс балоси ниҳоятда зўр эди.

— Хўп, яхши!.. — деди жаноб Гильомен.

Халатига эътибор ҳам бермай у Эмма олдига тизчўкиб, сурилаверди:

— Қолинг, илтимос қиласман! Мен сизни севаман!

У Эмманинг белидан қучоқлаб олди.

Эмманинг кўз ўнги қоронғилашди, у нотариусга ўқрайиб қаради-ю, ўзини орқага ташлади.

— Уялмайсизми, муҳтарам жаноблари! — деб ба-қирди Эмма.— Менинг оғир аҳволимдан Фойдаланмоқчимисиз?.. Мени хароб этишингиз мумкин, аммо мени сотиб ололмайсиз!

У юрганича хонадан чиқиб кетди.

Жаноб Гильомен ўзининг чиройли гиламнусха туфлисига маъносиз тикилганича қолди, бу — севувчи қалб ҳадяси эди. Унга анча тикилиб турниб аста-секин тинчланди. Бундан ташқари бу сингари бебошлик уни қалтиш йўлларга олиб бориши мумкинлигини ўйлади.

«Алаҳ! Ифлос!.. Нақадар тубанлик!» — шивирларди ўз-ўзига Эмма тог тераклари ўсиб ётган йўлдан шаҳдам қадам ташлаб кетаркан. Энг охирги умидлар барбод бўлди деган қайгули фикр таҳқирланган шарм-ҳаё туйғуларига аралашиб кетди. Унинг миясига тақдирнинг ўзи мени таъқиб этмоқда, деган хаёл келди ва бу фикр унинг борлигини ғуурга тўлдирди, у ҳеч қачон ўзини шунчалик юксак баҳоламаган ва ҳеч қачон одамлардан шу қадар нафратланмаган эди. Унинг асаби шу қадар қаттиқ бузилдики, у ҳамма әркакларни дўппослаб, юзига тупуриб, тепкилагиси келди. Ранги оппоқ оқарган, аъзойи бадани титраган, қақшаган ҳолда, кўз ёшлари орасидан олис бўшлиққа тикилганича, қанақадир қаҳрли завқ билан олға қараб илдам қадам ташларди.

Ўз уйини кўриши билан бирдан унинг оёқ-қўли бўшашиб кетди. Оёқлари зил-замбил әди, бироқ кирмасликнинг иложи борми, қаерга ҳам бораарди?

Фелисите уни йўлакда кутиб турган эди.

— .Хўш?

— Барбод бўлди! — деди Эмма.

Унга ёрдам бериши мумкин бўлган ионвилликларни бирма-бир санаб чиқишиди. Шунга ҳам ўн беш минутча вақт кетди. Лекин Фелисите бирор кишининг номини айтиши билан Эмма шу заҳоти эътиroz билди-рарди.

— Кўйсанг-чи! Ушалар рози бўладиган одамларми?

— Ахир ҳозир хўжайин келадилар-ку!

— Биламан. Мени холи қўй.

У ҳамма нарсани ўйлаб кўрди. Лекин боши берк

кўчага кириб қолган эди. Шарль келганда у энди очигини айтиб беради:

— Бу ердан кет. Сен оёқ босаётган гилам энди бизники эмас. Бутун бошли рўзғорингдан энди сенга битта нина ҳам қолмаган, ҳеч вақо! Мен сени хонавайрон қилдим, шўрпешана одам,— дейди.

Албатта, Шарль аччиқ-аччиқ йиглайди, йирлаб кўнгли бўшайди, кейин жаҳлидан, ҳовридан тушади ва уни кечиради.

— Ҳа,— шивирлади Эмма тишларини гижирлатиб,— у мени кечиради, лекин мен, унга насиб бўлганим учун миллион берсалар ҳам Шарлини кечира олмасдим... Ҳа, ҳеч қачон кечирмасдим... Ҳеч қачон!

Шарлнинг маънавий жиҳатдан юқори туриши ҳақидаги Фикр унинг қонини қайнатарди. Нима бўлса ҳам, Эмма ўз айбига иқрор бўладими, бўлмайдими, ҳозирми, кейинроқми ёки эртагами, барибир фалокат юз берганини у билади. Демак, бу оғир гапдан қочиб қутулиб бўлмайди, у Шарль олижаноблигининг барча оғирлигини ўз устига олиши муқаррар. Ёки яна бир марта Лере олдига бориб келсамикин? Бундан на фойда? Ёки отасига ёзиб юборсамикин? Кечикди. Эҳтимол, энди ўзи нотариуснинг сўзини қайтаргандан пушаймон еётгандир, бироқ шу чоқ отъинг дупури эшитилди. Шарль келган эди, у эшикни очди. Унинг ранги докадек оқариб кетган. Эмма ғизиллаганича зинадан чопиб тушиб, майдондан югуриб ўтди. Лестибудуа билан черков олдида тўхтаб турган мэрнинг хотини унинг солиқ инспектори олдига кириб кетганини кўриб қолди.

Тюваш хоним янгиликни айтиш учун Карон хонимнинг олдига чопди. Иккала аёл чердакка чиқишиди ва ходаларда ёйнглиқ турган кирларнинг орқасида биқиниб олишди, шу туришда улар Биненинг уйида бўлаётган ишларни bemalol кўра олишарди.

У ўзининг болохонасида танҳо ўтириб олиб, бемаъни, ҳеч кимга кераги бўлмаган суюк буюмларнинг нусхасини ёғочдан ўйиб ясаш билан машғул бўларди, булар ярим ой, бир-бирига киргизилган курралардан иборат бўлиб, қўшилгандан сўнг худди ёдгорликка ўхшашибинойидек иншоот ҳосил қиласарди. Солиқ инспектори энг охирги деталини чархласа иши битар, мурод-мақсадга етарди! Нимқоронғи устахонада чархдан худди чопкир отнинг туёғининг тагидан чиқаётган учқунга ўх-

шаш оппоқ чанг чиқмоқда әди. Ғилдираклар айланар, ғижирлар әди. Станокка әнгашиб олиб Бине бурун катларини керар ва илжаярди, чамаси у ўз ишидан роҳатланарди, бундай роҳатни фақат енгил-елни қийинчиликлари билан дилни шод әтүвчи ва етилган ютуқлардан қувонтирувчи ибтидой машғулотгина бажш эта олади, зеро, бундан кейин олдинга интилишнинг ҳожати йўқ.

— А-ҳа! Ана у! — деди Тюваш хоним.

Лекин станок шундай ғижирлардики, Эмманинг сўзи эшитилмасди.

Ниҳоят иккала аёлнинг қулоқларига «франклар» деган сўз чалинди.

— Ҳозир ундан солиқ олмаслигини илтимос қиласпти,— деди Тюваш хоним.

— Бу баҳона! — деди Карон хоним.

Уларга Эмманинг устахонада у ёқдан-бу ёққа юриб тургани, деворда сочиқ осиш учун қилинган ҳалқачалар, шамдонлар, панжара кунгуralарини бир-бир кўраётганини ва Биненинг маминуният билан пягини силаб ўтириши кўриниб турарди.

— Балки унга бирор нарса буюртиromoқчиидир? — деди тахмин қилиб Тюваш хоним.

— Эй, у ҳеч нарса сотмайди! — эътиroz билдириди ҳамсояси.

Солиқ инспектори чамаси диққат билан қулоқ солар, лекин кўзини шунча чақчайтиргани билан гапнинг тагига етолмаётганга ўхшарди. Эмма унга ноз ва илтижо билан тикилганича галида давом этарди. Кейин Эмма унга жуда яқин келди, кўкраги баланд кўтарилиган, иккиси ҳам гиқ этмай туришарди.

— Наҳотки у Бинега карашма қилаётган бўлса-а? — деди Тюваш хоним.

Биненинг қулоқларигача қизариб кетди, Эмма унинг қўлларини ушлади.

— Вой, худо урди!

Эмма муқаррар унга разил бир нарсани таклиф қилаётган әди, чунки солиқ инспектори — у унча-мунча тортинчоқ одамлардан эмасди — у ватани учун Баутцен ва Лютцен¹ майдонларида жанг қилган ва ҳаттоқи

¹Баутцен ва Лютцен — Саксониядаги шаҳарлар, бу ерга яқин жойларда 1813 йилда Наполеон армияси ва рус-прус қўшма қўшинлари орасида иккита катта жанг бўлган.

«Крестга тавсия қилинган» — бирдан худди илонни кўриб қолган одамдек Эммадан ўзини олиб қочди ва:

— Мұхтарам хоним! Ақлингизни едингиzми? — деб бақирди.

— Бунақа хотинларни савалаш керак! — деди Тюваш хоним.

— Ҳой, унинг ўзи қани? — сўради Карон хоним.

Эмма бўлса аллақачон ғойиб бўлган эди. Орадан бир оз ўтгандан кейин уни яна кўришди, у катта кўчадан чопиб кетмоқда эди, кейин ўнгга, чамаси қабристон томонга бурилгандек бўлди, бў эса уларни баттарроқ ҳайратга солди.

— Роле хола, нафасим қайтиб кетяпти!.. — деди Эмма энаганинг олдига кира солиб. — Богичларимни ечиинг!

Эмма каравотга ўзини отди, у ҳўнграб-ҳўнграб йиғларди. Роле хола юбка билан устини ёпиб қўйди ва каравот ёнида турди. Лекин Бовари хоним битта ҳам саволга жавоб бермасди, шунинг учун энага яна чарх йигиришга ўтирди.

— Эй, тўхтасангиз-чи! — пичирлади Эмма, буни Биненинг станоги деб ўйлади.

•Унга нима бўлдийкин? — ўйлади энага. — Нима сабабдан у менинига келди экан?•

Эммани бу ерга қўрқинчи ҳайдаб келганди, уйида қолишга юраги йўқ эди.

У чалқанча ётиб, қимир этмасдан кўзларини бир нуқтага қадаган эди, зотан, атрофдаги нарсаларга беэътибор тикилгани билан уларни аниқ ажрата олмасди ҳам. У девордаги ёриқлардан, тутаб турган икки чўғдан ва боши узра тўсин ёриғи бўйлаб гивирлаб юрган чўзинчоқ ўргимчакдан кўз узмасди. Ниҳоят хаёлини бир ерга йиғди. Эсига тушди... У бир кун Леон билан кетаётган эди... О, қанча вақтлар ўтди ўшандан бери! Дарё қуёш нурида жилоланар, атрофда чечаклар күш ис таратар эди. Хотиралар жўшқин дарё каби уни узоқ-узоқларга олиб кетди ва ниҳоят кечаги кун кўз олдига келди.

— Соат неча бўлди? — сўради у.

Роле хола эшикка чиқди, осмоннинг энг ёруғ жойига қўлини чўзди ва шошилмай қайтиб кирди.

— Учга яқинлашибди, — деди у.

— Раҳмат! Раҳмат!

Хозир Леон келади. Келса керак! У албатта нул топған. Їекин у Эмманинг бу ердалигини билмайди-ку. Ҳойнаҳой тўппа-тўғри уйига боради. Эмма энагани уйига бориб Леондан хабар олиб келишга юборди.

— Фақат тезроқ боринг!

— Кетяпман, кетяпман, жоним!

Энди Эмма нима учун у ҳақда аввалроқ ўйламаганига тушуна олмасди. Кеча у сўз берган, ваъдасини бузмайди. У Леренинг олдига кириб, стол устига учта кредит билетини шартта қўйишини кўз олдига яққол келтирди. Кейин Боварига бир баҳона топиб тушунтириш мумкин, лекин нимани баҳона қилади?

Аммо энагадан ҳамон дарак йўқ. Бу кулбада соат деган нарса йўқ эди, «мен учун вақт узоқ чўзилаётгандир» деб у ўзига тасалли берди. У боғда айланиб юрмоқчи бўлди, тўсиқлар олдидан битта-битта қадам ташлаб ўтди, кейин энага қайтишда балки бошқа йўлдан юргандир деб умид қилиб, дарров уйга қайтиб кирди. Ниҳоят кутавериб тоқати тоқ бўлган, минг хил шубҳалар қуршаб олган, Эмма бу ерда қачондан бери ўтирганини — бир асрми ёки бир дақиқами — билолмай бурчакка бориб ўтирди. Кўзларини юмди, қулоқларини бекитди. Эшик ғижирлади. Эмма ўрнидан салчиб турди. У энагага савол бериб улгурмовди ҳамки, энага:

— Сизни сўраб ҳеч ким келмабди! — деб юборди.

— А, а? Нима?

— Ҳеч ким, ҳеч ким келмабди. Хўжайнин йиглаб ўтирибди. У сизни чақирияти, сизни қидириб юришибди.

Эмма жавобан ҳеч нима демади. Нафаси сиқилди, у атрофга жавдираб боқарди. Энага унинг башарасини кўриб беихтиёр орқага тисланди: у, Бовари хоним жинни бўп қолганга ўхшайди, деб ўйлади. Бирдан Эмма чинқириб юборди, пешанасига шапатилаб бир урдӣ: Родольф ҳақидаги фикр гўё зулмат тундаги чақмоқдек унинг онгини ёритиб юборди. У шундай оқ кўнгил, шундай одобли, шундай муруватли одам эди! Башарти у иккиланиб қолса ҳам, Эмма уни шу илтиносни бажаришга мажбур этади. Родольфнинг қалбида эски муҳаббатни уйғотиш учун Эмманинг бир боқини кифоя! У Ла Юшетга жўнади, уни яқиндагина қат-

тиқ ғазаблантирган ишни қилишга ўз оёги билан жаңа таётганини, бу ўзи учун қанчалик шармандали эка: лигини ўйламасди ҳам.

VIII

«Унга нима десам экан, сўзни нимадан бошлас керак?» — ўйларди у йўл-йўлакай. Бу ерда ҳамма нарса: ҳар бир бута, ҳар бірг дарахт, безгак гуллар ўсиётган тепалик, узоқдан кўринаётган чорбоғ — ҳамма нарса унга таниш эди. Уша дастлабки вақтлардагидек кўнгли юмшаганини сезди, унинг бўшаб қолган қалби севги шароби билан тўлди. Илиқ шабада унинг юзларини силарди, қор эримоқда, ҳали пиндиқ урмаган куртаклардан энди ердан чиқиб келаётган ўтлар устига томчиларди.

У одатдагидек кичкина эшик орқали боқقا, ундан атрофи икки қатор, сершох аргувон дарахтлари билан қопланган ҳовлига кирди. Уларнинг шохлари шамолда гувиллаб силкинишар эди. Итхонада итлар вовиллашди, лекин улар қанча улишмасин уйдан ҳеч ким чиқмади.

Эмма ёғоч панжарали, бурилмасдан тўғри кўтарилиган кенг зинадан юқорига чиқди, тепада плита поллари кир бўлиб ётган йўлак бор, бу йўлакда худди монастирдагидек ёки меҳмонхоналардагидек қатор-қатор хоналар бор эди. Родольфнинг хонаси йўлакнинг энг охирида, чап томонда эди. Эмма эшик тутқичини ушлаши билан бирдан мажоли қуриди. Родольфи уйдан тополмайман деб қўрққанди, лекин шу билан бирга бу унинг энг охирги умиди, ҳалокатдан қутқарувчи охирги лангар бўлса ҳамки, уни ҳозир уйда бўлмаслигини хоҳлагандек эди. У ўзини мажбур қилди ва зарур деб билганидан барча жасоратини жамлаб туриб ичкари кирди.

Родольф оёгини панжарарага тираб, камин олдида ўтирас ва тамаки чекарди.

— Ие, сизмисиз! — деди у ўрнидан иргиб туриб.

— Ҳа, менман! Родольф, мен сиз билан маслаҳатлашмоқчиман.

Бироқ сўзи оғзида қолди.

— Сиз асло ўзгармабсиз, ҳали ҳам бояги-боягидек гўзалсиз!

— Демак, менинг жозибам унчалик кучли эмас эканки, сиз унга илтифотсизлик қилдингиз,— деди Эмма аччиқ кесатиқ билан.

Родольф нима учун унга нисбатан шу ишларни қилганини тушунтира кетди ва ишонса бўладиган баҳона тополмай гапни чалритди.

Эмманинг кўнглини олган нарса Родольфнинг сўзлари эмас, унинг товуши ва сиймоси бўлди. У ўзини ишонганига солди, эҳтимол, Родольфнинг келтирган далилларида жон бордир: унинг гапига қараганда, буларнинг айрилишининг сири учинчи бир шахснинг орномуси ва ҳаттоқи ҳаёт-мамотига боғлиқ эди.

— Барибир мен қаттиқ азоб чекдим,— деди Эмма унга маъюс кўзлари билан тикилиб.

— Ҳаёт шу, азизим! — деди Родольф файласуфлардек.

— Ҳар қалай, сиз билан жудолашганимиздан кейин ҳаёт сизга кулиб боқди шекилли-а?

— Кулгани ҳам йўқ, хўмрайгани ҳам йўқ...

— Ажрапмаганимизда яхшироқ бўлармиди балки?

— Ҳа, балки яхшироқ бўларди...

— Сен шундай ўйлайсанми? — деди Эмма унга сурилиб ўтиаркан, уҳ тортиб.— О, Родольф! Билсанг эди!.. Мен қанчалик севардимки сени!

Фақат шундагина Эмма унинг қўлини ушлашга журъат этди ва бир неча дақиқа, биринчи марта кўргазмадагидек, бармоқлар бир-бирига чирмашди. Родольфнинг иззат-нафси кўнсини тўлдириб келаётган меҳрибоилик билан курашиб турарди. Эмма бўлса унинг кўксига бошини қўйиб:

— Қавдай қилиб мен сенсиз яшай олдим! Бахтни ёддан чиқариб бўладими! Мен шундай огири аҳволга тушдимки, ортиқ яшай олмайман деб ўйлагандим! Кейин ҳаммасини гапириб бераман. Сен-чи... Сен мени кўришни пстамагансан!

Дарҳақиқат, Родольф шу уч йил мобайнида қўрқоқлик қилиб ўзини опқочиб юрди.

— Сен бошқаларни севдинг, иқрор бўл! — бошини чайқаб, худди эркатой мушуқчадек унга суйканиб гапирди Эмма.— О, мен уларга тушунаман. Ҳа, тушунаман! Мен уларни кечираман. Сен уларни, худди мени йўлдан ургандек, йўлдан ургансан. Сен чин эркаксан! Сен дунёга севилгаш учун келгансан. Лекин

биз бошидан бошлаймиз, хўпми? Биз яна бир-биrimizни севамиз! Қара: мен куляпман, мен бахтлиман... гапир, жонгинам, гапирсанг-чи!

Худди момақалдиридан сўнг гул баргларида ёмғир томчилари титрагандек унинг кўзларида ёш томчилари ўйнарди, шу дақиқа Эмманинг ҳусни жамолига тикилиб тўймасди киши.

У Эммани ўз тиазасига ўтқазди ва унинг текис та-ралган, оқшом гира-ширасида офтобининг охирги заррин нурлари тушиб турган соchlарини қўлининг орқаси билан аста-аста силай бошлади. Эмма бошини қўйи солди. Шунда Родольф унинг қовоқларига лабларини тегизди.

— Йиглаяпсанми? — деди у. — Нега йиглайсан, жоним?

Эмма ҳўнграб-ҳўнграб йигларди. Родольф буни юракда йигилиб қолган ҳисларнинг портлаши деб ўйлади. У йигидан тўхтагудек бўлса, бу уятчанлик аломати деб ҳисоблади.

— О, мени кечир! — деди у. — Елғизгинам!.. Мен аҳмоқлик ва шафқатсизлик қилдим! Сени севаман. умрбод севаман!.. Айт, эркам, сенга нима бўлди?

Родольф тиз чўкди.

— Гап шундай... Мен хонавайрон бўлдим, Родольф! Менга уч минг франк қарз бериб тур!

— Бироқ... бироқ... — ўрнидан аста-секин кўтариш туриб, жиддий гапирди Родольф.

— Биласанми, — тез-тез гапириб давом этди Эмма, — эrim ҳамма пулинни нотариусга бериб қўйганди. у бўлса қочиб кетибди. Қарзларимиз бошимиздан ошиб кетди, касаллар пул тўлашмади. Лекин ҳал-мулкимиз ким ошди савдоси орқали сотилгани йўқ. пул топамиз. Лекин ҳозирча уч минг франк етмай турибди, молларимизни хатлашди, шу бугун хатлашди, мен ёрдам қўлингни чўзишингга умидвор бўлдим, шунинг учун олдингга келдим.

«Ҳа, ҳа, у шунинг учун келган экан-да!» — деб ўйлади шу заҳоти ранги қув ўчиб кетиб Родольф.

Овозини чиқариб, хотиржамлик билан:

— Бунча пул менда йўқ, жоним, — деб жавоб берди.

У ростиини айтган эди. Агар қўлида пули бўлса, албатта берарди, гарчи бундай саховат хунук иш ҳисобланса-да, ҳожатини чиқаарди. Севги орқали юз

Берадиган ҳамма балолардан энг кўнгил қолдирадигани, энг ёмони, пул сўрашдир.

Бир неча дақиқа Эмма унга кўз узмасдан тикилиб турди.

— Бунча пул сенда йўқми?

У бир неча бор такрорлади:

— Бунча пул сенда йўқми? Бу охирги таҳқириниң менга нима кераги бор эди? Сен мени ҳеч қачон севган эмассан! Сенинг ҳам бошқалардан ортиқ еринг йўқ.

Эмма ўз сирини очмоқда, ўзини хароб этмоқда эди.

Родольф унинг сўзини бўлиб, ўзининг ҳам «аҳволи анча танг» эканлигини исбот қила бошлади.

— Ачинаман сенга! — деди Эмма. — Ҳа, жуда ҳам ачинаман!..

Унинг кўзи қалқон устида ллтираб турган нақшдор карабинга тушди.

— Лекин камбагал одам милтиқ қўндоғини кумуш билан нақшламайди. Садафдан гул солинган соат сотиб олмайди! — давом этди у булев соатини кўрсатиб. — Сопига тилла сув юритилган қамчилар тутмайди! — у қамчиларни ушлаб-ушлаб кўрди. — Соат занжирларига безаклар осмайди! О, унинг ҳамма нарсаси бор! Ҳатто ертўляси бор! Сен ўзингта оро берасан, ўз ҳузурҳаловатинг учун яшайсан. Сенинг ажойиб уйинг, ферманг, ўрмонинг бор, ит билан ов қиласан, Парижга қатнайсан!.. Ҳўп, майли. Ҳеч бўлмаса мана буни олайлик! — деди Эмма каминдаги запонкани қўлига олиб. — Бу ерда ҳамма нарсани пулга айлантириш мумкин!.. Йўқ, буларнинг менга кераги йўқ! Ўзингта буюрсин!

У запонкаларни шу қадар шиддат билан улоқтиридикси, деворга тегиб унинг тилла занжири узилиб кетди.

— Мен бўлсам сенга ҳаммасини берардим, ҳаммасини сотардим, сен учун ишлардим, сенинг битта табассуминг учун, сенинг битта боқишинг учун, сендан фақат «раҳмат!» деган сўзни эшитиш учун гадолик қилишдан ҳам тортина масдим! Сен бўлсанг, менга ҳеч қанақа жабр қилмагандек креслода хотиржам ўтирибсан! Биласанми, сен бўлмассанг, мен ҳали бахтиёр бўлишим мумкин эди! Ким сендан сўраганди? Еки

худо кўрсатмасин, бирор билан гаров ўйнаганми динг? Ахир сен мени севардинг-ку, ўзинг айтардинг... ҳозир ҳам... Эй худо! Яхиси мени қувиб чиқаришинг керак эди! Сенинг ўпичларинг ҳали қўлларимда совигани йўқ. Мана шу ерда, мана шу гиламнинг устида сен абадий севгинг ҳақида қасамёд этгансан. Мени ишонтиргансан. Сен икки йил давомида мени ширин, сеҳрли уйқу қучогига гарқ этгансан! Саёҳатлар ҳақидаги режаларимиз-чи, унутдингми? Э, худо! Сенинг мактубларинг... Мактубларинг-чи! Тағин ҳам бу ғамлардан юраккинам ёрилиб кетмаганига ҳайронман!.. Энди бўлса мен бунга... бу бадавлат, бахтиёр, эркин одам олдига келаману, ёрдам сўрайман, шу ёрдамни бирор биринчи учраган кишидан сўрасам ҳам берарди. Мени хор қилиб ташлаган одамни олдига юзимни сидириб ташлаб келаман, янгидан ўз севгимни унга инъом қиласман, у бўлса бу инъом уч минг франк турганлиги учуноқ мендан юз ўгиради.

— Менда бунақа пул йўқ! — деди Родольф, яна ўша бамайлихотирлик билан қўзғалиб келаётган қаҳру газабини гўё қалқон билан бекитгандек.

Эмма хонадан чиқди. Деворлар қимиirlар, шифт уни босиб қолаётгандек эди. Кейин у шамолда ҳар томонга учайтган хазонлар уюмига қоқила-суқила узун хиёбондан чопиб кетди. Мана зовур, мана эшик. Эмма эшикни шошилинч билан оча туриб, тамбага уриб тирногини синдириди. У яна юз қадамча юрди, нафаси оғзига тиқилиб кетди, йиқилиб кетаёзгани учун беихтиёр тўхтади. У яна бир бор атрофга боққиси келди. Яна унинг кўзига бепарво уй, парк, bog, уч ҳовли ва кўчага қараган деразалар ташланди.

У гўё ўзини тош бўлиб қолгандек сезди. У юрак уришидангина ўзининг ҳали тирик эканини ҳис этди, юрак тепиши унга узоқ-узоқлардан эшитилаётган музиканинг қаттиқ овозига ўхшаб туюлди. Ер оёқлари остида худди сувга ўхшаб чайқаларди, жўяклар унинг кўзлари олдида улкан, қутурган, қорамтири тўлқинлардек кўтарилиларди. Барча таассуротлари, ўйлари, миясида нимаики бўлса — ҳаммаси бирдан жуда катта мушак олови каби лоп этиб ўт олди. У ўз отаси, Леренинг кабинети, «Булоң» меҳмонхонасининг хонаси, бошқа жойларни кўрди. У ақлдан озаётганини сезди, уни даҳшат ўраб олди ва ўзини қўлга олишга

ҳаракат қилди, лекин бунга қисман муваффақ бўлди: аянч аҳволининг асл сабаби бўлмиш — пул унинг ёдидан кўтарилиди. У фақат ўзининг севгисини ўйлаб ёнарди, уни эслашнинг ўзидаёқ жони танасидан жудо бўлаётгандек туюларди — бу аҳвол ўлаётган, жони қон оқаётган ярасидан чиқиб кетаётганини сезлётган одамда бўлади.

Қоронғи туша бошлади, қаргалар айланиб учди.

Бирдан унинг назарида йилтироқ ўқларга ўхшаган олов курралар ҳавога уча бошлагандек туюлди, кейин улар яссилашар, айланиб-айланиб қуруқ шохларига қор ёпишган дарахтлар устига тушишар ва ўчишарди. Уларнинг ҳар бирда Родольфнинг юзи пайдо бўларди. Улар ҳамон кўпайишар, Эмма атрофида айланышар, уни тешиб ўтишар эди. Кейин ҳаммаси гойиб бўлди. У туман ичидан узоқдан йилтиллаб кўринаётган шаҳар чироқларини кўрди.

Шу ерда ҳаёт ҳақиқати унинг кўзлари олдида жаҳаннам бўлиб кенг очилди. Унинг нафас олиши ниҳоятда қийин эди. Кейин мардлиги тутиб кетди, бу унга ҳатто шодлик ҳам бахш этди, у тордан чопқиллаганича тушди, дарёдан ўтди, сўқмоқ, хиёбон, бозорлар олдидан ўтиб дориҳона олдига келиб қолди.

Дориҳона бўм-бўш эди, у ичкарига кирмоқчи бўлди, лекин қўнгироқ чалса, бирор киши чиқиб қолиши мумкин. Шунда у нафасини ичига ютиб, деворни ушлаб ошхона эшиги олдига борди, ошхонада плита устида шам ёниб турарди. Жюстен кўйлакчан овқатхонага лаган кўтариб кетаётган эди.

«Ҳа, улар овқатланишлати! Кутишта тўғри келади», — дилидан ўтказди у.

Жюстен қайтиб келди. Эмма деразани тақиллатди, у Эмманинг олдига чиқди.

— Калит! Юқорининг калити...

— Нима деяпсиз ўзингиз?

Жюстен унинг юзи оқариб кетганидан ҳайрон қолди, қоронғи оқшом фонида у оқ доғта ўхшарди. Унинг назарида Эмма шу топда жуда ҳам гўзал, худди «шарпа» каби улугвор кўринди. Жюстен ҳали Эмма нима истаганини тушунмасди, лекин қандайдир бир фалокат юз беришини кўнгли сезарди.

Эмма бўлса ўйлаб ўтирмасдан аста, мулойим, сеҳрловчи товуш билан:

— Менга керак! Калитни бер! — деб жавоб берди.

Овқатхонанинг юпқа деворларидан вилкаларнинг шақир-шуқири эштиларди.

Эмма каламушлар уйқусини безовта қилаётганини, шунинг учун уларни ўлдирадиган заҳар зарурлигини айтди.

— Хўжайндан сўралса бўларди!

— Йўқ, йўқ, у ёқقا борма! — чўчиб кетди Эмма ва шу заҳоти совуққонлик билан: — Шарт әмас! Мен ўзим унга кейин айтаман. Чироқ тут менга! — деди.

У йўлакка кирди. Йўлакдан лабораторияга кирадиган эшик бор әди. Деворда «омборники» деган қоғозли калит осилиб туради.

— Жюстен! — тажанглик билан бақирди дорихочачи.

— Юр!

Жюстен унинг орқасидан әргашди.

Калит буралди, эйрак хотирасига ишонган ҳолда Эмма тўппа-тўғри учинчи токча олдига борди, кўк банкани чангаллади, қопқогини очди, қўлини унинг ичига тиқиб, бир сиқим оқ порошокни олди ва шу заҳоти юта бошлади.

— Нима қиляпсиз! — деб бақирди Жюстен ўзини унга ташлаб.

— Жим тур! Бу ёқقا келиб қолишлари мумкин...

Жюстен нима қилишини билмасди, ёрдамга одачақирмоқчи бўлди.

— Ҳеч кимга айтма, акс ҳолда ҳаммасига хўжайи ниң жавобгар бўлади.

Эмма бирдан тинчиб, бурчини адо этган кишидек кўнгли ўрнига тушиб, хонадан чиқиб кетди.

Мол-мулки хатланганини эштиб, ҳаяжонлангап Шарль уйига югурди, Эмма эндини чиқиб кетган экан. У бақириб-чақирди, йиглади, ҳушидан кетди. Эмма бўлса ҳамон қайтмасди. У қаерда бўлиши мумкин? Фелиситени Оменикига, Тювашникига, Лерени кига, «Олтин шер»га, ҳамма ёққа югуртирди. Руҳий изтироби босилиши билан, миясига илгариги мавқеидан маҳрум бўлгани, мол-мулкидан ажрагани, қизининг келажаги барбод бўлгани ҳақидаги фикрларини кайтиб келди. Нима сабабдан шундай бўлди? Ҳамм.

нарса уига қоронги. У кечки соат олтигача кутди. Ниҳоят, Эмма Руанга кетган бўлиши кераклиги хаёлига келди, оёғи куйган товуқдек бир жойда туролмай, катта кўчага чиқди, яrim лье юрди, ҳеч кимни учратмади, яна бир оз кутиб туриб, уйга қайтди.

Эмма бу вақт уйга келган эди.

— Бу қанақа гап?.. Нега? Тушунтиранг-чи!..

Эмма ўз столи ёнига ўтириб хат битди, кейин соатини қўйиб, шошилмасдан конвертни ёпиштириди.

— Бу хатни эртага ўқийсан,— деди тантана билан Эмма.— Бугун бўлса, худо хайр бергур, менга бирорта савол берма! Бирорта ҳам!

— Ахир...

— Мени ўз ҳолимга қўй!

Шу сўзлар билан у ўрнига чўзилиб ётди.

Уни оғзидан келаётган тахир маза уйғотиб юборди. У Шарлни кўрди, кейин яна кўзини юмди.

У ўзининг аҳволини диққат билан кузатиб ётарди, оғриқ бошланадиган пайтни пайқашга тиришарди. Йўқ, ҳозирча йўқ! У соатнинг чиқ-чиқини, оловнинг читирлашини, каравот ёнида турган Шарлнинг нафаос олишини эшитарди.

«Эҳ, ўлиш даҳшатли нарса эмас экан! — ўйларди у.— Мен ҳозир ухлаб қоламан, шу билан ҳаммаси битади».

Эмма сув ичди, кейин деворга ўғирилиб ётди.

Оғзидан ёқимсиз сиёҳ мазаси ҳамон кетмасди.

— Сув ичаман!.. Шундай сув ичгим келяптики!— деди хўрсиниб Эмма.

— Сенга нима бўлди?— сўради Шарль стаканда унга сув бера туриб.

— Ҳеч нима!.. Ойнани оч... Менга ҳаво етмаяжити.

Шунда унинг кўнгли айниди — шу қадар тез қайтқилиб юбордики, у ёстиқ тагидан дастрўмолини зўрга олишга улгурди.

— Олиб кет! Ташлаб юбор! — тез-тез гапирди Эмма.

Шарль сўраб-суриштира бошлади, у жавоб бермади. Кичик бир ҳаракатдан яна кўнгли айниб кетишидан қўрқиб, Эмма қимирамай ётарди ва айни бир вақтда товонидан юрагига ўтқир совуқ чиқиб келаётганини сезарди.

— А-ҳа! Бошланди! — деди у.

— Нима дединг?

Эмма қийкаларди, у бошини аста-аста айлантира, худди тилида жуда ҳам оғир нарса тургандек, дамбадам оғзини очарди. Соат саккизда унинг яна кўнгли айниди.

Шарль чинни тогоранинг четларига қанақадир оқ дона-дона нарсалар ёпишиб қолаётганига эътибор берди.

— Қизық! Тушуніб бўлмайди! — деб такрорлади у бир неча бор.

Лекин Эмма овозининг борича:

— Йўқ, йўқ, сен янглишяпсан! — деди.

Шунда у худди силаган киши бўлиб эҳтиётиқ билан Эмманинг қорини ушлади, Эмма чинқириб юборди. Шарль даҳшатдан салчиб тушди.

Кейин Эмма инграй бошлади, аввал секин-секин ингради, елкаси кўтарилиб тушиб турар, ранги бўлса, томири тортишаётган панжалари чангллаган чойшабдан ҳам оғариб кетган эди. Унинг нотекис ураётган томирини энди тошиб ҳам бўлмасди.

Эмманинг маржон-маржон тер билан қопланган, кўкариб кетган юзига қараган кипшига у қўрошин гарди билан қоплангандек туюларди. Унинг тишлари тақиллар, қорачири кенгайган кўзлари нарсаларни аниқ кўролмагандек эди. Нимаики савол берилса, бош силкиб қўярди, лекин бир-икки марта зўрма-аўраки жилмайиб ҳам қўйди. Бироқ энди у қаттиқ-қаттиқ қичқира бошлади. Тўсатдан унинг кўксидан бўғиқ инграш отилиб чиқди. Шундан кейин у яхши бўлиб қолганини, ҳозир ўрнидан туражагини айтди. Айтиб ултумовди ҳамки, баданининг томири тортиша бошлади.

— Ё раббий, қандай оғрияпти-я! — деб бақирди у.

Шарль унинг олдида тиз чўкди.

— Айт, нима еган эдинг? Жавоб бер, бутун авлиёлар ҳақди, жавоб бер!

Шарль унга шундай меҳр-муҳаббат билан қарадики, Эмма ҳеч қачон унинг кўзларида бунақангни ишқсадоқатни кўрмаган эди.

— Ҳа... анови ерда... анови ерда!.. — деди бўғиқ овоз билан Эмма.

Шарль баланд ёзув столига югурди, хатини мұҳрини юлиб ташлаб, овозини чиқариб ўқиди: «Илтимос қиласман, ҳеч кимни айбламанглар...» — ўқишдан тўхтади, кўзларини артди, тагин яна бир марта ўқиди.

— Бу нима кўргилик!.. Ёрдамга, бу ёққа, ёрдамга келинглар! — деб бақира бошлади.

У тўхтовсиз: «Заҳар ичибди, заҳар ичибди!» — деган битта сўзни такрорларди. Фелисите фармацевтга чопди. «Олтин шер»да унинг ҳам оғзидан беихтиёр шу сўзлар чиқиб кетди, ундан Лефрансуа хоним эшилди, қўшнилар югуришиб, бир-бирларига хабар қилишарди, ҳамманинг оғзида шу гап, шу тун бутун шаҳарча ухламади.

Эс-ҳушини йўқотиб қўйган Шарль қоқилиб-суқилиб, гудирлаб уйда гирдикапалак бўларди. У мебелларга ўзини уриб олар, соchlарини юларди — дорихоначи бу каби дилни вайрон қилувчи аҳволни умрнда биринчи кўриши эди.

Кейин Шарль кабинетига кириб кетди ва жаноб Каниве билан доктор Ларивьерга хат ёзишга ўтириди. Бироқ у Фикрини бир жойга тўплаб ололмас — хатларни ёзарди, йиртарди, ёзарди яна йиртарди, шу ҳол ўн беш мартача такрорланди. Ипполит Нефшателга жўнади. Жюстен бўлса Боварининг отини Руан йўлларида чоптириб кетди ва чарчаб ўлаётган отни Буа-Гильом тогига ташлаб кетди.

Шарль медицина справочнигини варақлар, лекин ҳеч нарсани кўрмасди: сатрлар унинг кўз ўнгидаги сакрашарди.

— Хафа бўлманг! — деди жаноб Оме, — унга заҳарни қайтарувчи бирор нарса ичириш керак. Нима билан заҳарланибди, биласизми?

Шарль хатни кўрсатди — маргимуш билан заҳарланган.

— Ундей бўлса анализ қилиш керак, — кулоса чиқарди Оме.

У ҳар қанақа заҳарланишда ҳам анализ қилиш тасвия қилинишини биларди. Шарлга бир оз жон кирди:

— Анализ қилинг, ёлвораман, анализ қилинг! Уни қутқаринг!..

У яна Эмманинг олдига борди, гиламга тиз чўкди ва бошини каравотга қўйиб, ҳўнграб йиглади.

— Йиглама! — деди Эмма. — Тезда сени авобдан қутқараман!

— Нима учун? Нима сени мажбур этди?

— Шундай қилиш керак, дўстим, — эътиroz билдириди Эмма.

— Ахир сен мен билан бахтиёр эмасмидинг? Менинг айбим нима? Мен сенга қўллимдан келганини аямадим.

— Ҳа... рост... Сен муруватли одамсан!

Эмма қўли билан аста-секин унинг соchlарини силади. Бу меҳрибонликдан унинг кўнгли баттар вайрон бўлди. Эммани йўқотаётгани ҳақидаги бемаъни фикрнинг ўзидан Шарлнинг бутун ички дунёси емирилаётганини сезарди, айниқса, энди шунчалик меҳрибон, қадрдон бўлиб келаётган бир пайтда Эммани йўқотиш Шарль учун жуда оғир эди; у нима қилишини билмас, ҳеч нарсага қўли бормас, бирор қатъий чора кўриш зарурити уни эсанкиратиб қўйган эди.

Эмма бўлса шу чоқ ҳамма алдашлар, хиёнатлар, унинг мадорини қуритган ҳирс-ҳавасларнинг тугаш пайти келганини ўйларди. Энди у ҳеч кимга қарши ўзида нафрат сезмайди, фикри зулмат билан қопланмоқда, ер юзидағи ҳамма товушлардан у энди фаҳат ўзининг, худди аста-аста секинлашиб бораётган, аккорди сўниб бораётган бечора қалбининг ноаниқ нолишини эшитарди, холос.

— Қизимни олиб келинглар! — тирсагига тиралиб туриб буюрди Эмма.

— Энди ҳеч еринг оғримаяптими? — сўради Шарль.

— Йўқ, йўқ!

Энага уйқуси чала бўлган қизни олиб келди, унинг узун тунги кўйлаги тагидан яланг оёқлари кўриниб турарди. Берта хонадаги бесаранжомликка ҳайратта тушиб қаради ва стол устида ёниб турган шамлар ёруғида кўзини қисди. Булар ҳаммаси унга чамаси янги йил кечасини ёки рўзадаги даҳа кунларини эслатди, ўшандаги қизни шундай шамлар ёниб турганда уйғотишар ва онасининг қўйнига олиб келишар, у бўлса бирор нарса совға қиласарди.

— Ўйинчоқлар қани, ойн? — сўради Берта.

Ҳамма сукут қиласарди.

— Туфличамни ҳам кўрмаяпман!

Фелисите Бертани каравот олдига олиб келди, у бўлса ҳамон камин томонга қаарарди.

— Уни энагам олиб кетдими? — сўради қиз.

«Энага» сўзи Бовари хонимнинг эсига барча хиёнатларини, барча чеккан азобларини солди ва ҳозиргидан ҳам кучлироқ заҳардан кўнгли ағдарилиб келаётган-

дай бўлиб тескари ўтирилиб олди, Берта энди каравотда ўтиради.

— Кўзларинг шундай каттакъ, онажон! Бунча юзинг оппоқ? Ҳамма ёғинг тер! — дерди Берта.

Онаси унга тикилиб туради.

— Қўрқиб кетяпман! — деди қиз ва орқага ташланди.

Эмма унинг қўлини ушлади ва ўпмоқчи бўлди, Берта типирчилаб ундан қоча бошлади.

— Бўлди! Олиб кетинглар уни! — бақирди чодир олдида йиглаб турган Шарль.

Бир неча вақт заҳарланишнинг ҳеч қанақа аломати кўринмади. Эмма тинчиди қолди. Унинг ҳар бир сўзи, зоҳиран ҳеч қанақа маънони ифодаламаса ҳамки, унинг ҳар бир енгил нафас олиши Шарлга умид бағишларди. Каниве келганда у кўз ёшлари билан унинг бўйнига осилди.

— Келдингизми! Миннатдорман. Илтифотингиз учун ташаккур. Лекин у анча тузалиб қолди, ҳозир ўзингиз кўрасиз.

Бироқ ҳамкасбida бошқа фикр туғилди. У ўз наздида тахминга таянишни ёмон кўради, у ошқозонини тозалаш учун қустирадиган дори беришни буорди.

Эмма қон аралаш қуса бошлади. Лаблари ингичка торти. Оёқ-қўлларининг томири тортиша бошлади, бутун бадани қорамтири доғлар билан қопланди, томир уриши худди тараанг тортилган ипнинг титрашини, узилиб кетай-узилиб кетай деб турган торнинг титрашини эслатарди.

Бир оз ўтгандан сўнг у даҳшатли бақира бошлади. У заҳарга лаънатлар ўқир, уни қарғар, тезроқ таъсир қилишини сўрар, ундан ҳам баттарроқ даҳшатли азоб чекаётган Шарль «ич» деб нимаини берса ҳаммасини музлаб бораётган қўллари билан итариб ташларди. Шарль дастрўмоли билан лабларини бекитганча беморнинг ўрни олдида туар ва дувиллаб тўкилаётган кўз ёшидан бўғиларди, бошдан-оёғигача қалтиради. Фелисите у ёқдан-бу ёққа югуар, Оме қоққан қозиқдек тик туриб, ҳадеб оғир хўрсинарди, жаноб Каниве, гарчи ўз ишончини йўқотмаган бўлса ҳамки, нима қилиши билмай гаранг эди.

— Тавба!.. Ахир... ахир ичи тозаланган, демак, сабаби бартараф қилинган бўлса...

— Оқибат ҳам бартараф бўлиши зарур,— гапни илиб кетди Оме.

— Қутқарсанглар-чи уни! — деб бақирди Бовари.

Каниве дорихоначининг: «Балки бу нажотбахш ўзгаришдир» деган тахминига қулоқ солмасдан Эммага тарёк бермоқчи бўлиб турувди ҳамки, шу дақиқада кўчадан қамчининг шақиллаши әшитилди, бутун деразалар жаранглаб кетди ва раста томондан почта каретасига қўшилган, кўпикланиб кетган учта отғизиллаб чиқиб келди. Доктор Ларивьер келган эди.

Башарти Боварининг уйига худонинг ўзи келганда ҳам бунчалик кучли таъсир қилмаган бўларди. Шарль қўлларини осмонга кўтарди, Каниве турган ерида қотиб қолди, Оме бўлса доктор кирмасданоқ фескасини очиб, қўлга олди.

Ларивьер, буюк Бишнинг жарроҳлик таълимотини, ўз санъатини мутаассиблик билан севувчи ва фавқулодда зукколиги билан донг чиқарган, лекин йўқ бўлиб кетган — файласуф врачлар авлодига мансуб эди. Ларивьернинг разаби туттандан бутун шифохона ларзага келар, шогирдлари унга сажда қилишар ва бир жойга ишга киришлари билан ҳар масалада унга тақлид қиласа бошлашарди. Ҳатто шу даражага бордики, Руан округида врачлар худди уникига ўхшаш, қоракўл ёқали қавилган пальто, худди ўшаникига ўхшаган ўмизлари қадалмаган кенг қора фрак кия бошладилар, шунин қайд қилиб ўтиш керакки, Ларивьернинг керак бўлган дақиқада инсон дардини олишга доимо шай, қўлқоп кўрмаган, юмшоқ, жуда чиройли, оппоқ қўлларни ҳамиша кўриниб турарди. У амал, нишонлар, академияларни кўришга кўзи йўқ, сахиyllиги ва хушчақчақлиги билан ном чиқарган, камбагаллар учун түришган отадек эди, саховатга ишонмаса ҳам ўзи ҳар қадамда эзгу ишлар қиласа ва иблисдек идроки зўр бўлмаганда, шу туфайли ундан ҳамма қўрқмаганда уни, авлиё деб танишлари ҳам турган гап эди. Уникиг боқишлиари ханжар тифидан ўткир, кишининг ичидагини билиб олар, киноя ва муболагаларни сидириб ташлаб, ёлғоннинг юзини очарди. Катта истеъдод, давлат ва қирқ йиллик ҳалол меҳнат вужудга келтирган мулоҳим улугворлик билан ҳаёт йўлидан дадил қадам ташларди у.

Ҳали эшик олдида турибоқ, чалқанча тушиб оғзини очиб ётган, ранги мурдадек оқариб кетган Эммага зеҳн солиб, у қошини чимирди, кейин Канивенинг гапига қулоқ солаётган киши бўлиб ва бармоги билан бурнини силаб:

— Яхши, яхши! — деб такрорлади. Лекин шу чоқ астагина елкасини қисиб қўйди. Бовари унга тикилиб турарди. Уларнинг кўзлари тўқнашди ва дард-азобни кўравериб ўрганиб қолган Ларивъернинг кўзидан беихтиёр чиқсан бир-икки томчи ёш ёқасига оқиб тушди.

У Канивени бошқа хонага бошлаб чиқди, Шарль уларнинг орқасидан кетди.

— Унинг аҳволи жуда оғирми-а? Горчичник қўйса бўлмасмикин? Нима қилишин билмайман. Бирор чорасини топинг! Ахир сиз неча-неча одамларни ўлим чангалидан қутқариб қолгансиз-ку!

Шарль икки қўллаб унинг елкасига осилиб олди. Унга саросимали ва нажот истовчи кўзлари билан бокарди.

— Бардам бўлинг, азизим! Энди ҳеч нарса қилиб бўлмайди.

Шу сўзларни айтиб, доктор Ларивъер тескари қараб олди.

— Кетяпсизми?

— Ҳозир келаман.

Эмманинг куни битганинга шубҳаси қолмаган Каниве билан Ларивъер кучерга топшириқ бериш баҳонаси билан ҳовлига чиқди.

Майдонда уларга фармацевт стиб олди. Машҳур одамлардан осонликча ажralиши учун жуда оғир гап эди. У жаноб Ларивъерга мурожаат қилиб, унинг уйга қадам ранжида қилишини, бир озгинна тамаддз қилиб кетишини илтимос қилди.

Эр хотин Омелар зудлик билан «Олтин шер»га кавтар гўштига одам юбориши, гўшт дўконида қолгак ҳамма гўштни котлет учун сотиб олиши, Тювашларнидан қаймоқни бор-йўгини, Лестибудуадан бор тухумни олиши. Дорихоначи столни ясашга ёрдамлашиди, Оме хоним бўлса кофточкасидаги боғиҳарини пайпаслаб дерди:

— Айбга буюрмайсиз, жаноб. Бизнинг хилват ерларда агар илгарироқ буюриб қўймасанг...

— Қадақлар!!! — деб ўшқирди Оме.

— Шаҳарда бўлсак, ҳеч бўлмаганда поча дўлмай тайёрлаган бўлардик...

— Бас қил!.. Марҳамат, доктор, столга марҳамат!

Ҳаммалари овқатдан татиб кўришгандан кейин дорихоначи баҳтсиз ҳодисанинг баъзи бир тафсилотларини гапириб беришни лозим деб топди.

— Энг аввал томоқ қуриш ҳолати рўй берди, кейин қоринда қақшатқич оғриқ пайдо бўлди, қусди, ҳудудан кета бошлади.

— Қандай қилиб у заҳар ичган?

— Билмайман, доктор. Маргимуш кислотасини қардан олганлигига асло ақлим етмайди.

Шу пайт қўлида бир даста ликопчалар билан Жюстен кирди ва шу сўзни эшишиб, ҳамма ёғи титраб кетди.

— Сенга шима бўлди? — сўради фармацевт.

Жавоб ўрнига бола қўлидаги ликопчаларни шарақлатиб ерга тушириб юборди.

— Аҳмоқ! — бақирди Оме. — Анқов! Қўпол! Эшшак! Лекин шу заҳоти ўзини қўлга олди.

— Мен, доктор, анализ қилмоқчи бўлдим ва ргіпо найчага секингина киргиздим...

— Бармогингизни унинг томогига тиққанингизда яхшироқ бўларди, — деди жарроҳ.

Унинг ҳамкаси жимгина ўтиради; у билан ҳозиргина юзма-юз қолган Ларињер, қустиргани учун роса пўстагини қоқди, анави товои қийшайишини тузатиш воқеасида ўзига ишонган, сўзамол бўлган муҳтарам Каниве энди камтарлик билан гапга аралашмай, докторнинг галини маъқуллаб, жилмайибгина ўтиради.

Оме бўлса амфитрион² каби мағурланиб ўтирас, Бовари ҳақидаги қайгули фикрлардан у шуурсиз ҳолда вақти чоғ бўла бошлар ва худбинлик ҳиссига берилиб, ўзига бино қўяр эди. Жарроҳнинг шу ердалиги унинг руҳини кўтарарди. У ўзининг донолигини кўз-

¹ Энг олдин (лот.).

² Амфитрион — Алкменанинг эри. Алкмена олдига эри қиёфасида келган Зевсдан Гераклия туқсан. Мольеранинг комедияси туфайли «Амфитрион», ўзининг бадавлат ва меҳмондўстлиги билан мамнун бўлган кипки сифатида ном чиқарди.

кўз қилар, ҳар хил махсус дориларни: тиллақўнғиз, айчар даражти, манцениллар, илон заҳри ва ҳоказоларни тилга олиб ўтиради.

— Мен ҳатто ўзим ўқиганман, доктор, шундай воқеалар юз берганки, қаттиқ дудланган оддий колбасадан одамлар заҳарланиб, тил тортмай жон беришган. Мен буни фармакология олимларидан бири — бизнинг устозларимииздан бири бўлмиш машҳур Каде де Гасикурнинг ажойиб мақоласида ўқиганман.

Оме хоним силкиниб турган спиртовкани олиб келди — унинг эри қаҳвани мана шу ернинг ўзида, стол устида қайнатишни талаб қиласди, бу ҳам камлик қилгандай, унинг ўзи қаҳва доналарини қовураг, ўзи янчар, ўзи аралаштираг эди.

— Saccharum, доктор! — деди у қандни Ларивьернинг олдига суриб қўйиб.

Кейин у ҳамма болаларини чақиртириб келтирди, жарроҳ болаларнинг қадди-қомати ҳақида нима дейшига қизиқарди.

Жаноб Ларивьер кетмоқчи бўлиб турганда Оме хоним эри ҳақида маслаҳат сўраб унга мурожаат қилди: — қизиқонлик унга жуда зарар, у бўлса ҳамма нарсага жаҳли чиқиб кетаверадики, нақ ақлидан озай дейди,— деди.

— Ақли бўлса озади-да! — деди жарроҳ. У ҳеч кимга сезилмаган бу кесатиқдан мийигида кулиб эшикни очди. Лекин дорихона тўла одам эди. Жарроҳ, хотиним зотилжам касалига мубтало бўлса керак, негаки унинг каминга туфлайдиган одати бор, деб ҳасрат қила бошлаган жаноб Тювашдан, кейин мечкайлигидан зорланган жаноб Бинедан, биқини оғрийдиган Карон хонимдан, бош оғриғига дучор бўлган Лередан, бод касали бўлган Лестибуудаdan, аччиқ кекиришидан ҳасрат қилган Лефрансуа хонимдан аранг қутулди. Ниҳоят тройка жўнаб кетди, ҳаммалари бир оғиздан доктор одамгарчилик қилмади, дейишди.

Шу чоқ ионвилликларнинг диққат-эътибори аббат Бурнисъенга тушди, у бозор томондан қўлида муқаддас ёғ солинган идиш ушлаб келмоқда эди.

Уз маслагида қаттиқ турган Оме руҳонийларни мурда исини биладиган қарғаларга ўхнатарди. У руҳонийларга бепарво қарай олмасди; газ шундаки,

сутана¹ унга кафанини әслатар, кафандан эса ўлгудек ҳўрқар эди, қисман шунинг учун ҳам сутанани ёқтири- масди.

Лекин ўз «бурчим» деб атаган нарсасини гап-сўзи- сиз бажо келтирадиган Оме Каниве билан биргаликда Бовариникига яна қайтиб келди, жаноб Ларивьер Ка- нивенинг албатта Бовариникига боришини илтимос қилган эди. Фармацевт ўз ўғилларини бирга олиб кел- моқчиди, зероки, улар бу каби мудҳиш таассуротлар- ни, фожиали ҳодисаларни кўриб пишишлари керак, бу уларға сабоқ, уларга ибрат бўлиб, бир умр мияларига ўрнашиб қолиши керак деб ҳисоблаганди, лекин она- лари бунга тиш-тирноги билан ҳарши турди.

Эмма жон бераётган уйда, ҳамма ерда, ҳамма нар- сада қайғули тантананинг муҳри бор эди. Оқ сочиқ ёпилган иш столи устида бутга тортилган Исо сурати қўйилган, икки томонида шам ёнар, берироғида юма- лоқ-юмалоқ қилиб пахта ҳофоз солинган катта кумуш лаган турарди. Эмманинг боши кўкрагига тушган, гай- ри табиий катта очилган кўзларини тўғрига тиккан, унинг заифлашган қўллари эса кўрпа устида ғивирси- лар — бу ҳамма ўлаётган, олдиндан кафанини кийиши- га уринган одамнинг ёқимсиз, мажолсиз ҳаракати эди! Ҳайкалга ўхшаган рангпар Шарль чўғ каби ёнаётган кўалари билан энди йигламай каравотнинг оёқ томо- нида Эммага тикилиб турар, руҳоний эса бир оёқ би- лан тиз чўкиб пичирлаб дуо ўқир эди.

Эмма астагина бошини бурди ва руҳоний бўйнига тақсан тўқ гунафша епитрахилни кўриб қувониб кет- гандек бўлди, бу тасодифий тинчланишда балки у ўзи- нинг йўқотган дастлабки мистик интилишларининг лаззатини қайтадан топгандир, бу Эмма учун абадий оромнинг тимсоли эди.

Руҳоний ўриидан турди ва бутни олди. Шунда Эмма худди сув ичгиси келдандек бўйини чўэди. Лаблари билан Исо пайғамбарнинг суратига ёпишди ва уни жон- жаҳди билан ўпди. Шундан кейин руҳоний Misericordia² ва Indulgentiam³ дуюсини ўқиди, чап қўлининг бош бар- морини идишдаги «гинчуйқу» мойига ботирди ва му-

¹ Сутана — руҳонийлар кийиган узун кийим.

² Гуноҳидан ўтмоқ (лат.).

³ Кечириш (лат.).

қаддас ёғ суралашлади: энг аввал у яқиндагина дунёниг зеб-зийнатларига тўймаган кўзларига сурди, кейин илиқ, оромбахш шабадаларни, ишқ-муҳаббатнинг хушбўй исларини ҳидлаган бурун катакларига, кейин ёлгоц гапирган, ҳақоратланган ғуурнинг дод-фарёди ва шаҳват оҳ-воҳларини изҳор этган лабларига, кейин эркалашдан лаззатланган қўлларига ва ниҳоят унинг нафсини қондириш учун шу қадар тез чопган ва энди ҳеч қачон ер юзида ортиқ қадам ташламайдиган тоннларига суриб чиқди.

Руҳоний панжаларини артди, ёққа беланган қоғоз-пахталарни ўтга ташлади, яна жон берувчининг ёнига ўтириди ва энди у ўзининг тортган азоблари эмас, Исо пайғамбарнинг азобларини ўйлаши ва ўзини яратганинг марҳаматига топшириши кераклигини айтди.

Хайрбод сўзларини тамом қилгандан сўнг руҳоний Эмманинг қўлига муқаддас ёғ суртилган, уни нариги дунёда кутаётган ҳузур-ҳаловатнинг рамзи бўлмиш шамни ушлатмоқчи бўлди, бироқ Эмма мадорсизлигидан уни ушлай олмади, агар аббат бўлмаганда шам ерга тушиб кетарди.

Эммага бир оз ранг кирди ва гўёки дуолар унга шифо баҳш этгандек юзларида хотиржамлик ифодаси пайдо бўлди.

Руҳоний бу ҳолга Шарлнинг эътиборини тортишини унутмади. У ҳатто, баъзи бир ҳолатларда одамни халос этмоқчи бўлса тангрининг ўзи унинг ҳаётини чўзишга қодир эканини айтди. Шунда Шарль Эмманинг бир вақтлар ҳам дуо-ибодатлардан сўнг соғайиб кетганинги эслади.

«Ҳали чиқмаган жондан умид» — деб ўйлади Шарль.

Дарҳақиқат, Эмма худди уйқудан уйғонгандек, хонани астагина кўздан кечирди, кейин зўр-базўр, лекин аниқ қилиб кўзгу беришларини сўради ва энгашиб унга то кўзидан икки томчи йирих-йирик ёшлари тирқираб чиққунча узоқ тикилиб турди. Шунда у хўрсниниб, ўзини ёстиққа ташлади.

Шу топда у бўғила бошлади, тили осилиб, кўзлари юқорига тортилди ва ўчаётган лампа каби нурсизланди, азбаройи оғир нафас олганидан худди жони отилиб чиқишига интилаётгандек, биқинлари лопиллай бошлади, шусиз Эммани ўлган деб ўйлаш мумкин эди.

Фелисите бут олдига тиз чўкди, фармацевт ҳам бир оз тиз буқди; жаиоб Каниве маъносиз боқиши билан деразага қараб туар, Бурнізъен кўрпа-тўшак четига энгашиб яна дуо ўқий бошлади. Унинг узун сутанаси ерга тегиб туарди. Шарль каравотнинг изариги томонида тиз чўкиб ўтириб Эммага интиларди. У Эмманинг қўлларини қисар, худди қулаб тушаётган бинонинг гумбурлашидан қўрқиб титраётгандек, унинг юрагининг ҳар тенишида қалтираб кетарди. Эмма қанчалик кучли хирилласа, руҳоний дуони шунчалик тез ўқирди. Гоҳ дуонинг калималари Боварининг бўғиқ йиги товушига қўшилиб кетар, гоҳо дафи қўнғирогининг овозига ўхшаган лотинча ибораларнинг оғир ғувиллаши ҳамма товушни босиб кетарди.

Бирдан тротуарда ёғоч бошмоқларнинг тарақ-турғи, ҳассанинг тўқиллаши ва бўғиқ товуш билан:

Ёзининг иссиқ кунларида қиз
Ёрин ўйлаб толмайди ҳарги,—

деб куйланган қўшиқ эшитилди.

Сочлари паришон Эмма, қорачиқлари кенгайган кўзларини бир нуқтага тикиб, худди мурдага жон киргандек ўрнидан кўтарилиди.

Уроқчига бўлурки етиб,
Дала бўйлаб Нанетта бу чоқ
Нозик ниҳол қоматин эгиб
Сайҳонликда терарди бошоқ.

— Сўқир! — деб бақирди Эмма ва бирдан ўзини йўқотиб, мудҳиш, телбаларча қаҳ-қаҳ уриб кулди — мангу зулмат ичида унинг кўз олдида гадойнинг бадбашара юзи қўриқчилик гавдаланди.

Бирдан шамол қўзгалди сарин
Ҳизлпиратди қиз этакларин.

Охириги талваса Эммани ёстиқка ташлади, ҳамма уни ўраб олди, Эмма ўлди.

IX

Агар бирор одам вафот этса, атрофдагилар эсанкираб қолади — бор одамнинг бирдан йўқ бўлиб қолишини ақлга сиғдириш шу қадар қийинки, бунга киши

ўзини ишонтиrolмайди. Лекин Эмманинг жони танидан чиқиб кетганига ишониши билан Шарль: «Алвидо! Алвидо!» — деб ўзини Эммага ташлади.

Оме ва Каниве уни хонадан олиб чиқиб кетдилар.
— Тинчланинг!

— Яхши,— дерди у уларнинг қўлидан чиқишига уриниб.— Мен ўзимни тутаман, ўзимча ҳеч нарса қилмайман! Мени қўйиб юборинглар! Мен унинг олдига киришни истайман! Ахир у менинг хотиним-ку!

У йигларди.

— Йигланг,— деб рухсат берди фармацевт,— табнат ўзи шуни талаб қилади, енгил тортасиз!

Мадори қуриган Шарлни ёш боладек етаклаб пастга — емакхонага олиб тушишди, шундан кейин, кўп ўтмай жаноб Оме уйига қайтди.

Майдонда унга сўқир ёпишиб олди: у елга қарши мой дори борлигига ишониб сандирақлаб Ионвилга келибди ва кўрган-билгандан дорихоначининг қаерда туришини суриштириб юрган экан.

— Қаранг-а, буни! Сендан бошқа ғалвам йўқми менинг. Ҳа, майли, кечроқ келарсан,— деди жаноб Оме ва дорихонасига югуриб кириб кетди.

У иккита мактуб ёзиши, Бовари учун тинчлантирадиган суюқ дори тайёрлаши, Эмма ўзини ўлдирганини яшириш учун бирор баҳона ўйлаб топиши, мана шу ёлғондан «Машъал» учун мақола ёзиши ва бўлган ҳодисадан, унинг хабар беришини кутиб турган ҳамشاҳарларига ҳисоб бериши керак эди. Фақат понвилликларниг биттаси қолмай, Бовари хоним ваниль кремни тайёрлаб туриб шакарни маргимуш билан адаштириб юборганини гапириб ишонтиргандан кейингина Оме яна Шарлнинг олдига югурди.

У дeraза олдида, креслода ерга маъносиз тикилиб ўтирас эди, (жаноб Каниве яқинда жўнаб кетган экан).

— Маросим вақтини сиз ўзингиз тайинласангиз бўлар эди,— деди фармацевт.

— Нима, нима? Қанақа маросим?— такрор сўради Шарль ва қўрқиб кетиб гудирлади:— Йўқ, йўқ, илтимос, керакмас! У мён билан бирга бўлиши керак!

Оме орадаги ноқулайликни йўқотиш учун этажер кадан графин олиб ярдангулга сув қуя бошлади.

— Сиздан ниҳоятда миннатдорман! Сиз шунчалик муруват қилдингиз...— деб гап бошлаган эди Шарль,

бироқ фармацевтнинг бу ҳаракатидан хотиралар қўйи-
либ келди, бирдан яна жим бўлиб қолди.

Жиндак бўлса ҳам уни маъюс хаёллардан чалги-
тиш учун Оме боғдорчилик, ўсимликлар сувга муҳтож
ёкани ҳақида гапиришини лозим деб ҳисоблади. Шарль
маъқуллагандек бошини қимирлатиб ўтиради.

— Ҳадемай яна иссиқ кунлар бошланади.

— Ҳа, ҳа! — деб тасдиқлади Шарль.

Энди бошқа нима ҳақида гапиришини билмай, до-
рихоначи дераза пардаларини қия қилиб очди.

— Ана, Тюваш келяпти.

— Тюваш келяпти,— такрорлади унинг орқасидан
Шарль худди акси садо каби.

Барибир Оме дафн маросимини унинг эсига солиши-
га ботина олмади. Уни кўндирган руҳоний бўлди.

Шарль кабинетига кириб, ичидан бекитиб олди, тў-
либ-тўлиб йиглади, кейин патқалам олиб ёза бошлади:

«Мен уни никоҳ қўйлагида, оқ туфли, никоҳ гулчам-
барида дафн этишингизни истайман. Сочларини ёйиб
елкасига ташланглар, учта тобут бўлсин: биттаси эман
дарахтидан, иккинчи қизил ёғочдан, учинчиси маъдан-
дан. Мен билан ҳеч нарса тўғрисида гаплашманглар.
Мен ҳаммасига бардош бера оламан. Устидан катта бў-
лак яшил баҳмал ёпинглар. Бу менинг хоҳишим. Ил-
тимос, шундай қилинглар».

Боварининг гаройиб илтимослари атрофидаги одам-
ларни ҳайратга солди, фармацевт эътиroz билдиришни
унутмади.

— Менимча, баҳмал ортиқча нарса... Бунинг усти-
га нархи...

— Сизнинг ишингиз нима? — жеркиб ташлади Бо-
вари.— Қўйининг мени ўз ҳолимга! Уни сиз әмас, мени
севаман, жўнанг бу ердан!

Руҳоний уни қўлтиғидан ушлаб боққа олиб чиқди.
Богда у дунёнинг бебақолигидан гапирди. Худонинг
қудрати кенг ва осий бандаларига шафқатлидир, биз
унинг амрига итоат қилибгина қолмай, унга минг бо-
ра шукурлар қилишимиз керак.

Шарль куфр келтирди:

— Тангрингиз ўзингизга сийлов!

— Бу инкор этиш руҳи сизни куфроналикка йўл-
ляяпти,— деди руҳоний хўрсиниб.

Бовари анча нарига кетиб қолган эди. У гов билан

мева дарахтлари орасидан тез-тез юриб кетмоқда эди, даҳрийлиги тутиб, тишларини гижирлатиб осмонга боқарди, бироқ атроф сув қуйгандек жимжит, битта барг ҳам қилт этмасди.

Ёмғир томчиламоқда эди, ёқавайрон Шарлнинг бадани жунжикди, уйга келиб ошхонада ўтириди.

Соат олтида майдонда нимадир шарақа-шуруқ қилди: «Қалдирғоч» келган эди. Пешанасини дераза ойнасига тираб олиб, Шарль йўловчиларнинг брин-кетин экипаждан тушиб келаётгандарига қараб турди. Фелисите унга меҳмонхонага тўшак солиб берди, Шарль ётди-ю, ухлаб қолди.

Жаноб Оме, гарчанд файласуф бўлса ҳамки, ўлгандарга ҳурмат билан қаради. Мана шунинг учун у Шарлнинг жерканидан хафа ҳам бўлмай, ўзи билан учта китоб ва битта папкада қофоз олиб, марҳума олдида бутун тун ўтириб чиқиш учун кечқурун бу ерга келди.

Бу ерда аббат Бурнизъен ҳам бор эди. Каравотни чодир ичидан олиб чиқдилар, бош томонда иккита катта шам ёниб турарди.

Сукунат дорихоначининг юрагини сиқа бошлади ва у «бечора ёшгина жувон»нинг вафоти қанчалик ачишарли эканлиги ҳақида гап бошлишга шошилди. Руҳоний бу гапга эътиroz билди, энди унинг арвоҳига дуо ўқишимиз зарур, деди.

— Лекин иккитадан биттаси,— деди Оме,— черковнинг таърифича, у ёки «имони басаломат» мангу уйқутга кетди, бу ҳолда бизнинг дуоларимизнинг унга кераги йўқ ёки бўлмаса у тавба қилмасдан қазо қилди (чамаси мен чинакам ақонд ибораларини ишлатаяпман шекилли) ва бу ҳолда...

Бурнизъен унинг сўзини бўлди, ҳар ҳолда дуо керак, деб тўнгиллади.

— Модомики, биз нимага муҳтоҷлигимизни тангри ўзи билиб турса, у ҳолда нима учун дуойи фотиҳа қилиш керак?— яна эътиroz билди фармацевт.

— Дуойи фотиҳа қилиш керак деганингиз нимаси?— деди черков собири.— Бундан чиқди сиз христиан эмас экансиз-да?

— Афв этадилар!— деди Оме.— Мен христианлик олдида сажда қиласман. Аввало у қулларни озод қилди, дунёга у янги аҳлоқ бахш этди.

— Эй, мен буни айтмоқчи эмасман! Бутун оялар...
Қўйсангиз-чи ўша ояларингизни! Ҳаммага маълумки,
уларни иезуитлар сохталашиб юборган. Ундан кўра
тарихни ўқинг!

Бовари кирди. Каравот олдига борди ва чодирни
астагина кўтарди.

Эмманинг боши ўнг елкасига әгилган қора ўрачага
ўхшаб оғзининг бир чеккаси сал очилиб туар әди.
Бош бармоқлари кафтига қайрилган, киприкларнига
қиров тушгандек, кўзи бўлса ингичка ўргимчак уясига
ўхшаб хира парда билан қопланган әди. Кўкраги
билан тиззалари орасида кўрпа салқиб, тиззасидан
товоригача кўтарилиб туар әди. Шарлнинг назарида
Эммани қандайдир ҳаддан ташқари оғир юк босиб
тургандек кўринди.

Ибодатхонанинг соати иккига бонг урди. Тоғ остида,
қоронгиликда дарё шовилларди. Ҳар замонда Бурнизыва
ен бурнини қаттиқ қоқар, Оме эса патқаламни ғижир-
латиб хат ёзарди.

— Менга қаранг, биродар, сиз ўз хонангизга бо-
ринг,— деди у Шарлга.— Бу манзара сиз учун ниҳоят-
да оғир.

Шарль чиқиб кетиши билан фармацевт ва руҳоний
ўртасидаги баҳс яна баттарроқ авж олиб кетди.—
Гольбахни ўқинг! Вольтерни ўқинг! Энциклопедияни¹
ўқиб чиқинг!— дерди биттаси.

— «Португалия яҳудийларининг хатларини»²
ўқинг,— дерди ўз гапини маъқуллаб иккинчиси.—
Собиқ суд чиновниги Никола³нинг «Христианликнинг
моҳиятини» ўқиб чиқинг!

Иккаласи ҳам қизишиб, қизариб кетишди, иккаласи
бир-бирига гап бермай баравар шовқин солишарди.
Бурнизывани «бу каби сурбетлилик» ғазаблантирди.
Омени «бу қадар калтафаҳмлик» ҳайрон қолдиради.
Яна бир-икки минут ўтса иккаласи тоза уришиб кетган

¹ «Энциклопедия ёки фан, санъат ва ҳунармандликнинг изо-
ҳий лугати» (35-том, 1751—1780)— XVIII асрнинг француэ оқар-
тув фалсафасининг йирик ёдгорлиги, «Энциклопедия»ни тузишда
асосий ролларни Д. Дидро ва Ж. Л. Д'Алемберлар ўйнаганлар.

² «Португал, немис, поляк яҳудийларининг
жлиоб де Вольтерга ёзган хатлари» — аббат А. Ге-
ненинг 1769 йилда чиқсан асари.

³ Никола Жаи-Жак Огюст (1807—1888) — француза ка-
толик ёзувчisi.

бўлар эди, лекин шу вақт яна Бовари келиб қолди, Уни қанақадир сеҳрли куч бу ерга тортар; у ҳадеб аннадан чиқиб-тушаверарди.

Марҳумани яхшироқ кўриш учун унинг рўпарасига келиб туради ва шу қадар чуқур хаёлотга чўмардикি, бу дақиқаларда у қайғуни сезмасди.

У каталепсия¹лар, магнетизм мўъжизаси ҳақидаги ҳикояларни эслади ва бутун борлиги билан истаса, эҳтимол уни тирилтириб юбориши ҳам мумкиндеқ туюлди. Бир марта ҳаттоки у энгашиб: «Эмма! Эмма!» — деб шивирлаб чақирди ҳам. Бироқ унинг қаттиқ нафас олишидан столда турган шам оловлари жипиллаб кетди.

Эрталаб аzonда, катта Бовари хоним етиб келди. Шарль уни маҳкам қучоқлади ва яна аччиқ кўз ёши тўкиб йиглади. Онаси ҳам фармацевтга ўхшаб, кўмиш маросими ниҳоятда қимматга тушаётганини ўғлига шама қилди. Бундан Шарлнинг қаттиқ жаҳлы чиқди, кампир жим бўлиб қолди ва шу заҳоти шаҳарга тушиб ҳамма керакли нарсаларни сотиб олиб келишни ўз устига олди.

Шарль кечгача танҳо юрди. Бертани жакоб Оменикига жўнатди, Фелисите Лефрансуа хола билан юқорида ўтирди.

Кечқурун Шарль таъзия билдиргани келганларни қабул қилди. У ўрнидан турагар, индамасдан қўл олишарди, келган киши эса камин атрофида ярим донра олиб ўтирганлар қаторига бориб ўтиради. Ионвилликлар бошларини эгиб, оёқларини чалиштириб, панжаларини қимирлатиб ўтиришарди ва ҳар замонда қаттиң хўрсинишарди. Улар ўлгудек зерикишар, лекин сир бой бермай, шерикларидан қолгилари келмасди.

Соат тўққизда Оме келди (шу икки куннинг ичидагарчамасдан Боварининг танда қўйганди), у камфара, исли бухўр ва хушбўй кўкатлар келтирди. У яна битта банкада сассиқ ҳидларни йўқотиш учун хлор ҳам олиб келди. Бу вақт Лефрансуа хонимнинг оқсочи ва катта Бовари хонимлар Эммани кийинтириб бўлишган эди — улар Эмманинг устига катта тўр ёпиб қў-

¹ Каталепсия — газда ёки аъзоннинг ҳаракат қила олмадан қотиб қолиши.

Бишди, тўр унинг ҳамма ёгини, то атлас туфлиларига-ча қоллаб турарди.

— Шўрлик бекам, шўрлик бекам,— деб айтиб йиг-ларди Фелисите.

— Қаранглар, ҳали ҳам қанақа чиройли-а! — хўр-си ниб деди қовоқхона бекаси.— Ҳалиёқ ўрнидан ту-риб кетадиганга ўхшаб ётибди-я!

Бошига гулчамбар кийгизиш учун учала хотин Эмма устига энгашиди.

Бунинг учун унинг бошини сал кўтаришга тўғри келди, шу чоқ марҳуманинг оғзидан худди қусуқдек қоп-қора суюқлик отилиб чиқди.

— Эй худо, кўйлаги! Эҳтиёт бўлинг! — деб қичқир-ди Лефрансуа хоним.— Ердам берсангиз-чи, бизга! — деди у фармацевтга қараб,— Нима, кўрқасизми?

— «Кўрқасизми эмиш»— елкасини қисиб такрор-лади у.— Шу ҳам гап бўптими? Фармакологияни ўқиганимда бунақаларнинг сон мингтасини кўрганиман! Касалхоналарда ўликларни ўрганадиган ерда биз шунш пиширардик! Файласуфни ўлим чўчитмайди. Мен ўз мурдамни клиникага тақдим этишларини ва-сият қиласман, деб неча марта айтганиман, ўлганимдан кейин ҳам фанга хизмат қилишни хоҳлайман.

Руҳоний келди, жаноб Боварининг аҳволини сўра-ди, дорихоначининг жавобини эшитгач:

— Биласизми, унинг яраси ҳади жуда янғи,— деди.

Оме, руҳонийларга нима, улар севимли хотинларі-дан ажralиш хавфидан ҳамма вақт озодлар, деб унинг гапига эътиroz билди. Шундан руҳонийлар-нинг тоқ ўтиши ҳақида яна баҳс бошланди.

— Бу гайри табиий иш! — тасдиқлади фармацевт.— Шу сабабдан жиноятлар содир бўлган...

— Нима демоқчисиз, жаноб,— бақириб гапирди руҳоний,— масалан, хотинли киши тавба-тазарру сир-ларини сақлай оладими-йўқми?

Оме шу тавба қилишнинг ўзини инкор этди, Бур-низыва уни ҳимоя қилди. У тавба қилиш кишида яхши-ликка тўмон катта бурилиш ясашини узундан-узун исбот қила бошлади. Жуда кўп ўғрилар шундан кейин поклик билан ҳаёт кечирганларини мисол қилиб келтирди. Жуда кўп ҳарбийлар тавба қилиш хонаси олдига келгандаёқ кўзларидан парда кўтарилганини сезган эмишлар. Фрибурда шундай бир черков собири...

Унинг ҳамсуҳбати ухлаб қолган әди. Уй дим бўлиб кетди, аббатнинг нафаси қайтди, у ойнаки очиб юборган әди, шу билан фармацевтни уйғотиб юборди.

— Тамаки ҳидламайсизми? — таклиф қилди Бурнизъен.— Олинг, олинг! Уйқунгиз ўчади.

Узоқ-узоқларда ит увиллади.

— Эшитяпсизми, ит увилляяпти,— деди фармацевт.

— Улар мурданинг ҳидини сезишади, дейдилар,— деди руҳоний.— Бу ҳам худди асалариларга ўхшаш, агар бирор киши ўлса, улар шу заҳоти уяларини ташлаб кетиб қоладилар.

Бу хурофий гапга Оме эътиroz билдиrmади, негаки, у яна мудрай бошлаган әди.

Аббат Бурнизъен фармацевтдан кўра бақувватроқ әди, у яна анчагача пичирлаб ўтиришади, кейин боши шилқ этиб кўкрагига тушди. Қора қалин китоби қўлидан тушиб кетди, аббат хуррак ота бошлади.

Улар тўрсайиб, тумшайиб, қоринларини дўлпайтириб қарама-қарши ўтиришарди, шунчалик гап талашигандан кейин ниҳоят одамзодга хос заифлик иккисини ҳам бирлаштириди, униси ҳам, буниси ҳам ҳозир ёнларида ётган марҳумага ўхшаш беҳаракат здилар.

Шарль келибди ҳамки, лекин улар уйғонмади. У охирги марта Эмма билан видолашиб учун келди.

Хушбўй ўтлар ҳамон тутаб ётар, кўк тутун парчалари ойнадан уйга ўрмалаб кираётган туманга қўшилиб кетарди. Осмонда сийрак юлдузлар йилтиллашар, тун илиқ әди.

Шамлар, чойшабга йирик мум томчилар тўкиб эрир әди. Шарль кўзлари жимиллаб кетгунча уларнинг ёнишига, сарғиш аланганинг порлашига тикилиб турди.

Ой нурига ўхшаш жилосиз атлас кўйлак усти ҳиллираб турар, унинг тагида Эмма кўринмасди, Шарлнинг назарида унинг руҳи кўзга кўринмасдан атрофда парвоз қилиб юарди ва энди ҳамма нарсада: тун сукунатида, учиб кирган шамолда, дарёдан келган рутубатли ҳавода учиб юргандек туйиларди.

У бирдан Эммани Тостдаги bogda, яшил тўсиқ олдидаги скамейкада ё Руан кўчаларида, ёки унинг она қишлоғи Бертолдаги ҳовлининг остонасида кўтарди. Олма тагида шўхлик билан ўйнаётган ўсмирларнинг овози эшитилиб кетарди. Хона унинг назарида Эмма

соchlарининг хушбўй иси билан тўла, Эмманинг ҳилпираган йилтироқ кўйлаклари унинг қўлида, шулар барчаси... Эмма эди!

У гойиб бўлган қувончларини, Эмманинг юриштуришлари, ҳаракати, овозини эсга олди... Босиб келаётган умидсизлик, дengиз кўтарилиган пайтдаги тўлқинлар каби бир-бирини қувиб келарди.

Уни қаттиқ синчковлик қамраб олди: у бутун борлиғи билан титраб, аста-секин бармоқларининг учи билан пардани очди... Унинг кўкрагидан отилиб чиқкан дод-фарёд ухлаб қолганлариниг иккаласини ҳам уйғотиб юборди. Улар Шарлни пастга, залга олиб тушишди.

Кейин Фелисите келиб, Эмманинг бир тутам сочини сўраётганини айтди.

— Қирқиб ола қол! — руҳсат берди дорихоначи.

Бироқ хизматчи қиз журъат этолмади, шунда Оменинг ўзи, қўлида қайчи, марҳуманинг олдига борди. Унинг қўли шунчалик қалтирас эди, бир-икки ерда чаккасига қайчини саншиб олди. Ниҳоят у ҳаяжонини босиб, қарамай туриб қайчини бир-икки чиқиллатди, Эмманинг сунбул соchlари орасида бўш жойлар ҳосил бўлди.

Кейин фармацевт ва руҳоний ўз жойларига қайтиб келишди, лекин барибир иккисини ҳам уйқу босар, уйғонгандарнида бир-бирларини таъна қилишар эди. Аббат Бурнизъен зўр бериб уйга муқаддас сув сепар, Оме полларга хлор сочарди.

Комод устига битта шиша ароқ, бир бўлак пишлоқ ва нон қўйиб кетиш Фелиситенинг эсидан чиқмапти. Соат эрталаб тўртларда дорихоначи чидамади.

— Тамадди қилиб олишдан қочмасдим,— деди у хўрсаниб.

Черков собири ҳам «йўқ» демади. У фақат ибодатхонага бориб ибодат қилди-ю, тезда қайтиб келди. Кейин улар қадаҳ уриштиришди, овқатланишди, ўзлари сабабини билмаган ҳолда тиржайиб қўйишди, — уларни одатда кишини узоқ маъюс бедорликдан сўнг босадиган бесабаб хурсандчилик қамраб олганди. Охирги қадаҳни иғиб бўлиб руҳоний фармацевтининг елкасига қоқиб қўйди:

— Ахир шундай бўладики, биз сиз билан келишиб оламиз! — деди.

Пастда, йўлакда улар ишчиларга тўқнаш келишди. Шарлга икки соат азоб чекишига — болғаларнинг тақиртуқирини эшитишига тўғри келди. Кейин Эмманни эман тобутга солишиди, эман тобутни иккинчи тобутга, у тобутни учинчи тобутга жойлаштиришиди. Лекин охиргиси жуда кенг экан — ораларини тўшакдаги юнглар билан тўлдиришига тўғри келди. Ҳамма қопқоқлар рандаланиб тўғрилангандан кейин мәрҳумани эшикка яқинроқ ерга келтириб қўйишди. Жасадни кўришига йўл очилди ва ионвилликлар тўда-тўда бўлиб кела бошлашди.

Руо ота келди. Эшик олдидағи қора мовутни кўриб, у майдонда ҳушидан кетиб йиқилди.

X

Дориҳоначининг мактубини у қайғули ҳодиса юз бергач, бир кечаю бир кундуз ўтгандан кейин олди, ундан ташқари чолни қаттиқ чўчитиб юборишидан қўрқиб, жаноб Оме мактубни шунчали пардали қилиб ёздики, унга умуман тушуниб бўлмасди.

Энг аввал бечора чолник миясига қон қуйилаёзди. Кейин у, Эмма тирик деган, хулосага келди. Бироқ... худо кўрсатмасин, у... хуллас, чол блузкасини кийди, шапкасини қўлига олди, оёқ кийимига шпорини қадади ва отин елдек учирив жўнади. Йўлда кетаркан, қўкси қаттиқ қайғу-ҳасратдан сиқилиб кетди. У ҳатто бир марта отдан тушди ҳам. У ҳеч нарса кўрмасди, қанақадир овозлар қулогига киради, ақлдан озиш даражасига етган эди.

Тонг ота бошлади. Бирдан унинг вътибори дарахт шохида ухлаётган қора қушга тушди. Бу ёмон аломатдан аъзойи бадани титраб кетди ва ўша заҳоти худо олдида черковга учта риза¹ юбориш ва Бертодаги қабристондан то Васонвиль қўнгироқхонасига яланг оёқ боришга қасам ичди.

Маромда у қовоқхона хизматкори чақирганда чиқавермагандан кейин елкаси билан эшикни бузиб очди, бир қоп сули олди, охурга бир шиша сидр қўйди, кейин яна ўз отига миниб, уни чунонам чоптириди, отнинг туёқларидан учқунлар сачраб кетди.

¹ Попларнинг ибодат вақтида киядиган тўни.

У ўзини, Эмманни албатта қутқариб қоладилар, деб ишонтирарди. Врачлар бир чора топадилар, бунга шак-шубҳа йўқ! Умрида эшитган жуда кўп одамларнинг ажойиб тарзда тузалиб кетганларини эсга олди.

Кейин Эмма ўлган бўлиб кўз олдига келди. Ана, у йўлнинг қоқ ўртасида чилпарчин бўлиб ётибди. У зарб билан от бошини силтади, кўзга кўринган шарпа гойиб бўлди.

Кенкампуада у бардам бўлиш учун уч пиёла қажва ичди. Бирдан унинг хаёлига мактуб менга ёзилмагандир, деган фикр келди. У чўнтағидаги хатни қидирди, пайпаслаб кўрди, лекин ўқишга ботина олмади.

Баъзан унга ҳатто бу эҳтимол «ничагина ҳазил» дек тўюлиб кетар, бирор қасдан қилгандир ёки бирор маист ҳолда ёзгандир деган хаёллар келарди. Ахир Эмма ўлган бўлса, бу ҳамма ёқдан билиниб турардику! Ваҳоланки ҳеч қанақа фавқулодда ҳодиса юз бермаган: осмонда булутлар сузиб юрипти, дараҳтлар тебранаяпти, ана, қўй суруви ўтди. Узоқдан Ионвиль кўринди, шаҳарликлар Руо отанинг от бўйнига ёпишиб олиб ўқдек учиб ўтганини, отни қаттиқ қамчилаганидан айилнинг тагидан қон оқиб кетганини кўришиди.

Ҳуши ўзига келгандан сўнг у қон-қон йиглаб Шарлнинг кўксига ўзини отди.

— Қизгинам! Эмма! Болажоним! Нима ҳодиса бўлди?..

Шарль ўкириб йиглаганча:

— Билмайман, билмайман! Қанақадир баҳтсизлик юз берди,— деб жавоб қилди.

Дорихоначи уларни бир-биридан ажратди.

— Бу мудҳиш тафсилотларнинг ҳеч кераги йўқ. Мен ўзим жаноб Руога тушунтираман. Ана, одамлар келишяпти. Қани, қани, обрўни қўлдан берманглар! Ҳамма нарсага фалсафий нуқтан назардан қаранглар.

Бояқиши Шарль мардлик кўрсатгиси келди.

— Ҳа, ҳа, рост. Мард бўлиш керак!..— бир неча бор такрорлади у.

— Яхши, шайтон васвасасидан сақласин! Мен ҳам ўзимни ушлай!— деди чол.— Мозоргача уни кузатиб бораман.

Қўнғироқ чалинди. Ҳамма нарса тайёр бўлганди. Жасадни олиб чиқиш керак.

Ибодатхонада, олдинги скамейкаларда қатор ўтирган Бовари ва Руолар олдидан манқаланиб ўқийдиган учта дъячок у ёқдан-бу ёққа юриб туришарди. Трубачи ўпкасини аямасди. Аббат Бурнизъен ўзининг тўкис руҳониёна либосида ингичка овоз билан дуо ўқирди. У минбар олдида руку қилар, қўлларини кўтарарди. Лестибудуа черковни айланиб, қўлида кит мўйловидан ясалган чўп билан шамларни пилигини тўғрилаб юрарди. Мехроб олдида атрофига тўрт қатор шам ёқилган тобут турагарди. Шарль ўз кўнглида ўрнидан турса-ю, шамларни ўчириб ташласа.

Лекин у ҳар қалай дуойи ибодат таъсирига берилишига тиришар, нариги дунёда Эмма билан учрашишга умид қилар эди. Унинг назарида Эмма ҳаергадир, жуда узоқларга кетган, кетганига ҳам талай вақт ўтгандек тууларди. Бироқ унинг мана шу ерда ётганини, ҳаммаси битган, уни олиб кетиб қора ерга кўмишларини эслashi билан вужудини йиртқич, қақшатқич қайгу ўраб оларди. Вақт-вақти билан у ҳеч қанақа ҳис-туйғуларни сезмай қолар. Шунда у ўзини хаёлан ҳеч нарсага арзимайдиган одам деб атар, бироқ алами босилиб турган чоқларда ором оларди.

Бирдан тўқиллаган овоз әшитилди, гўё кимдир учига темир қадалган ёғоч билан плита ётқизилган нолни битта-битта ураётгандек эди. Бу товуш ибодатхонанинг энг ичкарисидан әшитилди-ю, ён томонлардан бирида таққа тўхтади. Ўзига ёпишиб турган жигар ранг куртка кийган бир одам, зўрга букилиб тиз чўкди. Бу «Олтин шер»нинг отбоқари Ипполит эди. Бугун у янги оёгини кийган эди.

Черков ҳофизларидан бирни ибодатхонани айланыб чиқди, оғир чақалар кумуш лаганга жаранглаб тушар эди.

— Тезроқ тамом қила қолмайсизларми? Тоқатим тугади! — ўшқирди Бовари зарда билан беш франклитангани ташлаб.

Черков хизматчиси унга таъзим билан миннатдорчилик билдириди.

Яна қўшиқ айтишди, такрор тиз чўкишиди, яна туришди! Шарль бир вақтлар Эмма билан шу ерга ибодатга келганини эслади, лекин ибодатхонанинг

нариги ўнг томонида, худди девор тагида ўтиришган эди. Яна қўнғироқ гувиллади, скамейкалар сурилди. Ҳаммоллар уч дастали тобутни кўтаришиди ва ҳалойиқ черковдан чиқа бошлади.

Шу чоқ дорихона эшигига Жюстен пайдо бўлди. Кейин бирдан ранги қув ўчиб кетди ва гандираклаб-гандираклаб орқасига қайтди.

Одамлар дафи маросимига деразалардан туриб қарашди. Ҳамманинг олдида қаддини тик тутиб Шарль бормоқда эди. У ўзини дадил тутишга уринар ва ҳаттоки ҳовлилардан ёки тор кўчалардан чиқиб тўдага қўшилаётганларга аста бош иргаб қўярди.

Ҳар томонда учтадан олтида ҳаммол майда қадам ташлаб боришар ва ҳаллослашар эди. Руҳонийлар, ҳофизлар ва икки қўшиқчи ўсмир бола *De profundis*¹ қўшигини айтиб боришар ва уларнинг овозлари гоҳ кўтарилиб, гоҳ пасайиб, олис-олисларга тарқаларди. Баъзан руҳонийлар муюлишларда кўздан ғойиб бўлишар, аммо уларнинг баланд кумуш бутлари дараҳтлар орасидан кўриниб борарди.

Аёллар капюшонлари орқага ташланган қора елқапўшларда кетишарди. Қўлларида ёқилган йўғон-йўғон шамлар. Бу узлуксиз дуолар, шамлар, кўнгилни айнитувчи мум иси ва черков кийимларининг ҳидидан Шарлнинг кўнгли беҳузур бўлди. Салқин шабада эсмоқда, буғдойзор ва сарик гулли ўтлар кўкара бошлаган, йўл четидаги яшил тўсиқларда шудринг томчилари титради. Оlam шўх товушларга тўла: ўнқир-чўнқирлардан қалдираб арава ўтди, хўроҳ қичқирди, олма тагидан гижинглаб тойчоқ чопиб кетди. Мусафро осмоннинг у ер-бу еридагина пушти булутлар сузарди, гулсафсар барглари диккайиб турган похол томлар усти кўкиш тутун билан қопланган. Бу ерда ҳар бир уй Шарлга таниш. Мана шунингдек, соғ ҳаволи кунларда эрта билан Шарль беморларни кўргани кириб чиқиб, Эмманинг олдига қайтарди.

Оқ-оқ нуқтали қора мовут ҳар замонда кўтарилиб кетиб шунда тобут кўринар эди. Ҳаммоллар азбароқ-чароқ бекетганларидан қадамларини секинлатишарди, шунинг учун тобут худди тўлқин у ёқдан-бу ёқи чайлоғтган ҳайиқ каби бетўхтов силкиниб борарди.

¹ Исаҳаннамади тангрим ўз паноҳчигига ол деярдим (лог.).

Мана, йўлнинг охири.

Эркаклар тоғ тагида ястаниб ётган қабристонга киришди, худди ўтлоқ ўртасига гўр қазилган эди.

Ҳазима гўр атрофига тўдаланди. Руҳоний дуо ўқир, бу чоқ гўр атрофидаги тупроқ тўхтовсиз, шовқинсиз тўкиларди.

Тобутнинг тагидан тўрт қатор арқон ўтказишди, Шарль унинг тушаётганинга қараб турди. У тобора чуқур тушиб бормоқда эди.

Ниҳоят тақ ётган овоз эшилди. Арқон ғижирлаб юнирга кўтарилиди. Шунда Бурнизъен Лестибудуанинг қўлидаги белкуракни олди. Унг қўли билан у қабрга муқаддас сув сепиб туриб, чап қўли билан бир белкурак тупроқ олди, куч билан уни гўрга отди, майда тошлар ёғоч тобутга тегиб шундай бир ваҳимали шевқин кўтардики, бу овоз биз инсонлар учун мангуллик нинг овозидек туюларди.

Руҳоний муқаддас сув идишини ёнида турган одамга берди. Бу жаноб Оме эди. Оме уни мағрурлик билан силкитди, кейин Шарлга узатди — у тиззасигача тупроқка ботиб, тупроқни сиқимлаб гўрга ташлар ва «алвидо, алвидо!» — деб қичқиради. У Эммага ғойибона бўсалар юборар ва қора ер уни ҳам ўз бағрига тортиши учун ҳамон Эммага интиларди.

Шарлни олиб кетишиди ва у кўп ўтмай овуниб қолди — эҳтимол, у ҳам ҳаммага ўхшаб, ўзи иқрор бўлмаган ҳолда «ҳаммаси битди», деб қаноат ҳосил қилгандир.

Руо ота мозордан қайтиб келиб, ҳеч нарса бўлмагандек, тамаки тортди. Бунга Оме ичида, хунук иш бўлди, деб ўйлади. У Бине кўмиш маросимида кўринмаганини, Тюваш бўлса жанозадан кейин ибодатхонадан «жуфтакни уриб» қолганини дилидан ўтказди. Нотариуснинг хизматчиси Теодор бўлса, худди қора фрак қуриб қолгандек, кўк фрак кийиб келди. «Модомики расм шундай экан, қора кийиб кела қолса ўлармуди?» — деб ўйлади. У ҳали у тўдага, ҳали бу тўдага — одамларнинг олдига бориб, ўз таассуротларини гапиради.

Эмманинг ўлимига ҳамма йиғларди, айниқса, дағи маросимига келишини мансаб деб билган жаноб Лере:

— Эй бечора жувон! Эри бечоранинг пешаваси шўр экан! — дер эди.

— Биласизми,— дерди ҳадеб дорихоначи,— агар мен бўлмасам, Бовари ўзини бир нарса қилиб қўярди!

— Шундай жонон жувон-а! Кимнинг ақлига кепти дейсиз? Шанба куни менинг дўконимга борган эди-я!

— Мен унинг қабри олдида сўзламоқчийдим, лекин тайёрданиб улгуролмадим,— деди Оме.

Шарль уйга келиб ечинди. Руо ота ўзининг зангори блузкасини қўли билан текисларди. У янгигина эди. Лекин йўлда кела туриб, ҳадеб енгига кўз ёшини артаверган эди, у айниб кетибди, чанг устига кўз ёши оқиб излар қолган юзини булғатиб юборди.

Катта Бовари хоним ҳам шу ерда эди. Учалалари жим ўтиришарди. Ниҳоят чол хўрсишиб:

— Эсингизда борми, дўстим? Биринчи хотинингиздан жудо бўлган кунларингиздан сал ўтгандан кейин мен Тостга борган эдим. Ўшаңда мен сизга тасалли бергандим! Сўзлар топгандим, энди бўлса...— Унинг баланд кўтарилиб турган кўксидан чўзиқ хўрсишиб чиқди.— Энди навбат меники, тушунасизми? Хотинимни кўмдим, кейин ўғлимни, энди бўлса қиёмни!

У шу заҳотиёқ Бертоға қайтмоқчи бўлди, назарида у бу уйда ухлай олмасди. У ҳатто набирасини кўришдан ҳам воз кечди.

— Йўқ, йўқ! Бу мен учун жуда оғир бўлиб тушади. Менинг учун уни маҳкам қучоқлаб ўшиб қўярсиз! Яхши қолинглар!.. Сиз яхши одамсиз! Кейин мен мана бу яхшилигингижни ҳеч қачон эсимдан чиқармайман,— қўшиб қўйди у оёғига бир уриб қўйиб.— Хотиржам бўлинг! Аввалгидек сизга курка юбориб тураман!— деди.

Лекин тоққа етганда бир вақтлар Сен-Виктор йўлида қизи билан ҳайрлашиб орқасидан қараганидек, орқасига айланиб қаради. Яйлов орқасига ботаётган қуёшнинг қийшиқ нурлари билан порлаган уй ойналари худди аланга қучогида қолгандек жўринарди. Руо қўлини кўзлари устида соябон қилиб уфқда қаторлашиб ётган боғларни, яккаш оқ гиштдан қурилган деворларни, уларнинг тепасидаги даражат учларини кўрди. Чолнинг оти оқсоқланиб қолган эди, у йўргалаб кетди.

Шарль, онаси — чарчаганларига қарамай бутун оқшом гаплашиб ўтиришди. Утган кунларни эслашди,

бундан кейин қандай яшаш тўғрисида ўйлашди. Улар шу қарорга келишдики, она Ионвилга кўчиб келади, рўзғор ишларини бошқаради ва энди ҳеч қачон бир-бирларидан ажралишмайди. У жуда ҳам жонкуяр, меҳрибон эди, бошқатдан фарзандининг муҳаббатига сазовор бўлишидан ич-ичидан қувонарди. Тун яримга бонг урди. Шаҳарча ҳамма вақтдагидек тинч-осойишта эди, бироқ Шарль барибир ухлай олмади, ҳамон Эмма тўғрисида ўйларди.

Родольф бекорчиликдан зерикib, куни билан ўрмонда сангib юрди. Энди бўлса ўз ҳовлисида хотиржам, донг қотиб ухлаб ётарди. Руанда Леон ухларди.

Бироқ шу тун ухламаган яна битта одам бор эди.

Арча шохлари соя солиб турган янги қабр олдида тиз чўкиб бир ўспирин ўтирас, унинг кўз ёшлари дарё, унинг кўксисда поёнсиз, ой нури каби соф меҳр ва тун зулмати каби чуқур афсус-надомат сиқилишиб ётарди. Бирдан ғийқ этиб эшик очилди. Бу Лестибудуа эди. У белкурагини эсидан чиқариб қолдирибди, ҳозир шунга келган экан. Ўсмир бола югуриб девор устига чиқиб олди, лекин Лестибудуа унинг Жюстен эканини аллақачон кўриб улгурди. Ҳа, энди унинг картошкасига тушадиган ўғрининг ким эканини билиб олди у.

XI

Эртасига Шарль қизини олиб келишга одам юборди. Қиз онасини сўради. Онаси унга ўйинчоқ олиб келиш учун кетганини айтишди. Берта яна бир неча бор онасини эслади, лекин вақт ўтиши билан эсидан чиқариб юборди. Унинг болалик шўхликлари Шарлнинг юрак-бағрини эзарди, бунинг устига фармацевтнинг чида бўлмайдиган тасаллиларини эшлишга тўғри келар эди.

Орадан сал ўтмай яна Шарль олдида пул масаласи кўндаланг бўлди, жаноб Лере яна биродари Венсарни гиж-гижлай бошлади, Шарль бўлса Эммага тегишли бўлган нарсаларининг биттасини ҳам сотишга рози бўлмас, ундан кўра, қарзга кўмилиб кетишини афзалроқ кўрарди. Онаси ундан хафа бўлди. У онасидан ундан баттарроқ хафа бўлди. Шарль жуда ҳам ўзгариб кетди, онаси кетиб қолди.

Мана шунда ҳамма вақтни ганимат топиб «фойдаланиб қолишига» шошилди. Мадемуазель Лампрер Эмма Шарлга кўрсатган тилхатга қарамай, бирор марта дарс олмаган бўлса ҳам ярим йилга ҳақ талаб қилди, улар шунга келишиб қўйишган эди. Кутубхона хўжайини уч йиллик пулни талаб қилди. Роле хола йигирмата мактубни келтириб берганига пул талаб қилди. Шарль «қанақа хатлар эди?»— деб сўраганда у сир сақлаб:

— Мен ҳеч нарса билмайман! Мен унинг ишига аралашган эмасман!— деди.

Шарль ҳар бир қарзни тўлаганда бу охиригисидир, деб умид қиласди. Лекин янги қарз әгаси пайдо бўлар ва бунинг охири кўринмасди.

Шарль bemорларидан ўзининг илгариги борганиларига ҳақ тўлашларини илтимос қилди, улар бўлса хотининг мактубларини кўрсатишди, улардан узр сўрашга тўғри келди.

Фелисите энди ўзининг марҳума бекасининг кийимларини киярди, лекин ҳаммасини эмас: Шарль уларниг баъзи бирларини ўзида олиб қолган, унинг кийимлари турган уйни ичидан бекитиб олиб, уларни бир-бир кўриб чиқарди. Фелиситенинг бўйи Эмма билан баравар эди ва Шарль уни орқасидан кўрганда у бекасига шундай ўхшаб ҳетардик, кўпинча:

— Кетма! Кетмай тур!— деб юборарди.

Бироқ троица куни Фелисите Эмманинг қолган-қутган кийимларини олиб, Теодор билан Ионвилдан қочиб кетди.

Худди шу вақт ичидаги Дюпюи хоним Боварига ўз ўғли «Ивето шаҳрининг нотариуси жаноб Леси Дюпюининг бондвидлик Леокадия Лебеф билан бўладиган никоҳ тўйи»га таклифнома юборди. Шарль уни табриклади ва мактубида: «Бечора хотиним нечоглик хурсанд бўларди»— деган жумлани қўшиб қўйди.

Кунлардан бир кун Шарль уйида сандирақлаб юриб чердакка чиқди ва у ерда оёғи юмалоқланган юпқа қоғозга тегиб кетди. У қоғозни очиб ўқиди: «Бардам бўлинг, Эмма, бардам бўлинг! Мен Сизнинг ҳаётингизга бахтсизлик келтиришни истамайман!» Бу Родольфнинг мактуби эди. У яшик орқасига тушиб қолган шамолдан эшик олдига учиб келган эди. Шарль турган

ерида серрайиб қотиб қолди — бир вақтлар худди ма-на шу ернинг ўзида, Эмма алам-изтиробидан ранглари қув ўчиб, ўзини ўлдирмоқчи бўлган эди. Ниҳоят иккин-чи саҳифанинг пастида у Р. деган ҳарфни зўрга-зўрга аниқлай олди. Ким бўлдикин бу Р.? Кейин у Родольф-нинг аввал Эммага хушомад қилганларини, кейин бирдан гойиб бўлиб кетганини ва учрашиб қолган пайт-ларида ўзини ғалатироқ тутганларини эслади. Бироқ мактубининг юксак эҳтиром билан ёзилганлиги Шарлни хато фикрга олиб борди.

•Улар бир-бирларини пок муҳаббат билан севган бўлсалар керак», — деган хулосага келди.

Шарль бир нарсанинг тагига етишни яхши кўрмасди. У исбот қидирмади ва унинг гира-шира рашки ғам-ғусса қаърига гарқ бўлиб кетди.

«У кишини ўзига беихтиёр мафтун этарди, — деб ўйлади у.— Шубҳасиз, ҳар бир эркак у билан яқинла-шишни орзу қиласди». Бу фикрлардан Эмма яна ҳам гўзал, оғатижон бўлиб кўринди. Энди Шарль ўзида алангаи оташда куйдириб тамом қилаётган ва қонди-ришнинг асло иложи бўлмаганлигидан ҳадсиз, доимий, ниҳоятда зўр эҳтирос сезарди.

Эмманинг бутун инжиқликлари, бутун дид-ҷавас-лари Шарль учун муқаддас бўлиб қолди: гўёки у ўл-маган, унинг кўнгли учун Шарль ўзига амиркон ботинка сотиб олди, оқ галстуклар тақа бошлади, мўй-ловини қорага бўяди, векселларга ўшангага ўхшаб қўл қўядиган бўлди. У тобутда туриб ҳам Шарлни йўлдан оздирмоқда эди.

Шарлга аста-секин кумуш буюмларини, кейин меҳ-монхонадаги жиҳозларни сотишга тўғри келди. Хона-лар бири орқасидан бири бўшай бошлади. Фақат Эмманинг хонасигина илгаригисидек турар эди. Шарль у ерга овқатдан сўнг чиқар эди. Камин олдига тўгарак столни сурар, Эмманинг креслосини келтириб қўяр, ўзи унинг рўпарасига ўтираси турар эди. Зарҳал қандилларда шам ёнарди. Шу ернинг ўзида, ёнида Берта ўтириб суратларни бўярди.

Бечора, толесиз Шарль қизининг аҳволини кўриб баттар қийналарди, унинг қийимлари хароб, бошмоқ-ларининг или ҳам йўқ, кофтаси йиртиқ, хизматчи хотин унга тузукроқ қарамасди ҳам. Аммо қизи шундай мўмин, мулойим, бошгинасини шундай назокат билан

эгарди, қирмиз ёноқларига тилла ранг соч толалари тушиб турарди ва ота бечора унга тикиларкан, худди ёмон винодан қатрон ҳиди келгани сингари, аччиқ алам билан сугорилган, тил билан ифодалаб бўлмайдиган роҳат, қувонч ҳис этарди. У Бертанинг ўйинчоқларини туаатар, картондан ўйинчоқлар ясаб берар, қорни ёрилиб кетган қўғирчоқларини ямаб берарди. Бироқ кашта қутичага, у ер-бу ерда тушиб қолган лента-га ёки столга қадаб қўйилган тўғнағичга кўзи тушиб қолса, бирдан хаёл дарёсига чўмиб кетар, бундай вақтларда у шу қадар қайгули кўринардик, қизи ҳам унга қараб бенхтиёр маъюсланиб қолар эди.

Энди ҳеч ким уни йўқлаб келмасди. Жюстен Руанга қочиб кетди ва баққоллик дўконига шогирд бўлиб кирди, фармацевтнинг болалари Бертанинг олдига тобора кам келадиган бўлиб қолишди — жаноб Оме энди Бертанинг уларга тенг эмаслигини эътиборга олиб, бу дўстликни унча маъқул кўрмасди.

Жаноб Оме сўқирни ўзи тайёрлаган мой дори билан тузата олмади ва у Буа-Гильом тогига қайтиб келиб, ҳамма йўловчиларга фармацевтнинг беҳуда уринишларини гапириб юрди. Оме Руанга бораётган пайтларида, үндан қочиб дилижоннинг пардаси орқасига яшириниб оларди. У сўқирни кўришга кўзи йўқ эди. Ўз обручини сақлаш учун Оме, қайси йўл билан бўлмасин, сўқирни йўқотишни ўз олдига вазифа қилиб қўйди ва зимдан унга қаттиқ-қаттиқ ҳужум бошлади — бу йўлда дорихоначи ўзининг барча қувликларини ва унинг шуҳратпастлиги, олиб борган разилликларининг барчасини ишга солди. Ярим йил мобайнида «Руан машъали» газетасида қўйидаги мазмунда мақола босилиб турди:

«Кимки серғалла Пикардия вилоятига йўл оларкан, эҳтимол Буа-Гильом тогида, юзида ёмон яраси бор нотавон мажруҳга кўзи тушгандир. У ҳаммага ёпишади, хираки қиласи, йўловчилардан авраб пул йигади. Нажотки бизнинг замонамида муджиш ўтмишнинг қолдиқлари давом этса? Токайгача дарбадарлар салиб юриши давридан қолган мохов ва ширинча касалликларини кўпчилик ичидаги бемалол тарқатиб юраверадилар?»

Ёки:

•Дарбадарликка қарши чиқарилган қонунларга қа-

рамай, шаҳарларимизнинг четларида ҳамон гадойлар уймалашиб юришилти. Улардан баъзилари якка-якка юришади, булар ҳаммадан ҳам хавфилари бўлиши керак. Таажжуб! Бизнинг эдиллари¹ мизнинг кўзлари қаёқда экан?»

Баъзан Оме бутун бошли ҳодисалар ўйлаб чиқарди:

«Кеча Буа-Гильом тогида ҳуркович от...»

Шундан сўнг сўқир туфайли бахтсиз ҳодиса юз берганлиги ҳикоя қилинарди.

Ниҳоят фармацевт муроди мақсадига етди — сўқирни қамадилар. Лекин кўп ўтмай у бўшаб чиқди. Гадой яна ўз ишини давом эттириди. Оме ҳам. Бу қаттиқ кураш эди. Бу курашда фармацевт ютиб чиқди, душманини умрининг охиригача гарибхонада яшашга мажбур әтдилар.

Ютуқ фармацевтга қанот берди. Ўшандан бери унинг округида бирорта ит босилиб кетганини, омборга ўт тушганини, хотин кишини урганларини билиб қолса, тараққиётга бўлган муҳаббати ва диндорларга бўлган нафратидан руҳланиб, бу хабарни бетўхтов жамоатчилликка етказади. У биринчи босқич мактаб ўқувчиларининг, ака-ука — игнорантинцлар²дан афзаллиги ҳақида мулоҳаза юргизар, черковга қурбонлик қилинадиган франкларни гапирганда, Варфоломей кечасини эслатиб ўтарди; қонунга хилоф ишларни фош этар, пичинг отарди. Оме одамларнинг оёғидан тортар, у хавфли одам бўлиб қолган эди.

Шуниси ҳам борки, энди у журналистикнинг тордои расида қолиб кетишини истамасди — уни энди китоб ёзиш, катта бир асар ёзиш иштиёқи эгаллаб олган эди! У «Ионвил кантонининг³ умумий статистикаси ва унинг иқлими ҳақида кузатувлар» деган китоб ёзди.

¹ Эдиллар — қадимий Римда, шаҳарда тартиб сақлаш ишларини бошқарадиган, сайланган чиновниклар. Бу ерда — маҳаллий ҳокимият, муниципал маъмурияти.

² Игнорантинцлар — (лотинча — жоҳиллар) XVII асрда ташкия топган руҳонийлар жамияти аъзолари камтарлик билан ўзларига шундай деб ном берган эдилар, улар болаларни католик мазҳаби руҳида тарбиялашни мақсад қилиб олган эдилар.

³ Кантон — баъзи бир гарбий мамлакатларда маъмурий территориал бўлиниш.

Кейин у статистикадан фалсафага ўтди. У юксак аҳамиятга эга бўлган масалаларга — ижтимоий проблемаларга қизиқа бошлади: камбағал синфларни ахлоққа ўргатиш, балиқчилик, каучук, темир йўллар ва ҳоказолар билан қизиқа бошлади. Бора-бора ўзининг мешчанларга хос хулқ-авторидан уяладиган бўлди. У киборларча «хулқ-автор»ни ўрганишга тиришди, ҳатто чека бошлади! Ўз мәҳмонхонаси учун иккита «ажойиб» Помпадур услубида ясалган ҳайкалча сотиб олди.

Лекин у дорихонасини ҳам унутмади. Аксинча, у ҳамма янги ихтиrolардан хабардор эди. У шоколад ишлаб чиқаришининг тез суръатлар билан олга кетаётганини кузатиб борарди. У Қуий Сена департаментида биринчи бўлиб «шо-ка» ва реваленция киргизди. У Пульвермажернинг гидроэлектрик занжирларининг ашаддий тарафдори бўлиб олди, ўзи ҳам шу занжирларни тақадиган бўлди. Ҳар куни кечқурун у фланел нимчасини ечганда, эрининг бўйнига ярашиб турган олтин занжир Оме хонимнинг кўзини қамаштирас, шундай пайтларда худди скифга ўхшаб совут кийган, сеҳргар каби ҳамма ёти ялтираб турган эри унда кучли ҳирс қўзғатарди.

Фармацевт Эмма қабрига мармар тош қўйиш учун ҳам ғалати лойиҳа тузиб қўйган эди. Энг олдин у дарпардали тош устун бўлагини қўйишни, кейин эҳром, кейин овасто ибодатхонаси шаклида ҳайкал ёки бўлмаса «хароба тошларини» ўйиб қўйишни таклиф этди. Ҳар бир лойиҳада албатта унингча, қайғу аломати бўлган мажнунтол бор эди.

У Шарль билан Руанга жўнади ва у ердан дўсти Бридунинг таниши хушчақчақ Вофрилар исмли расомни олиб қабристонлар учун мармар тошлар ясадиган корхонага боришиди. У ерда юзлаб лойиҳалар билан танишиб, харажатларини белгилаб, кейин яна бирров Руанга келишиди, Шарль охирида орқа томонида ҳам, олдинги томонида ҳам сўниб бераётган машъал ушлаган доҳий сурати ўйиб солинган сагана тошини танлади.

Тош устига нима ёзиш масаласига келганда фармацевтга ҳаммадан кўпроқ: Sta, viator¹ жумласи ёқарди,

¹ Тўхта, сайёҳ! (лог.).

лекин охирини ҳанақа сўз билан тугатишни билмасди. У узоқ бош қотирди, тўхтовсиз: *Sta, viator... деб такрорларди. Ниҳоят шу гап миясига келиб қолди: Amabilem conjugem calcas!*¹ Ва шу маъқул топилди.

Шуниси қизиқки, Бовари доимо Эмма тўғрисида ўйласа ҳам уни эсидан чиқариб юбормоқда эди. Шунча урингани билан унинг сиймоси хотирасида сўна бошлади. Лекин тушига ҳар кечада кирарди. Тушн бир хил бўларди: Шарль Эммага яқинлашар, қучоқламоқчи бўлар, аммо у бунинг қўли тегиши билан ғойиб бўларди.

Бир ҳафтагача ҳар оқшом у ибодатхонага қатнади. Дастрлабки кунларда аббат Бурнисъен унинг олдига бир-икки бор келди, кейин бутуилай келмай қолди. Фармацевтнинг гапига қараганда у чол ниҳотда мутаассиб бўлиб қолган, у ҳозирги одамларнинг аҳво-ли руҳиясини қоралар, ҳафтада бир марта ибодатга келганларга хутба ўқиб туриб, албатта, Вольтер ўлиш олдидан ўз нажосини еган, бу ҳаммага ва ҳар бир кишига маълум ва равшан, деб гапирав эмиш.

Бовари харажатларни жуда ҳам камайтирди, лекин барибир эски қарзларни уза олмади. Лере векселларни кўчириб ёзишга рози бўлмади. Шарль олдида яна янгидан «ким ошди» савдоси кўндаланг бўлди. Шунда у онаси мурожаат қилди. Онаси ўз ер-мулкини гаровга қўйишга рози эканини билдириб хат ёзди, лекин Эммадан ҳасрат қилишдан ўзини тия олмади. Ўз майфатларидан кечиши эвазига, Фелисите ўғирлаб кетган нарсалардан қолган биттагина рўмолни сўради. Шарль унинг илтимосини рад қилди. Улар яна уришиб қолишли.

Бошлаб ярашишни онаси таклиф қилди. У Бертани ўз тарбиясига олишини, жуда ҳам ёлғиз, ғариб бўлиб қолганини ёзди. Шарль рози бўлди. Лекин худди ажралиш пайти келганда Шарлнинг юрак-багри эзилиб, жудоликка бардош беролмади. Шундан кейин улар батамом бир-бирларидан юз ўғиришиди.

Шарлнинг ҳеч кими қолмади, у қизига тобора боғланиб бормоқда эди. Лекин унинг кўринишни Шарлни

¹ Тўхта сайёҳ, сен севгили хотинимнинг (хокини) поймол қиласан! (лот.).

ташвишга соларди. Берта йўталар, ёноқларида қизилдоғ пайдо бўлганди.

Аксинча ҳар томондан иши юришиб кетган фармацевтниң оиласи кундан-кун яшиаб, хушчақчақлик билан кун кечирмоқда эди. Наполеон лабораторияда отаси Омега ёрдам берар, Аталия унга фескалар тикар. Ирма мураббо банжаларга ёпиш учун қофоздан тўга ракчалар қирқар, Франклин кўпайтириш жадвалини сувдек биларди. Дорихоначи энг бахтиёр ота ва энсиомади юришган одам эди.

Лекин одамзоднинг кўзи тўядими? Иззатталабдин унинг ич-этини кемираради, у нишон олишни истарди! Бунинг учун унинг қуидагича асослари бор эди:

Аввало, вабо вақтида у қўрқмай, виждон амрига бўйсуниб ишлаган, иккиламчи, у ўз ҳисобига кўп асарларини нашр қилдирди, бу асарлар жамоатчилик манфаатлари учун ёзилган, чунончи... (шу ерда у ўзининг «Сидр, уни ишлаб чиқариш ва унинг таъсири» китобини, кейин тукли ўсимлик битлари ҳақидаги кузатувлари ва бу ҳақда фанлар академиясига юборган ҳисоботи, кейин ўзининг статистикага доир асари ва ҳаттоки, дорилфунунда фармакология темасида ёзган диссертацияларини нашр этган. Булардан ташқари, у бир неча илмий жамиятларнинг аъзоси бўлган (ҳақиқатини айтганда биттасига аъзо бўлган, холос).

— Ниҳоят,— томдан тараша тушгандек якунларди у,— ўт тушган пайларда менчалик жон куйдирадиган одам бўлмайди!

Шу мулоҳазалар билан у ҳокимият томонига ўтиб олди. Сайлов вақтида у вилоят ҳокимига яширинча хизмат кўрсатди. Хуллас калом, у сотилди, у маънавий жиҳатдан бузилди. У ҳаттоки, олий ҳазратлари номига «унинг хизматларини эътиборга олишларини» сўраб, арзнома ёзди ва подшоҳни «бизнинг мурувватли қиролимиз», деб атади ва уни Генрих IVга тенглаштирди.

Ҳар куни эрталаб дорихоначи, менинг мукофотланганим ҳақида маълумот бормикин, деб газетани жонжхаҳди билан очиб ўқиёди, лекин бу ҳақда хабар йўқ эди. Ниҳоят унинг тоқати тоқ бўлди ва боғида юлдуз ордени шаклида гул экиб ўстирди, унинг тепасидан, лентага ўхшатиб узунасига ўт эктириди. Фармацевт қўлинин кўксида чалиштириб гулзор атрофида кезар ва

ҳукумат бошлиқларининг бефаросатлигидан ва одамводнинг нонкўрлиги ҳақида ўйларди.

Шарль хотинига бўлган юксак эҳтироми туфайлими ёки текширишнинг сёкин-аста бориши унга ҳузурхаловат багишлаганиданми, хуллас, Эмма хат ёзадиган палисандр столнинг махфий ғаладонини шу чоқча очмаган эди. Ниҳоят у бир куни стол олдига ўтириди, калитни буради ва пружинани босди. У ерда Леоннинг ҳамма мактублари ётарди. Энди ҳеч қанақа шак-шубҳа қолмаган эди. Шарль хатларни охирги сатрларигача ўқиб чиқди, бурчак-бурчакларгача тинтиди, шкафларни, яшикларни ва ҳатто гулқоғозларнинг орқасигача қаради, у қаттиқ газаб оловида ёнди, телбалардек ўкириб йиглади, додлади. У бехосдан қанақадир қутнчага туртиниб оёги билан унинг тагини кўчириб юборди. У ердан Родольфнинг сурати ва бир тўда ишқий мактублар сочилиб кетди.

Унинг ҳаяжони ҳамманинг кўзига ташланар эди. У куни билан уйда ўтирас, ҳеч кимни қабул қилмас, ҳатто беморларнинг чақириғига ҳам бормасди. Шадарда: «У аламдан ичкиликка берилиб кетди», деган холосага келишди.

Шундай бўлса ҳам баъзан ҳамма нарсага қизиқаверадиганлардан бири тўсатдан боқча мўраларди ва тажжуб билан руҳан эзилган, соқол-мўйлови ўсиб кетган, ҳароб кийинган, қон-қон йиглаб айланиб юрган одамин кўрарди.

Ез оқшомларида у қизини олиб қабристонга кетарди. Улар жуда кеч, бутун майдонда биттагина ойнадан — Биненинг уйидан чироқ тушиб турганда қайтишарди.

Аммо-лекин у ҳозирча ўз қайғуси билан тўла роҳатланган эмасди — у ким билан ҳасратлашишни билмасди. Аҳён аҳёнда Эмма ҳақида гаплашиб ўтириш учун Лефрансуа хонимникига киради. Лекин бу гаплар қовоқхона бекасининг бу қулоғидан кириб, у қулоғидан чиқиб кетар, унинг ўз дарди бор эди: Лере ахирин карвон сарой очди, унга «Тижорат эркатойлари», деб ном қўйди, қўл-оёғи чаққон деб ном чиқарган Ивер бўлса маошини оширишини талаб қилас ва «рақобатчи»га ўтиб кетишини пеш қилиб қўрқитар эди.

Бир куни Бовари отини сотиш учун Аргейль бозорига кетди — унинг бисотида шу отдан бошқа сотадиган

нарса қолмаган эди ва у ерда Родольфи учратиб қолди.

Иккиси бир-бирини кўриб оқариб кетди. Эмманинг вафотидан сўнг Родольф фақат визит карточкасини юборганди, энди ўзини оқлаш учун бир нима деб ғудирлади, лекин сал кейин шунчалик сурбетлилик қилдикি, Шарлни (иссиқ август куни эди) қовоқхонага бир шиша пиво ичишга таклиф қилди.

У Шарлнинг рўпарасида, столга тирсагини қўйиб ўтирас, сигара чекар ва вайсар эди. Шарль бўлса унинг юзига тикилиб, Эммани севган одам мана шу экан-да, деб ўйларди. Шарлнинг назарида Родольфга Эммадан бир нарса ўтгандек туюларди. Бунда ҳандайдир бир жодугарлик бор эди. Шарль ҳозир бу одамнинг ўрнида бўлишни истарди.

Родольф зироат, чорвадорлик, ўғитлар ҳақида гапи-рар, у умумий жумлалар билан қиттак бўлса ҳам, киноя иси чиқиб кетиши мумкин бўлган ҳамма тешикларини бекитишга уринар эди. Шарль унинг гапларини эшитмасди, буни Родольф кўтар ва Шарль юзида ифодаланаётган хотиралар нишонини кузатиб ўтирас эди: Шарлнинг юzlари қип-қизариб кетган, бурун катаклари пириллаб, лаблари титрарди. Бир дафъа Шарль унга шундай ёмон кўз билан тикилдикি, Родольфнинг юраги шув этиб кетди ва жим бўлиб қолди. Бирон дақиқа ҳам ўтмай Шарлнинг юзи ўз ҳолига — қайғули аламзадаликни ифодаловчи ҳолига қайтди.

— Мен сиздан хафа әмасман,— деди у.

Родольф қотиб қолди. Шарль бўлса бошини қўллари орасига олиб кучсиз товуш билан, ўзининг дафдига кўнишиб қолган одамнинг товуши билан такрорлади:

— Мен ортиқ сиздан хафа әмасман!

Шу ерда у умрида биринчи марта баландпарвоз услугуб қўллаб:

— Бу тақдир ўйини! — деди.

Бу ўйинга Родольфнинг ўзи бошчилик қилган эди, энди у Бовари ҳақида ўйлар, бунинг ўрнида шунчалик бепарво бўлиш керакмас, у тасқара ва ҳаттоки қисман жирканарли одам экан, деб ўйларди.

Эртаси куни Шарль боқقا чиқди ва шийпоичадаги скамейкага ўтирди. Панжаралардан қуёп шуъласи тушар, қум устига ёввойи ток баргларининг сояси

тушиб турар, ясмин хуш ис тарқатар, осмонда булут ҳам йўқ, гуллаб ётган илуфарнинг атрофида тилла-қўнғизлар ғувиллашарди, худди ёш йигитлардек, ғамбода қалбини тўлдириб келаётган севгининг ноаниқ тўлқинидан Шарлининг нафаси бўгилди.

Соат еттида уни овқатга чақириб қизи келди. Берта у билан бутун кун кўришмаган эди.

Шарлининг боши орқасига ташланган, қовоқлари берк, оғзи очик, қўлида бир тутам тим қора узун соч.

— Дада, юр овқатга! — деди қиз.

Берта уни ҳазиллашяпти деб ўйлаб астагина туртди, у гуп этиб ерга қулади. У ўлган эди.

Бир ярим кундан сўнг дориҳоначининг илтимоси билан жаноб Каниве келди. У ўликни ёриб кўрди ва ҳеч қанақа касал топмади.

Мол-мулклар сотилиб бўлгандан сўнг ўн икки франк етмиш беш сантим пул қолди, бу мадемуазель Боварининг бувисиникига этиб олишигагина етар эди. Кампир ўша йилиёқ қазо қилди, Руо ота фалаж бўлиб қолди, Бертани холаси ўз тарбиясига олди. У ниҳоятда муҳтоҗликда яшарди, шунинг учун Берта йигирав фабрикасига ишга киришга тўғри келди.

Боварининг вафотидан сўнг Ионвилда уч марта врач алмашди — уларнинг ҳаммасининг бошига жаноб Оме етди. Унинг беморлари ошиб-тошиб ётарди. Ҳукумат идоралари унга панжа орасидан қарайди, афкори омма унинг сирини бекитади.

Яқинда у Ҳурматли Легион ордени олди.

МУНДАРИЖА

БИРИНЧИ ҚИСМ	5
ИККИНЧИ ҚИСМ	79
УЧИНЧИ ҚИСМ	253

На узбекском языке

Гюстав Флобер

ГОСПОЖА БОВАРИ

**Перевод с издания
Гослитиздат. Москва. 1959 г.**

**Нашриёт редактори *М. Турсунов*
Рассом *М. Соркин*
Реммлар редактори *А. Бобров*
Техн. редактор *В. Барсукова*
Корректор *М. Ахмедова***

Босмахонага берилди 28/Х-1975 й. Восишиги рухсат
оғизди 26/1-1976 й. Формати 84×106^{1/2} м. Восми я. 12,0.
Шаҳ, оғиз босми я. 20,16. Насир. я. 19,0. Тиражи 30000.
Гафур Гулом комидаги Адабийт за салъят кам-
ришти. Тошкент, Навоий кӯчаси, 30. Шартно-
ша № 32-69.

Фарзалистон ССР Министрлар Советининг Нак-
райтилар, полиграфия ва китоб савдои инчлари
бўйича давлат комитетининг 1- босмахонасида
№ 3 ишогига босилди. Тошкент, Ҳамза кўчаси, 21.
1976 й. Вакоз № 852. Вадоси 86 т.